


田表
卷之六
一
卷之六
田表
卷之六
一
卷之六
田表
卷之六
一
卷之六
田表
卷之六
一
卷之六
田表
卷之六
一
卷之六



國立中央圖書館, TAIWAN, R.O.C.



開帙十二奏疏伉直危切自魏鄭公陸宣公外千古
所罕見也其詞多對舉文體亦相近范文正公墓誌
謂奏凡五十二上文集五十卷然則集外所遺者多
矣 壬子清明前一日校竟書芸楷
北宋諸臣奏議中有上太宗論旱災論邊事兩篇此
集不載鈔附於末 丁巳嘉平再記

此致文勳公親筆識語朱筆所書字迹秀挺乃
嘉平鄭中修行可以重賞得諸漢上蔡氏
舊藏也行內批至南昌假錄一過以備刊
入字八集甲戌年三月二十日書

宜秋館精鈔本

田表聖奏議序

眉山蘇

軾

撰

故諫議大夫贈司徒田公表聖奏議十篇嗚呼田公
古之遺直也其盡言不諱蓋自敵以下受之有不能
堪者而况於人主乎吾是以知

二宗之聖也自

太平興國以來至于

咸平可謂天下大治千載一時矣而田公之言常若
有不測之憂近在朝夕者何哉古之君子必憂治世
而危明主明主有絕人之資而治世無可畏之防夫

有絕人之資必輕其臣無可畏之防必易其民此君子之所甚懼也方漢文時刑措不用兵革不試而賈誼之言曰天下有可長太息者有可流涕者有可痛哭者後世不以是少漢文亦不以是甚賈誼由此觀之君子之憂治世而危明主法當如是也誼雖不遇而其所言略已施行不幸早世功烈不著於時然誼嘗建言使諸侯王子孫各以次受分地文帝未及用歷孝景至武帝而主父偃舉行之漢室以安今公之言十未用五六也安知來世不有若偃者舉而行之歟願廣其書於世必有與公合者此亦忠臣孝子之

宜秋館精鈔本

志也

田司徒墓誌銘

朝散大夫行尚書吏部員外郎潤州軍州兼管内提舉橋道勸農事騎都尉賜紫金魚袋仲淹撰

公諱錫字表聖世為京兆人唐德之衰徙家于蜀昔武王封舜之後於陳春秋時公子完如齊子孫遂大食采於田而命氏焉厥後將有穰苴相有千秋斯可謂之著矣大王父易王父成皆隱君子也文而不耀父懿因公之貴累贈尚書左司郎中郎中善教于家嘗命公曰汝讀聖人之書而學其道慎無速為期二十年可以從政矣仲淹服其訓拳拳然博通群書東

序本無方此也

此行係
白馬

游長安與昌黎韓丕復居驪山白鹿觀數年器志大成拔王府薦有聲于京師

太宗皇帝親策天下進士擢公第二人時太平興國三年秋也釋褐除將作監丞通判宣城郡召還改著作郎俄拜右拾遺直史館賜五品服出為河北轉運使改知相州就除左補闕移桐廬郡遷起居舍人還判登聞院尋以本官知制誥進兵部員外郎充職以直言改戶部郎中出守淮陽以留獄之謗左降海州團練副使起為兵部員外郎直集賢院移戶部郎中真宗皇帝即位遷吏部郎中判審官院兼通進銀臺

宜秋館精鈔本

封駁司賜金紫求出典海陵郡還臺兼侍御史知雜拜右諫議大夫史館修撰以咸平六年十二月十一日終于私第享年六十四公自白衣已有意於風化上書闕下請復鄉飲禮又請修藉田禮及在朝廷知無不言

太宗初既取太原攻范陽未下 帝怒不賞平晉之功中外囂然而不敢言者獨公上書論諫理意深切帝感寤璽書褒答賜內帑錢五十萬僚友謂公曰今日之事解矣宜少晦以遠讒忌公曰事君之誠惟恐不竭矧天植其性豈一賞可奪耶在河朔暨相州累

章論邊事至桐廬郡以吳越之邦入朝廷未久人阻禮教邈如也而公下車建孔子廟教人詩書

天子賜九經以佑之自是睦人舉孝秀登搢紳者比比焉在郡聞禁中火拜章極言上嘉之及還眷遇愈隆會乾明節館閣中多進歌詩

帝獨喜公之辭乃依韻和賜令宰相宣付公又上封禪書謂五代之亂人如豺虎不圖復見太平宜崇檢玉之禮以答天意公在西掖會京畿大旱禱祠無應遂抗言切於時政故有宛丘之行咸平初出使秦隴回上三章言陝西數十州苦於靈夏之役朝廷為之

宜秋館精鈔本

戚然出海陵之初以星文示變拜疏請降詔責躬上奉天誠

真宗皇帝嘉其意屢召對便殿及行降中使撫安仍加寵賚爰有翰林學士承旨宋公白舉公賢良方正以副天下之望一日召對久之且曰陛下以皇王之道為心臣請採經史中切於治體者上資聖覽帝深然之乃具以進詔答曰卿能演清淨之風述理亂興亡之本備觀鑒戒朕心渙然所撰三十編皆隱其目公奉事兩朝由遺補歷御史至諫議大夫前後章疏凡五十有一嘗謂諸子曰吾每言國家事天子

聽納則人臣之幸不然禍且至矣亦吾之分也及終
有遺表陳邦國安不忘危之意其家弗預焉天子怛
然命中使賻之有制痛悼贈尚書工部侍郎二子改
大理評事持喪中並給月俸哀榮之禮可謂至矣後
以二子登朝累贈兵部尚書寶元二年四月二十四
日與夫人合葬于泗州臨淮縣歸化鄉之重崗原禮
也公娶楊氏再娶奚氏封江陵縣君能循法度以配
君子長子曰慶遠今為駕部員外郎次曰慶餘今為
比部郎中並克奉堂構有能政于四方女三人長適
王氏次適龐氏季適張氏皆以婦道稱公動必以禮

宜秋館精鈔本

言必以法賢不肖咸憚服之出家二十年未嘗趨權
貴之門在敗廢中樂得其心晏如也著文章成五十
卷目之曰咸平集行於世論者曰在大禹時臯陶矢
厥謨在湯武時伊尹周公為之訓誥故教化紀綱莫
盛於三代而子孫有天下皆數百年秦滅詩書其風
不紹至西漢得賈誼董仲舒其言可以追先王之烈
而弗克施使後世王者無復起三代之心由漢始也
皇宋定天下 太宗銳意太平 真宗之初復親擢
俊乂如田公之徒並見獎用惜乎不終其才豈皇天
之意特厚於古歟仲淹幼聞高風未嘗獲遊其門今

駕部書先君之舊業索文於江外仲淹敢約而修之
又采舊老之言而作銘曰

嗚呼田公天下之正人也言甚危命甚奇盡心
而弗疑終身而無違嗚呼賢哉吾不得而見之
田司徒神道碑陰

溫國公司馬 光 撰

余自始學未冠聞故諫議大夫田公當

真宗踐祚之初求治方急公稽古以監今日有獻月
有納以贊成咸平盛隆之治私心慕仰想見其為人
熙寧中始識公之曾孫偃師尉衍因就求觀公之遺

宜秋館精鈔本

文後十餘年為武勝軍節度推官知沈丘縣事以公
文集及墓銘相示且命余為神道碑其墓銘乃故參
知政事范文正公所為也范公大賢其言固無所苟
今其銘曰嗚呼田公天下之正人也雖復它人竭其
慕仰之心頌公之美累千萬言能有過於此乎余於
范公無能為役范公恨不得見田公果如何人哉余
不惟愚陋不學且不為人作碑銘已久不敢奉命然
常怪世人論譔其祖禰之德業壙中之銘道旁之碑
必使二人為之彼其德業一也銘與碑奚以異昌若
刻大賢之言既納諸壙又植於道其為取信於永久

豈不無疑乎願審思之脫或可從請附刻於碑陰之末

宜秋館精鈔本

咸平集目錄

第一卷

奏議

上

太宗應詔論火災

上

太宗答詔論邊事

上

太宗論軍國要機朝廷大體

上

太宗條奏事宜

上

真宗乞早建儲園

上

真宗進經史子集要語

上

真宗論制科當依漢制取人

咸平集目錄

咸平集目錄

六

國家圖書館 NATIONAL CENTRAL LIBRARY, TAIWAN, R.O.C.

上 真宗乞賑給河北飢民

上 真宗論輕於用兵

上 真宗論點集強壯

上 真宗論揀選強壯壯失信

上 真宗乞詢求將相

第二卷

書

請復鄉飲酒禮 請修籍田

貽陳季和 貽宋小著

第三卷

宜秋館精鈔本

書

貽杜舍人 上中書相公

答胡旦胡旦書附 答何士宗

貽梁補闕周翰

第四卷

書

貽青城小著 上開封府判

上宰相

第五卷

古賦

諸葛臥龍

鄂公奪槩

倚天劍

第六卷

古賦

疊嶂樓

積薪

望京樓

依韻和呂杭早秋

第七卷

古賦

籌奩

春雪

菊花枕

長至

宜秋館精鈔本

第八卷

斑竹簾

楊花

律賦

西郊講武

聖德合天地

五聲聽政

泰山父老望登

群玉峯

第九卷

律賦

鴈陣

開封府試人文化天下

南省試聖人並用三代禮樂

此行插寫一

國家圖書館, NATIONAL CENTRAL LIBRARY, TAIWAN, R.O.C.

御試不陣而成功 春色
曉鷺

第十卷

論

政教何先

妖不勝德

天機

復井田

第十一卷

論

伊尹五就桀

知人安民孰難

羊祜杜預優劣

直

宜秋館精鈔本

晁錯

第十二卷

論

水旱

斷

問喘牛

開封府試守在四夷

御試登講武臺觀兵習戰

第十三卷

箴

相

將

嫉惡

用材

求名

規過

守默

聽

視

第十四卷

銘

湯盤後

白獸樽

夏鼎

卜臺

几

杖

劍

孟

硯

筆

宜秋館精鈔本

枕

盤

弓

箭

珮

尺

鍾

後序

第十五卷

律詩

花雨

寄蒲城宋白小著

離懷

自勉

夏日即事

春雨

樽前吟呈宋白小著

國家圖書館, NATIONAL CENTRAL LIBRARY, TAIWAN, R.O.C.

代牡丹酬荅

多情

寄韓丕進士

覽韓渥鄭谷詩因呈太素

渭北即事

醉題紅葉

寄題象耳寺

促織

憶梅花

和太素春書

早春書事憶遊京國

覽太素親編

吟情

和宋玄對雪

冬夕書事

對酒

暮冬遇蕭霸赴任

殘冬書事

寄梁周輔楊徽之宋白

宜秋館精鈔本

寄宋準

和宋太玄臘日

書懷

渭北春盡思蜀洛

即事

晚望寄宋太素

幽居

府解後詔旨權停貢舉

御試二儀合德詩

寄陳處士

望嚴陵釣臺

寄陳處士

登疊嶂樓

和安儀鳳

送安儀鳳

寄樊郎中

謝晏公

早秋言懷

第十六卷

律詩

寄江南諸相知并序

乾明節祝 聖壽

相州郡樓贈高祕丞

贈楊監察 郡樓書懷

池上 暮雨

中夜聞泉 古懷

呈楊侍御 除夜

元日 漳川即事寄韓丕

紅樹 聖節有懷

宜秋館精鈔本

秋夜有懷 釣臺懷古

郡齋書事 暇日偶題

桐江即事 秋霖

和溫仲舒殘春遣懷

郡中意遣 桐江詠

偶題 七里灘

和溫仲舒寄贈 和溫仲舒感懷

倚樓 秋懷

題天竺寺 茱萸堰泊

第十七卷

抒寫行

古風歌行

讀翰林集

寄宋白拾遺

塞上曲

塞下曲

結交篇

投抒詞

擬古十六首

第十八卷

古風歌行

千金答漂母行

雉媒

驚水詠

辯感篇

江南曲三首

贈宋玄進士

宜秋館精鈔本

華清宮詞

曉鶯

晚雲曲

御溝

惜春詞

風箏歌

聖主平戎歌

第十九卷

古風歌行

西樓殘月歌

倚柱吟

李謨吹笛歌

峨嵋山歌

采蓮曲

紫雲曲

春洲謠

夜宴詞

送春

暮雪

短歌行

贈宋小著

琢玉歌

第二十卷

古風歌行

酬陳處士詠雪歌

桐谿行

苦寒行

酬桐廬知縣^刀衍歌

贈別琅邪評事兼寄兩制舊友

酬宋湜賈黃中二學士菊花之什兼呈諸學士

進瑞雪歌

留別句中正學士

宜秋館精鈔本

代書呈蘇易簡學士希寵和見寄

送韓揆赴闕

思婦引

婦去來

第二十一卷

頌

河清

籍田

太平

武有七德

祝網

五聲聽政

第二十二卷

策

制策

試同人

私試

開封府試

試進士

開封府發解

設邊吏

第二十三卷

表

謝御製和詩

進籍田

進文集

進河清頌

賀德音

賀正

賀冬

進乾明節詩

宜秋館精鈔本

謝勅書獎諭

謝除右補闕

賀曹彬奏捷

賀潘美勝捷

賀容懷意勝捷

賀潘吉勝捷

賀李規勝捷

賀張明勝捷

賀簡昌壽勝捷

賀張冲勝捷

賀盧漢斌奏捷

第二十四卷

表

賀田重進奏捷

賀南郊

謝轉起居舍人

陳州謝恩

海州謝恩

謝量移單州

謝特授工部員外郎

代李給事讓密地 賀傅潛奏捷

賀冊尊號

第二十五卷

表笏記附

賀大赦

謝加勳

行在起居

賀聖駕還京

賀德音

賀老人星見

賀克復益州

賀殺下王均

宜秋館精鈔本

遺表

謝知制誥笏記

謝除工部員外郎笏記

謝直集賢院

謝復戶部郎中

謝皇太子

謝改吏部郎中直館笏記

謝改賜章服

謝充彭城郡王生長使

謝兼侍御史知雜

謝改諫議大夫

謝覃恩

第二十六卷

奏狀

謝卹刑

謝賜冬衣

賀德音

謝賜曆日

進賀聖節

代宰相謝社日宣賜

謝除姪男漣水主簿

謝加朝散大夫階

謝賜御製雪詩

進瑞雪歌

進瑞麥

進賀南郊

第二十七卷

奏狀

進應制詩

謝賜九經書

乞漣水寄居

乞許漣水寄居

謝男姪昌裔加階

乞直館

宜秋館精鈔本

駁

奏魏廷式封駁

秦州謝上

秦州乞替

謝得替

謝賜御賜社日詩

謝賜御賜重陽詩

進撰述文字草本

謝內降劄子獎諭

奏乞不差出

奏蔭長男慶遠

謝傳宣

知雜後謝傳宣

謝宣賜弟亡孝贈

謝聖旨許諫事

轉諫官後謝傳宣

謝兼史職

謝撫問

奏蔭次子慶餘

第二十八卷

制誥

王氏封琅邪縣君

王光國衛州司理

三司大將加恩

仇延郎銀青階兼官

李克文落起復依舊端州刺史

趙沂將作監丞

趙希贊秦州刺史

張適父好問授太子左贊善大夫致仕并妻封邑號

麻希夢守工部員外郎

梁宜舊官

劉寅蒲城令

王仲華潘太初等母封太君

陳文顯起復雲麾將軍

宣統館精鈔本

李簡能著作佐郎

盧倩華州鄭縣令

滕玄錫舊官

李日休本軍司理

李準光祿寺丞

張守中許州別駕

蘇德祥殿中丞

王明禮部侍郎

夏侯延祐廬州巢縣令

高麗使副判官等授官

高麗職員軍將等授官

禁軍將校授官

鍾文極黃州黃陂令

孫運左贊善大夫致仕

鄭德明陳州項城簿

王繼榮宜祿簿陶化成耀州司法方寧和州歷陽令

呂單舊官

王九言宋州觀察支使

馬守榮諸司副使

劉承德濠州團練副使劉永恭潁州團練副使劉永知唐州長史

傅班廬州錄事參軍

張自明右贊善大夫賜緋

李壽祕書丞依前充職

韓勵已臨淄簿王崇吉建陽簿

宗文式東嶽廟主簿

李處耘贈寺中

郭文集邢州平鄉令

宜秋館精鈔本

吳衡密州安丘令陳吉甫陳州商水尉劉鼎晉州汾西簿

李昭嘏濮州鄆城令

宋鎬監察御史

程文度監察御史充荆湖轉運使

宋允元國子監博士

源護兵部郎中依前知州

石保興落起復加金紫光祿大夫依舊官

張崇敏康延弼將軍

陳文廣陳州南頓令林思問耀州華原令

李涉宛丘簿

党待問鄆州盧縣簿

胡旦知制誥

劉澤光州司理判官

趙日用徐州彭城主簿

宋可觀許州司理

劉文裕贈遠_寧軍節度使

朱澤右贊善大夫 盧顯忠廬州合肥令

供奉官殿直殿前承旨加恩

李繼敏東明令 褚德臻穀城令

郭堯卿殿中丞

御史臺孔目官門下省雜事南曹諸司勒留婦司等官可中書省

主書門下省主事千牛衛長史及簿尉司馬勒留

宣統館精鈔本

并出外縣簿尉

宋若拙著作佐郎

第二十九卷

制誥

諸衛上將軍宋渥等加恩

王世隆魏亮並加階勳

張文琇大理寺丞 李慕青光祿寺丞

鄭子捷揚州參軍 追官人高紳等授官

馮源永清軍書記 路表正河南府推官

宋純密州安丘簿 內班都知押班已下加恩

楊異舊官

李文益太府寺主簿

李若拙鹽鐵判官

幕職加官

劉巨川太常寺太祝

林嶠等加官

堂後官十人轉官

守當官二十人受官

劉保勳贈工部侍郎

劉昇京兆府鄠縣令

趙全本州左司理

開封府祗候都孔目官左右軍巡使及諸王府內知客等加恩

白守琪崇儀副使

李繼捧祖母等封太夫人

直史館精鈔本

折御冲崇儀副使加階勳

沈倫追封魯國公

張茂宗西京作坊使

宰臣三代追封

皇姪孫惟叙等加官

致仕分司等官加恩

押東郊進奉衙內指揮使并衙前職員等加恩

翰林書畫琴阮醫藥等侍詔加恩

李恭等五人簿尉

張仁操等除官

攝太祝郭賁正太祝

知制誥制

拾遺直史館制

著作直館制

諫議大夫制

幕職州縣官料錢勅

第三十卷

考詞

錄事參軍朱適

涇縣簿王中古

太平令賈昭偉

太平簿張誦

南陵令孫甚夷

南陵簿楊光益

寧國簿康震

宣城令毋克温

司法參軍張玄珪

涇縣簿王中古

旌德簿劉德元

錄事參軍朱適

南陵令孫甚夷

南陵簿楊光益

宣水官清抄本

寧國簿康震

司法參軍張玄珪

宣城令毋克温


太平簿張誦

太平令賈昭偉

涇縣簿王中古


咸平集目錄卷終

稿下



國家圖書館, NATIONAL CENTRAL LIBRARY, TAIWAN, R.O.C.

宜秋館精鈔本



卷之三

咸平集卷第一

奏議

上太宗應詔論火災

雍熙元年六月詔曰朕以不敏不明託於兆人之上夙夜祇惕罔敢怠荒賴九廟儲祥上天垂佑萬務粗治于今九年而數日前迅雷之中烈大遽作既延災於正殿蓋示譴於眇躬抑畏震驚不遑寧處上天警戒必有由然豈非刑賞之有愆措置之未當或近習之

京兆田錫

屏蔽致物情之壅塞賦調未得均一賢良多
所淪滯有一于此是數政經予心惕然思聞
其失內外羣臣等所宜各竭忠懇共申謹議
必期無隱朕將覽焉

臣伏念臣才謀不迨於古人職以忝居於諫省敢不
常思補報用答休明六年九月十三日詣閣上書昧
死言事 陛下於是下御札俾人直諫降敕書獎臣
敢言七年十二月十四日又再上奏疏入遞而不知
達與未達直言雖求用而行與未行今日 陛下有
所因方渴聞至言有所為方切待直諫引咎自戒修

以

四

龍字

宣統館精抄本

德彌新臣謂責在近臣而不在聖躬罪在臣輩而不
在 陛下日近 陛下有朝令夕改之事由制敕所
行時有未當而無人封駁者給事中之過也給事中
若任得其人制敕若許之封駁則所下之敕無不當
所行之事無不精事無不精則垂為典彝敕無不當
則編為格式豈有朝令夕改之弊豈有不精不當之
虞也臣又見 陛下有捨近謀遠之事由言動所為
未合至理而無人敢諫諍者是左右拾遺補闕之過
也今遺補是侍從之臣而不得在左右職分當獻替
之事而未有上封章自此國家舉事有不便於時遺

臣

史

補不敢諫朝廷法令有不合於道遺補不敢言加以
時久昇平天下混一致 陛下謂昇平自得資

陛下以功業自多日遷月移浸成聖性左取右奉無
非睿謀所以 陛下出一言乃以謂湯武可偕

陛下行一事乃以謂堯舜可繼自纘大位于今九年

四方雖寧萬國雖靜然刑罰未甚措水旱未甚調

陛下謂之太平誰敢不謂之太平 陛下謂之至理

誰敢不謂之至理方欲為民求福報天之功有事於

太山展禮於上帝人謀雖克天意未從火於禁中將

覺悟於英主詔下海內遂布告於輿人近臣聞

宜秋館精鈔本

陛下感悟之言寧不惕厲諫官閱 陛下憂勤之詔

誰不彷徨臣所以謂過在近臣不在 聖躬罪在諫

官不在 陛下臣死罪死罪然臣兩度上疏而

陛下不用一二今臣在外而 陛下委之以分憂碌

碌碌隨還憂曠遺之靡暇皇皇有志思諫諍之未能今

幸天啟聖心神贊皇運感 陛下虛佇待犯顏之諫

致 陛下專精求逆耳之言臣是以再罄愚衷復伸

鄙見臣所謂 陛下有朝令夕改者試舉其一二以

明之置而尋廢者農師也禁而不嚴者車服也臣所

謂 陛下有捨近謀遠者試舉其一二以明之宰相

未厚在也雖

有作未厚

未厚在也雖

貴

不得用人而委員外郎差遣近臣專受責而求令錄
封章也自此章奏必多聽用必廣聽用既廣則條制
必繁條制既繁則依從者少既依從者少則是法令
不行法令不行則由規畫未當有如前年敕下令鄰
近州府玄差司理判官至今年敕下却令本州仍舊
差置又如前年敕下應征科官吏限前得了即與超
陞限外未了即當降黜即不以縣有大小之分稅有
難易之征土田沃瘠之不同歲時豐稔之不等風俗
勤惰之各異官吏能否之各殊而一概以程限所拘
一例以陞降為定自後未聞限外欠者降一官限前

宣統館精抄本

了者陞一人此無乃垂之空言示之寡信乞今後凡
有所奏或有所陳幸 陛下察而審之令大臣議而
行之蓋臣下言之則謂封章 陛下行之則出為法
令法令可簡而不可使繁制度可永而不可屢變變
易不定是彰思慮之不精繁多難依是令手足之無
措也尚書曰臨下以簡又曰得師者王今宰臣若賢
願 陛下信而用之宰臣非賢願 陛下擇可用而
任之何以置之為具臣而疑之若衆人也百官若舉
其職願 陛下聽而用之百官未稱其職願 陛下
量其才而用之何以置之為備員而待之若冗秩也

永
和
知
何

玄
任
至
後
在
後

寵素臣

依三格

此篇仙亭傳寫
依依本本已一
十一條原以地
脚在任吹萬方
石張

臣謂百職若舉則萬事從而自理百官未脩則萬務從而亦墜必若任而疑之則上下非一心疑而用之則君臣非一體何則疑能生謗謗能生疑疑從謗生則父子之道或偶虧於慈孝謗因疑起則君臣之際或變成於怨尤魏文侯焚謗書 陛下固當知之令狐楚有辯謗論 陛下時宜覽之若然則保得臣下始終全得君上恩寵方謂君為元首臣作股肱也

雍熙六年八月時以右補闕知睦州
太平興國六年九月七年十二月兩疏

上太宗答詔論邊事

臣伏觀今月十一日御札宣示内外文武臣僚以北

宜秋館情抄本

鄙多虞戎人為患延佇良策降諭德音詢禦侮之嘉謀問安邊之遠略俾悉陳於異見將擇用其所言臣之顛愚豈足上副宸衷表臣之狂直敢不罄盡鄙懷儻駁納可裨於事宜則明聖不罪於狂瞽臣每讀史傳詳觀古來戎狄騷邊乃是常事朝廷設備自有常規舉其大畧而言之不過訓練師徒選擇將帥廣增蓄脩多置屯田嚴其池城明於斥堠謹於烽火利其甲兵行間謀以離狄心禁侵擾以急敵意待彼羸弱因勢取之候其賓服以德綏之此皆方策備陳采擇可用也捨此則未見禦戎之術用此則在知臨事之宜

兵機則不可定謀邊議則須依古制今具條奏惟
陛下擇而行之

一今之禦戎無先於選將帥既得將帥請委任
責成不必降之以陣圖不須授之以方略
自然因機設變觀釁制宜以此無不成功
以是無不破敵昔漢之西羌犯塞攻城邑
殺長吏趙充國年七十矣上使邴吉問曰
誰可為將充國對曰無踰老臣以是言之
則請令宰臣已下各舉堪為將帥者又令
宿舊武臣素有聞望者亦令自舉然後

宣統館情鈔本

論
作
後

陛下詳擇而用之又趙充國既為將宣帝
遣問曰將軍度羌虜如何當用幾人充國
曰百聞不如一見兵難險度臣願馳至金
城圖上方畧然羌戎逆天背叛滅亡不久
願陛下以屬老臣勿以為憂以是言之
昔充國為老將尚謂百聞不如一見況今
委任將帥而每事欲從中降詔授以方略
或賜與陣圖依從則有未合宜專斷則是
違上旨以此制勝未見其長伏乞速命宰
臣令舉良將及令素有聞望宿舊武臣自

舉其能及舉所知者也

一將帥行恩信卹士卒必豐財貨方得士心昔趙奢為將所得王之賞賜盡與軍吏又李牧為將軍市之租皆用享士卒魏尚守雲中其軍市租盡以給士卒出私養錢享賓客軍吏是以匈奴不近雲中之塞今國家所命將帥雖古今異宜凡有給賜今則誰敢效古散家財賞士卒去吝嗇有幾何人哉若以年年供億輓運老師費財曷若厚給將帥使之賞用也又聞近侯伯亦有廳

哉
也

繫
也

直三五十人習騎射為心腹每出入陣敵得以廳直隨身翼衛主帥後來不敢養置昨來楊業陷陣訪聞亦是無自己腹心從人護助捍禦以致為狄之所獲今雖時異事殊然廢置利害亦繫詢訪行之

一今之禦戎以沿邊諸郡有勇智者命為刺史委之自用方略警急利便事訖方奏使人各盡其才術此必為陛下各立殊勲控制侵侮昔後漢郭伋為漁陽太守時匈奴數抄郡界邊境苦之伋乃整飭士馬設

攻守之略匈奴畏憚不敢入塞人得安業
在職五歲戶口增倍又張堪為騎都尉破
匈奴於高柳拜漁陽太守捕繫姦猾賞罰
必信人皆樂為用匈奴以萬騎入漁陽堪
乃率數千騎奔擊大破之郡界以靜乃於
狐奴開稻田八千餘頃勸人耕種以致豐
富百姓歌之視事八年匈奴不敢犯塞以
此言之則沿邊諸郡請令擇有智勇者為
刺史必副 陛下之憂寄也

一今之禦戎更在悅取軍情凡經揀退尚堪力

役者却與元本料錢其歿陣及守戍死亡
兵士所有在營老幼宜矜憫優恤或給賜
令各存活勿使寒飢無所歸向又不可取
充洒掃裁縫之隸其次揀中新招到軍雖
稍有身首人才未宜便令管轄舊人須是
經歷行陣稍知軍伍次第微有勞效者方
令充節員所貴已下亦各甘心兼易為驅
使若曾有功勞未得優賞者即乞別作名
目優異酬賞臣未知朝廷府庫錢帛之大
數亦不知國家支費用度之眾寡若

陸下省罷塔廟之費耗廻充軍旅之賞給
則孰不革其怨心孰不致其死力若是破
敵必副 陸下平戎之心也

一今之禦戎亦宜別設條例等第立賞若得一
堡壘或復一障亭與某官與若干賞賞不
踰時必誠必信條例不煩令軍中曉會此
必有果敢智謀之士副 陸下之立賞也
一今之禦戎又宜以重賞召募敢死之士仍以
古來選士之科以取士卒亦於軍中擇取
應得選士之條目令舉其六七更可詳酌

宜水信情抄本

增損且據兵書言之取曾習韜鈴者有謀
畫者又取能知敵情偽者取能知山川險
易徑路迂直者取強力過人能斬虜寨旗
者又取往復數百里不及暮至者又取能
破格舒鉤或負數百斤行五十步者又取
趨捷若飛能踰塹壘出入無形堪窺覘者
各區別技能置立部分以副將帥之指使
也

一今之禦戎外則委任將帥內則詢謀宰臣行
一事必使宰臣知之出一詔必令宰臣議

李相下極十一頁
十二行三音等

此乃儲備而為

以備也

意其有未條誤
篇在此處則

之臣聞前年出師向北命曹彬以下欲取
幽州是侯利用賀令圖之輩悞惑聖聰陳
謀畫策而宰臣昉等不知又去年招置義
軍刺配軍分宰相見在軍儲支得幾年若
是無九年之糧實為無備若是無三年之
糧實為窘急若不窘急則何以科校婦女
而納草添注河水而待漕運也

一今國家富有天下精卒利兵計有百萬然無
將帥為陛下治兵昔吳起為將為士卒
吮癰霍去病為將漢帝欲為治第去病曰

匈奴未滅何以家為竇嬰為將得所賜金
千斤陳於廡下軍吏過者輒量取為用未
喻陛下以今之將帥如吳起霍去病否
若以臣所見則將帥必無其人何以知之
將帥肯為士卒吮癰乎若賜第宅肯不要
乎將帥非材即無威名何以使匈奴望風
而懼今有居顯位食厚祿為國之謀即不
足奉身之謀即有餘何以副陛下致太
平之心何以致陛下成清淨之理然以
臣所見凡小小公事不勞陛下用

心若以社稷之大計為子孫之遠圖則在乎舉大略求將相帝王之大體也設如人欲理身先理心心無邪則身自正欲理外先理內內既理則外自安臣謂邊上動由朝廷動之邊上靜由朝廷靜之任賢相於內則百職舉而紀綱振委良將於外則四夷靜而邊鄙安臣之愚衷備於此矣已然之患既 陛下徧訪直言未然之虞乞 陛下常切留意

一已上條奏悉是國家已然之事所以勞

陛下謀及卿士詢于芻蕘凡百臣僚悉陳所見然臣謂國家復有未然之事得不為陛下言之得不為 陛下憂之今戎主一媿而已用黠虜為謀主頗有輕中國之志今春夏必漸退秋冬必復來制之禦之惟在前所籌數事而已若將來狄人禦之而不去邊境備之而未寧加以匈奴間謀於西蕃漢家未斷其右臂即秦隴千里之外瓜沙玉關之西恐非國家之所有萬一兵歎相仍寇盜多起此時何以謀之此時何

以禦之聖人不能不灾而能禦史今

陛下聖德合天三邊普等亦不知之豈有
議邊陲發師旅而宰相不與聞若宰相非
才何不罷免宰相可任何不詢謀今宰相
普三入中書再出蕃鎮重望碩德元老大
臣人所具瞻事無不歷乞 陛下以軍旅
之事機密之謀悉與籌量盡其規畫此乃
國體君父至公臣聞偏信生姦獨任成亂
候利用賀令圖等既悞 陛下機宜於前
無令似候利用賀令圖者復悞 陛下機

原振集卷之七
三邊下攝十三葉
十一行
莫廣萬里
日年
普等亦不知
下乃第七條
之儲備

宜於後伏乞 陛下一一與宰臣謀議事

事與宰臣商量悔自前獨斷之明用今後
公共之理則事無不允當下無不盡忠則
大臣之間足以副 陛下憂勤之旨也

一今之禦戎在乎辨邊上奏報之虛實察左右
蒙蔽之有無奏失利則未必盡言報大捷
則不足深信 陛下未當信而先信
陛下本欲知而未知如此何以料安危如
此何以策成敗安危成敗之理乞 陛下
詳而察之

傳氣傳
庫本同

一今之禦戎無先用謀兵書曰事莫密於間賞
莫重於間狄中自有諸國未審 陛下曾
探得凡有幾國否幾國與匈奴為讎若悉
知之可以用重賞行間諜間諜若行則夷
狄自亂夷狄自亂則邊鄙自寧昔李靖用
間破突厥心腹之人自離貳也書在唐史
其事可知今募能往絕域聞亂蕃部史交
相侵害如漢之陳湯傳介子之流則不勞
師徒自然歸化此可以緩 陛下憂邊之
心也其餘謹烽火明斥埃亦可以依古法

直水官清少本

為警備趙充國傳曰五星出東方中國大
利蠻夷大敗太白出高用兵深入敢戰者
吉雖天道遠而難知然昭昭垂象緯者為
陛下言兵之利害也

一今之禦戎凡召發兵士或儲般糧草亦宜謹
靜勿使喧煩臣竊聞去年於戶稅上折科
馬草及官中和買當買納未足之間即有
使臣催督貧下戶婦女有行科校者又聞
汴河乾淺遂分南河水添注汴河以待漕
運國家計度何在而臨時一至於此輦轂

此亦遠
去對所
庫本入

庫本生條列最後
庫本位
一今之御戎凡召發
兵士以在軍備支得
幾年若無九年
之報亦無二備若
是每三年之報亦
以官之息不為
名則何以科校
女而備備也
水而備備也
再據或稱被報

皇朝集一卷
卷本五此
上卷末上接十一頁
頁十二行三句

之下豈無外國謀人臣即不知國家無虞
萬里晏然居安思危之計得不由未然之
事而預防之此亦禦戎之遠意也

右臣備位掖垣忝司誥命祇奉睿旨俾陳方略昧於

時事思慮不精然於狂愚庶或可采

端拱二年正月上時
為知制誥

上太宗論軍國要機朝廷大體

臣伏念自忝諫垣今已周歲無一言可裨時政無一
善上答君恩蓋以 陛下文明無事可諫朝廷公正
無事可言然尸祿曠官憂慙益切盡忠補過夙夜寧
忘今輒以軍國要機朝廷大體布在一疏上達四聰

伏乞 陛下察而恕之容而用之臣所言軍國要機
者一朝廷大體者四今為 陛下引論而言之臣聞
古先聖人牢籠天下弛張審略舒卷人心使萬人之
心如一心四海之意如一意有若叙馬又如鑄金善
叙者使之馳則馳使之止則止善鑄者使之圓則圓
使之方則方苟失其機又失其時則萬人不一心四
海不一意亦猶不善馭馬不善鑄金使之馳而不馳
使之止而不止使之圓而不圓使之方而不方若是
則危與亂雖未萌而不得不憂機與時雖未失而不
得不懼故古人云居安思危又曰理不忘亂臣每念

伏乞 陛下察而恕之容而用之臣所言軍國要機者一朝廷大體者四今為 陛下引論而言之臣聞古先聖人牢籠天下弛張審略舒卷人心使萬人之心如一心四海之意如一意有若叙馬又如鑄金善叙者使之馳則馳使之止則止善鑄者使之圓則圓使之方則方苟失其機又失其時則萬人不一心四海不一意亦猶不善馭馬不善鑄金使之馳而不馳使之止而不止使之圓而不圓使之方而不方若是則危與亂雖未萌而不得不憂機與時雖未失而不得不懼故古人云居安思危又曰理不忘亂臣每念

切
即高宗
初年補
山字双行

有唐之末天下分離中原土疆不過千里自先帝
恢張皇業開闢天下平吳取蜀易如破竹唯河東遺
孽終不能平洎陛下舉取之功名光大世宗先
帝所不及也然自河東破後聖駕回旋諸軍之心皆
望賞賜四海之內亦俟霈恩豈謂陛下未單賞捷
之恩未行策勳之禮經今二載所謂踰時今北方之
戎不來朝貢幽州孤壘未復封疆臣以國家兵甲之
強朝廷物力之盛滅戎人甚易取幽州不難然自古
制御蕃戎但在示之以威德示之以威者不窮兵黷
武不勞人費財示之以德者比之如犬羊容之若天

宜秋館精鈔本

地或來朝貢亦不阻其歸懷或背驩盟亦不怒其侵
叛臣伏慮陛下以幽州未取戎賊未平一旦又來
擾邊萬乘復思再駕欲快聖意欲展睿謀雖舉必成
功動無遺筭然臣請陛下或展郊禋之禮或行封
禪之儀因此賞河東之功因此示策勳之信人心懈
怠者復悅軍功勞苦者終酬帝澤滂施物情通泰所
謂陛下駕馭其意鎔鑄其心使之馳則馳使之止
則止使之圓則圓使之方則方苟不以威信鑄其心
思惠馭其意臣恐使之馳則止使之圓則方當是時
陛下必念臣今日之言陛下必思臣今日之諫也

年本錄至古
思氣思

師老解在老師
文德在老師

廣氣崇

文德無以

證存徵
正存貞
况力國下百文

况力國下百文
况力國下百文

况力國下百文
况力國下百文

况力國下百文
况力國下百文

此謂軍國之要機一也又念交州未下戰士無功春
秋謂師老費財兵書曰頓兵挫銳臣聞聖人不務廣
於邊鄙唯務廣於德業武有七德 陛下何不廣之
天生四夷 陛下何須收之必若聖德日新皇風日
遠遠夷自然入貢外域自然來降苟不來降又不入
貢彼國自有灾癘彼人自罹凶荒尚書曰惟德動天
又曰四夷來王周易曰聖人先天而天弗違天且弗
違况四夷乎臣賞讀韓詩外傳言成王之時越裳來
貢九譯而至周公問其所以來其人曰天無迅風疾
雨海不揚波三年矣意者中國殆有聖人蓋往朝之

宜秋館精鈔本

昔太宗征遼魏謩苦諫及正觀太平之後天下州郡
三百有六十羈縻之州有八百屯田置戍悉在外荒
豈是一一加兵然後方來內附今 陛下取交州何
速况大國視交州謂之瘴海去者不習風土兵在彼
中留滯頗久願 陛下且罷斯役暫習南征交州未
平不足損 陛下功業交州既得不足光 陛下威
聲臣但以老師費財為可慮頓兵挫銳為可習蓋征
討之役費用非輕皆生民苦力之悉諸國所供之賦
乞 陛下惜輕費之用望 陛下念征戍之勞此謂
朝廷之大體一也臣嘗讀六典左右拾遺補闕掌供

奉諷諫凡發令舉事有不便於時不合於道者小則上封大則廷諫臣又讀唐書見給事中得以封駁詔書封謂封還詔書而不行駁謂駁正詔書之所失又起居郎起居舍人得在^天階之下備書王者之言今來諫官寂無聲影設使詔書有所失審制敕有不可行給事中不敢封還而不行不敢駁正其所失給諫既不敢違上旨遺補又不敢貢直言其次起居郎起居舍人不得立軒陛之間不得紀言動之事使聖朝好事或有所遺而不聞致陛下德音或有不知而不錄加之御史不敢彈奏左右丞今尚闕員又中書

宜秋館精鈔本

舍人是陛下近臣司陛下誥命臣每於起居日但見其隨班而進拜舞而回未嘗見陛下召之與言未嘗聞陛下訪之以事臣慮其各有所見欲待問而方言各有所陳欲因便而方奏伏乞陛下或詢訪以事或宣召與言冀各盡其誠心兼得觀其器業又今三館之中雖有集賢院書籍而無集賢院職官雖有祕書省職官而無祕書省圖籍臣伏讀去年九月十一日所降制敕條貫百官仍於朝堂習儀又委憲司申舉此則陛下思復古道大振朝綱臣唯見所習者儀未見所舉者職如職業各舉則威儀自

文體係下
顧文體增顧
益係日
文體係下

嚴君有君之威儀臣有臣之禮法何患百官不整肅
何患庶政不允釐臣乞今後給事中得以封駁詔書
起居郎起居舍人得以紀錄言動御史得以彈奏諫
官得以抗言左右丞得以糾轄臺司中書舍人得以
祇膺顧問中書舍人得備問則皇猷日新左右丞得
轄臺司則風憲益整諫官抗言則陛下聞所未聞
知所未知御史彈奏則百僚震悚一人尊嚴起居郎
起居舍人得在左右則盛事無遺國史大備給事中
得以封駁則詔敕無誤出政事無錯行此朝廷之大
體二也今天下一家海內萬里四方所湊輦下駢聞

宜秋館精鈔本

萬貨所歸京師富盛軍營馬監無不高嚴佛寺道宮
悉皆壯麗陛下又新西苑復廣御池池若漢之昆明
苑若周之靈囿足以為陛下宴遊之所足以為
聖朝宏大之規唯尚書省是前代所營公宇低隘南
宮二十四司不在其間六尚書無本廳諸郎官無解
宇至於九寺三監寄在內前廊下加以禮部無貢院
試處非省垣每年試舉人權就武成王廟非太平職
司之制度非清朝文物之規儀乞陛下俟西苑畢
功御池罷役重新省寺用列職官此則朝廷之大體
三也臣又每於行路之次見有羈錮之囚荷以鐵枷

錄文錄江錄
有

清
文
德
修
統

20
10
20
10
20
10

不覺自駭不知其所犯何罪又不知其因復是何人臣謹按刑統准獄官令枷杻各有短長鉗鍊各有輕重制度尺寸並有刑書未見以鐵為枷者也凡今州縣欲答一小罪繫一輕囚必詳格文畫依典法奉國家所頒之律遵法寺所定之科以鐵為枷事出法外伏乞 陛下釐革此法免傷皇風昔太宗因看明堂圖見人五臟皆系於背聖慈惻隱免人徒刑况太平之時將刑措而不用至仁之主宜欽恤以居先此則朝廷之大體也臣所言者要機乞 陛下審而察之所舉者大體乞 陛下採而用之臣不任感恩

宜秋館精鈔本

思報激切屏營之至 太平興國六年九月上時守左拾遺 上太宗條奏事宜 臣備位諫垣出官河朔雖勵忠勤之節未伸謇諤之誠尸素自知彷徨益切何以分 陛下憂勤之寄何以副朝廷委用之恩敢不夙夜有思涓埃欲效願以芻蕘之見上希英聖之知今 陛下命以頒條委之理郡親民之心無先於此苟若所理之郡事簡獄空所親之民風淳俗厚所謂益民有術御下有能足以副朝廷任用之恩有以彰 陛下憂勤之旨然事有無從而得簡獄有無因而久空民風未致於淳和物

撲
作
算

俗未臻於淳厚雖有蒞民之術無得而施雖有御下之才無從而設况臣闇懦御下非才以臣愚蒙蒞民無術但可言其久弊恤其未安久弊者昔近并門鄰於敵境備邊之費禦寇之兵二十餘年民不遑息未安者今以北狄通於塞垣屯兵禦戎飛芻輓粟三十餘郡民不甚豐筦榷貨財網利太密躬親機務綸旨稍頻臣所謂網利太密者酒麴之利但要增盈商稅之利但求出剩或偶有出剩不詢出剩之由或偶有虧欠必責虧欠之過遞年比撲只管增加遞月較量不管欠折然國家軍兵數廣支用處多課利不得不

宜秋館精鈔本

倚
作
停

如此征收筦榷不得不如此比較窮盡取財之路莫甚於茲疏通殖貨之源未聞適變似不知止殊無定期今乞國家以關市之征定其常數酒麴之利授以常規或偶有增加不更求出剩或偶有虧折即可令於出剩時補填且如州縣征科農桑稅賦年豐則未聞加納歲歉則許之倚征倚自然理得其中民知所措何以言之民生於利亦猶魚生於水也民困於利又如水涸於魚也願更生于謹議別布新條當生民既庶之時是求理酌中之際天下幸甚海內幸甚臣所謂綸旨稍頻者臣嘗讀揚子法言曰聖人之道猶日

狗解本論

中又嘗覽太公六韜曰聖人之道猶龍首龍首謂高視而遠聽日中謂融明而燭幽是知君有居上之威儀臣有奉上之職業君道務簡簡則號令審而人易從臣道務勤勤則職業修而事無壅臣伏見陛下憂民太過視事太勤每日早於崇德殿受百僚之朝至日午於講武殿視萬機之事或進呈申狀或揀閱軍人或躬問縲囚或親觀戰馬自旤而進者或詳其詞理搥鼓以聞者或狗彼冤誣皆金口言詞人人省問天心揆度一一區分有以見陛下勞萬機之神自此見臣下虧事君之職况今四方無事多壘盡平

宜秋館精鈔本

后位本居

何以勞陛下如此太勤何以使三公因此無愧蓋陛下慮四聰或有所未達萬機或有所未知文王之心遂乾乾而夕惕成湯之意貴孜孜於日新然陛下何不移此勤勞以求賢何不改此精專於選士諫官則真之左右御史即委以糾彈給事中當材者許之封駁詔書起居郎有文者命之紀錄言動百職如是各舉其業千官如是各得其人則何憂事不允釐何慮民不受賜今有司指揮多以劄子取聖旨官員注擬必須引見聽敕裁事若允當則既由宸衷事若未當則亦歸睿斷如此皆勞天聽安用有司致

面
面
面

終朝
終朝
終朝

陛下視事太勤憂民太過况宮闕乃尊嚴之地軒墀
列清切之班可以延佇賢良詢求理道豈宜使押來
囚繫或病患軍人或虛詞越訴之徒或僥倖希恩之
輩引之便殿得面 天顏 陛下則隨事指揮臨時
與奪其間有驟承顧問上懼天威或偶有敷陳稍愜
聖旨性懦謇訥者口雖奏而未盡其心姦詐辯詞者
言雖當而未必有理 陛下或賜之恩澤或寘以刑
名然睿鑒周通出令固無於枉濫而帝庭清肅終朝
豈稱於喧囂加以條理事宜或傷頻併施行詔敕遂
至稠重禮曰王言如絲其出如綸王言如綸其出如

宜秋館精鈔本

綉喻其以近及遠漸光大於萬方以言訓人可常行
於百代簡而且要人則易從繁而又難人則易犯書
曰臨下以簡又曰御眾以寬御眾不以寬則獲罪者
多臨下不以簡則從令者少况帝王有常道禁令有
常程施令貴乎必行設禁貴乎必止若令之無節奉
而行之者必難禁之無時遵而止之者亦寡臣所謂
網利太密既如彼綸旨稍頻又如此願 陛下寬臣
敢言之罪察而審之望 陛下聽臣敢諫之言擇而
行之臣復有未諭聖意之事三又有奏請可行之事
二未諭者今內職諸司各有公解禁林近侍各有本廳

中書是宰相職事之堂相府是 陛下優賢之地今則於中書外廡置磨勘一司較朝臣功過之有無審州郡勞能之虛實矐言是職本屬考功豈考功之職不修而磨勘之名互出殊非雅稱深損大綱此臣所謂未諭聖意之事者一也其次御史臺本不禁人今為繫囚之所大理寺舊來置獄今為檢格之司投人之職者本貴當材鞠獄以情者自然無濫或諸侯有大過或百姓有深冤乃命臺臣委為制使憲府之風規自別刑曹之按鞠無疑今則或撾鼓聞天虛詞詣闕多差殿直承旨使為制勘使臣殊非理獄之才驟委

宜秋館精鈔本

圓
鮮
成

鞠人之罪其間有未明推勘因致淹延或未曉刑章妄加深刻既臨以制書之命寘乎縲紲之中上畏嚴威誰敢拒捍及當錄問皆伏欵詞雖罪至徒流必該申奏案既圓備即據施行豈無陷於非辜豈無失於有罪虧 陛下慈仁之旨損朝廷欽恤之恩此臣所謂未諭聖意之事者二也臣每讀史書至於文集或匹婦有正廉之節野人有孝悌之風尚旌彼門閭或賜之粟帛將以離澆漓之俗亦以行風教之規修身者由此彰名尚義者因茲立節今國家官僚遠宦不得般家父母云亡不得離任墨綬視事寧安孝子之

勤存也存動

心明詔未行深損聖人之教此臣所謂未諭聖意者
三也昔漢文在位稱為刑措歲終斷獄者三十此蓋
民安其業乃無咎於刑章物失其宜必自罹於天枉
是以聖人見一物失宜則必加惻隱知一夫失所則
必勤動哀矜御一衣思天下女工之勤嘗一膳思天下
農夫之苦故尚書曰不敢侮鰥寡周易曰信及豚魚
豚魚至微信猶能及鰥寡至賤侮不敢加有以見聖
人用心無微不至聖人施惠無所不均今河朔數州
衙前軍將應宣命配來之者多江南兩浙之人雖曾
有敕文許令自便然各無去着猶係職名其間有不

宜秋館精鈔本

宣命而遠來者

受存任存授

請衣糧只望差使設有得該請受多是折支時寒無
衣日餒無食老小相聚凍餓貧窮羈旅無圖咨嗟愁
苦與其配之而無用孰若捨之而放歸此乃可言者
一也今國家封疆甚廣州縣至多令錄闕員據資勞
而遷授簿尉滿任按歲月以除移其間廉吏雖多抑
亦貪夫不少貪者偶無彰露刑罰寧加廉者未有升
聞旌酬弗及言乎賞勸似未精詳宜委諸州遍令申
奏州有幾縣縣有幾員奏其善者則不善者自彰奏
其廉者則不廉者自顯或就加獎飭或聊與轉遷則
廉能既有所歸猥濫者寧無自愧揚清激濁實為致

致又位至

理之先易俗移風宜自親民之始此臣謂可言者二也臣縷陳鄙見煩黷聖聽臣不任惶恐戰慄之至

太平興國

七年十二月上時以右補闕知相州入迎上此奏

上真宗乞早建儲闈

臣竊觀唐憲宗即位改元元和四年冬十月御宣政殿樓冊皇太子又按李絳論事集元和三年翰林學士李絳等上言曰古先哲王以天下為大器知一人不可以獨理四海不可以無本故立太子以副已設百司以分職然後人心大定宗社永寧有國家者不易之道也 陛下嗣膺大寶四年于茲矣而儲闈未

宜秋館精鈔本

命辭存之

建典冊不行是開窺覲之端乖重謹之義非所以承宗廟重社稷也憲宗依所請下制所司擇日備禮冊命今 陛下自纂承大位改元以來五年于茲矣儲闈未建典冊不行豈不慮窺覲之端豈不思重謹之義宜速以宗社永寧為圖也

咸平元年上時為侍御史知雜事

上真宗進經史子集要語

臣聞古者帝王盤盂皆銘几杖有誠起居必觀夙夜不忘故湯之盤銘曰日日新又日新太公金匱曰武王欲造起居之誠乃銘於几杖曰安無忘危存無忘亡孰惟二者後必無凶墨子曰堯舜禹湯書其事於

竹帛篆之盤孟曰君子福大而愈懼爵隆而愈恭遠
察近視俯仰有別矧黃帝輿几皆銘焉曰吾居民之
上惴惴恐不及武王尸席必訓焉席之銘曰無行可
悔尸之銘曰難得而易失聖人修德罔怠然佩服鑒
戒終日不忘故至德大業永保天下也臣又嘗讀唐
書見高宗命黃門侍郎趙智講孝經於百福殿因謂
之曰大旨朕知之矣即舉此經要切處言之以裨不
逮智曰天子有爭臣七人雖無道不失其天下微臣
敢以此言上獻帝大悅又憲宗聽政之暇採漢史三
國而來經綸要事撰書十四篇號曰前代君臣事跡

宜秋館精鈔本

坐位三座

二十卷

坐位同上

昭宗御
黃帝御
漢高祖御

寫於六扇屏風置於御坐之右出入觀省之臣每覽
經史子集因取其要語總一十卷輒用進獻可題於
屏寘之御坐出入觀省所貴日夕觀省冀聖德日新
與堯舜禹湯文武比隆也咸平三年上時宋白學錫應賢良方正自知秦州召歸朝
上真宗論制科當依漢制取人
臣竊惟唐設制科有道侔伊呂科有識洞韜略堪任
將帥科有賢良方正直言極諫科自太祖朝兵部
尚書張昭奏請興制舉于時據所奏前代制舉內選
置三科一賢良方正能直言極諫科一經學優深可
為師法科一詳閑吏理達於教化科勅文略曰應天

下諸色人中不限前資任職官黃衣草澤等並可應
詔送吏部試策論三道共三千言以當日內取文理
俱優人物爽秀者方得解送其登朝官亦許上表自
舉雖設制科之名未盡取人之理何以明之夫漢詔
取人不限對策字數隨其所對盡其所見故孝文時
晁錯對策不過二千字孝武時董仲舒對策不過二千
餘字然上覽之而異焉乃復策之凡詔策三問而所
對皆不及二千餘字洎公孫洪答策纔五百餘字然
漢之得賢良斯為盛矣觀董仲舒所對策三道亦非
以當日內成今但依漢之取人則董晁公孫輩不獨

宜秋館精鈔本

其厚年名臣奏
一作宏 誤作弘

漢有也 咸平三年上時
自知秦州召還

上真宗乞賑給河北飢民

臣今月二十五日所進實封為霸州乾寧軍死傷人
戶等自二十六日至今又據莫州奏飢民一十六口
滄州奏全家飢死一十七戶雖有指揮下轉運司相
度及減斛斗一賑糶即未見別行指揮若有司只知
此行遣實未稱 陛下憂勞之心也 陛下為民父
母使百姓飢死乃是 陛下孤負百姓也宰相調燮
陰陽啟導聖德而惠澤不下流王道未融明是宰相
孤負 陛下也今 陛下何不引咎如禹湯罪己略

厚年名臣奏
斛斗名臣奏
若知勤
斛斗下奏以有
優字

道子原校以生
孤負之字
其厚年名臣奏

降德音下飢餓殺人處州府民心知 陛下憂恤然
後振廩給貸以救其死若倉廩虛而饋運邊備尚未
足即日無可給貸則是執政素不用心所致昔伊尹
作相耻一夫不獲今餓殺人如此所謂焉用彼相今
陛下可將此事以理道略面責宰臣以下觀其何詞
以對視其有無忤色有無憂色待三日後或旬浹以
來不上表待罪不拜章求退是忍人也何良相之為
乎既非良相而猶用之則是 陛下不以百姓心為
心也若不別進用賢臣恐危亂之萌將來滋蔓難圖
也語曰十室之邑必有忠信况今 皇家富有萬國

宜秋館精鈔本

待三日後名臣
奏表候待三日
而心

豈無人焉可於常參官自來五日一轉對中觀其所
上之言有遠大謀略經綸才業者可非次擢用若有
其言而無其實退之以禮亦合禮體不然則臣恐國
家未能早致太平也豈唯太平之未能致其憂患不
獨在邊防而叛亂在內地也此是 陛下續嗣
先帝萬世基業之急務也所急之務莫先於此惟
聖聰睿鑒詳微臣之言陸贄云貪因循者終有大患
今若因循不早為謀則慮大患至矣今臣所奏且可
先降德音以禹湯責躬之意以謝天以堯舜至仁之
心以待下使飢餓地分知 陛下憂恤之心也臣職

在深嚴日有聞見不敢不奏

咸平三年正月上時直集賢院權管幹通銀臺司兼門下封駁

上真宗論輕於用兵

臣竊惟國家斷徒以上罪皆須勘鞠子細案牘圓備斷官錄問然後行刑其大辟罪將決斷即給與酒食命他官監決慮有稱寃及斷訖即錄案申奏奏下大理寺寺司點檢送至審刑院院吏披詳如案未圓理未盡即罪有司所謂王者之心重用刑而惜人命也及至北狄騷邊西戎犯境不先計而後出兵不先謀而後決戰戰失利即士卒陷歿者既多人民俘虜者不少不知斷徒以上罪至用刑於大辟一何用心精

宜秋館精鈔本

密之如彼而不先計而後出兵不先謀而後決戰致陷歿士卒者眾俘虜人民者多一何用心廣麤疎之如此者由將帥輕人命也州郡戮一死罪不當即罪州郡大理寺審刑院點檢披詳漏略各罪官吏洎至士卒陷歿人民俘虜則宰相不過罷免歸班為尚書將帥不過黜降其官為庶人此乃朝廷用刑輕重之相遠也

咸平五年上時為侍御史知雜事

上真宗論點集強壯

臣伏觀近日多雨秋稼頗傷近京諸州積潦為害加

以差遣使命點集鄉兵人情不安物聽可駭謂一家雖有數口三丁必抽兩丁定以強壯之名備於緩急之用雖不刺面各遣歸農其如終隸軍名向去須在戎伍當北狄未賓之際值西戎為害之時豈不知臨時抽差以補正軍闕少如此壯丁父母逐家妻男有哀慟之哭聲實感傷於和氣朝廷宜制理於未亂樞相當經始而圖終臣竊聞國家府庫稍虛倉廩不實不然則何以急急於聚斂財貨孜孜於備禦邊防况廟堂無人軍旅無將居崇官者皆莫知危亡之漸食厚祿者悉坐觀成敗之人邊上奏報繼來戎狄侵軼

宜秋館精鈔本

漸近其好佞言而安聖心者則曰國家何患無遠慮而有近憂者不過請聖駕親征望 陛下以宗社為憂乞 陛下以芻蕘可聽臣每奉聖旨凡有見聞即令敷陳敢不遵守干冒宸扆臣無任惶恐激切屏營之至

咸平五年五月上時為侍御史知雜事先是詔集近京諸州丁壯選隸軍錫上此疏

上真宗論揀選強壯失信

臣伏覩去秋已來霖雨作沴近畿諸處水潦為災雖聞檢覆蠲免租稅又聞相度低下開決溝渠雖憂卹之心以有所濟而利害之半莫知適從古者不奪農時慮妨營種或遇歉歲即念困窮故有賑貸糧儲除

放徭役免令凋瘵不至流亡今國家為少闕軍兵防
備邊戍遂於曹鄆宋亳陳蔡汝潁之間點集鄉村揀
選強壯得五七萬人訪聞始降宣命指揮只令在本
城防守及至奏聞都數即並抽赴京師昨近臣何以
商量如此失信令下民皆懷怨望豈得無詞况
陛下常好讀書有儒臣時得侍講春秋謂君命無二
又曰信不由中諒在聖聰盡達微旨豈有命令既宣
於群下而誠信不由於厥中若外國差人在京探事
事無鉅細境外既必盡知知而圖謀邊上未得安靜
其所謀者謂古者以民為邦本食為民天今國家取

丁壯為兵以失邦本以災傷去食寧有民天糧儲何
止無餘邊備亦恐不濟以此得計以此乘時此外國
所謀之小者也其所謀之大者以關西去年秋稼不
登京東今歲春種已失國家營救之不暇廟堂圖慮
之未精欲以新集未慣之兵授非才無勇之將僥倖
求勝輕敵寡謀此外國所謀之大者也加以自春以
來多陰少晴每遇朔風其來數日不定變陽春和平
之令入邊塞動靜之占臣不曉占書不知兵略但以
經史所言之事求災祥可見之證以愚意裁量望聖
慈採納雖兵者凶器不得已而用之民為邦本不得

已而取之今五七萬人並離農畝日近更差使臣揀
點豈無物議憂虞以災沴之餘寇盜若起適足為戎
狄之利有勞宵旰之懷檢災傷乃是虛名行賑貸且
非實事斯乃今日之務最急也非時之患可憂也臣
謂非十年不足以聚蓄財貨非十年不足以生育黎
元二十年間治之得其宜則無慮治之失其宜則有
患非二十年尚未能聚蓄財貨生育黎元况臨事欲
制置乎望 陛下思今日之急務慮非時之所憂示
信以結之善謀以成之若信不由中事出慮外必恐
國家多難自今日始臣受先帝拔擢不敢不言臣受

宜秋館精鈔本

聚蓄財貨
生育黎元

必十年存
必十年

陛下指揮不敢不奏

咸平六年三月上時為侍御史知事先是五年十一月令近京諸州募強壯願充軍者給衣服裝

錢送闕下
錫上以奏

上真宗乞詢求將相

臣嘗讀唐太宗實錄見李靖文武材略隋將韓擒虎
即其類也靖再與擒虎論兵未嘗不稱善撫之曰可
與論孫吳之術也初事隋為殿內直長吏部尚書牛
洪見而重之曰李靖王佐才也今國家自先帝平晉
之後與戎狄結隙將相舊人相次薨謝邊鄙間州縣
屢為戎狄所陷皇威不振久矣時議乃以將相無人
亦久矣即不知今來朝廷公卿大夫間有如韓擒虎

與李靖論兵否有人如牛洪知李靖有王佐才否若
有人能論兵有人負王佐才未審 陛下知之否有
人善論兵有人負王佐才乃是帝王合先知之矣自
來皇城司差人探事又別差探皇城司探事人如此
察探京城民間事無鉅細皆達聖聰近又差朝臣為
巡撫使及差朝臣以點檢酒務名目出外採訪所採
訪之事不過民間利病不過官吏能否而已即未聞
委公卿大夫察訪善論兵之人詢求有王佐之才者
也由是見所求者瑣屑而所忽者遠大也 陛下若
以宗廟社稷為憂以生靈為念即宜以遠大為務求

宜秋館精鈔本

思必名臣奉詔無
為字 并無天小臣
小臣下下無名
以字
序存之為字

將相為急也臣每奉聖謨令陳鄙見仰祈英睿特賜

披詳 咸平六年八月上時
右諫議大夫史館修撰

咸平集卷第一終

宜秋館精鈔本

國家圖書館, NATIONAL CENTRAL LIBRARY, TAIWAN, R.O.C.



咸平集卷第二

京兆田錫

書

請復鄉飲禮書

請修藉田書

貽陳季和書

貽宋小著書

請復鄉飲禮書

月日鄉貢進士臣田錫惶恐頓首獻書皇帝 陛下
臣聞聖人建大業得大位制禮以經邦國作樂以和
神人五禮行於朝廷遠方之民有終身不得觀之者
六樂奏於宗廟遠方之俗有終身不得聞之者於是

謂原任... 儀
色目... 儀
爵... 儀

廟... 子
... 子

制鄉飲之禮行鄉校之間俾人偏知莫人易識蓋其
禮甚辨其儀甚詳有祭獻之儀有俎爵之數命鄉人
之賢者為主延鄉人之老者為賓揖讓拜起皆有儀
升降進退必有位以金石之樂和其節以雅頌之詩
導其情自秦承周衰漢邇秦亂不能行之至後漢世
祖行之世祖之後復廢至西晉復之西晉之後又廢
至皇唐用之明著禮文散頒郡國咸俾長吏以化黎
元至開元中宣州刺史裴耀卿以為鄉飲之儀唯於
貢士之日略得舉用其餘寢停豈聖王化俗之心豈
良吏知禮之大於是拜章奏以上言自恭勤而行禮

宜秋館精鈔本

月而習之歲而行之于是宣州耆老宣庭寮吏每聞
歌白華之什華黍之詩南陔之篇由庚之頌言孝子
養親之道述萬物遂性之旨觀者皆踊躍聽者有感
泣蓋禮樂之感於外而精誠之發於中也在唐之世
為唐之牧守唐之世祚垂三百載唐之牧守凡幾千
人唯耀卿能於一郡之間獨奉先王之禮猶化其俗
尚移其風以是知先王之禮不徒行先王之樂不徒
用但後人行之不得其道用之不知其微國家大禮
與天地同節大樂與天地同和裡天地祭宗廟祠山
川正盞胄迨封冊冠婚之禮軍旅賓客之容 陛下

成平集卷二

命名臣奏以

皆舉百王之禮而行之以六代之樂而明之所謂禮樂征伐自天子出矧國家括地三百州拓土一萬里年穀屢稔民風大和朝廷之禮既崇而遠方之民有未親見之者朝廷之樂既備而遠方之俗有未親聞之者願陛下申明舊典舉行新命頒鄉飲之禮修鄉飲之儀使其觀祭獻之嚴則知不忘報本矣觀蘋藻之祀則知所貴者誠矣見賢者為主則知懋德者可尊矣視老者為賓則知高年者可恭矣閱揖讓拜起之式則知謙恭擗節之可學矣見升降進退之容則知折旋俯仰之可習矣聞白華南陔之詩則知孝

宜秋館精鈔本

邦名臣奏以

於父母矣聽雅音正聲之奏則悅於和樂矣月而習之歲而行之稔於禮而自熟漬於道而彌深訐復化為柔和狠戾遷為貞順革惡歸善流邦復正其何難哉蓋性相近也習相遠也不覺自遷於無過之地不覺自生於知恥之性既無過又知恥國家雖設刑而無淫慝可刑矣朝廷雖設禁而無過差可禁矣若是則為父者以慈而為教也為子者以孝而自守也為兄者以友愛而自得也為弟者以恭謹而自悅也為夫者以和而有其室家也為婦者以柔而事於舅姑也一家率之一鄉慕之一邑化之一郡榮之一國興

千古絕迹
臣奏以作
絕迹千古
禮

之天下同之得非王者厲精於禮樂而致之諸侯折節於禮樂而奉之若以為古之禮也不可復行則世祖承盜莽之後而能行之晉氏承元魏之亂而能復之太宗革隋季之淫而能用之若以為俗之薄也難驟化之則裴耀卿何以化之宣州之民何以順之是知千古絕迹三代曠禮猶可繕完補緝損益裁酌沿其俗適其時而明之况貞觀之風開元之化左顧不遠右眄可及彝章不泯令式斯在昔舜庭奏樂而鳥獸率舞燕谷吹律而草木遂萌文王行禮而虞芮懷慙范宣讓功而樂麇知變夫金石至和非有樂於鳥

宣秋館精鈔本

四庫全書
臣奏以作
絕迹千古
禮

獸而鳥獸自舞草木無情非必應於律呂而律呂能通西伯之仁不以化虞芮而爭訟自息晉卿之讓不以矯樂麇而汰虐自亡蓋禮樂之進物也速而謙讓之服人也深况欲以賓主之禮以明之以祭獻之儀以示之以金石之樂以歌之以升降之度以化之以揖讓之容以導之以尊賢之序以命之以養老之道以喻之人心物之性得不優而柔之而自趣之感而慕之而自化之鄉飲之禮化民導俗夫如是之速也願陛下詢公卿而復之望陛下勅牧守而行之行之暮年則民知恥行之再歲則民知教行之三

載則民知禮行之而不輟用之而能久則比屋可封
之俗不獨帝堯之時也聖代當復見矣聞樂而感之
者不獨宣州有之也天下當盡然也天下幸甚海內
幸甚惟 陛下裁之臣不勝悽悽思理之誠謹昧死
奉書以聞臣錫誠惶誠恐頓首再拜

請修藉田書

月日鄉貢進士臣田錫惶恐頓首獻書皇帝 陛下
臣聞農者國之大本也穀者人之司命也古先哲王
慮農之不勤也憂人之棄本也於是設躬耕之儀立
藉田之禮行於國化於天下勤於身勉於海內天子

宜秋館精鈔本

履田誰敢不力於墾畝天子執耒誰敢不務於播種
所以孟陬之月擇日惟良一人齋戒以晨興百辟肅
恭而景從載耒耜於車右就阡陌於國東朱紘以飾
禮容青輅以協時令春景燭物和風扇野千畝之首
三推為先內宰詔於后妃乃獻種稯甸人率於黎庶
遂終耕墾所以供粢盛也以此備醴酪也天地山川
之祭用茲而給焉宗廟社稷之祀由此而備焉是知
藉田之禮乃有五利勸民不忘本一也農有餘蓄二
也俗知廉恥三也政教可喻四也盜寇不起五也用
是五利播於萬民以之興役則民不凋弊以之事戰

則國有饑運雖有水旱之災不害民也雖值凶荒之
歲不瘁國也是故上之化下如墮之在塗下之從上
若水之在器所以乃稼乃穡宜自我勤乃耕乃殖宜
自我先雖有貨財不救餓殍之困雖有寶玉不濟災
凶之患故歷代奉於周制百王修於藉禮漢魏晉宋
之主齊梁隋唐之朝或立壇以祀先農或置廩以為
神倉或過三推之數或頒萬斛之種或許行之於郡
縣或亦因之而賞賚今 陛下嗣守洪業勤卹黔黎
四方之書軌大同九牧之貢輸咸至坐明堂以布政
居宣室以詢賢謂小大之獄未明則慎擇法官喻以

宜秋館精鈔本

諡

無溢之旨謂朝廷之政未理則優容直臣大啟上言
之路謂賢良未至則虛佇以待前古未行之事
陛下行之今日所急之政 陛下修之是故五星融
明八穀無害風雨時若黎元乂安然於千畝之田尚
曠三推之禮雖在南之畝惟西之疇時多有多稼之
諡歲取聞如坻之詠必若載陽之候或以啟蟄之時
命大司農以飭田詔太常伯以撰禮惟月之吉即晨
以興八鸞鏘鏘前適東郊之道百寮翼翼相從北闕
之下鳴蒼珮於宸袞建青旂於帝車閭闔來風振我
發生之德勾芒司候佑我播種之儀簞簋豆邊薦先

農之壇墀耒耜黍稷列公藉之阡陌旭日新景朝霞
暖輝千乘萬騎列於左右金根玉輅儼於威儀有司
贊禮以降車侍臣肅容以進耒綺疇奮一壠之土榆
衣獻五稼之種然後三公繼禮九卿就列庶寮迭耕
黎民終畝於是順陽和之德以農為先示稼穡之難
以已率下以金石絲竹感和悅之懷以賞慶錫賚助
禮容之盛加以發如綸之詔降藉田之儀俾諸侯行
之以興稼政俾遠民觀之以知帝心即民之趣耕若
憂風雨之至民之務本不遺天地之利倉廩實而知
禮節衣食豐而識廉恥則末作自歸於農畝游民必

宜秋館精鈔本

富饒本仁

復於田業豈徒粢盛是供犧牲是養實將人心無趨
末也民力無枉用也必父誨其子兄勉乎弟不使遺
地利失天時桑麻之勤由農而繁矣鷄豚之蓄由農
而孳矣民以之祠祭則有備以之賦役則不困以之
饋餉則成禮以之拯卹則為仁若是皆 陛下躋之
於富壽也由 陛下致之於安逸也既安且逸則和
樂之氣感乎天地既富而庶則禮讓之風行於邦國
天地感禮讓行所以麟鳳集於郊藪圖書出於河洛
故臣以為千畝之耕五利斯得其實在茲願 陛下
憲章周官之禮沿革唐朝之制躬親黛耜勉勵黔首

也。昔武后女主也，猶俾中和之節，咸獻農書，昭帝幼主也，猶弄鉤盾之田，垂芳史策。矧陛下功業高於往古，文武冠於前王，雖湯仁禹聖，纔可同塗。漢祖、唐宗，未堪較德，而猶闕於藉禮，何以示於黎元。惟陛下俯循采菲之言，幸復躬耕之禮，無俾前代之主，獨擅務農之美。臣不勝罄伸誠請之願，謹昧死奉書以聞。臣誠惶誠恐，頓首再拜。

貽陳季和書

季和足下，錫觀乎天之常理，上炳萬象，下覆羣品，顯氣旁魄，莫際其理。世亦靡駭，其恢廓也。若卒然雲出

宜秋館精鈔本

連山風來，邃谷雲與，風會雷與，雨交霹靂，一飛動植咸恐。此則天之變也。亦猶水之常性，澄則鑒物，流則有聲，深則窟宅蛟龍，大則包納河漢。若為驚潮勃為高浪，其進如萬蹄戰馬，其聲若五月豐隆。駕於風蕩於空，突乎高岸，噴及大野。此則水之變也。非迅雷烈風不足傳天之變，非驚潮高浪不足形水之動。夫人之有文，經緯大道，得其道則持政於教化，失其道則志返於靡漫。孟軻荀卿得大道也，其文雅正，其理淵奧。厥後揚雄、秉筆，乃撰法言、馬卿同時，徒有麗藻。邇來文士頌美、箴闕、銘功、贊圖，皆文之常態也。若豪

法存本放
此字共怪

氣抑揚逸詞飛動聲律不能拘於步驟鬼神不能秘其幽深或為狂歌目為古風此所謂文之變也李太白天付俊才豪俠吾道觀其樂府得非專變於文歟樂天有長恨詞霓裳曲五十諷諫出人意表大儒端士誰敢非之何以明其然也世稱韓退之柳子厚萌一意措一詞苟非美頌時政則必激揚教義故識者觀文於韓柳則警心於邪僻抑末扶本躋人於大道可知也然李賀作歌二公嗟賞豈非豔歌不害於正理而專變於斯文哉李和蜀之茂士也嗜於博古而工於作歌以余東適秦關祖道以別示我長歌數百

宜秋館精鈔本

字以為贈行之言有以見天資杼軸得於長吉文理變動倂於飛御也吾黨聞人非君而誰金門玉堂俟子偕進延佇之意書不盡言錫白

貽宋小著書

數日論文更得新意若獲祕寶如聆雅音苟非賢智之交厚厚切磋之道所謂悅我以文藻榮我以道義也洎拜別後在道路間羸馬長驅征心自逸三思商較之義再詳通變之言一以貫之引而伸之竊有所得似亦可采稟於天而工拙者性也感於物而馳騁者情也研繫辭之大旨極中庸之微言道者任運用

生機不聲印

30 志在存心是道

而自然者也若使援毫之際屬思之時以情合於性以性合於道如天地生於道也萬物生於天地也隨其運用而得性任其方圓而寓理亦猶微風動水了無定文太虛浮雲莫有常態則文章之有生氣也不亦宜哉比夫丹青布彩錦繡成文雖藻綺相宣而明麗可愛若與春景似畫韶光艷陽百卉青蒼千華妖冶疑有神鬼潛得主張為元化之杼機見昊天之功巧斯亦不知所以然而然也則丹青為妍無陽和之活景錦繡曰麗無造化之真態以是知天亦不知其自圓地亦不知其自方三辰之明六氣之運如目之

宜秋館精鈔本

聰和

博

在氣主視耳之在體司聰已亦不知其自然也故謂桂因地而生不因地而辛蘭因春而茂不因春而馨人傷體則憂蚶去膽則勇龜殼便於外蟬骨樂於衷草腐而輝光生物老而妖怪出松以實而久茂竹以虛而不凋鷗麟之性仁虎豹之心暴得非物性自然哉錫以是觀韓吏部之高深柳外郎之精博微之長於制誥樂天善於歌謠牛僧孺辨論是非陸宣公條奏利害李白杜甫之豪健張謂呂溫之雅麗錫既拙陋皆不能宗尚其一焉但為文為詩為銘為頌為箴為贊為賦為歌氤氳胎合心與言會任其或類於韓

成集卷二

稀

或肖於柳或依佈於元白或髣髴於李杜或淺緩促
數或飛動抑揚但卷舒一意於洪濛出入眾賢之間
闕限隨其所歸於天真矣使物象不能桎梏於我性文彩不能
拘限於天真然後絕筆而觀澄神以思不知文有我
歟我有文歟以是咨於君孰是孰非幸一見答更祛
曹昧錫拜手

咸平集卷第二終

國家圖書館, NATIONAL CENTRAL LIBRARY, TAIWAN, R.O.C.

咸平集卷第三



京兆田錫

書

貽杜舍人書

上中書相書

答胡旦書

胡旦書在前

答何士宗書

貽梁補闕周翰書

貽杜舍人書

五月日進士田錫謹拜手奉書舍人

座右

錫嘗以言而

當智也默而當智也進而受知於識者才也退而無咎於躬知進退也易謂動靜不失其宜其道有光粵



若志在濟民名未為人知必反經合道用奇矯時名
乃一日千里諸葛堅卧太公釣國酈生長揖王猛捫
蝨之比也夫才略為根幹知己為羽翼不俟終日可
與論幾矣錫天付直性非苟圖名利者也竊嘗以儒
術為己任以古道為事業噫圖名不以道雖使名動
朝右不取也得位不以道雖貴為王公不取也錫謂
進賢為道也誅讒邪為道也濟天下使一物不失所
為道也昔伊尹五就桀欲理之速也不得已歸於湯
伊尹固不以名不以位但濟天下之志汲汲也夫有
君子之行不有君子之文者漢申屠嘉周勃也有君

宜秋館精鈔本

類考在撫
類考在撫
原按類考在撫
原按類考在撫

子之文不有君子之行者唐元稹陸贄也其中人也
發若彌弩其稔毒也隱如敵國所謂以名以位務乎
仇覆人與伊尹相反與其有文也[寧]有行也孔子曰
惟名與器不可以假人士有大功於國天子則彰其
名賜其器賜之既不濫受之亦不喜蓋公共也小人
則飾詐勉道便僻希旨盜我名器以為身榮明公謂
之何如錫幸不佞從士君子之後安敢去彼取此乎
明公有君子之行稱於識者自適及遠如蘭蕙當風
必芬襲人如冬陽夏陰人來歸之錫於是冒矣暑涉
遠道一拜高義求他日之羽翼也(不)周易泰拔茅彙

稱俗稱稱字
不字衍存

征吉茅之連茹以其彙類征往乃亨吉也天地交萬物通君子道長之時也天在地下以貴下賤之象也小人狂瞽奮筆伸志若默於明公失則多矣是用哢哢諤諤黷於聰明取春秋言以足志志以足言不言誰知其志之義也幸賜留意幸甚錫再拜

上中書相公書

四月二十三日鄉貢進士田錫謹以長書一通獻於相公黃閣之下惶恐震駭不知所裁幸相公容而察之使獲盡其愚衷則可以免僭踰之誅而蒙容恕之惠也夫以賤干貴遭逢實難以言感人聽信亦寡蓋

宜秋館精鈔本

顧孟諫授仕顧
文事存但諫

貴賤之際若天壤之相懸言感之間非聰明而弗悟今相公以英貴之重居廊廟之尊功業輝光仁義流布事無微而不燭理無深而不知故在位庶寮與仕進之輩孰不受陶鑄之大惠靡不希_顧喁之餘輝錫是以載徵敷叙之辭上觀鈞台之鑒昔文王稱睿聖猶詢及蕩蕘周公曰聖人亦下禮貧賤邴吉問服輶之喘齊相念涉淄之寒路左長謠而晏子動容門下獻書而姚崇弗罪斯皆相公熟聞之事儒生常叙之譚固不假形於書簡而後知亦不勞伸於比喻而方見然相公以房杜之策略佐堯舜之事機入造膝於

一人出勞神於百揆所務者國家大事所思者社稷
宏謨動唯萬務之繁靜悅寸陰之暇而白屋之士片
藝自沽求謁見於黃扉進干祈於重顧求名者不過
為布科第在位者不越為冀遷升若是者纍纍然接
踵於門攔藉藉焉取容於左右無宏才大略以裨於
采聽無英氣異行以動於禮容所以相君之門非深
嚴也由所謁之人非英特也宜其情弗上通而言弗
下應焉相君之聽非忽略也由所吐之言無利害也
宜其進未速見而退未能已也是以古人知崇重之
難接非奇偉之莫伸故有危冠長劍以飾容長揖抗

宜秋館精鈔本

禮以自異錫常研幾於此而取類於彼悅懌自得始
終可圖以為凡欲一謁公卿之門一達生平之志胡
不觀往古所行之事酌于今未兆之機焉敢曲徼異
辭聊欲直叙往事昔齊宣志在馳騁而厚于之薦客
非賢闔廬志在仇讎而伍員之所言未當非言未當
也其言非闔廬之志也非客不肖也其人非齊宣之
意也故徼福者先意而為事事無不合希寵者見幾
以設謀謀無不諧觀大易之言則曰幾者事之微也
詳春秋之旨則曰需者事之賊也進與退必以時而
謀與斷交相養也今相公知小人在此一書也罪小

昔人知命

人亦此一書也雖知言出而罪入固宜偷合苟容與
衆人碌碌焉苟萬一志意相投寵遇下及則安可違
利趣害而貽識者之譏也幸相公英明而察焉望相
公仁恕而容焉錫以羈旅之人懷叢_叢勝之藝去國三
千里官游二十載貧賤瑣屑迂懦闇鈍不言而曉言
之且慙年齡在躬三十有九昔在于蜀同與科場者
今皆列丹陛升清貫出奉帝皇之命入居臺省之職
而小人猶食人之食衣人之衣因為旅人辱在徒步
當明天子在上賢宰相當國仁猶及於草木信尚孚
於豚魚安可負六尺之軀懷丈夫之志而終日屑屑

宜秋館精鈔本

揚

不能自奮非知己之罪實自貽之戚也寒賤幽憂之
苦不足為相公言之希求遭逢之幸不敢於相公伸
之言之_則熟讀聰明申之則干犯英貴然又何以迴特
達英果之遇濟進趨變化之機孟子云位卑而言
高者罪也今無寸祿之位而吐僭高之言鄙生五鼎
之烹田光伏劍之節豈獨古人也今幸而為相公言
之錫生平所著文約百軸擇其自善者得二十編雖
繕寫獻投為舉人事業固不乞用為賣名之貨亦不
足為希賞之資其實遠相公之知迴相公之鑒者在
此一書爾昔相公奉使於吳而知吳可取也相公在西

吳郡志卷之三

掖為侍從之臣旦夕論思而謂蜀可滅也相公在翰
林訏謨宥密益親帝衮而致吳越王來歸闕下以是
知擒吳滅蜀平百越而來四夷豈非相公贊成帝謨
而密用良畫哉所以先帝取天下平海內二十年間
強不敢掩弱大不敢加小信泰來之運鍾於聖朝升
平之時歸於今上也今主明而相賢本豐而基固天
下安危之柄揔之於主上而持之於相公夫盛事難
兼而良時不再且老農有三載之儲猶悅然而自裕
良賈獲千金之利尚怡然而自多矧相公遇太平天
子而佐之獲太平之民而理之豈不以功名輝赫而

宜秋館精鈔本

自裕乎豈不以志意縱橫而自多乎且自古亂世多
而理世少君子寡而小人眾以姚崇之賢而值[玄宗]
晚年稍溺情於逸樂以裴度之量而遇憲穆之際未
致太平今天子春秋鼎盛好文而稽古天下底定內
[寧]而外安此相公可意之秋也生民受賜之時也夫
制理於未亂禁邪於未形則君子明智先見之常道
也兵書曰善戰者無赫赫之名蓋制勝於未形未兆
之前也古人云天下有道則守在四夷方今邊鄙無
虞戎人畏服契丹遣其愛子入朝貢奉是相公慎擇
邊吏俾務大體無使邀功而構怨之秋也邀功則事

玄宗二句序
在以此書白
制治於未亂
任印于未危
乃避少美之而
自用有本

聖賢知馬

生事生則怨生是邀功之人不能布天子之大信於外夷也相公能不介意乎小人狂愚一至於此春秋不云乎楚不卹其緯而周宗是憂然狂夫之言聖人擇焉昔魏武惡楊脩之智而殺之千載之後人皆非之韓信納左車之說百戰之勝人皆美之湯曰天下愚夫一能勝余舜聞一善沛然而悅苟言利國家則言之者無罪而聞之者足以自戒相公憐而察之則以為小人方謀仕進苟非設奇則無以警駭聽聞也若相公鄙而淺之則適足邀撫掌大噱也相公若以片文知於小人則錫有二十編之文願受知於門下

宜秋館精鈔本

若以一言知於下走則錫有鄙聞陋見願見采於輿人也若以憐亡國之餘卹宦游之困而錫鈞鎔於匹夫則羈旅之人自茲而振矣昔唐時名輩在科場間亦以設奇取譽如尹樞自放狀元王璘衣纈之類又若劉禹錫柳宗元之為人皆以大儒之業當壯年獲志于科第自謂跬步萬里坐邀大位而言無畏忌志務倜儻迨升郎署席未遑暖而眾毀已熾或出刺避微而流離不復或終老散地而詩酒自寬壯圖弗伸晚年方悟非當時弗用也由銳氣悞物也仕進之作苟能鑒往失而慎將來則安可不為良相之用乎安

可不受良相之知乎揣小人藝能固與往賢懸邈也
然遠以芻蕘之見驟希廟堂之知死罪死罪相公若
以為適時之機自伸之術慕王冷然求知宰相尹樞
自放狀元斯亦覬相公稍霽威怒而深察焉錫惶恐
頓首再拜

胡旦書

僕與足下別亦已久矣惟明月相共清風尚遙芳春
素秋頻隔嘉會想計學吞雲夢才高泰山日隆王霸
之圖時積經綸之業將期大變塞吾與天下之望也
近者拾遺拜官小子躬賀喜沃無已吾子可知又論

宜秋館精鈔本

傑技
俊拔

謀
諫

將來舉公之傑技者屈指筭數中無幾人有宋元瑜
李度二后之弟也趙昌言名聞京師其餘勢家僅數
十輩惟何士宗卓然獨立有不憤之色願與僅同羣
為之力戰公蜀人也久在闕輔遠于京闕家貧援孤
與我相角儻聞斯言必大喜也請速來三月盡約為
憂謀三人同志以振吾道將橫擺筆陣銘淬辭鋒張
雄文以過其勢鼓大名以挫其氣吾子擊其前何公
刺其後僕則左掎右角彼入我出技拔旗挾斬將折
馘英聲一振京師動搖為此之計不亦大乎願足下
速與謀焉夫敵人者不先扼其亢撫其背刺虎者不

集卷三

先斷其爪滅其牙則彼不可得也惟足下詳之春色
將青良會在近遙望命駕在乎朝夕跋涉之間想無
怠也不宣麗天頓首

正月二十九日

答胡旦書

秀才即先輩人來得書竊知寧適慰悅之外感荷良
深兼蒙見招俾與文會良期美信莫高於茲甚善甚
善余念自出蜀至咸鎬間今已六稔再遷家兩遇權
停貢舉羈旅中支離契闊幽憂愁辛大丈夫壯節殆
亦銷燦今吾子書中憐余家貧援寡久住闕輔乃知
我者也古人所重者交結翼道佑德激切奮發何莫

宜秋館精鈔本

呂布士衣蓋
作

由斯故品布衣遂為奔走之交晉文介推為急難之
友垂在信史有志者慕之余每自惟無英才大略以
為慷慨事又無嘉辭優學以為君子儒而吾子過聽
虛名相厚之甚也往年得澶淵之書前歲偶渭北之
會今春得夷門之信適足見惠然相顧之情也易不
云乎君子定其交而後求語不云乎君子以文會友
古樂府有結客少年場今三者君皆兼之恭佩微音
敢不勉信與學以為奉交之職也古人云易失者時
難得者知音余嘗讀西漢書見高祖以英武取天下
而文帝以道德化海內措刑不用幾四十年于時最

本本破仿佛才字
本本才字

稱俊才而年少者有賈誼觀其所上書真卿相才也
然當宣室受釐之際思鬼神事詔誼問之不覺膝之
前席然終不能大用惜哉迨至有唐貞元長慶間儒
雅大備洋洋乎可以兼周漢也帝王好文士君子以
名節文藻相樂於升平之世斯實天地會通之運也
自數百載罕遇盛事今錫與君偶斯時焉自呂狀元
蒙正得第之後有御製詩以賜之間兩制中得與上
倡和昔漢世祖以外戚傳賜竇融以河渠書賜王景
唐太宗玄宗與侍從臣以文賦相醺酢今復觀之况
吾子負侗儻之氣懷磊落之才將來振海內之名鼓

宜秋館精鈔本

易言他語

天下之動廣視闊步於場屋飛聲走響於公卿高擢
榮名若坐會稽臨滄海投擿十二而釣取巨鼈也孰
不偉之然錫自得君書三復闕繹其中有云將來舉
公有宋李趙三才子也君欲以文彩聲稱與之相較
勝亦猶洞庭震澤幅員千里吞納江漢雖飛濤駭湍
浮天沃日得不委之壯哉真場籍中燕魏豪俠也君
既不以余鄙陋淺近許與為交游若使各言其志則
余嘗聞孟軻稱仲尼曰德之流行速於置郵而傳命
也又曰至仁無敵禮稱顏子得一善必拳拳服膺易
曰德不孤必有鄰設使至藝如至仁自然無敵德苟

成平集三卷

已試作已
年有月

已試上

疏

修而眾善必為已已鄰名載德而行故君子金玉其名
砥礪其行行茂而名榮人莫得而勝之也又何必肝
膽楚越而使人莫已勝也昔郭代公在國學家寄三
百萬錢適至為急難者告之傾裝以贈代公器局之
名從而得之又王起知舉命白敏中既賀極甚而欲
以狀元代之白敏中曰一第何門不致奈何輕我至
交斯則交友之情從而見矣器局之名當師範代公
而求之交友之情當企慕白敏中而修之則何適而
不為君子也吾子勉之暮春之月必獲命駕會抱非
晚欣愜豫深謹奉書感謝幸賜詳察不宣京兆田錫

宣秋館精鈔本

再拜

答何士宗書

二月日京兆田錫謹致書仲感謝之意于秀才即先
輩足下錫自為羈旅之人久居闕輔之地每思朋英
友賢之會為唱予和汝之文安知道不遠人天弗違
願當渭北杜門之暇日有流陽寄信之來人欵闕稱
云兩書偕至一則安定見寄之札翰一則長者相投
之簡牋駭聞斯言欣然而出屢及于寢門之外帶及
乎賓階之間得二賢之書對使乎朗讀喜與抃會形
相翼飛勝獲連城之珍若聽在懸之樂因自退省何

平試已

伏作序李服

從而來且予秉筆非俊豪之才待問無優深之學智
不足以詳論大事名不足以推伏眾人豈謂驟承居
子之交便以國士遇我誠為誤聽安敢克當然英氣
吐虹蜺嘉辭敵珠玉激余以善道來我以良期不覺
增慷慨之壯圖生抑揚之銳志亦猶觀白起長平之
勝入亞夫細柳之營鼓譟而屋瓦皆飛令嚴而天子
按轡懦夫為之增氣勢使之然敢不悅投分之見知
重一言之然諾雖未闢衛玠之容貌未交夷甫之談
諧在君子以道為心以信為體文彩為貌聲稱為言
又何必敷衽相親晤言以接方云識面始謂知心哉

宜秋館精鈔本

原序
卷之四
序有同

原序
卷之四
序有同

故千里之喻比肩傾蓋若同曩日略例云隆墀永歎
遠聲必盈管子曰無翼而飛者聲也不根而固者情
也哲人交結之旨尺書邀激之辭沼合子心適令得
志况今主上以文明之道化四海良相以清靜之理
育萬方卿大夫以名節相高士君子以儒雅取進鍾
是鼎新之運樂乎升平之時苟不左交英豪右結俊
造與振藻名場之會陪鳴珂帝里之遊則亦是色羞
安能免諸方侯夙僕夫之駕赴同人之期豈唯一詠
一編為文章之樂一名一第階雲霄之高余欲以六
經為寰區以史籍為藩翰聚諸子為職方之貢疏眾

遊學後

集為雲夢之遊然後左屬忠信之橐鞬右執文章之
鞭弭以與韓柳元白相周旋于中原未喻此旨於居
何如爾願言之志尚難罄輸幸稍留意不宣錫拜上
貽梁補闕周翰書

十一月日進士田錫謹齋沐拜手獻書于補闕執事
錫每見仕進之心皆欲人特達之遇而覲遭逢之幸
不揣道何如也才何如也迨為明哲之鑒揣摩其術
高下具才特達之過果不為叢脞所歟則悵然缺望
以為鑿失於己而噴有頌謗之言也君子則不然不
患無通明之知患藝之未精不患無特達之遇患才

宜秋館精鈔本

明

校
序左在諫

之未備不以得失榮辱汨其趣向昔牛僧孺欲干有
司之試先以文章卜進退於韓愈愈高其才遽命改
館俟其亡而訪焉乃大署其門而退望前輩轍之下
僧孺之名無翼而飛藉藉眾口此所謂級名階第不
在於彼而在於此東縉知婦勢使然也凡有司以至
公之明當掄材之任豈欲自擅於公器哉亦候同列
推擇慰薦茂異以濟己之明也陸贄在唐為海內之
聞人也當其掌文之柄餘賢拔善得賈稜王涯李觀
韓愈崔羣輩二十三人于時梁肅在諫垣為之援引
肅之所言者八人韓愈在其選中至今稱陸忠州韓

吏部果何如人哉豈唯春官代為國家求賢而賴同
列之推善抑士君子為先達常汲汲於外導後進以
為己任仕進亦豈專務求於人固當先求諸己豈在
求諸名當先求諸實實茂而名自至己修而人後知
故特達之過不可邀而得也才與賢相遇道與義相
際言未發於外而意已熟於中矣何暇訾詎慄斯以
傲福哉錫不迨古人遠矣自十有五志于學逮今二
十年所吐之文非超絕橫厲駭人耳目但屑屑在模
範軌轡間又未能鷹揚虹伸與羣俊角逐而尚在貧
賤中未嘗不惕然愧恥雖迂踈鈍訥之若是然志有

宜秋館精鈔本

所自守迹有所自明必也躋一第拜一命庶幾無忤
於時無愧於心不使識者指目而竊笑斯願斯懇非
英信明達之大賢固不敢妄發斯言以取譴怒也今
明公鑒如止水公如平衡言如鈞繩動為律度剛決
之氣斷於獎激融和之色形於接納錫是用曲俗之
態短綆之智願為門下之士期明公以通達之識兼
照其邪直燭其妍媸苟若萬分之一可偕士林之末
則明公英特之遇不施於僕僕遭逢之幸不自於明
公則直在錫也曲在公也亦猶南醫善蠲人之疾疾
者亦自善導養能消息其氣以合於醫但俟錙銖善

良之藥則燿然洞散其湫底羸露之疾而南醫持其疾以邀豐腴之酬一旦為北醫急於仁義投以靈餌起於瞑眩南醫雖悔其可復追故君子臨仁義速不旋踵也錫今所謂消息其氣以合於善良之藥者也善醫者幸早圖之無為他人撓惠而悔追弗及抑近世仕進之子不敢應公卿士大夫之門慮殖嫌疑於栽培之地而耦俱生謗設使負非常之才有非常之名彼世疑俗嫌又何畏忌違去之有哉必若伏奏於丹墀之下導揚其名於天子使赫然超拔雖讒慝之口欲疵厲讐訾於正人哉豈徒涉猜履謗而已使其人

直秋館精鈔本

書
序
卷
上

遠
蹊
見
西
事
賦

為囚奴為俘虜為負販為仇讎而道有可貴尚書哀窮悼屈洗磨振擢趣其亟也若濡救焚灼提引淪溺况冠儒之冠服儒之服與韋俊俯仰耀廣場之風彩而不敢挺然與之為遠蹊則豈唯負於才良其實負於邦國也其次負於己心也錫愧無超邁之才以成明公特達之名然觀前輩以一言一辭瑰壯峻爽為當世有名之士飛騰吹噓如杜牧阿房宮賦李華弔古戰場文李翱高懸女碑高邁長明燈頌如觀靈鳳一毛則五彩九苞從而可知矣錫自省介言隻辭不足買聲彩於擬議然錄長掩短亦可彰君子獎善之

德也謹以所編鄙陋之文五十軸贄於几閣卜進退
於明公也榮命謂之進方敢進若猶未也則有聖人
六經在當復厲精於其間而決取舍於至公而後已
不量狂瞽干冒明哲恭俟報復惶懼惶懼錫拜手上

咸平集卷之三終

宣秋館精鈔本

咸平集卷第四

京兆田錫

書

貽青城小著書

上開封府判書

上宰相書

貽青城小著書

月日進士田錫謹奉書致明公足下錫嘗讀大易書得君子定其交而後求之義乃知君子之交以道義小人之交以勢利勢利為交有時而改矣道義之交不

厚
增
錫
字

可得而變矣有時而改者張釋之賓客廉頗故更是
也不可得而變者仲尼顏氏子子皮公孫僑是也錫
每讀聖人之書慕君子之行正直自守耿介獨立非
有好奇博雅之道純信英特之氣錫則視之蔑如非
吾儕也竊嘗聞足下有明允之行懷高奇之文蓄不
羈之才有是三者修於躬而播於人錫所以希慕德
風欲定交於足下然錫名迹未著不為人知一旦遽
捧尺書欲定交於足下足下必按劍瞋目不知其所
由來請以錫之行止為足下委曲而言之冀足下詳
信而稍意也錫蜀人也當小國時嘗以藝文干於時

直秋館精鈔本

伯佐
字
錫
字

時不我知委類廢棄錫自謂鵬躍北溟因為檐榆者所
非誰復能効兒女子戚戚憤問思苟於身計耶泊吾皇
平定中區蜀為內地錫滯若甕繫介在一隅約國風以
伸辭託大易以知命棲息環堵服膺大道雖然長者之
轍交於陳平之門天將屈我以時而伸我以道乎厚我
以文而遇我以知乎不然安得弘弘農楊公微之安定梁公
周翰廣平宋佐白皆博我以推道勉我以大來矣今
竊聆高義欲伸於足下未喻足下能洞豁襟懷俾錫以
生平之志一達於聰明乎且士大夫所貴者樹德而親
仁博學以師古師得古道以為己任親乎仁人以結至

交立則君子之道勝勝則可以倡道和德同心為
謀上翼聖君下振逸民使天下穆穆然復歸於古道其
若德樹而未有鄰學博而不求知則君子之道孤弱孤
弱則未能斥小人而行古道安得聖君而翼之安得逸
民而振之安得天下而理之足下登進士第升拔萃科
出為青城佐將來為達官享大位豈不從今日樹君子
之黨濟他日之志乎若使小人得志擯吾儕於下位雖
有國士慷慨之志不得伸雖有忠臣謇諤之心不得用
道孤黨削則足下以為何如錫已定交於向者三君子
矣今又伸志於足下庶使我忠壯朋黨久大器業得

宜秋館精鈔本

稹

全矣昔魏徵得房玄齡杜如晦為黨所以成貞觀之
業姚元崇得宋璟為黨所以致開元之化裴度無黨
初為中人魏簡辭詞臣元稹排之韋貫之無黨為張宿
誣之錫每讀唐史至此未嘗不慨然興憤今布露真
懇足下以為狂瞽乎以為侷僮乎惟明公察之錫拜
上

上開封府判書

十一月日進士田錫謹齋沐奉書獻於郎中執事錫
輒叙狂愚之懇上祈英察之明幸不罪於僭干望稍
垂於憐恕也惶懼惶懼禮稱強學以待問易曰藏器

今幸於外
道試有以存

道
通

而俟時詩人垂采菲之辭君子貴憐才之義錫雖鄙
陋常佩斯言加以遭逢今幸於外平激發願懷於忠
節思欲一歷科場之試一登卿相之門觀光彩於鴻
都與周旋於造士然才非挺特無經邦緯俗之文學
未該道通無備問專對之智但營營謀進屑屑求知豈
無識者以見唾諒亦小人之自得必若擇取纖微之
善愛忘瑕諂之非則嘍蛄亦有五能而鉉錡亦堪一
割也願敷斯志因避枝辭錫聞於易曰捨爾靈龜觀
我朵頤是戒人之躁進也又曰君子見幾而作不俟
終日是戒人不知變也是則動不可涉觀頤之躁靜

宜秋館精鈔本

無
與
同
徐

不可失見幾之言今皇上嗣守丕圖殆將周歲乎大
信霈洪恩用賢才黜不肖英威果斷有類太宗豁達
大度無異漢祖所以億兆仰之如日月裔夷畏之若
雷霆四方肅然天下大定乃品物咸亨之際地天交
泰之秋會議朝堂公卿則恥言霸道獻能宗伯士人
方歌詠皇風宜乎儒雅道光賢豪時至遂令朝在布
衣之伍暮升華綬之榮自古汲善拔才進人之速未
有若斯之盛也矧復親王尹正於京府朝臣司掌於
鄉書考藝觀能稱廉舉秀當為國薦賢之柄實求仁
弗讓之時至有薄才如稀米之微介善比涓流之細

稀
米
梯

精
傳
情

亦思赴滄溟而委潤與公廩之均輸眾才幸甚鄙人
幸甚錫本貫劍南徙家關右淮陰寄食常慷慨於壯
圖方朔上書願縱橫於見用固不暇復歸故里求薦
他人於是齊莊潔誠僂俛從事因拜章於北闕求就
試於南宮至精果動於天心拔解許依於王府幸遇
明公以鄒枚之才辯贊堯舜之親賢嘉謀日新詩禮
蓋哲王之德善計泉湧鉤距成大尹之名衡平而輕
重無欺水定而融明洞鑒故群彥盡繫於激發小人
亦冀於矜憐所謂良工度木之秋先達援才之際然
則言無利害不足邀識者之知事不崛奇不足動通

宜秋館精鈔本

原廟歌
依序
本活

人之鑒是以王璘以纈襦邊譽奉春以短褐趨朝
生長揖於時君王猛踞見於國相豈不知謙能基德
禮可蕃身然以賤干尊邀若階天之險以卑謁貴慄
如履虎之難苟不設機變以先聲莫當塗之動念則
夕錦詎知於文彩啞鍾誰辯於春容故有帶櫛具以
自彰懷長繩而請試郭代公以輕財見異裴中令以
陰德受知外黃小兒一言當而霸王息怒杞梁女子
一哭慟而長城為摧所以感人以言不得不切從權
濟志不得不然願形俾闔之書以卜見知之念豈徒
然也蓋欲以塵露至微之益為芻蕘見采之言幸望

憐怨之也錫惶懼惶懼錫聞忠莫大於進賢仁莫先
於獎善見義而勇謂之智臨事無惑謂之明然人不
易知深心有山川之險物難求備良材有大小之差
今親王以薦賢之柄委明公明公以無私之心舉多
士然明試之下與貢之人染翰飛文藻鑒必詳乎工
拙英材大略盈庭豈識乎是非設使有輔相之才將
帥之器君子履行哲人詢謀未喻執事以何理而得
之以何術而知之若知而薦之則明公有大忠於國
家也薦而用之則明公有大賴於賢俊也且復智能
或似於狂愚詐佞或侷於純信又未喻執事以何術

宜秋館情鈔本

居
學
存
善

價
學
存
學

而察之以何理而詳之矧投之盈几之文加以在公
之務雖智能周物庖丁之刃有餘若干慮一失君子
之明亦損莫若采擇羣興之議精詳與奪之機詢當
朝文價學之人觀就試文章之士則自然不役聰明而
盡得其善不勞智力而皆得其人能於詩者觀其所
試之詩能於賦者閱其所試之賦善於論則以論取
精於策則以策求隨其所長觀其所試勿捨其所有
而責其所無勿遺其所長而黜其所短無求工於力
分之外無求備於赴應之中所謂鑒周而妍陋靡遺
理當而賢愚自辨若有宏才大略之士倘儻不羈之

才封章為達於冕旒文解通高其等第冀賢王得而薦之明主得而用之豈非明公發解之善異於古人乎進人之名光於今日乎是謂導濫觴於駭瀆之源封沃土於干霄之木也唯錫僅於眾人之末或有一藝之長亦俟明公濟勺水於涸鱗假順風於弱羽豈唯鄙夫獲遭逢之幸固亦大賢有特達之名狂瞽之言采聽是望不任惶恐禱願之極錫再拜

上宰相書

八月十五日將仕郎守左拾遺直史館監鹽院賜緋魚袋田錫謹齋沐奉書拜獻相公黃閣之下錫伏有

宜休館精鈔本

鄙見理合上聞願垂聽察之仁不罪僭踰之過矧宰相識量不可不包容眾人大臣聰明不可不采擇片善今相公佐太平之主理無事之朝四海謐寧萬務整肅房杜功名之暉暉良平智略之宏深比於是時不獨稱美然至明或有所未照至聰或有所未聞未喻相公欲聞謹直之言乎未喻相公欲求塵露之益乎儻容下僚輒陳管見不獨眾人之幸諒亦相公之明也錫去歲至自宣城入見旒宸對啟之後聖旨宣付中書旒蒙殊恩授以大著不數日又差充京西北路轉運判官錫固非俊邁之才竊慕清華之職遂拜

旒
文鑑作旒

依年修

死數或以任充

年任在

重慎

提

十二日知

不便

時

表乞在館殿莫與編依果迴聖主之恩命作諫垣之
吏仍兼史職盡契夙心此皆相公死代天理物之功
從小人所求之願然拜表之際嘗詣閤門閤門有司
未便收接須候相公台旨又取閤使指揮往復審詳
然後呈進蓋有司稟奉之職理合宜然况臣子重慎
之心禮亦可矣通後危隨聖駕留駐漳川泊捷奏之
爰來與追班而入賀數日後因進聖主平戎歌雖尋
達於聖聰亦先稟於台旨又今春二月十六日復進
請皇帝束封書不敢實封先聞閤使備言已奉台旨
有司方敢進呈仍依常規先供一狀稱不敢妄陳利

望水信情抄本

使亦不敢希望恩榮豈有備位諫垣上書詣閤而如
此委曲不伸陳無乃損相公之明無乃失至公之體
設使言事不合理道以言而悞至尊自有常刑可以
加罪不足一一煩相公台聽不勞一一稟相公指蹤
錫纒列周行未暇時事若是近朝體例須至如斯相
繼因仍未暇釐革則乞相公申明曠蕩之理采納愚
直之言應今後諫官上章不須闕門取狀乃是三公
之府機局洞開百職之儀綱紀斯在錫受相公鈞鑒
之造荷相公特達之恩豈合容易干闕狂簡陳述蓋
聞諸道路緝近日左拾遺胡旦上書布求差違聖人

或平集四卷

留之體也

問難訓詰仍於中書取狀似煩聖聽有黷宸嚴今來
詣間上書不易輕進可否須覆相府去留皆繫鈞衡
也錫既間斯語實介鄙懷何以示人無私曰至公裁
事酌中為大體豈相公佐先帝取吳越事今上平并
洽識度勲庸昭昭如此何煩尋常之見取次于廊廟
之尊然緘默不言實辜陶鑄若披仲不密亦擬譏嫌
易不云乎君不密則失臣蓋謂下言上洩實言者於
危疑之地也故識者不獲已而鉗口焉錫今進雖奉
書而退必焚藁幸相公鈞台之鑒恕小人忠諫之誠
惶恐徬徨不知所措伏乞相公熟慮而留念也錫頓

直隸館精鈔本

首再拜

咸平集卷第四終

咸平集四卷

終

咸平集卷第五

京兆田錫

古賦

諸葛卧龍

鄂公奪槩

倚天劍

諸葛卧龍賦

天將滅漢天下大亂姦雄競起以圖霸豪傑爭馳於
良筭江東有孫權之疆禦關中有曹公之勇悍唯蜀
邦之險阻付劉璋之間懦伊東海之徐庶薦孔明於
先主其人自比於管樂其迹尚耕於壟畝負霸王之

遊
從
存
少

同
年

大略每謳歌於梁父可以屈就難以邀取若應龍之
卧淵泉俟良時以為風雨雖吳主之得豹縱魏君之
若虎儻夔斯人以為用可以爭強於中土劉備乃往
詣南陽雄圖抑揚功業稽遲而憤排旌旗侍從以蒼
遑豈徒賁丘園聘珪璋實欲尊之為謀主而制敵貴
之為尚父而圖王一之日驟欲履其闕肩其牆殊不
知邀若千里之迢遙浩如重泉之汪洋人在其外如
鱸如鮪如鱈如魴不敢游其窟宅不敢漾其輝光乃
退而嘆曰信先生之道也如龍之方卧也二之日闕
其戶開其人人雖覩而難趨迹雖通而難親自覺其

宜秋館精鈔本

門若河若海若潭若津不得見其最靈不得測其至
神又退而歎曰信先生之德也如龍之未易識也三
之日升其室堂入其室仁干森植義櫓駢比疑波神侍
衛而洶湧謂水怪環周而蹠踏見其以道為蹤以德
為迹以文為鱗而彬彬以武為鬣而奕奕將侔夏后
河漢可御以天飛尚類葉公窻牖初闕其藻質我於
是以免悅為雨以異順為風動其侗儻鼓其英雄遂慷
慨變攄而崛起以縱橫籌略而相從亮之遇先主也
若龍之得水備之得先生也若雲之從龍所以躍於
吳騾於蜀帝王其心日月其目張飛關羽為吾之股

與
作
以

肱趙雲龐統為吾之爪足金鼓為雷霆之威甲兵為
風雨之速旌旗為飛蠟而常舒鈇鉞為逆鱗而難觸
前則飲於渭水後猶蟠於斜谷觀其奮首于魏施尾
于吳將欲騰躍於秦京與鎬京窟宅於東都與西都
然後以燕齊趙魏為河海以荆襄楚越為江湖故得
寰中波駭海內鼎沸馬超韓遂之流袁紹呂布之類
若蛟螭奔走而喪膽比魚鱉沉潛而屏氣豈謂天賜
吳以斗牛之分賜魏以咸鎬之國賜我以坤維之地
俾我與鼎分之地既天命之所授豈人謀之能克漢
江沱江亦足宅其西南梁山劍山亦足門其東北方

宜水信精抄本

作
作
作

欲修其德述其職將上請於閭闔冀下并於華夷變
三分之國為上國變漢水之池為天池復大德之世
作續矣精之絕離俄而上帝有命碧落言歸劉禪攀
鼻以何及譙周仰首以無依世靈其神敵懼其威揚
儀鳴鼓以震恐晉宣喪膽以奔馳至今岐山之側渭
水之涯南陽之草木西土之邊陸或烈風之飄飄或
暴雨之淋漓猶疑其蜿蜒在晦而陰隲是司現陣圖
者見其規畫讀國史者想其形儀信奇士之遇主實
千載之一時春秋曰以龍紀官詩曰為龍為光此葛
亮兮攸宜

蛇

此
以

稽首推
奉在國

賜字與三
字與一

鍾

鄂公奪槊賦

唐初鄂公在二十四功臣之列獨推其雄力敵猛虎
氣揚飛虹揮鞭而馬疾如電運槊而身輕若風稜稜
真丈夫之勇頌頌信武夫之容于時擒李密戮王充
靖隋之亂致唐之功非太宗不能得我之死力非我
不能赴太宗之指蹤壯其叱咤暗鳴而萬夫莫敵推
堅陷陣而一隧前空雖孟賁之勇腴滿之崇固不足
抗其銳當其鋒所以秦叔寶之徒屈突通之輩隨我
轉戰指麾相從既而蕩平天下底定寰中戎器既包
於虎革勲臣盡紀於鴻鐘高祖位尊正凝旒於北闕

而解
以

太宗功大方主邑於東宮一旦上御便殿公因召見
語艱難之創業念辛勤於百戰張膽信其如升瞋目
施以流電有若伏波馬上提鞍而猶示筋骸李廣病
中聞鼓而思驅組練帝問以軍陣之間何為最難奏
曰唯避槊不易然奪槊尤難請殿下試臣斯藝幸殿
下臨軒以觀于時宗室有齊王元吉力可以索鐵而
伸鉤勇可以扶輶而磔石由是命之以角逐合之為
勅敵二人乃策馬交馳鋒鋌若飛千人看萬人窺廣
場喧闐而將裂高殿崔嵬而欲敵一馳一驟乍合作
離紅塵漲天地殺氣飄旌旗若兩虎鬪而未知生死

二或字係手在增

原案傷增

二龍戰而不辯雄雌天顏為之動容神武為之增威
莫不鬼出神藏風馳雨走金吾之列衛旁震武庫之
五兵潜吼或左兮或右前而後或翻身相避或挺身
以誘王謂我藝必勝公謂彼槩可取俄而齊王之槩
已在鄂公之手駭眾目譟群口喧喧闐闐足以見一
勝而一負王猶以為偶然也於是再躍鋒鉞重飛驢
驪欲致於必死之地將求乎一日之長雖餘勇而可
賈豈突來而難防適資我勝終莫予傷乃至再至
于三皆為所奪有以見鄂公勝於齊王也壯哉厥藝
如神其名益振信烏獲扛鼎之匹項羽拔山之倫宜

直水館精抄本

其凌三軍而勢若摧枯奪一槩而易如拾芥聞之者
誰不盡伏見之者無不大駭當其左擊右刺星馳電
邁一場縱橫使人神王而心快上意欣愉群臣歡呼
憐公絕藝多公壯圖書所謂番番良士詩所謂趕趕
武夫霹靂可叱之而闐秦山可挾之而趨况陳安檀
價於蛇矛敢為匹敵羊侃得名於折樹未知馳驅是
知天生聖哲贊以英傑料敵在於籌謀破敵由乎勇
烈然後禍亂可弭茲雄可滅故漢高得樊噲乃濟鴻
門之危太宗得鄂公乃立皇唐之基雖文皇之聖也
房杜之謀也而軍功武力我實多之

倚天劍賦

昔齊諧有誌怪之篇言古皇造物之先形之剛克者
靜以為地氣之清明者外而為天地與眾流而右走
天與三辰兮左旋籌二儀之睽闕諒億萬之相懸有
古皇所佩之劍其言可驗論其大也若雪山之皚皚
壯其光也若秋波之湛湛倚於穹圓高巍峩焉孕長
庚於太極補純兌於西偏莫辨靈芒或日明而月晦
詎分剛氣或嘘雲而吸烟夜吼半空叱雄風之九萬
朝披迴漢陋蓮峰之五千北斗挂於鋒鏗而七星銘
落長虹縮於轆轤而雙帶蜿蜒論其用也剖混茫以

為天地觀其迹也裁融結以為山川噫女媧斷鼈於
海隅漢皇斬蛇於澤邊庾典所試者幾十闔廬所寶
者三千鎮錮之與干將魚腸之與龍淵皆微茫瑣碎
之器用非陰陽造化之陶甄觀夫煌煌焯焯上莫窮
其幾千萬里錯星象而倒河漢攝精靈而竄神鬼變
良霄之景若白晝之明照幽都之涯若太陽之照顧
滄海以堪泮將泰山之作砥乍疑天發殺機鯨鯢奔
而龍蛇起又觀乎黯黯森森高莫詢其幾千萬尋鋒
銚瑩而雪霜冷靈怪多而風雨陰移春景之和若秋
郊之氛易炎天之燠若寒谷之深可以推浮槩若木

日
餘
自

之杪磨蓬萊方丈之岑所謂天之利器浮雲決而妖
星流皎兮若黃河之水立而未泮煇兮若銀河之瀑
凝而不散珠聯垂象飾寶匣以熒煌壁合太陽耀連
環之燿燦晉邦一鼓之鐵堪恥微功業豁百鍊之金
難矜善斷炳然若大電垂而欲飛燿然若流虹挺而
增輝風霜肅殺助其利雷霆霹靂揚其威龍伯嘗現
魂飛而駭瀆其落巨靈仰視汗下而驚其陸離截鴻
鴈而斷兕犀安將比也日豪曹而補搥具何足多之
雖天柱折我劍鋒不缺雖日馭沉我劍光不滅有時
雪飛千里如削巨魚之鱗有時霞滿九霄若染長鯨

宜火官清少本

傲
作
恠
恠
恠

恠
恠
恠

通
恠
恠

之血迫而現之猶千里而近則毛髮森豎嚴凝凜冽
條而現之猶七日來復則神思愒悅晶瑩皎潔乍憂
到大象而屠六龍天網斷而地維絕適足飾帝心之
慮怒示天威之勇決粵有魁梧丈夫倜儻雄圖手操
斗極肩倚天樞唯四時與六氣為一吸而一呼因睥
劍而色動欲誅姦而氣麤於是冠青雲之纓綫曳黃
裳之襜褕謁紫微朝清都排閭闔以直入瞻冕旒而
前趨曰臣聞立大功者難以濟濟多士禦大難者必
用赳赳武夫所以贊經綸之霸略成恢廓之皇圖願
得倚天之劍將以靜四海而清八區通天命者為陛

通
恠
恠

二

下顯戮反天道者為陛下行誅俾萬靈奉職而不敢
為淫厲使百神畏威而不敢為毒痛則下土無札瘥
之患生民無水旱之虞冀聖人無為而靜理庶位有
截而昭蘇帝曰壯哉斯劔也始以陰陽為炭天地為
鑪崑山之眾寶皆索厚地之精金畢輸勅風伯以司
輔詔雨師而合塗千英萬靈前馳後驅天老練日時
之吉太乙詳銳利之符然後鑄於道鎔於德鍛之以
靜削之以默淬以明智磨乎睿識以天山之雪融其
輝以豐嶺之霜耀其色其鐔所以橫於東南其鋒由
是周於西北然後脊中夏而及外區匣六幽而藏八

極非聖人之大寶不足飾其容非罔象之玄珠不足
償其直壘五山而溝四海資以守邦帶河漢而礪崑
崙用之宣力今予賜汝汝可佐皇王而衛邦國大夫
乃拜手而謝趨風抗詞曰臣欣遭聖時幸至天墀罄
忠誠之有請遇宸衷之弗違特神器以寵賴敢戎行
之越思昔聞授鈇鉞者得專征伐賜彤鉞者用揚明
威實中權之節制奉皇家之典彝臣有三事為陛下
陳之粵有馮夷之神遐棄厥司忽朝宗之常道肆橫
流而自私堯為之咨嗟舜為之胼胝幾欲萍藻我蒸
民汙瀦我方祇臣常竊憤今得誅之其次曰屏翳之

三節
原
部
改

神不負其師遇旱則密西郊以含潤因潦則憑北方
以流滋望舒為之韜明義和為之藏暉幾欲蒙我融
明之鑒全其部沛之非臣嘗表怒今得刑之抑有吞
舟之鱗谷其口陵其頭自尊乎介甲之族縱暴于潮
汐之池帆樯為之蕩覆湍浪為之群飛臣當懷恨今
當戮之此三者皆姦雄之大也積凶德而無疑陛下
謂之何如帝曰閩外之事將軍戮之

咸平集卷第五終

宜秋館精鈔本



咸平集卷第六

京兆田錫。○

古賦

壘嶂樓

望京樓

積薪

依韻和呂杭早秋

壘嶂樓賦

宛陵之丘玄暉舊遊城連延兮百雉世繇歷兮千秋
流水白雲惜依然而覽遺風往事信恍若兮如浮
余以丹陛策名皇華奉使通蒞于此乘春以至驛梅
江柳動游宦之芳懷風觀露臺起高明之逸意壘嶂

玄暉亭在位
謝朓

通判通

國家圖書館, NATIONAL CENTRAL LIBRARY, TAIWAN, R.O.C.

地氣居
稱

居先登之悅焉憑落絮之危檻向飛花之晚天複嶺
連岡峙昭亭兮作鎮平蕪遠樹引句水兮為川因而
以古興懷臨高凝睇自春秋戰國之後洎吳魏鼎分
之際干戈僭王乘輿擬帝斯為形勝之地恃以控臨
之地襟帶三江咽喉五湖歸句踐兮稱越隸夫差兮
曰吳比奕棊之靡定唯霸略兮能圖方今禹迹重新
堯封復古銜王命於北闕詠皇風於南浦登高而賦
憐宋玉以才多覽景自怡非仲宣之思苦江渺渺兮
涵春草萋萋兮感人指蘇杭之達道介常欽兮為鄰
兩漿何歸引迴眸於天際微雲似畫帶斜陽於水濱

宜秋館精鈔本

既而閱謝守之詩蒼苔滿石覽獨孤之文芳塵在壁
杏花含露念昔我之來時菊蕊迎霜乃今余之暇日
歲云豐稔民之悅逸思命儔兮嘯侶聊登樓兮自適

望京樓賦

餘杭上游古曰嚴州入松院兮何處七里瀨兮清秋
歸去來兮陋風土之卑溼日云暮兮為印綬之縻留
危樓乃登京師是望天遙而閭闔來風海闊而蓬萊
架浪雲成宮闕似瞻丹禁之間吾豈匏瓜久戀滄江
之上雖汎蘭橈游泳乎子陵之灘沙蟲有毒又巖險
乎鳴淵雖攀雲梯登眺乎烏龍之山山嵐瘴人惡躋

八
入

二序本他三
三三子五子
百一前北歸即回
二有本他今
今矣

升乎絕頂詩不云乎式微書亦畏乎懷歸濯纓兮南
澗之水盈檐兮北山之薇葵藿載傾雖見小人之意
樞機一發豈知君子之機然何所不適孤懷自惜欲
將體物之辭留向他山之石登高必賦羨海水之朝
宗徒歌曰謠望長安兮見日始余來兮蒹葭蒼蒼今
余言兮白露為霜安得乘彼白雲歸乎帝鄉

○積薪賦

翹翹錯薪委積交陳後來者漸次居上先用者遂熱
相親仰之弥高或連枝而帶葉怒不在大喻弃故而
從新其大也降鸞輅於東封祝圓丘於南至執玉帛

宜秋館精鈔本

惟
惟

例二字上仿佛是已動
即交進列
已解存其

下字下更有
之字

者萬捧國豆邊於群吏禮容具舉樂章大備書稱柴
望達上帝於外裡詩曰薪蒸本周人之貴氣虞衡往
來折薪成帷載來北闕之下采自南山之隈輦運錯
雜積疊崔嵬但取裡宗之用不論瑰異之材譬如為
山豈勉力於勸學媚於竈不旋踵於貽災薪既不能
自言人或代之析理繫吾儕小人與彼已之子憂負
荷以弗勝為眾多之仰止匪斧不克因伐木以致身
受人之知合不才而省已始采采于山水之涯丁丁
合風雅之詩積之累之如京如坻遠望比層巢之峻
仰瞻侔累卵之危居中者謂不我遐棄在下謂人不

我知美古人善喻下僚其咨本入用之遲速胡缺望於高卑

依韻和呂抗早秋賦

楚詞若曰洞庭始波兮木葉微脫今藻麗之所賦彼詞采之可奪秋之為狀也湘天江兮晝清雲土夢兮晴閣肅風日之澹白爽乾坤之虛豁壽收其神少皞良辰天子居總章之左个載白其輅靡朱其輪詔扈隨之有司與侍從之與臣迎氣也兩師灑西郊之道風伯清北闕之塵順暑革故微涼鼎新當詞臣之在列承睿暭之何頻謂秋之可賦也月紀靈娥風清少

宜秋館精鈔本

遠人皆依序
稱人皆依序
在增補

遊
遊
遊

詞
詞
詞

誰
誰
誰

女珠連五緯鱗差四序當暑往以涼迴若露晞而霞舉方朔之辨既逸君子之可稱相如之文乃為時之見許於是抽毫進牘以就位研精覃思乎多士增雅詠於新唱徵博聞於舊史始沈鬱以麗則終鏗鏘而綺靡逸韻金奏妍詞鋒起詞鋒起詞鋒起詞鋒起詞鋒起於玉闕旋澄暉於帝里律生管以先變雲聳奇峰而未已日居月諸景象何如桐葉潛零下玉欄兮金井桂花增朗鑿珠簾兮綺疎白露降兮庭蕪已滋寒蟬鳴兮塞草未衰太史奏在金之日詩人稱流火之時華皓兮潘安易感離騷兮宋玉何悲人雖其咨彼

亦云嘻蓋楚風之掩抑夫郢曲兮高卑蘭宇清兮風
期自遠玉繩長兮日馭可縻當羲軒之景運樂堯舜
之昌期皇猷有截聖理無遺歌事曰風而布義曰賦
可金門而獻之

咸平集卷第六終

咸平集卷第七

京兆田錫

古賦

籌奩

春雲

菊花枕

長至

斑竹簾

楊花

籌奩賦

籌可運以經國奩為器兮因人諒緘藏之在己若智
術以居身巾箱是寄刀筆相親美方圓之合度詢啟
閉以何因待用乎嘉謀之士相從乎善計之臣與夫

斑

魯侯

清高作誌

玉藏於積笏措於紳寶匣祕鋒鋌之利錦囊包珠貝
之珍彼但拘於售使我實濟乎經綸當乎疆場無事
干戈不試放勛重華之享國大臨廷堅之就位政
寡聚謀兵無計利籌則斂之而弗用奩亦閉之而靡
動如晦迹而無營比卷懷而自奉亦猶伍員在越士
會居隋隱呂望於朝歌匿留侯於下邳雖有謀而弗
用雖有志而何施所以五曹九章之位無得而闕若
天地草昧風雲交會劉邦項藉之圖霸晉文齊桓之
伐罪後智勞精趣利違害籌則虎躍而龍據奩亦罄
中而赴外如志士之變通敢逢時而懈怠亦猶陳平

宜秋館精鈔本

背楚兮歸漢箕子去商兮事周呂蒙拔於行陣管仲
釋於俘囚既有謀而可術既有智兮堪薦所以二首
六身之文可得而見余謂奩則人也人則奩也文王
拘於羑里奩亦聖也伊尹耕於有莘奩於賢也韓信
忍辱奩於勇也晉宣詐病奩於明也籌也者固躬之
睿智奩也者周身之外防宜乎入將軍之衽席升真
宰之中堂得進退屈伸之理有弛張斂散之方斂之
則天地品彙之數寂然無覩施之則陰陽造化之情
煥然而明龍靈蛟神局於勺水千兵萬馬隱以嚴城
風雨動之而變化號令發之而縱橫可以罄比奩用

籌則善謀嘉畫因事而生

春雲賦

玉瑄春迴金門暖來柔先變柳絮已飄梅悅風和之日至賞雲彩之朝際其初升也穠蒼蔚兮其少進也澹怡融兮依然方觸類以多曙藹藹然若含情而自述有時散作雨飛春寒慘慘有時亂和煙起春陰悽悽或蒼梧南北或夢澤東西或樊川與輞川或吳谿與越谿或宿林園隨竹陰以籠徑或沉村落伴桃花而滿蹊或祈祈出關或溶溶映水或北渚紫住或東風吹起或勇如波駭積芳野兮幾重或曳若練舒

宜秋館精鈔本

如

南
歸
本
開

橫碧天之半里江中令醉吟不足高閣閑登王仲宣遠望有餘危樓獨倚疊疊連根磷磷淺文千狀萬態山陰水濱當青麥鷺飛野色朝淨見平蕪雉過韻陽夕曛挂古木之橫枝纖微欲斷覆孤村之半路融薄將分旭日未高晴天尚早晴片明滅兮殘雪方消一脉輕鮮兮慈蛾澹掃上國美景五陵勝道覆梁王之水榭下繞落花映韓嫣之金丸遠沉芳草澹澹霏霏涵凝麗輝漠漠依依舒遲翠微野態不定幽容且竒浮澤國之嶺頭閑傷斷夢生蘇門之席上想滿仙衣或漢世故宮雀喧空屋或梁朝古寺水暎踈籬或阮

籍嘯臺雨吹半日或嚴陵釣石鳥立多時或桑乾戰
場平沙眇莽或椒塗永巷群閣參差佇立閑望纏絲
動思想觸石以初起旋浮空而散馳塞遙而歸鴈相
逐天濶而殘霞共飛餘態遺妍思得杜陵畫品含毫
寫景詎徵楚澤芳詞

○菊花枕賦

粲粲佳人虹綬珠纓采采芳菊霜籬月庭晞彩日以
微燥迨輕風而益馨畫帕閑覆珍盤久停書閣閑開
讀錦囊之藥錄鑪香靜蕪披瑤檢之仙經味甘而豈
獨蠲疾品貴而仍堪續齡於是翦紅綃而用貯金葉

宜秋館精鈔本

倦存作憐

析酒解

之房

代絮枕而爰寘銀屏誰羨陳宮帶黃金以加飾慵思
漢邸祕鴻寶以稱靈當乎夜炯玉蟬漏催銀箭拂芳
塵於象榻展餘霞之綺薦蘭燈背壁慘寒熒之九華
珠箔垂軒挂繁星之一片於是撫菊枕以安體憐菊
香之入面當夕寐而神寧迨晨興而思健或松醪醒
而心頓醒或春病瘳而目無餘眩益知靈効雖琥
珀以奚珍自悅幽芳豈珊瑚之足羨昔也睥紫菊與
白菊和烟容與露芳咸見采於玉指惜徒况於金觴
巧思潛得重緘有方錦文緣飾以增麗彩線彌縫而
漏香價掩槐實名踰蕙房月幌斜開恨西窓之欲曉

枕臥思

玄

江

德

息

書帷半掩順東首以延祥魯國回賢誰念曲枕之樂
漆園吏傲空懷化蝶之鄉每至蘭堂夙興寶篋朝啟輕
藻繪於芙蓉勝琢彫之琬琰香在玄髮芳留雙臉致
元首之康哉美馨德兮難掩

長至賦

伊浮寒之嘉節美長至之良辰考天時於司曆驗星
昂於疇人陰極陽生復卦應連山之象珠聯璧合斗
樞迴柳木之津魯太史登樓以現履周天王服衮以
嚴禮黃鍾應律兮咸諧調逸緹幕飛灰兮山川氣新
表權輿於陽德信朕於芳春圭測而義和漸永衡懸

恩

宜秋館精鈔本

而土炭交陳始現玉殿歡呼金觴獻壽慶一陽之肇
至祝千齡而永久廣履燎設明環珮於儀容蒼海日
升照冕旒於元首息緣長至而賞加茲禮罷園丘
而赦宥歡聲大洽於寰中至信旁子於飛走所以金
張貴戚田實權門喜近增於爵土悅新益於封勲過
履長之納祐符元吉而承恩歌鍾鼎沸朱翠雲繁華
堂列席高燭羅軒輝煌暉耀雜遝喧賓榮以玳瑁
飾簪主貴以珊瑚映樽或饋履襪於舅姑或祝弓箕
於子孫協周正之故事慶堯曆之垂文唯有羈放之
客流年可惜長亭近歸孤懷自感殘陽晚廉寒燈夜

澗

室形影相弔精誠未適雖有樽酒誰飛觴而舉白雖
有鑪火誰方襟而比席將何消遣自圖悅懌天既付
我以文遂摠懷而命筆

○斑竹簾賦

湘水春深修篁翠陰因善巧之凝睇可為簾而運心
金及光翻拂霜筠而互解朱絲織就聞黛點以交侵
雖曰皇英帝子揮灑珠淚亦秋露之晚滋復春霖之
暮漬故錦章異狀由造化之自然綺錯奇文入良工
之經緯或疊若連錢或濃如濕烟或黯若陣雲之起
或累如滴水之圓踈畧增華漏月光而未卷爛斑若

宜秋館精鈔本

畫隔花影以初懸尤宜寶軸分輝玉鈎加飾垂旌翻
虹綬之彩飛額動金鸞之翼彼海蝦之鬚誰能貴之
神麟之毫安足多之編明珠者奚羨緝翠羽兮胡為
未若我鬱金之堂椒塗祕室取守節以持操貴以文
而勝質連垂香砌透燭影於洞房高挂曲瓊延曙光
於綺席矧乎金犢將駕雲輶欲升闔繁華於戚里閱
芳菲於五陵若玳瑁以粧成前瞻繡輓想瀟湘而意
遠後從玉乘美哉琅玕之用貴豪所共悅珍華之外
飾致貞芳之可重也因而歌之曰碧鮮有文露點煙
痕簾者廉也感人思重華之德援毫頌南風之薰

楊花賦

梁苑殘春垂楊映津枝黛染以交引葉眉纖而闌伸
落絮如雪飄雪_煙拂塵輕芳兮就月為魄澹白兮依風
作神當豔陽之美景遇上巳之良辰其繁也六出之
英未多其豔也早梅之芳若何釋葉緋蒂流枝逗柯
浮朝露兮散斜陽九重丹禁拂扁舟兮隨兩漿千里
輕波是時孝王多暇閑登水榭因悅柳之太柔賞茲
花兮似畫乃顧鄒枚憐其逸才命臨流兮就景陳綺
席之金壘相如後至居於右座欣麗藻之無敵若陽
春之寡和家兵目動怯勝氣以潛消梁孝意怡禮奇

宜秋館精鈔本

才兮敢情於是投以毫牋言容憚然曰寡人多幸知
子之賢願以文為樂也俟當場而試焉且昔楊柳之
詩古人有之楊花之賦作者多非可以運精研之思
施絕妙之詞相如感主人之遇援毫而賦盡華藻之
菁英得飛花之態度以為漠漠霏霏微風暖吹裊甘
露於珠樹蕩朝陽於玉墀乍若吳王江國水殿春曦
梅花已老零落交飛矧又蕩然無羈紛兮交錯入殘
月之綺窓滿夕陽之畫閣乍如陳后失恩長門寂寞
梨花向晚繽紛散落有時金屋徘徊珠簾半開眉繡
林之彩縷紫粉奩於玉臺乍若謝家之院寒景相催

狀
之
始
潔

石字衍存

暮雲方密飄飄回來至於湘浦幽深檀林葱蒨滿黃
陵之古廟撲蒼山之晚殿乍如亂峰之下落泉飛練
噴嵐灑烟沫花相濺有時送客南游垂楊渡頭未盡
離酒猶縻去舟思夕宿之江館望朝雲之水樓飄兮
蕩白紫鴛惹愁和鷓鴣以連飛平波渺渺伴舳艫而
已遠晚景悠悠到夫春院深嚴書帷閒寂橫南窓之
綠綺委群書於細帙水濡相沍沾匣硯以唯飛風聚
成規滾砌沙而可惜加之碧簟銀牀梧桐影涼春光
餘幾豔景方長當奕客以凝情飛來寶局值嘉賓之
舉白吹過金觴有時簾幕雨餘池塘風定凝去忽不

宜秋館精鈔本

脫字不脫
互作二文

脫字

飛幽而可詠榆墜英以相先桃落花而互映餘態
重重妍姿弗窮大約含愁於夕靄唯憐委迹於流風
值輕露以多掩傍微陽而即通是知有以妖冶輕為
貴者雖五彩之毫妍不可寫雖數子之詞才唯騁奇
唯相如之善者致梁王之悅而乃命左史記言而右
史錄之載之寶笥以為柳花之詞

咸平集卷第七終

終下



合于集七卷
八

宜秋館精鈔本

咸平集卷第八

京兆田錫

律賦

西郊講武

聖德合天地

五聲聽政

泰山父老望登封

群玉峰

西郊講武賦

以變時閱兵俾民知戰為韻

吾皇帝以品物咸寧方隅砥平當北闕之無事幸西郊而講兵萬乘天旋按和鸞之節奏六師鱗萃分部伍以縱橫蓋以安不忘危先王之訓理不忘亂聖人

夏
任
左
順

稱

以
如字道
旌
存
施

存
存
存
存

所慎雖寶祚之重熙當昌朝之應運禮稱秋獮法無
爽於威加易貴師貞動必遵於豫順於是綸紱宣詞
西郊戒期中謁者傳出兵之令大司馬陳講武之儀
甸人奉職以奔走軍吏宵征而陸離現象於天當太
白垂芒之際陳師於野協金風肅物之時於是駕太
一之帝車出兌方之近甸聲容海蕩以川振扈從風
驅而電轉宣傳號令若驪山之閱真分布陳行比滇
池之教戰百萬之眾如虎如貔三千被練如熊羆或
圓陣以右布或方陣兮左或靈鼉以進矣或金鉦以
却之喧喧闐闐天地為之震蕩乍離乍合山嶽為之

宜秋館精鈔本

分披睿武皇威警四夷而盡恐軍般兵勇肅萬里
以威知既而臣下山呼天顏先悅罷鵝鶴之行伍散
魚麗之布列蚩尤扈畢以遵路風后陪乘而中節乃
捨爵以賞賚迨策勳於功烈古稱擢德我則克己以
虔恭孰可去兵我則以時而講閱夫武有七德修之
於君天生五材用之於民靖亂四方必以武而底定
懷柔萬國必用文以經綸是知武輔於文若雷霆表
吳穹之怒文經於武猶舟航濟巨川之津宜乎仁君
綦嗣於玉圖睿德方臻於至理摠兵三百萬括地萬
餘里康濟黎元洞同書軌然春秋有閱兵之禮仲尼

垂教戰之旨故神武耀乎區域天威震乎遐迩書云
夷夏蠻貊罔不率俾

○聖德合天地賦

以聖德昭窮合
乎天地為韻

聖德昭宣巍乎煥然廣大而下蟠於地高明而上極
于天地道以卑我則小心而翼翼天心以健我則終
日以乾乾洪範曰思作睿睿作聖常心逸於萬務每
躬親於庶政文明取象圖書昭之文恭默無為
方輿順發生之令閔史官之圖錄披夫子之文章堯
舜禪讓謂之帝羲軒拱揖謂之皇漢文或尚雖霸道
夏禹則首隆王綱雖殊塗而光被實同德而昭彰宜

宜秋館精鈔本

乎恩普黎元澤均品彙鹿鳴食野以斯樂魚性悅泉
而自遂亦猶高無不覆三辰垂象於昊天廣無不包
萬物流形於厚地天之道福謙也所以用人于朝地
之道害盈也所以用德勝妖礼或稱乎穆穆詩或詠
乎昭昭睿聖崇高固難闕於戶牖謨猷靜謐亦下采
於芻蕘美哉仁比春融量能海納信一德以允若與
二儀之胞合濡之惠澤若吐自於山川扇以皇風比
來從於閭閻故得保興隆於帝圖常覆育於中區故天
不愛其道而祥風入律地不愛其寶而器車在塗所
以封泰山以告成既盡善也禪梁父而報本不亦宜

下衍也

乎今我后功掩百王恩敷萬國齊夷夏於大信納生靈於壽域故風雨咸若陰陽不忒大哉蕩蕩巍巍乾坤而合德

○五聲聽政賦

以聖人虛懷求理設教為韻

伊昔夏禹君臨兆民設五聲以羅列從萬務以躬親詢采謨猷雖葛冕之必達敷陳忠諫因金石以來伸故德如天贊功惟日新所以文命稱為聖人者也蓋以事堯統天翼舜為理常率職於曠土遂成功於導水吳穹寶運因王者以應期虞氏琮圖乃禪之而在也莫不夙興念理夕惕虛懷思細善之有益諒虛受

宜秋館精鈔本

鞞
作和
鐘

鞞
洋
鐘

以克諧莫以聖功繼達聰之與明目將令儉德比茅茨之與土階於是筍簋交陳鞞鞞斯設泗濱之玉磬居次鳧氏之金鑄就列彼鳴鐸之在懸亦揚音而中節五音遞奏來直諫以無疑眾善畢臻補皇猷而靡缺乃曰教我以道者振靈囂而獻謀咨爾以義者聞華鍾而采收考鞞者謂余以獄擊磬者告吾以憂彼言事之激切在鐸韻之周流扣擊以聞所謂乎同聲相應鏘洋有節罔殊乎同氣相求是知居大寶以至公納嘉謨而設教有以見聖人以道為體以天為貌必包納而弗厭蓋仁賢之可樂兢兢業業敢弗躬而弗

於作
於作
於作

親穆穆皇皇實是則而是効美哉謙尊而卑不可踰
體道而受人以虛信君臣之共濟若魚水之相於諫
有五馬所以五器之音命爾德惟一也宜以一言之
善弼余故得天錫玄主帝傳大政菲飲食以示儉美
紱冕而稱盛宜乎仲尼曰禹吾無間焉予以見有夏
之至聖也

○泰山父老望登封賦

吾皇帝厚德比于坤元至仁侔於穹昊伊岱宗之父
老望翠華以升告傾心精意向天闕以虔恭頓首斂
容莫論言之存詰豈不以思深覆育惠感生成桑榆

宜秋館精鈔本

升
作
作
作

於作
於作
於作

戎
作
作
作

道
人
作
作
作

上
云
作
作
作

之景方暮葵藿之心迭傾極玉高峯思覩登封之禮
鳴鸞近甸佇諧延望之誠咸曰帝嗣洪圖寰區晏如
納生靈於壽域侔至化於華胥北天山而南越裳爭
輸職貢右流沙而左蒼海正混車書莫不天意與人
心交秦越情與物性相於斯乃運方契於千年得冥
符於昊天雅頌造道人之采祥經盈太史之編泳鯨
翔鷲已放靈於郊藪靈茅拒秦宜薦羞於上玄臣等
幸以期耄之身為太平之民生籍寄龜蒙之下先疇
迺洙泗之濱七十二居古常稱於茂典三千年後今
正逢於聖人願陛下采古義於前書命擇儀於良相

勅宗伯修壇宮之祀詔太常建黃麾之仗鹵簿鍾鼓
圭瓚和色展儀於梁甫之下禋祭於靈峯之上虞君
頌瑞願諸方伯之心漢帝射牛宜慰老臣之望鶴髮觀
齒精誠不已俯躬如就燥之焰注意比朝之水朝宗隋雲
彩諒龍德以堪從口比山呼冀鸞車之戾止曷曰先
天弗違書云肆覲群后思古礼以猶缺鬱眾心而是佇泥金
報天德之高封土增神靈之厚協探策之異數薦如
山之萬壽小臣亦能著封禪之書向皇風而拜手

群玉峯賦

以玉峯從群峭鮮
潔新明為韻

昔穆王以閭苑希風宸遊縱欲適玄圃之仙界悅靈

宜秋館精鈔本

峯於群玉乃顧謂祭公謀父曰斯山也拔厚地摩穹

天含珍蓄藏寶神宅仙軼銀臺之比峻踰太白之相
鮮歷落排空有處類巫山十二唯峨倚漢有處如蓮
峯五千朕知卿之才者卿為朕而賦焉祭公乃拜手
對啟揮毫應詔心驚峭岬情忘從聳峭或勞想於璘玕
或馳神於寤寐以為一氣初判三才既生融而流者有
四瀆之靈結而粹者有五嶽之名雖羅封而列爵謂
生賢而誕英未若我傑出紫府高踰赤城虎踞龍盤
聳圭璋而踈朗霜華雪彩皆琬琰之融明或孤而高
或峭而絕或掩映以相翼或颯呀而半缺遠而望也

函館

子思無
縣字景傑

則仙家青瑣含秀氣以玲瓏類而言之則春宴金盤
點蘇山而皎潔宜乎培塿玉壘奴隸圭峯蓋闕之英
安足比於形勝荆谿之秀固亦陋其聲容若摠而狀
之則高者如飛欵者如恐背者如遜向者如聳瑰姿
琦態兮信匪尋常要翠摩青兮可以瞻奉祭公既畢
不停綴辭妍若春賦詠既就歲規載伸以為士林之
群藝圃之人有道有德有賢有仁磨琢材能而益峻
切磋名節而尤新儻一人之延納則多士之來親穆
王乃曰吾願益求賢哲比群玉之嶙峋

咸平集卷第八終

咸平集卷第九

京兆田錫○○

律賦

鴈陣

開封府試人文化成天下

南省試聖人並用三代禮樂

御試不陣而成功

春色

曉鶯

鴈陣賦

以鞞落南翔雲
飛水宿為韻

執

翔土但存絕塞
陸士海在堂

兮
增
存

絕塞霜早陰山葉飛有翔禽兮北起常遵渚以南歸
 一一彙征若陣行之甚整嗷嗷類聚比部曲以相依
 當乎翔野九秋湘天萬里風蕭蕭兮吹百草鴈嗚嗚
 兮向寒水單于臺下繁笳之哀韻催來句踐城邊兩
 槩之幽音驚起頡頏交相翩翩迭翔似魚麗之布列
 若鵝鵝之舒張疎密有緒高低載颺天空而殘月鋪
 影水闊而微雲間行應遵丹鳳詔書咸增躍躍雖是
 蒼鷹鷲勇敢擊堂堂觀其戾青霄橫碧落歷江渚達
 沙漠來若羽林騎士聞一鼓以爭前去如翼衛材官
 聽披金而稍却豈天陣地陣之能詢何圓陣方陣之

宜秋館精鈔本

足云但見乘夕靄拂朝雲羽翼自高不讓於漢家飛
 將煙霞遠沒疑沈於翔土孤軍宜乎後伍先偏聲交
 影接當塞上之飄雪值江臯之陸士海縱橫勢定陣圖
 按牧野之師綽約體輕兵法試吳宮之妾唯有淮之
 北漢之南山如畫水如藍離離而霞彩旁襯一一而
 波光遠涵旋成偃月之形悠颺可愛忽變常山之勢
 首尾相參乃知接武煙鴻追蹤霜鵠既橫空而似陣
 自違寒而順燠北方遠兮南圖遙雲飛水宿

開封府試人文化成天下賦以煥乎人文化成天下為韻

大哉至明之君膺景運集洪勳躋域中於皇極化天

禮記卷之九

卷之九

下以人文時屬升平煥聲明於禮樂道尊儒雅發謨
猷於典墳豈不以五大光之圖遠聞雍熙之至化金
華斯偃朝堂多暇道人述職方下采於詩聲真宰經
邦亦恥言於強霸美哉文之為用也至化攸先明乎
煥然比萬彙流形於厚地三辰垂象于穹天燦火衣
裳禮之文也始飾容而有爛羽旄綴非樂之文也將
遠節以相宣故克舜化民以仁禹湯躋俗以義致玄
德以招著見皇風之先被是以魯史述湯之德也則
曰齊聖廣淵虞書美堯之仁也則曰聰明文思宜乎
邊豆品數車服采章成均掌序序之齒列瞽宗司金

宜秋館精鈔本

石之鏗鏘繪宗廟之彝器炳日月之太常皆文之於外
者也黎民聞之以恭肅靡不昭彰迨乎易之教也厥
旨精微書之訓也俾人貞幹詩之教也致流俗之悖
厚春秋之教也懲賊臣之叛亂斯乃文之於內者也
萬國化之中正炳然明煥是知撫育中區恭臨寶圖
納生靈於富壽致品彙於昭蘇亦猶挹水於器而方
圓自適以木從繩而規模罔踰是以洋洋鄒魯之風
宜乎盛矣穆穆唐虞之化猶歟煥乎今我后功格昊
穹澤流區夏復風俗于敦古播歌歌於大雅悅靈臺
之偃伯慶華陽之歸馬小臣幸與試於王庭抃踏於

雙闕之下

○南省試聖人並用三代禮樂賦以皇獻昭宣禮樂備舉為韻

吾皇帝膺運承乾唯師古以為先化邦家而輯睦因禮樂以昭宣雖三代令王稽泐華而殊矣而千齡聖運能損益而煥然豈不以樂也者本乎天禮也者本乎地將化民以成俗信有教而無類禮能加肅先祖豆之有儀樂以導和宜笙鏞之大備昔夏后之御曆也憲章於舜祖述於堯推曆稽人統之正用寅為歲首之朝牲用乎驪能降神於盼饗聲均大夏又何敢於簫韶所以致皇猷穆穆而王道昭昭又若有商之

宜秋館精鈔本

統天也以應天順人惟干戈兮是舉以逆取順守致彝倫兮攸叙恭為禮本嘉尚白於衣冠漢為樂稱表均和於律呂其以宗周之致理也以道合乎地者稱帝仁合乎天者為皇能兼帝皇之盛德是為聖哲之令王駢犢貴誠加以用宗彝之鬱鬯黃鍾本律其始導天統於陰陽是知三王之救衰弊而拯黎元也不相襲乎至音靡相沿乎大禮亦猶五材迭用運元化以成功四序交新致歲功而有體今皇上嗣位而致升平也前古之遺文必復百王之闕政皆修是以文章明備聲教同流明堂辟雍表尊崇於儒術宮懸樂府

方遠播於鴻猷矧今卜代繼於周姬登歌美乎象箭
方期駕玉輅於魯道封金泥於秦嶽遐方咸走於梯
航太史遠頌於正朔小臣稽首而稱之曰穆穆皇皇
有以見我宋之禮樂也

○御試不陣而成功賦以功德雙美威震寰海為韻

聖人以德御天下威加域中諒至仁以無敵故不陣
以成功徵道德之格言謂乎善戰取春秋之經武自
服皇風是知恩始孚于萬靈武實加乎七德安民和
眾以為本禁暴戢兵而是式所以堂堂之陣弗施而
唯取柔懷整整之旗何用而陋乎剛克昔者成湯革

宜秋館精鈔本

夏澤及萬邦勅敵靡由乎力制匪人自悅而心降豈
比夫祖龍霸秦恃山河之百二淮陰事漢稱智勇以
無雙又若武王克高靈旗前指豈鵝鶴之是列匪魚
麗之稱美自然威宣有亮民率服以來歸師濟盟津
眾悅隨而戾止是知王者之取天下也澤普群動恩
流九圍道德為城池之固忠信為甲冑之威所以簞
食壺漿迺王師而自速靡旗亂轍望聖德以如歸宜
乎師克在和動先規鬱仁義之施也若風雨之速威
武之加也若雷霆之震傳稱因壘美崇伯之歸周書
曰舞干紀有苗之服舜今聖朝以民濟壽域道治人

寰將鑄劍于農器方虛候於玉闕弭福於未形恩
能服衆布英威於有截禮以防閑下臣廣歌之曰化
洽無私兮功符不宰取仁義為勝兮豈干戈礪乃德
上冠於唐虞政下任乎元凱孫吳之陣法奚取韓白
之兵機弗采宜乎車同軌而書同文至化方流於寰
海

○ 春色賦 以暖日和風春之色也為韻

芳景晴空春曦暖融霽花天之一雨冷蕙徑之來風
宮闕參差曉靄朝煙之上山川明潤森羅暎日之中
摠而賦之春之色也化工運丹青之筆貞宰以天地

宜秋館精鈔本

為冶仙家乍至桃花映武陵之谿南國未歸楊柳繞
瀟湘之野始乎言太族之辰書曰王春北闕引青旂
之仗東郊馳蒼輅之輪和氣條來襲冕旒而盡悅朝
陽既出麗藻火以交新通後華陰遷陽更寒曷暖暖
襲物兮舒釋陽為先兮布滿明霞澹靄初發色於樓
臺清奏雅歌始均和於律管言其狀也則明婉而融
怡狀其體也則暄妍而絕曠宮漏盡永天光日遲散
梨花兮似雪垂柳線兮如絲古渡輕波望孤舟之去
矣平蕪落日惜情山之遠而大都芳景之妍物華非
一美梁王之苑園閱漢家之宮室珠闌摩雲金堊

碧音佳梨白
晴亦如景美音

屋宇如帳

折竹再折竹
折竹再折竹
折竹再折竹

愛作畫

龍化淡
以成以

日奇樹綺錯幽禽錦質盈空今嘉氣曉浮暎水令晴
雲晚密丹帷翠屋因籍草以駢羅寶馬鈿車過看花
以闡溢景麗何多情怡若何藻飾兮神化之巧融明
今時氣之和美其近焉謂棠花而澹柳賦其遠者憐
被山而帶河稱含筆以閑吟生於豔意宜倚樓之遠
望流入橫波唯有多士逢時觀光上國金榜中太常
之第五階謝帝皇之德柳陌杏園花驄寶勒雪袍綴
行桂枝新觀者如堵有以見滿身春色

曉鷺賦

以芳天晚景晚
聽清音為韻

煙樹蒼蒼春深景芳聽黃鸝之巧語帶殘月之餘光

宜秋館精鈔本

金袂菊衣新整乎遷喬羽翼歌喉辯舌闔成乎一片
宮商嘗以清漢雲斜東方欲曉華堂靜兮寂寂珠箔
深兮悄悄新聲可愛初歷落於花間餘轉彌清旋間
闕於樹杪宛轉堪聽纏綿有情伊寶柱之清瑟與銀
簧之暖笙雖用交奏而成豔聲未若我龍月澹煙之
際鸞舌輕清聽者躊躇聞之怡悅若清露之玉佩觸
仙衣之寶玦隨步諧音成文中節未若我曉花曙柳
之間鸞聲清切美夫藻井霞鮮金盤露圓語因繁令
乍默韻將絕兮重連窻背紅燭星稀碧天楚襄王春
夢覺來還應默爾陳皇后香魂斷處墜不依然有時

品道
存增

楊柳迴塘梧桐深井聲煙裊兮忽斷春意牽兮自永
新篁宿寒芳杏朝景闌闌枝上帶花露之清香喋喋
風傳入月簾之靜影樓閣輕陰房廊情深引萬重之
芳意成百態之餘吟綠窓夢斷玉鑪殘堪憐俊品寶
帳酒醒宮漏淺彌稱清音余以為春帝之命敷宣詞
令鄙桃李之無言嫌百舌之多佞知仙翰兮善歌可
司花於香徑巧緒非一詞端靡定其聲也纍纍然端
若貫珠悅春朝之采聽

咸平集卷第九終

宜秋館精鈔本

咸平集卷第十

京兆田錫

論

政教何先

妖不勝德

天機

復井田

政教何先論

禮曰教猶寒暑謂寒暑違於常則歲功失矣教喻失
 於早則人性塞矣語曰性相近習相遠故君子慎乎始
 習矧以五常之教欲澄清於人性之初乎語曰為政
 以德譬如北辰則眾星拱之又禮曰政者正也又政

人性



申伯載初

猶蒲蘆詳聖人之指歸觀當塗之政教若水火之濟
用此輔車之相依政與教交相用理與亂無相遠何
哉昔堯舜之教人以仁義故比屋可封桀紂為政以
暴虐故比屋可誅夫黎民必以曆數之命大寶之位
歸於至聖之君俾之設教為政以撫育黎元也故聖
人夕惕若厲用天之道而為國之政然一人不可以
獨理必以眾賢而贊之故堯舜欲教人之播殖則命
后稷以稼穡之政以訓之天下之民由是服勤於農
桑矣欲教人之知禮則命伯夷以典彜之政以化之
故天下之肅恭於訓導矣申命后夔掌金石之樂臯

宣統館精鈔本

鈐疑鉄
鉄誠道序年

陶司小大之刑左右翼明聖之君圓方得黎元之性
故唐堯之時民盡躋於仁壽矣斯則當至理之世無
為之朝先於教而後於政矣洎湯革夏之季世武王
化有商之遺黎大則以干戈滅兇小則以鉄鉞弭亂
雖應天以順人亦逆取而順守干戈為三軍之政鈐
鉄為大理之政故天下畏罪而悛惡民心自亂而復
理是則聖王之教猶寒暑也理民之政猶水火也水
火有象而寒暑無形寒暑不可一候而有差水火不
可終朝而斯闕禮曰使人遷善遠罪而不覺者禮也
禮防人之性抑人之亂皆於未然故不見德之日益

功先教
政舉之二

必有時而成君子也君慢於禮而怠於教人心漬熟
雖不見惡之日滋必有時而滅身也昔管夷吾霸齊
之一相也猶云感入之心若秋雲之生淒涼也悅人
之性猶春景之致和樂也仲尼曰吾志在春秋行在
孝經孝者百行之本欲人之速於孝悌也是聖人深
於教也春秋者懲惡而勸善亂臣賊子聞之而懼是
聖人深於政也昔伊尹五就桀欲速於政與教也夫
教之道非一塗而政之術有常檢非一塗者喻網罟
之眾目必牢籠廣施而然後獲禽也夫常檢者若九
達之坦道必夷蕩而使人知適也昔群盜弄兵于潢

宜秋館精鈔本

敬
使

池之中龔遂散車至群盜散者以道教之也昔五陵
諸豪恣橫於京邑而張敞以彩幟獲盜而民畏者以
政肅之也以是論之上自聖王而下迨賢吏操政之
柄立教之本亦無先焉無後焉比乎左右手輔於躬
而適乎用必若窮至理而取確論則理清靜之朝勞
精於設教可也正澆漓之俗則專意於為政可也洪
範曰強弗友剛克又曰變友柔克教化先後斯言可
徵

妖不勝德論

書曰妖不勝德錫謂理未當也若謂妖不勝刑可也

何哉不忠之臣國之妖也不孝之子家之妖也唐虞時四凶為妖堯舜之德豈能勝之卒用刑而流之竄之然後天下咸服既而禹繼堯舜嗣摠大位不能以德勝防風氏果明其罪誅而勝之其後尹譖之妖成湯誅之潘止之妖文王滅之管蔡之妖周公戮之堯舜成湯文王周公尚不能以德勝而刑勝之况伯宗之直欲勝三郤之暴乎仲章之賢欲加鄆舒之戈乎伍相之忠欲敵伯嚭之佞乎益不能也唯明者能辨之有權者得誅之明與權相濟妖與德相敵苟明不照微權不在己雖有威德豈能勝妖乎聽而不聰則

宜秋館精鈔本

妖言入視而不明則妖色造好訐以直言好讒若忠告言之妖也貌厲而內在色取仁而行違色之妖也朱雲知張禹之妖不能逐是明有餘而權不足也德宗感盧杞之妖不忍棄是權有餘而明不足也或曰苗氏不寶舜舞干羽七旬來格豈非德勝乎錫謂非也當始征之際苗氏有辭舜謂之退然後來格蓋三苗不欲因伐而降也若然則聖人之德素被於天下何必七旬之間益修文教方化匪人蓋彼緩舜之征因而來服也亦猶崇侯作亂文王因壘而降若使文王退而修德不復再駕崇亦弗賓也少正卯一姦雄

爾孔子未為司寇尚不能以德勝之矧苗民崇侯奄
有邦國雖虞舜文王謂以德勝未之信也聖人猶然
况仁賢乎自在居子寡而小人眾獨立其德不為妖
勝者鮮矣故錫曰妖必勝德

○天機論

天者道之心也機者天之用也以心發機將全乎道
也日月風雨雷電雪霜並機之用也地輔於天亦猶臣
事君而子事父故山嶽川瀆草木蠢動亦機之用
也日月薄蝕星辰彗孛風拔大木雨降流血雷震寢
室霜降炎天山嶽摧摧積穀落激閭雉雖高宗之鼎彝

宜秋館精鈔本

拱太戊之朝即機之發也發其機屬乎人君者也夫
天生蒸民樹之君以司牧之賞之寵之居得而專行
焉戮之辱之君得而擅行焉威福二柄自由於君行
其所好誰敢沮之行其所惡誰敢違之聖人所以不
妄動不妄言言必可行動必可法位至尊而心至謹
夕惕若厲日新厥德所以天降其祐故洪範休徵以
為肅則時雨若乂則時暘若哲則時燠若謀則時寒
若聖則時風若乃有樹連理而呈祥莫抽葉而紀候
郊藪萃於麟鳳宮沼躍於龜龍若謂居域中之大專
三柄之重以為行其所欲人莫我違縱其所好人莫

重
修
本

重
修
本

我拒於是身妄動令妄施則天降其咎故洪範咎微
以為狂則常雨若僭則常暘若豫則常燠若急則常
寒若乃有石言魏榆之野壤壤梁山之丘宣榭有火
而降災魯門闢蛇而表異天降其祐天之賞機也發
其機賞其居俾人居無忘於德也降其咎天之罰機
也發其機中其居俾人居無縱其欲也故聖人則天
之明用天之機堯謂舜曰天之歷數在汝躬於是考
璣衡而齊七政然後揖讓禪受膺其大命是知舜有
大孝天以歷數授之也舜又謂禹曰天之歷數在汝
躬然後亦揖讓禪受膺其大業是知禹有大功天以

宜秋館精鈔本

得
居休
勤

原
周
字
存
在
增

賞
存
在
子

歷數福之也成湯伐桀則曰應乎天而順乎人周武
伐紂則曰恭行天罰故大禹休居海神受職暴秦黷
武人不聊生天則移其歷數授於漢祖故五星聚於
東井赤雲見於驪山是知天之發機福善德而禍淫
也故春秋曰天方授楚又曰天厭周德授之者福
善之機也厭之者禍淫之機也若君得天賞機而恃
之則福轉為禍得天罰機而懼之則禍反為福所以
楚莊小心故身賞亨元吉宋景悔過故國不纏災天之
不言而信其機乎孔子云惟天為大惟堯則之聖人
則天之明故厚其祿峻其秩以賞君子峻其法嚴其

儀義

社作此

富和作

刑以退小人故賞一人千萬人悅罰一人千萬人懼
然後賞不費而人自勸刑不煩而人自正得非天以
機警於人君人君得天之機警於兆民則君明臣忠
朝廷之儀正矣父慈子孝家人之道嚴矣兄友弟恭
棠棣之詩興矣夫和妻柔閭閻之理明矣豈非人居
用天之機而養天之民乎桀紂不知天之罰機則玉
孟象箸酒池脯林霜及膏人之脛血銅柱灼人之髀
肉故天墟其國而暴其社文武能知天之賞機則葬
無主之骨封賢人之墓散商紂之財以富人息虞芮
之訟以勸人故天祚其代三十延其年七百其若君

宜秋館精鈔本

明臣忠父慈子孝兄友弟恭夫和妻柔則悅心在於
人而和氣動於天是以天之六氣不得不調地之萬
物不得不泰行於樂府則其音安以樂化乎寓縣則
其人富且壽介族在藻而遂性羽蟲擇木而安巢天
之用機則如彼君之得機又如此是知天之機君之
機其循環乎

復井田論

井田之法聖王所以維持萬民而牢籠甲兵也何謂
維持萬民一則比閭設而人無流亡二則審知生齒
之眾寡三則賦役均勞逸等四則里有序而鄉有

兵作印
作印
白作印

庠序以勸學故謂之維持萬民也何謂牢籠甲兵蓋
大夫謂之百乘之家諸侯謂之千乘之國天子謂之
萬乘之主各於提封賦出兵革故謂之牢籠甲兵也
洎秦革周制阡陌驟興雖富國強兵一時雄盛及其
弊也後人不勝其害蓋兼并者眾而賦役不均也豈
徒然哉自春秋時井田之法亦已弊矣當魯成公始
作兵甲孔子書之議其重斂又季氏三分公室各正
其一皆井田之法已紊於周末矣逮至于秦商鞅革
其弊而利於時者也然富者連阡陌而貧者困流亡
流亡之患由不復地著故也漢興之後民多末作賈

宜秋館精鈔本

版

情

傳上言遂開藉田其有豐歉不均耿壽昌請置常平
之倉東晉以來人流不息乃設土斷之法齊梁之際
以板圖漏略不知生齒之衆寡乃創校藉之吏皆訟
革救弊而井田之法歷代卒不能復唯王莽驟欲復
之而農商失業今之論者尚思追復而事有不可得
而復也何哉且今之兵異於古也古之兵散在農畝
力於稼穡因蒐狩而教戰為征伐而征用用則為兵
退則為農今則異也聚之為營壘仰食於廩祿壯則
責以干戈之役老則退為游惰之民井田不可復之
驗一也其次六筭之利歷代攸先實資豐富之民俾

為免課之戶既資豐富寧去兼井兼井既存賦役不
籌此又井田不可復之驗二也今但復常平之倉修
土斷之法三歲一閱戶籍之數然後大興水利博開
籍田籍田既博則民務本者眾矣水利既興歲雖旱
而農無害矣本務因是而日增末作因此自禁倉用
當平而常得酌劑民依土斷而不得流亡夫如是井
田之利存焉為理者患在不行不久苟行而且久則
民安得不庶且富乎既庶而富然後制度立乎其中
使輿馬衣服婚嫁喪葬不得僭差僭差不生則費用
有節費用有節則在上者不敢僭侈在下者不生觀

宜秋館精鈔本

慕夫萬貨生於地萬民依貨而生者也聖人善用萬
貨善役萬民以先務於用地用地者務農而生貨也
文王善於用地而為節制者焉節制者井田之謂也
自黃帝唐虞夏商之代已有經土設井立步制畝之
數也至文王用土著之法而損益舊制故有比閭鄉
遂之別焉今唯兵革不可復於井田之制而於禁流
亡知眾寡均勞逸亦有歷代之法存焉可酌而用之
適時從宜以便於國即周望以異名於井田也何必盡
法周制方謂之善哉

咸平集卷第十終

周禮
同
實

此
行
後
不



國家圖書館, NATIONAL CENTRAL LIBRARY, TAIWAN, R.O.C.

宜秋館精鈔本

咸平集卷第十一

京兆田錫

○論

○伊尹五就桀 知人安民孰難

○羊祐杜預優劣 直

○晁錯

○伊尹五就桀論

柳宗元嘗有伊尹五就桀贊其序略曰伊尹者聖人也不夏商其心心乎生人而已湯誠仁其功遲桀誠不仁朝暮及於天下又曰湯桀之辨一常人盡之矣



又曰聖人之急生人莫若伊尹錫以為柳公所美之意尚未盡且伊尹在夏也日見其暴月聞其惡歲熟其過在明識先見豈不知桀之惡確然必不可革乎豈不知天之歷數在於湯乎而去就自惑之若是雖急於吾民冀朝暮及於天下所謂徒汲汲於康濟而思慮不精密也使之速去桀而干湯湯之聖伊尹之賢賢與聖合則天下之政孰云晚矣與其五就桀孰若亟去之速也矧君子俟時以行其志時之弗來雖聖與賢孰敢妄動使伊忍暮月之遲周歲之晚未為後時矣欲朝暮之速無乃太速乎錫以為伊尹於一

宜秋館精鈔本

日而五就桀乎以周月而五就桀乎殆數歲而五就桀乎以理酌之豈一日乎豈周月乎必數月之外不然數歲矣以是計之益不如亟去之速也較而論之肇適于亳醜復之心素定矣再適于亳相湯之時將至矣於是升自陟以一戰相湯之功行己之志得其時矣時之疾速伊尹豈不預料哉易曰知進退存亡而不失其正者其唯聖人乎伊尹知時久矣五就之言錫謂孟子垂訓之旨也若然者雖欲疾速其功可得而疾速乎設使桀能返狂作聖伊尹而相之其仁雖朝夕及於天下矣而天之歷數復棄湯而在桀乎

伊尹聖人也豈惜於天時人事之向背而惑於醜夏
適亳之去就哉

○知人安民孰難論

書曰在知人在安民惟帝其難哉以堯之仁聖庭有
元凱左弼右輔猶稱知人安民之難由是見君於邦國
吏於職官得不重慎於用人而勤勞於撫俗乎嘗論
之或曰大賢則深沉厚重而難知大佞則姦詐矯偽
而能難識苟非大賢大佞則暮月盡見其為人也唯上
之治民下之從上如水投器器之方圓水則隨之以
是商較則知人甚難而安民甚易子復何以論之錫

宣秋館精鈔本

謂曰不然且古者唐虞建官三載考績三考黜幽而
陟明雖唐虞之時人亦未盡知賢亦未盡識故必俟
考績然後賢者用之而不肖者黜之下至周官用人
於鄉舉里選凡賢之與不肖正直之與姦佞久而彰
知其賢識其不肖諳其正直攷其姦佞莫越於鄉里
也故周命鄉里升舉士之秀者然後論辨而用之自
漢至唐用士駁雜不能如唐虞之考績又不能如周
官之鄉舉士林真偽雖欲知之而無由知之矣雖欲
辨之而無由辨之矣迨其一旦獲罪矯迹盡露方謂
之難知得非失之於本而責之於末乎今若復唐虞

重刊本

循循在由
賦與屬田賦

之考績用周官之鄉舉則人不難知矣故仲尼曰觀其所由察其所安人焉廋哉唯臨民之方安民之術古雖不易今實尤難古者專一國典一郡字一邑民之舒慘在我民之利病猶我一國之賦與屬已一郡之甲兵隸已雖小國之事大國諸侯之貢天子苟有不便於民不利於俗君命可以理諫上令可以理奪從理而行也不以君命上令之必可行也故民之從我如水之在器自漢至唐則不能郡制於邑都府制於郡郡之政令苟善則屬邑皆獲其利也為邑者雖欲違之而不可得而違之矣郡之政令苟未善則屬

宜秋館精鈔本

邑皆受其弊也為邑者雖欲違之而不可得而違之矣郡於都府亦然都府於天子之命亦然是知專一國典一郡字一邑知人乃易而安民甚難也安民之術不過厚其生殖省其擾役薄其賦斂而制度生於其間設使厚其生殖省其擾役薄其賦斂而無制度則強并於弱富兼於貧私家之賦倍於公家之賦若是則孰謂之安民哉故安民之本在乎天子之制初有不便於時臺省符檄有不便於下唯三事大夫逮百執事補察其闕釐革而從於善則天下之民安矣豈獨一郡一國之民乎過此以往未見其安由是論

華

之豈非知人易而安民難乎

羊祜杜預優劣論

錫嘗讀晉史羨羊祜杜預二賢名迹可得而論之其
智略各有縱橫而聲譽不相上下然公_羊之善願優
於元凱何以明之預之才畧有餘而思信不及於祜
祜鎮南方境隣吳土與吳交兵克日方戰不尚譎詐
之計不為掩襲之利敵人死於陣者斂以還之敵人
拘於晉者禮以遣之祜之用兵惠如時雨孫皓暴侈
人有離心祜乃以恩敵怨也以信敵無信也祜之得
機乃思勝信取之時也故石城以西_晉為晉有吳民

宜秋館精鈔本

昔守所

羊公
本

感惠不稱祜名鎮藥軍中陸抗無猜何誠信若是之
昭著求諸名將古無其傳既掠吳人之穀以練饋之
既獵吳人之境以禽還之蓋欲促其歸晉之心而示
其大信也吳中將帥果率部曲來降吳中黎民果以
家屬而至惜其經畧已就表陳密謀而執政多違厥
功弗_集及其寢疾朝廷就問其計畫洎漢起殲良吳
都罷市仰觀_山以流涕何其遺愛最厚於民錫謂祜
乃堯舜之臣非晉武之臣也嘗舉杜預以代其職預
承成績克平南夏然預之多才罕有其比當其獨排
輿論造成孟津之梁率用機心製就周廟之器揆曆

觀任現序本

比位西本

劉向乃吳城以

湘餘本相

以正於天度詳刑雅合於國典定考課之法豐殖貨
之利虜人寇隴先見已陳於石鑿匈奴犯邊定計預
徵於省閩苟非奇士孰與於此及代羊祜彌見其才
張正乃吳之名將也中我反問之術孫歆乃吳之都
督也我飛渡之兵孫皓既平江漢懷德於時簡練武
事修立湘官頗與開設庠序輕裘緩帶風流之不
亞也疏沅湘之流通零桂之漕水利甚博士人歌之
與夫墾田備邊實相侔也留精麟史撰集圖列雖卻
穀敦詩說禮安可比也自古名將鮮有全能或大畧
有餘而細行不足祜既慎密預亦恭謹祜焚藁以自

宜秋館精鈔本

慎預獻賂以免禍功名磊落善始令終比於知曹爽
之必誅不就其辟知和道之見斥能以智免祜又多
焉所惜者羊公有知人之鑒得進賢之名而无愷但
知立碑峴山垂名後世不能簡拔一士裨於國朝以
是論之優劣可見矣

直論

春秋曰子好直言必不免於難又曰子好直必思自
免於難也若是則直為貴禍之階也明矣然臨於言
死於君怒亦宜也若以直言犯於時忌而罹害於讒
謗不可惜哉春秋之旨其在茲也噫勇於為仁慷慨

名乃他亦不

正直君子之心雖死又何恨焉然在中人慕為君子
懼抗直之賈禍因躑躅於為仁得不較論以進為直
之心乎昔周公相幼主召公不悅管蔡流言雖聖人
之心不能信於僚友兄弟豈非直於為道以稔衆心
之疑乎苟非書啓金縢天霽風雨則無以表其誠也
仲尼見於南子欲伸規誨子路愠見抑亦聖人之誠
尚未信於門人豈非直於為仁以速一時之疑乎苟
不自誓而發歌之之言則無以明其衷也以是知不
獨直於言辭以搆禍難直於為道直於為仁雖聖人
猶不免疑况他人乎甲生受讒不能違難是直於為

宜秋館精鈔本

孝者也韓信功高朝廷疑懼蒯通說之拒而不納以
為有功漢室君必無猜果致雲夢就禽死於女子之
手此則直於為忠者也費無極之甘言蔡朝吳之不
疑此則直於聽信果遭放逐也夫君子之直以智濟
之所謂信近於義言可復也孔子曰吾黨有直躬者
父為子隱子為父隱直在其中矣又惡訐為直又曰
諫有五吾從其諷考聖人之言得非欲人以智濟其
直乎昔魏獻子為政將受梗陽之化負闔沒女寬入而
諫之因食三歎曰願以小人之腹比君子之心獻子
矍然自省其過二臣之言得非直在其中乎亦猶考

女
儻
年
女

導于任道

申任道序

叔警悟於鄭莊子革磨厲於楚靈皆婉辭順言直在其中矣與夫趙盾驟諫喉^焚見嫌伍員抗言屬鏹是賜上則不能改君之過下則適足速身之禍孔子曰三諫不從則違之戒固寵也又曰忠告而善^導之不能者止無自辱焉戒力諍也或曰諫從於諷蓋不欲彰君之過豈是成懦夫之志而固^咄諤諤之口乎若然則比干之直不可預於三仁乎論曰紂之過惡聞於天下比干蹈死而切諫誠欲萬一迴其心也嗚呼言以申志志以蹈仁易曰慎言語又曰樞機之發榮辱之主傳曰駟不及舌是知一言之發尤難於為道

宣統館精鈔本

為義之直也較而論之莫若直以守道於內智以濟直乎外無俾禍及反害正直之心焉

晁錯論

班固以晁錯急於利國而不知身害後代論者或以景帝聽表盜之讒因七國舉兵遂誅錯以悅諸侯或以晁錯智小而謀大或以景帝不明而無懲亂之術斯皆執偏見之一端而不周覽前後之次第也夫安危理亂之形必起於漸也易曰履霜堅冰至謂其所由來者漸矣錫嘗讀高帝紀及文景二君之事迹因三復賈傅所上之書乃備得七國叛渙之本末也賈

宣統館精鈔本

漢子從年左

生曰竊惟事勢可為痛哭者一可為流涕者二時淮
南王濟北王與吳王逆節已露故賈博傳曰今淮南謀
為東帝濟北王西向取張陽吳王不循法法今天子
春秋鼎盛德澤有加猶尚如是然天下少安何也諸
王幼弱傅相方握其事若數年之後諸王年長傅相
各稱病而罷則濟南濟北之邪雖堯舜不能理也昔
者唐坦一朝解十二牛而芒刃不頓者所排擊中理解
也至於骹髀非斤則斧夫仁惠恩信人主之芒刃也
權勢法制人主之斧斤也今諸侯王皆骹髀也釋斤
斧之用而嬰以芒刃臣以為不缺則折胡不用之自

宜秋館精鈔本

小注
以下
皆賈生之言

皆賈生之言以下
是以詳之諸侯強叛之心自文帝始也
于時賈生雖有是言而文帝不能用焉逮吳王不朝
斷斷之几杖以愧其心斯所謂釋斧斤之用而嬰以
芒刃也夫周公聖人猶殺管蔡以正法制况孝文纂
新造之漢欲以仁信感其心乎亂本萌於高帝之時
滋蔓於文帝之世難圖於景帝之代也夫先王設禮
所以禁邪於未然也用刑所以懲亂於已然也故禮
曰使人遷善遠罪而不自覺者禮也兵法曰善戰者
死赫赫之名謂決勝於未形未兆之前也非錯雖懷
獨見之明而切憂君之志然驟欲削黜諸侯之爵土

使本強而枝弱無乃智術未周乎亦猶解結而急之
則其結益固也又如沉痾之疾雖秦和未能驟理錫
嘗研幾於聖人之用心也設尊卑等差之位以車服
袞冕各有降殺俾人各安其分苟有僭侈是謂禮失
失於小則降黜之失於大則誅戮之洎宗周之衰暴秦
之亂禮亡樂壞莫甚當時高祖以英武之姿撥亂正
正然臣下功高封建踰等使韓信黥布陳豨彭越皆
不保臣節勢使然也故賈生曰臣竊迹前事大抵強
者先叛謂淮陰王於楚韓王信倚於匈奴陳豨兵精
而貴高因趙之資皆以因強而叛心生也斯皆賈

直飲館情鈔本

生見前車之覆於是指切時病抗言於當時也豈非
禍亂有漸乎賈生有先見之明乎果數十年後其言
合若符契景帝固不足嬰以芒刃又不能斷以斧斤
驟悅叛王之心而隕忠臣之命尚賴周亞夫善用兵
法堅壁於滎陽委梁不救以絕吳楚之糧道禍遂解
弛余謂晁錯之謀適促諸侯之弄兵也圖慮安危之
計無乃有慙德於賈生乎唐有于侁作晁錯傳贊評
未盡其理因作論以質之

此所發下

咸平集卷十一終

咸平集卷十一終



國家圖書館, NATIONAL CENTRAL LIBRARY, TAIWAN, R.O.C.

宜秋館精鈔本

Vertical columns of text from a manuscript, likely a copy of a classical Chinese text, with a small label '宜秋館精鈔本' on the left side.

咸平集卷第十二

京兆田錫

論

水旱

斷

問喘牛

開封府試守在四夷

御試登講武臺觀兵習戰

○ 水旱論

天之六氣進退盈虛固有常矣造化之理使然蓋陽氣生於子其卦直復三五陰而一陽陽氣雖微乘得進數剛德浸長利有攸往然群邪在上莫之余逆也

余
物
錄

咸平集卷第十二

一

序在卷則字

欲作能

寒暑迭代日月將迎以至於純陽用事其數斯極其
勢斯復故陰氣生於午其卦直始三五陽而一陰陰
氣肇至乘得進數柔道浸長利有攸往雖象陽在上
莫之能拒也三才隨之而變化六氣循之而進退其
間陰陽差軼水旱乘之水乘其進數則淫雨作沴旱
乘其進數則亢陽為災水與旱其數自極則然後陰
晴乃順何以明之旱數極則淫雨繼之水數極則亢
陽繼之天地不能移其數豈聖人欲擗節其過哉當
其水旱為災也害于衆國民懷怨咨天子則禱于群
望諸侯則祈于境內牲玉蘋藻奔走於土木偶之間

望水宿精抄本

下乃不之

救

日望其感通月俟其報應既而旱愈甚至於水澤竭
草木枯雨彌甚則防水橫流害于眾民猶以為精意
下虔尚貽天譴由是誠請益莊祠禱益勤莫其萬一
通于神鑒神愈不靈朕無朕早加愍笑雨加霖淫
乃復喧然聚議於朝代黎民籲天之意佇陰隲必報
之感賤常膳避正殿徹樂懸赦縲囚然後感然後告
上下四方之神不知陰之數已老而當晴眾謂之因
禱而獲霽陽之數已極而當雨眾謂之因祠而有應
於是載澤邊豆載豐玉帛賽之酬之畏之謝之安知
陽之數九而陰之數六陰乘陽之大數而作沴故絲

卷之三

累年
作績

治水九載而弗成或陽乘陰之大數而為害故湯禱而
七年而方獲易曰七日來復又曰婦喪弗七日勿逐
得此乃往而必復之數自然也數有大小時有進退
數之大者積年數之小者累月以是明陰陽之數上
下四方之神可得而司之不可得而專之稽陰陽進
退之數得水旱災沴之旨也

斷論

謀慮者斷之始也勇敢者斷之用也若謀慮未甚精
成敗未盡見情偽未洞知而不忍欲利欲勝之意不
忍小忿小耻之心卒然奮發自謂決斷斯乃剛愎而

宜伏信物抄本

守德
本攻

次
後

趣敗也安得謂之斷哉若謀慮已精成敗已見情偽
已審而猶疑事或未濟尚憂理之未盡猶豫於大難
惶惑於臨機本謀亂而不能堅乎始慮撓而不能必
行是謂無斷也噫排大難濟大事立大功垂大名皆
由於斷也臨大惡致大亂隳大功夫大事亦由於斷
也蓋謀熟而後斷則大功大名隨之而興矣智淺而
言斷則大惡大亂亦隨之而臨矣昔桀惡日盈湯德
日新干戈未舉而成敗之數先定也湯乃勃興應天
順人一戰而克遂自諸侯而為萬乘主斯則湯之智
慮已精成敗已見而果敢於斷也其次商紂縱虐而

民殺民
厚同

文王之德素積於民民心歸周久矣一旦武王法成
湯之舉師次牧野風裂旗旆武王震恐以為天意未
遂遽思中輟唯太公獨排眾意以為必克是則武王
之斷未侔於太公也洎秦滅六國威名雄迹信有英
斷長戟巨鎗銷為金狄聖謨國典焚為煨燼將以弱
諸侯之兵也將以愚天下之民也若是果斷自謂超
三王邁五帝然而陷大惡致大亂失大位得非斷於
強暴而不斷於仁信乎由是知有斷於威武也有斷
於為仁也有斷於用賢也有斷於貞介也許由棄堯
之禪讓伯夷絕周之蔬粟是果有貞介也管蔡流言

宜水信情抄本

周公誅之大義滅親之斷自周公始也龍逢比干以
諫而死是斷於為忠也伊霍廢黜由已斷於為大節
也燕王用樂生雖謗書盈篋而委任愈堅此則斷於
用人也項籍勇傑不能終用范增所以霸王之業卒
為漢有豈非無斷於推心乎世祖車騎入銅馬之軍
人人相說說其推心也唐太宗之初諷利控弦者
二十萬臨于渭濱太宗車騎隔水責之戎人畏伏下
馬謝罪于時臣寮進諫以為輕敵上曰國家初定若
示之弱即生戎心所謂智畧周通而決斷果敢也漢
祖數項羽之罪而弩矢竊發責敵之罪頗類太宗然

宜水信情抄本

也
在矣也

不
斷

為飛鏃所中者萬一不幸即漢祖之斷有餘而料敵之智或淺也。有以見楚子投袂而起孟明焚舟而前是皆幸而成功豈是善謀而能斷哉。夫智與斷在乎兼脩也。若差之毫釐則失之千里。使漢祖從酈生之言斷而不疑則功業無因而濟矣。使太宗從高祖之言疑而不斷則國家無因而變矣。今之論者皆以韓信不從蒯通之言謂之無斷。錫以為韓信不斷於為忠而猶豫思所以取誅滅也。何哉。當蒯通說時其心不迴。謂受漢恩深不忍叛也。及其功高而疑生勢逼而猜起不能堅守初志卒與陳豨謀亂何始於忠而

直飲館抄本

終於逆蓋無斷於忠節也。非無斷於逆亂也。詩所謂鮮克有終其是謂乎。亦猶孝景始用晁錯之言從之如順流將欲削七國之封弱枝而強本一旦七國共叛遽聽袁盎之言誅錯以謝七國錯既誅而亂不息豈非孝景無斷於用人而返惑讒構之言哉。若成敗但思一決而不圖始終慨然自謂決斷不其謬歟。故管仲不死子糾之難非無斷也。其非死所也。晉宣得巾幗之贈不敢出戰非無斷也。戰未便也。是知智計明然後決斷則事無不濟矣。

問喘牛論

漢書稱丙吉嘗出逢群盜鬪者死橫道吉遇之不問前行逢人逐牛牛喘息吉使騎吏問牛行幾里而喘或以譏吉吉曰宰相不親小事非所以道路問關傷也方春少陽用事未可以熱近行而喘此時氣失節悉有所傷害也三公典調陰陽賊所當憂是以問之錫嘗試論之曰宰相尊天子安諸侯在乎揔要綱持大柄務求賢以實諸位擇能以分其職賢者在庶位能者蒞百職庶位得人百職具舉則理道不紊於條貫生民可得教化所謂勞於求賢而逸於致理由是觀之宰相猶哲匠繩墨規矩器於小大之材材

宜大官請抄本

以年本
德於

師悼二字年本
任輝
與此市字

適其用然後指麾眾工授以制度不勞親執斧斤而崇屋構矣是皇王帝霸之道若崇屋賢能才智之人皆眾工宰相操執大道以指麾百官量其器能授以庶務則不勞躬親小事而理道成理道成則非民悅則富且壽故民無怨嗟悲傷夭札所以天地交泰水旱蟲霜不受於物謂之陰陽和由宰相揔大政而致之故謂之變理元化陶鑄品彙丙吉拜丞相在考宣神爵三年夏四月至五鳳三年春正月薨丙吉在相位纔四載而薨當其四載之間有日蝕有任道坐謀反伏誅有嚴延年得罪棄楊所擇坐怨望處死

輝年本
不輝

小字...
大...
...

言天久...
雨之事公卿奏悻黨皆免官京兆尹張敞亦被奏因
亡於是京師吏民解弛樽鼓數起而冀州部中有大
賊上思敵功徵拜理真又嘗有詔曰今郡國二千石
或擅為苛禁又有詔以吏不廉平增加其俸驗茲數
事冬朔日飲飲天久不雨盜賊搜境官吏伏法斯亦未
為陰陽和而天地泰况群閭者死傷橫道高陵民兄
弟爭田復未為庶民和悅庶民既未之和悅官吏又
未之輯睦河南殺人流血數里豈不感傷和氣而致
春溫溫和失時人亦自覺何必因牛之喘方認時氣
差違矧丙吉拜相以來未能進一賢人黜一不肖有

宜火...
...

...
...
...

此...
...

黃霸不能早用為同列有于定國不能早引為同僚
恥府中按吏之名容車上吐茵之過不足多也欲待
歲盡課人之殿最方行賞罰賞罰欲加誰哉抑聖賢
理天下必致其道然後政成而民悅雖使夔契為政
亦待三載而成功若期月化醇未之有也後人讀漢
史言賢相皆服膺問喘之理企踵調元之道不詳事
實錫謂丙吉矯歟誠失問歟
府試守在四夷論限五百字
春秋以天下有道守在四夷詳丘明之書觀古人垂
訓以為明君在上以道德化育良相作弼以謹猷經

緯故地天交泰品物咸亨和氣感於天故四時六氣
無差節候矣至化孚于地故群動萬彙悉遂於生成
矣當是時諸侯之國秉璋執圭奉朝廷之政令四夷
之長率貢納贊服帝王之威德然聖人以道為城池
以仁為網罟牢籠禦備使悉備于術內範圍包細俾
咸入于彀中故春秋曰天生五材民並用之又曰誰
能去兵孟子曰至仁無敵於天下是則干戈之用以
順時教戰也用以威戒心也仁義之用以現俗設教
也俾以遂物性也以時教戰者春蒐冬狩因農之隙
閱兵之實俾民知禦寇之教也所謂安不忘危理不

志氣志

志亂故仲尼曰不教民戰是謂棄之斯乃禦侮之大
端而防患之先備者也守在四夷之義其在茲乎雖
以道德羈縻以服其心然以威武震耀以制其力守
之至理請試別白而論之魯史曰聖達節次先節是
則君子理一身則守五常之教聖人理天下則守萬
機之要守而得其道則百戰具舉而庶政允釐百戰
既具舉而庶政既允釐則四夷不得不畏服也守之
一說亦取蒐狩之狩謂天下有道海內無事威制之
柄唯在四夷故曰守在四夷也何哉戎人之心不可
以仁信責之不可以禮教束之怙強則搔邊畏威則

欵塞故賈誼有安邊之策晁錯有禦戎之辭載在前
書確為嘉論以為堯舜之聖禹湯之明文武之德其
覆之也如吳穹煦之也若春景萬物靡不浹羣品靡
不安當時比屋可封而外戶不閉猶未能銷燿兵革
亦未能徹去備禦務在化中國以道而制外夷以術
也今國家承百王之後應五運之興陰陽和風雨時
日月貞明黎元胥悅封疆萬里琛貢交至雖漢武仲
蕩定之志唐時置羈縻之郡未侔於今日未偕於聖
朝矣方今乃守在四夷之秋也

○御試登講武臺觀兵習戰論限五百字
已上成

春秋曰天生五材民並之用又曰誰能去兵是知堯
舜禹湯而下迨于宗周之至聖鮮不以仁義道德宰
籠天下而以甲兵武備以制海內故仲尼曰不教民
戰是謂棄之故周有井田之法春蒐夏苗秋獮冬狩
乘三農之隙以教民戰夫武有七德禁暴戢兵安民
和眾之為用也故古先帝王臨御天下持威制之柄
於上以制四夷而齊萬國得不以兵為本焉昔晁錯
上漢文之書曰兵不堅利與空手同是知兵不得不
堅而戰不得不習唐開元之際海內無事明皇幸於
驪山講兵而閱馬于時稱為威盛今國家自先帝臨

御以來弭禍亂而安黎元勝兵數百萬所謂霸王之
器在手故遠戎畏服諸侯恭肅豈非甲兵之用善馳
張卷舒由聖人乎今陛下乘乾坤交泰之時而當寰
海宴清之際雖以詩書禮樂以化天下而致民於富
壽之域然能遵堯舜禹湯之用心而弗忘戰以是知
卜年之祚方遠而卜世之基彌固登崇高之臺以講
武馬講武之大體是觀兵之威武馬既威且武而有
習戰之術以是眾戰則何敵弗克夫是三令五申雖
古之習戰之法而易貴師貞之吉今睿謀神武以兵
戰之機以時習焉天下畏天威而服聖德豈非前書

者云善師者不陣者焉四夷之心咸走梯航玉帛而
來朝者由陛下德先勝而兵有威也今論兵甲之利
府庫之備士卒之勇士田之廣疆場之安雖漢武承
文景之美財而利甲兵者弗能加焉區域之安蒸黎
之泰風雨時順天地氣和雖太宗革隋之餘而善整
武備者亦弗能至焉

咸平集卷第十二終



國家圖書館, NATIONAL CENTRAL LIBRARY, TAIWAN, R.O.C.

Handwritten vertical text on the left margin of the page.

Main body of the page containing multiple vertical columns of text, likely bleed-through from the reverse side of the paper.

Handwritten vertical text on the right margin of the page.

咸平集卷第十三

京兆田錫

箴

相將

嫉忌

用材

求名

規過

守默

聽

視

相箴并序

智周萬物曰聖道濟萬民曰

賢聖

乃君德也賢亦君

德也然天無二日土無二

王

故聖人

注

則賢者事之

賢者

注

則聖人事之周公相成王乃以聖事賢者也

仲虺相成湯乃以賢事聖者也舜禹在十六相之間

箴言八篇有
提行字之格方
者二篇雖不兩
不空於似道一
律方佳

賢以天聖
從厚者以仁
主序生德王
下兩字字
同知

即以聖事聖者也高宗命相櫛若金用爾為礪若旱
用爾為霖若和羹用爾為鹽梅若濟川用爾為舟楫
此得命相之大旨也昔管仲相桓公也以隰明善擯
贊之禮請立為司廩以甯戚能稼穡之政請立為司
田以賓胥無明於刑法請立為大理以王子城父諳
於戰陣請立為大司馬以東郭牙忠鯁謹直請立為
大諫乃曰君欲理國強兵則五子在焉若欲霸王則
夷吾在此此乃得為相之大體也是知宰相所居者
國之大位所務者國之大事所憂者國之大難所理
者國之大柄百職如網罟也群官若襟袂也提綱則

直火官清少

網罟不紊舉領則襟袂自整所謂挈霸王之器授於
聖哲之主也故陳平不言細務丙吉恥按小吏所以
府無鈴閣門不施闌示與邦國大同也不於衆務之
有隔也許扣問以白事呼宜祿以立聞是表宰相之
貴異於臣僚之貴也宰相之職貳於帝王之職也君
在座見宰相則起贊拜者揖而告之君在車見宰相
則下贊禮者導而告之故伊尹謂之阿衡呂望謂之
尚父聖人所以隆其禮若是也貴其才亦然也所任
非輕所責亦重若天地有大變邦國有大災則引咎
責躬謝病免朕天下知其隆貴而不知其憂勞受其

矣年左化馬
魚南序化氣

陶鑄而不知其功業五帝之時人謹事約故宰相得
致其理三季而下俗薄文弊故宰相尤勞其精旨玄
宗用姚崇宋璟則開元之初天下康濟用林甫國忠
則天寶之末海內喪亂豈獨臣之過也抑亦君心之
怠也當憂勤之時則逆鱗犯顏之臣謂之忠蓋而聽
納也及安逸之後則苦口沃心之諫謂之狂妄而厭
聞也豈徒然哉昔魏徵相太宗也以抗直克保其終
憲宗之用李絳也以剛正不得其死蓋君臣之際委
遇方深則讒譏生焉禍難起矣讒言不惑則七首竊
發豈惟正直忌於眾目抑亦富貴搖於人心王涯遂

宜火信情抄本

死於疑兵竇參亦達於刺客是知為相不易為君亦
難不惑讒疑居之難也不事富貴相之不易也德宗
勤儉之令主也惑於讒疑贊皇才畧之賢相也溺於
富貴故宰相所先者才畧所重者識量劉幽求克平
內難唐休璟善料邊功乃才畧者也張九齡請誅祿
山婁師德密薦仁傑乃識量者也有量則深沈而難
測有識則敏速於先見便玄宗用九齡之言則祿山
之亂不生矣使天后不言師德之薦則仁傑之明不
知矣夫俾人遷善遠罪而不自覺者禮也致君去危
就安而不自悟者賢相也蓋弭亂於未形制理於未

言氣信

卒卒不測

非群官但受其節制萬機莫測於運用也黃閣之下
敢獻箴曰

惟天有斗 斡運化機 日月五緯 陰陽四時

斗柄所指 隨其推移 惟君有相 調變陰陽

朝廷百揆 天地萬化 政柄所指 隨其強霸

一國具瞻 三台之象 所務才略 所先識量

量若不寬 不能容眾 識若不明 不堪大用

才若不長 不堪任重 材若不深 不謀公共

識量有智 為相之器 禮樂征伐 為相之轡

按轡理人 利器事君 獻替輔弼 啟沃經綸

材不長 器不深

宜以宿情

原向

乃成大業 乃集大勳 堯得元凱 垂衣而理

湯得伊仲 順人而起 漢得良平 亂畧乃弭

唐得房魏 王道如砥 君之股肱 祿既厚焉

君之耳目 貴亦極焉 祿厚驕生 貴極忘遷

延齡調上 林甫忠賢 元載專寵 吉甫弄權

眾僚位卑 不敢抗言 百官禮隔 誰肯犯顏

阿順久矣 傾亡忽然 性習相近 始終勿渝

進賢為黨 道則不孤 至公為任 身身則無虞

民既富壽 物亦昭蘇 狂生不佞 敢告僕夫

將箴并序

聖人能御將良將能御兵御得其道則運籌料敵留
侯運籌知彼我勝敗如觀掌上王翦攻於荆土非六
十萬不足禦敵晉宣圖於壽春非三百日不足用兵
其籌料本末若是之審也然而有謀而遲緩者將之
病也有謀而心速者將之病也故軍志曰智而心怯
可窘也急而心速可久也有驟勝則驕不可不戒也
有驟勝則急不可不備也項梁敗於定陶驟勝而驕
者也庸人敗於臨品驟勝而急者也能理其偏材知
其所病戒其驕急是謂知與為將也伊尹呂望王者
之將也却縠管仲霸王之將也孫臏吳起戰國之將

宜火館情抄本

也其材不同同歸於料敵其功不同同歸於用謀謀
既素定戰無不克故武侯以葛巾羽扇指麾三軍羊
祜以輕裘緩帶摠提萬里旅謝安知淝之勝對慕容
若宋武知外水之宜封函預言其何然哉蓋所料無
失而當必捷者也雖云五帝有五備而無所用是謂
善師不陣者也湯武之舉是謂善陣不戰者也桓文
之舉是謂善戰不敗者也錫以為制理於未亂即善
師不陣者也制勝於未戰則善陣不戰者也得機於
一時則善戰不敗者也又何必桓文之師不及湯武
之舉乎湯武之舉不及五帝之有備乎韓信以天書

天從人
天從人

知下也

定無亦善師不戰者也穆子以金城克鼓亦善陣不戰者也但務察機在目料敵在心自嚴將軍之令不受天子之詔為將之道盡矣嗚呼機者難得而易失功者難成而易敗不可以圖富貴而欲為將也不可受威嚴而欲為將也有全材受居之命可也無全材辭居之命可也不可以己之好尚而欲陷民於鋒刃三軍之起千里趨戰一國奉戰萬民陷阱况應機之速破敵之急血膏草野尸擁流水而將帥自以為功名以為富貴以為威嚴以為便利可不惻隱乎可不嗟嗟乎况勝不可保表紹敗於官渡眾不可恃馬

宜秋館精抄本

知下也

服挫於長平皆圖功貪名之過無○亂愛民之心加有私念謀逆○有辛亂而叛者如漢之黥布韓王信即私念謀逆之人也晉之王敦桓玄即幸亂以叛之之人也輕士卒之死命為嗜慾之深志可不為傷心哉且周之饑也伐商而年豐衛之旱也伐邢而降雨豈徒順於人欲抑亦合於天意是謂天人合發萬變定機乎欲期將帥之臣先本仁信之用故作箴曰
兵者凶器 戰者危事 國有外患 君先擇師
受服於廟 授鉞於先 鑿門而出 建牙指敵
一國所仰 三軍以律 苟非將材 必自敗績

得此存心改過

先以仁信 次以智勇 勇則三軍增氣 智則謀慮必中

信則賞罰死黨 仁則甘苦必共 信智未明 仁勇或虧

難保強勝 必致傾危 天之雷霆 驚物為威

國之征討 弔民為辭 晉文代原 以信為機

漢祖約法 以仁為機 羊祜近吳 以禮為機

韓信襲齊 以智為機 呂蒙得羽 以恩為機

合若符契 不差毫釐 叛者伐之 服者捨之

亂者平之 兇者戮之 譎詐有時 不可常施

殘忍非仁 不可念茲 苟違斯理 是奉其私

嫉惡箴

宜次館情抄本

官道在竄

仲尼有云 人而不仁 嫉之太甚 亂必攸因

苟違斯言 禍反乘身 儻無威柄 又無權政

欲攻其過 適令距命 朱雲抗評 方慶糾彈

愈諫佛骨 黃怒閣官 言出象房 貽譏謫官

上自君臣 下及朋友 善道以告 忠言而誘

言苟弗從 悔追勿後 欲損彼怒 宜緘余口

周公嫉惡 有權有威 去惡之易 易於轉規

伊尹懲過 位重言崇 懲過弗難 速於旋踵

若異於茲 戚無自貽 寬以蓄眾 藏機待時

時至機發 誅除罔遺 誠之守之 無忘箴藥之辭

用材箴

天運四時地生萬物類以覆以載各得其位天地猶爾
 人胡求備堯以仁化舜以孝理稷專播穀禹務導水
 聖賢亦然人胡求全是以有才者不必有德有德者
 不必有言與人結交能護其短掩短錄長交即悠遠
 任人之職能從其長錄長掩短邦實阜昌無好之則
 忘其不肖惡之則忘其允臧執心至公取其所強
 陰陽戰而復和天地否而復泰猶以為窮邊太澤深
 山曠林有魃魅姦慝之災有猛鷲瘴癘之害俗有所
 未習人有所未知於是象九州鑄九鼎赫曦連月方

直飲館精鈔本

此乃吾山仙系
 白身後壽
 存扁脫一
 作入此扁

收其艾熟九鼎俱成山形谷聲如在其初也睿智如
 神王言如綸命諸侯以貢金空群山而伐薪萬鞫一
 鼓吹風吸雨如媧皇仰天待鍊石而將補其終也巽
 戶風絕離宮火歇餘霞猶狀任公臨海得鱉魚而待
 烹岌岌然在萬乘之前巍巍然列雙闕之下日月星
 辰之分野山龍華蟲之文章莫不上應昭回下詳區
 域未必河圖括地象始判華戎保章辨土風方知陵
 隲有以見鼓天下之動入我牢籠取域中之大歸我
 掌握開坐民之耳目為後世之楷模燥濕不変者金
 之貞薄落能包者鼎之量所以紀鏤與山河並久圖

曰保其德
有德有土

象將世運常新瞻之在前不出戶而知天下仰之彌
高不闕牖而見天道乃知聖人備物致用立功成器
有位則可保失道則相迂故桀昏其德迂之于商商
得之所以載祀六百紂縱其暴迂之于周周得之所
以下世三十洎定王微弱戰國縱橫楚子無居敢有
輕重之問丘明作傳備存應對之辭見寶鼎之有歸
由天命之所授然則天下大鼎也黎元鼎鼐也惟左
輔右弼前忠後良以文明為火而變之以教化為味
而調之則日月明陰陽和天地靜區域安故王孫善
言在德不在鼎聖人垂訓以道不以強願追之馬或

直飲館精抄本

其德其才

奔蹏乃致千里士有跡弛可任以事一善可稱則勿
求其美然後會眾善以涖庶官民寔攸暨

求名箴

其
年
亦
作

君子所懋者德所貴者名名高由乎德厚譽美由乎
藝成德藝苟缺謗毀亦生譽善毀惡如影隨形勿學
小人欲誣君子唯已弗修唯名是企設矯與詐違謗
避毀矯終失常久而遂彰人皆指笑名亦消忘箴行
在已華名自至戒於曲求無忝無愧

規過箴

人或有過爾欲相規過且未改中已生疑疑不一途

其
年
亦
作

滋蔓多岐微怨召怒何莫由斯怨淺謗生怨深禍隨
是以君子慎于樞機樞機之理摠乎慎言規人之過
其言猶難孰慮其宜細詳厥理言苟輕出過反在己
雖云忠告不能者止妄欲善導豈獨疑爾愈令其心
增於汰侈

守默箴

惟天之默三辰燦然惟地之默萬物生焉君子之默
百行昭宣苟無昭昭之名赫赫之德德未為人所仰
行未為人之式欲訥而言欲寡而詞孰謂爾無包藏
孰以爾為秉持夫事有節而理有機機赴節會一言

宜火館清鈔本

眾怡所謂時然後言敢志聖人之規

聽箴

聽貴於微方謂之聰無怒抗直無悅順從順從之言
如簧如綺聞之勿喜當酌於理抗直之言如鋒如鋸
勿以為傷當從其長未必逆且皆謂之是未必順詞
皆生於疑外得所聞內宜深思無自忽略差於毫釐
有諭有告語難遽發必託微詞冀爾深察有猜有嫌
言雖直形必露微言貴爾審聽心馳意征聽則不明
凡聆其語必專而誠

視箴

惟
位
幸
難

危
微

視貴於微方謂之明察於未兆見於未形蓋以理取
不以目觀既得非朕預圖臧否禍福有自成敗有源
得長有迹理亂有先憂樂在色喜怒亦然如萬物在
地而象象在天如珠玉沉潛而輝采昭宣觀象知來
識鑒宜前違難追惡爾自圖全拯危救禍爾合勉旃
視人之禍從微拯之無待禍熾方欲扶危視人之難
從微安之無待難至方欲維持見機之理念茲在茲

咸平集卷第十三終

宜秋館精鈔本

鏡瑀子批 硯劍 凡

咸平卷第十四

銘

京兆田錫

湯盤後

白獸樽

夏鼎

卜臺

湯盤後銘 并序

善汲汲惟日不足故湯盤銘曰日新日日新
又日新昔湯作夏諸侯日修厥德以成齊聖廣淵之
道致夏民之心歸亳益眾如渴者赴飲燥然促促欲
速於酌而挹之也故湯德益勝桀罪益大而禍不可

國家圖書館, NATIONAL CENTRAL LIBRARY, TAIWAN, R.O.C.



咸平卷第十四

銘

京兆田錫

湯盤後

白獸樽

夏鼎

卜臺

湯盤後銘 并序

君子為善汲汲惟日不足故湯盤銘曰日新日日新
又日新昔湯作夏諸侯日修厥德以成齊聖廣淵之
道致夏民之心歸亳益眾如渴者赴飲燥然促促欲
速於酌而挹之也故湯德益勝桀罪益大而禍不可

日之此

國家圖書館, NATIONAL CENTRAL LIBRARY, TAIWAN, R.O.C.



解德勝而位不可避位來逼也己是以有夏之賢臣曰
伊尹歸亳而贊之相之有夏之疲民惟億兆望亳而
歌之舞之桀遂喪國其滅也忽焉湯遂得位其興也
勃然大哉聖人之心觀天道合天道健而行者也其
行不息故日月代明四時六氣萬彙從之而不斁矣
聖人懋其德兢兢業業日慎一日易曰夕惕若厲無
咎故百職萬國兆民亦從之而無數矣夫天子大位
聖王守之則大理賢主守之則小康中庸之主守之
得其輔則理失其輔則亂闇暴之主守之則大亂矣
古者盤盂皆銘莫朝用之觀其銘暮用之聖其志聖

宜秋館情抄本

與賢克己以荷祿闇與暴肆欲以自敗中庸之主始
可儆戒爾錫因作湯盤後申有商之祖訓熙聖人之
大道也曰
成湯銘盤 太甲弗視 微伊尹放于桐宮 宗祧幾墜
克念作聖 罔念作狂 雖曰聖哲 無豫從康
太宗念理 念念不已 果致升平 慎終始如
[玄]宗念理 念念弗虧 姚宋云亡 其德遂衰
噫修德罔怠 日不暫替 厥民大賴 永克永世
○白獸樽銘并序
君好諫則直臣進而邪臣退君好諛則佞者安而忠

臣某作

者危悅倭忘忠翹足待亡邦之禍斥邪用直反掌有
太平之期當晉運承金武帝泣胙鑒往君之理亂詳
前代之興亡思得嘉謀渴仰山而補袞願聞諫論慕
大禹之拜言於是庭設酒樽樽施白獸使獻言之士
謬譎之臣將欲排金門扣玉階抗真誠吐忠諫必得
挹酒漿而見志干旒冕以犯顏法膳夫之佐樽誘隨
季之及雷耳佩玦者知其有斷珥貂者表其外剛招
虞人以弓則不來賜武夫以鉞則專殺皆用物以旌
其意也飾外以知其內也所以虎者取其威猛以壯
其心莫無觸鱗之懼酒者取其醇和俾悅其性以生

宜秋館精鈔本

沃心之謀所謂君誘臣之諫也臣合君之道也得澤
山相感之理見地天交泰之心錫以為感之以誠則
純信之士來感之以恩則死節之士至感之以信則
慷慨之士進感之以言則鯁介之士歸故成湯待士
於總街齊桓錄於寶法皆降尊嚴而下卑賤示誠信
而求訂謀豈不大臣固寵則惜言小臣怯威則懼諫
苟汲善之誠未著好諫之志不專則上之過失或未
聞下之精誠有未盡則面柔曰威施口柔曰遽降蔽
我聰明壅我嗜慾故君欲見獸樽在下則惕惕之志
不得不警戒而守也臣見獸樽在前則謬譎之心不

悅一字以補字
言到從字
補

欲字以補字
厚字有之

移居雜

得不憤懣而發也所謂挹之以忠言酌之以直諫味之以醇和之德器之以公共之道苟念終以入始慎末而固本則善旌諫鼓又何異焉夫誘諫在手樽而用諫由乎居且臣非以直言為難而君以從諫為難從諫非難辨惑為難其有豐珍厚貨以移君心君則離法而悅之者有悲色哀辭以移君心君則移法而憫之者有密媚近戚伊優相摩以移君心君則離法而惑之者是知執一御眾君之明順諫如流君之道苟異於是樽實虛設因銘之曰
白虎之象 為樽之飾 壯彼瞻視 來其抗直

直秋館精鈔本

壅蔽斯聞 謨猷必陳 上或違道 下得觸鱗
君或拂諫 臣敢愛身 君臣相濟 上下交親
苟忘念理 惟欲是恣 雖設斯樽 適為虛器

夏鼎銘并序

盤古之工有崑崙中柱其周三萬里巨靈之迹有太華仙掌其高五千仞一則制黃輿之動一則通洪河之流事亦近情豈齊諧之誌怪言非撫實鄙古人之不經唯堯典可詳禹謨斯在當群陰作沴洪水橫流浩浩滔天若載舟也湯湯懷山若習坎也農無田以稼穡女無桑以蚕績萬宇將為江湖兆民憂為魚鼈

此為... 葉道... 志... 情... 山...

流字下原在
以去一並亦
依原字抄本

非聖人之智無以排大難非聖人之功無以濟大艱
當其鑿龍門通砥柱疏百谷導眾流陰陽戰而復和
天地否而復泰猶以為窮邊大澤深山曠野有魑魅
姦慝之灾有猛鷲瘴癘之害俗有所未習人有所未
知於是象九州鑄九鼎赤曦連月方收其埃熱九鼎
俱成山形谷聲如在其初也睿智如神王言如綸命
諸侯而貢金空羣山而伐薪萬鞮一鼓吹風吸雨如
媧皇仰天鍊石而將補其終也巽風絕離宮火歇餘
霞猶狀任公臨海得鼈魚而待烹岌岌然在萬乘之
前巍巍然列双闕之下日月星辰之分野山龍華蟲

宜秋館精鈔本

補

草
草車伐乃草
我之詳上卷

之文章莫不上應昭回下詳區域未必河圖括地象
始判^草伐傳章辨土風方知陵隰有以見鼓天下之
動入我牢籠取域中之大歸我掌握開生民之耳目
為後世之措模燥濕不變者金之貞護落能包者海
之量所以紀鏤與山河並久圖象將世運常新瞻之
在前不出戶而知天下仰之彌高不闕牖而見天道
乃知聖人脩物致用立功成器有位則可保失道則
相遷故桀昏其德遷之於商得之所以載祀六百紂縱
其暴遷之於周周得之所以卜世三十洎定王微弱
戰國縱橫楚子無君敢有輕重之向丘明作傳存

洎

代字以上系廟
一也下依系本
亦抄

應對之辭見寶鼎之有歸由天命之所授然則天下
大鼎也黎元鼎鼐也惟左輔右弼前忠後良以文明
為火而爨之以教化為味而調之則日月明陰陽和
天地靜區域安故王孫善言在德不在鼎聖人垂訓
以道不以強願追_三代之闕文以揚伯禹之鴻業銘曰
萬象鱗差 璿機正之 六合輻湊 會要觀之
聖人既作 萬方攸歸 鑄鼎象物 神姦乃知
金鉉恢廓 寶圓融輝 得之非霸 失之非衰
霸者道昌 失者德虧 公共之器 聖哲無私

卜臺銘并序

宜秋館精鈔本

卜之之象
古本

神以知來智以藏往著龜之靈也識進退存亡之機
得悔吝吉凶之朕君子之明也漢世高士成都逸人
信珮仁冠獨得昊穹之爵玄關通鍵自開象妙之門
窮達可移其心宣喧靜欲拘其趣故探著於卜肆將
誘善於與人驗太史之簡編考先生之故實人子從
而卜必告之以孝道也人臣從而卜必喻以忠規也
豈不以蚩蚩末俗若山下之出泉我必導其源而澹
其流冥冥_{若真}君懷中之無物我必居其靜而觀其動以
蒙養正若襲衣加爛錦之文用晦而明比良玉有成
虹之氣故萬乘聞其道玉帛禮之而弗來五侯知其

若真
卜之之象

于原存任于
依原存任于
清原存任于

賢弓旌聘之而不至是謂水官既廢豈易得於真龍
弋者可施徒仰觀於黃鵠先生之道既如彼先生之
名又如此不獨發揮彖象喻人之吉凶實將隱見市
朝鎮人之躁競蓋先生之智靈於著龜先生之明洞
若冰鑑且枯草腐骨安足稽疑坤馬乾龍固無定體且
叔向以五難卜于子^十知其茂濟伊尹以五就卜于夏
桀知其必亡于公以陰隲卜其子孫知其貴盛智果
以視瞻卜于韓魏知其變更又何必詢幽贊於六虛
取繫辭於十翼先生以天方咎漢卜孝哀不久乎以
天未晦禍卜王莽將篡乎以火德未衰卜世祖中興

宜秋館精鈔本

流原存任于
方原存任于

乎識者知先生以道卜於時退觀理亂昧者謂先生
以筮疑隱於闔闔蓬萊水既難駐於仙蹤河漢槎流
但遐思於往事願以直筆銘于卜臺曰

真格仙風 飄如鳶鵠 餘芳遺烈 馨若蘭菊
流聲走景 變陵遷谷 後人作臺 在亦之曲
難問揲著 空思握粟 我來徘徊 詠歌芳躅

凡銘

親仁可以自託友賢可以自扶求仁得仁必馳必驅
若隱凡以召憑凡而呼則仁賢斯遜廝役來趨嗚呼
賢既遜身即孤

杖銘

持人之顛扶人之危於國也於家也無得而忘之

劍銘

圖難多疑為甚惑莅事斷為自塞必在淬其志率其職大夫必果敢決斷以取剛克

盃銘

君子憂道食不遑味所以顏子一瓢飲一簞食雖屢空而無恥

硯銘

治石如之何載磨載琢治藝如之何以文以學藝成

宜秋館精鈔本

如之何以禮以樂

筆銘

古之良史言必錄而事必紀若生無令名即沒加惡諡以為子孫恥君子措詞幸無自私

枕銘

君子有四時朝以聽政晝以訪問夕以審令夜以安身苟名未揚於親惠未及於民敢思甘寢以志夙興夕惕之勤

盤銘

湯乃聖人猶務日新吾儕何人敢怠於勤用於斯觀

於斯即頌成湯之遺文

○弓銘

天之道有弛有張盈則虧盛則亡是以君子以謙而
持盈故位彌尊而名愈彰

○箭銘

轉 詐非直忠信為直勿枉道而諂人常守道而保身

○珮銘

信可忘謙德彌芳服謙佩信其名鏘鏘

○尺銘

言與行相顧名與實相副以俾他人取為法度

○鐘銘

德修于內聲聞於外行積于身名彰于人業茂於此
譽洽於彼其器獲落音則溥博其器春容韻則穹隆
處厚持重物莫傾動詢爾宏圖應以嘉謨咨爾小道
隨以忠告恢廓爾量俾人法象無以錚錚所不足尚

○後序

書曰惟狂克念作聖惟聖罔念作狂是聖與狂不相
遠蓋先王趣人歸善之速也湯聖人也銘於盤有日
新之戒正考父賢人也銘於鼎有益恭之命苟非聖
與賢而在中人之域言與行終日不離戒慎則僅可

移下

免過安敢望借於君子哉儻斯須而忘檢慎則差跌
而獲罪戾矣因作箴銘以自戒也

咸平集卷第十四終

咸平集卷第十五

律詩 七言

花雨此下秦中

京兆田錫

此下秦中與此作此
此下者律比秦
化事題位花而
二字

燕鶯

雨裏飛花片片紅
雨微花亂轉溟濛
川原何處連天
草簾幕無人半日
風寂寞劉損新
病後淒迷莊寫苦
吟中可堪更是黃昏
景鶯冷鷺寒恨想同

寄蒲城宋白小著

春日閑銷一局棋
春愁還得數篇詩
高吟大醉何人問
英略雄圖矣已知破產
雖無容足所丈夫
豈合以家為時
來富貴終須有懶學
梁鴻賦五噫

欠氣久同



離懷

離懷如醉復如癡，脈脈無言不展眉。
秋草空亭幽意在，征軒疑有斷魂隨。
殘星更漏門開處，斜月簾櫳酒醒時。
此恨誰能解，消遣因題紅葉偶成詩。

自勉

飄泊年年頗恨身，梁園未到滯咸秦。
上樓獨為青山立，攬鑑初驚白髮新。
北叟何曾悲失馬，宣尼猶自問迷津。
功名分有終須得，莫強憂愁耗爾神。

夏日即事

王師猶未下全吳，何日封章賀獻俘。
正是鬱蒸生瘴

宜秋館精鈔本

瘴可堪，水潦滿江湖。
威宣鐵軸千艘，威勢撼金陵，一壘孤竊客無能為，籌畧閑消白日覆碁圖。

春雨

天寒雲彩變春輝，霖霖來如曉霧飛。
若物先饒芳草濕，盈空旋翳碧山微。
鷺村樹密吹應遍，鴛瓦簷高滴尚稀。
丞相追班方入賀，沙隄柳色正依依。

樽前吟呈宋白小著

三年多謝主人翁，盃酒相寬禮數豐。
唯惜時光如走馬，懶詢天道似張弓。
秋深街巷槐花雨，夜靜廳堂葦箔風。
盡是無繆腸斷處，都將分付醉鄉中。

輝如暉

代牡丹酬答

太素有醉贈
牡丹之作

舒元與是賦家流我有餘妍不盡收今日謝君貽好
句恨無雙珮略相酬神仙見謫情雖薄風雨相輕恨
未休為報悅人須以禮不同蘇小耐慙羞

多情

多情如病苦難醫頭緒多於折藕絲送客落花行馬
處望鄉殘月倚樓時憶來幾入春深夢感極翻成酒
後悲大抵為君言不盡彩牋閑詠合歡詩

寄韓丕進士

嵩室亂峯三十六嵩陽今復住何峯已因詩好聲名

宜秋館精鈔本

出却為情高仕進慵白鳥白雲秋色樹水南水北月
明鐘道遙自得閑吟興誰識夫君是卧龍

覽韓渥鄭谷詩因呈太素

風騷覽古少知音本色詩人百種心順熟合依元白
體清新堪擬鄭韓吟搜來健比孤生竹得處精於百
鍊金唯我與君相唱和天機自見不勞尋

渭北即事書呈太素

渭北居來似塞垣三逢堯曆慶寒暄家貧老幼思歸
國性僻交朋少及門天暖憶遊沙寺雪中會過洛
河村流年又是重陽節賞菊論詩酒一樽

醉題紅葉

拾筆閑題紅葉時
醉容相向亦相宜
塞垣風勁應吹盡
江國霜微想半衰
嫌聽滿階鳴夜雨
曾看臨水映疎籬
春光不許長如此
旋放寒梅嫩柳枝

寄題象耳寺

二十年前會憶游
彭亡渡口泊孤舟
一程林下登山路
百尺谿邊汲水樓
磬韻似煙和燭
暮松聲如雨入
忽流別來往事都成
夢誰寄篇章問惠休

促織

西風嫋嫋欲昏黃
草木蕭蕭綠翅涼
閣傍遠燈催織

宜秋館精鈔本

緯獨經遙夜伴啼螿
露濡蟲網絲潛斷
月照澄江練有光
幾處疎砧紅葉寺
誰憐弄杼不成章

憶梅花

三年不見遠江梅
長到梅時把酒盃
似共故人千里別
空思近臘數枝開
心隨曉月經鄉渚
夢與春雲傍釣臺
金縷瓊花風雪景
憑誰圖畫入闌來

和太素春書

風幡輕細翠悠颺
樓閣輕寒水滿塘
柳絮微煙吟思足
梨花^開月睡兔香
江山似畫憐湘浦
魚笱嘗新憶華陽
早是春陰已無賴
可堪中酒惡情腸

書
不
作
淡

夢
道
政

和太素早春書事憶遊京國

新年吟詠喜經旬
金粟山邊渭水濱
微雪尚妨天氣暖
衰林先讓鳥聲春
牽情但恨梅花謝
醒酒空思桂露^辛華
深感相將遊汴水
夢中楊柳已迷人

覽太素新編

蜀國香牋似彩霞
裝成近集入京華
千篇詩好精靈哭
百軸文雄俠少誇
繁富禹^王新職貢
妍明春帝曉
鶯花彤庭何處安
排好李謫仙才
稱草麻

吟情

風月心腸別有情
靈臺珠玉氣常清
微吟暗觸天機

宜秋館精鈔本

駭雅道因隨物象生
春是主人饒蕩逸
酒為歡伯伴
縱橫莫嫌宮體多
淫豔到底詩狂罪亦輕

和宋^玄進士對雪

風迴玉宇拂窻欄
欲晚增^潘城料峭寒
會^含月有光吟不盡
著煙無迹畫方難
江春南國兼梅落
塞臘西山向竹殘
何處多情偏入賈
狂隨舞袖逸盃盤

冬夕書事

堪嗤樓閣客長安
風雪加添近臘寒
凍筆呵來書字淡
孤燈挑盡向窻殘
十年苦思詩千首
一夕迴腸事萬端
家住天涯歸未得
嶺梅江蓼自辛酸

皇^王有本

增^潘有本

增^潘有本

對酒

去年秋值罷文闈今歲無悖自陝歸雪月好吟還唱
和風雲未至且依違江南梅早多紅帶渭北山寒少
翠微猶賴一樽消遣恨不堪帳觸躁時機

暮冬閩鄉遇蕭霸赴任

嶺外路遙君赴任陝西年盡我歸家長亭際會情無
限一夕分飛恨又賒夜話無燈松火繼曉行乘月亂
山斜七千里驛誰相伴雪裏寒梅正放花

殘冬書事呈宋太玄

歸來何物可消憂縣寺蕭條懶強游酒債未償重貫

宜秋館精鈔本

取雪詩休厭且交醇兼憐春近如迎客莫惜年殘似
急流天子承祧重文物花時早約入皇洲

寄梁周翰補闕楊徽之宋白二拾遺

飄零蹤跡尚堪悲唯向三賢最受知少俊有名翰賈
誼官遊多難比張儀詩中老格何人愛酒後佯狂識
者嗟北省郎官應見謂明時猶尚進身遲

寄宋準學士

駕輿西幸却天日洛水橋南乍識君投分瓊麓無異
曲定交蘭菊有餘芬別來信阻年將盡望去臺高日
又曛堪恨支離何所似波中萍葉嶺頭雲

知
如
三
字

和宋太玄臘日

逢臘欣酬吟詠才已知春色向人來
口脂潤逐銀罌賜面藥香隨鈿合
開梁苑辭臣堪賦雪壽陽公主好
粧梅更憐罷獵歸侵夜重對歌筵
紅燭臺

三月二十八日書懷

惜春將盡自徘徊巷館殘陽戶半開
芳樹更無鶯舌語故巢空有鷺歸來
音書杜絕家千里愁憤消磨酒一盃
地狹長沙何所適行謠方憶摘楊梅

渭北春盡日作因思蜀洛舊遊寄太素

九十日春知枉度樽前無賴獨咨嗟
空城北走諸陵

宜秋館精鈔本

道古苑南連百里沙翠憶玉津官舍竹繁思金馬故
城花去年方與君遊洛况味爭如不在家

即事

殘花飛盡留芳草索寞孤懷話未能
天氣暄寒猶未定春衫晚著自無憑
荔枝結子思南越湖水宜茶憶竟陵
看是清和時又過林亭何處度炎蒸

晚望因寄宋太素

春深水榭絮紛紛支策臨高日欲曛
故國已迷巴徼路斷腸空似嶺頭雲
燕飛芳草隨天遠鶯囀殘花隔竹間
物景感人情不盡因成吟詠寄於君

幽居

寂寂閑居客至稀
靜中滋味意何歸
因探易象知深旨
自喜吟高得化機
桑露乍寒蚕欲老
草煙纔暖蝶交飛
樊川物景終南翠
遂性空思杜紫微

府解後有詔旨
權停貢舉因成長句寄太素兼簡韓五茂才

一名個儻動皇州
寄應王門作解頭
將領風騷推李杜

較量英勇讓曹劉
曹公謂劉備曰天下英雄唯我與居尔
春闈有詔

俄中輟秋賦
隨時亦暫休
金殿制科思取應
遠飛章

句問嘉謀
尋有初開貢舉太素時為左拾遺知兗州

宜秋館精鈔本

玄
仙
大

御試二儀合德詩

七言六韻用心字為韻

聖主承祧元澤深
乾坤玄化合堯心
黃輿比厚施生植
白日齊明遠照臨
周普至仁符積載
霽流睿渥若春霖
游鱗在藻方諧性
擴俗乘桴自獻琛
和悅感人生瑞竊
穆清流詠在薰琴
小臣幸與觀先試
敢效祈招頌德音

寄陳處士

簿書軍吏日相隨
心在諠譁旨趣卑
明月夜吟無意緒
白雲秋約笑羈縻
宛陵古寺經遊少
疊嶂名樛眺望遲
堪重高人陳處士
不來尋訪已多時

登郡樓望嚴陵釣臺

給上嚴陵古釣臺倚樓凝望自徘徊先生能保孤高
節英主嘗師霸王才日暮白雲迷草莽岸平春水浸
苔苔登臨不盡微吟興花落東風首重迴

寄陳處士

柳閣江亭春正深黃鶯百轉有餘音自慙分判頰條
政誰信常懷易俗心吟次落花浮硯水靜中飛絮滿
簾陰及瓜即是歸丹闕莫惜時來一訪尋

登疊嶂樓

郡在江湖煙樹間謝公遺跡好躋攀詩中勝景堪吟

宜秋館精鈔本

嘯池上清風足往還疑思但憐雲暎水迴頭不覺日
銜山登臨屢起歸歎興看是槐花滿故關

和安儀鳳

水國迎涼暑氣消思清吟嘯語雄豪遠遶如海樹黃雲
晚健比秋風白浪高鷗鷺愧無明月珮縱橫爭反解
牛刀和詩送別昭亭路何似金臺奪錦袍

送安儀鳳

宣城相送思依依正是紅蓮菡萏時行色迎秋清似
畫別情因景化為詩人離湖水南邊岸蟬聽槐花北
向枝天子文明是何地丹青岐路莫生疑

王霸道存存

寄樊郎中

近遣司賓小吏時寄書兼寄十篇詩自慙不是陽春
曲誰敢徵求作者知疊嶂晚登空遠望昭亭別後倍
相思夜來還有微吟興風動新荷月滿池

謝晏公

吟成大雅百篇詩首首清新鑒者誰草卷密封先見
贈藥欄斜倚看多時意如虎窟難中得字比雲峯險
處奇珍珍重十僧聲價外江南屈指即吾師

早秋言懷

清秋江國有餘暄謝朓遺風稱雅言簾下水亭人吏

宜秋館精鈔本

南
年
在
在
南

靜窻分竹閣簿書繁坐來幽蝶雙飛過吟次高梧一
葉翻自笑無能莅公事將何才術報君恩

后平集卷十五終

咸平集卷第十五終

宜秋館精鈔本



國家圖書館, NATIONAL CENTRAL LIBRARY, TAIWAN, R.O.C.

咸平集卷第十六

律詩 七言

寄江南諸相知 并序

京兆田錫

錫自復命丹墀，改官祕省。翌日中書傳帝旨，授綸言承要衝，委用之恩，倅近甸轉輸之職。因拜表上樂府新解十卷，并平詩三十篇，驟蒙聖恩，遣升小諫。澤國桃花之色，俄染華纓。丹臺藥簡之文，遽司編綴。未及徧飛牋翰，遠謝交朋。俄聞信自於宣城，併闕寄來之雅句。因得七言一章，聊用奉酬。仍錄所進平詩，以為遠信。寄陳處士微公、廬江秀才。



詩成奏入冕旒前。小諫官資驟轉遷。帶職喜為仙館
吏。立班常近御爐烟。清華拜命知深忝。謬非才愧
昔賢。多謝宣城舊知己。寄來新句滿花牋。

乾明節祝聖壽

十首內七首遺
落此下河朔

百辟歡呼降誕辰。金樽獻酒願千春。延年不假丹砂
効。享壽全由聖德新。古物進來兼藥鼎。畫圖呈處有
仙人。君恩若賞歌詩意。應念甘泉侍從臣。生日稱觴
自六宮。香焚甲觀畫堂中。太平曆數歸英主。上壽年
齡屬聖躬。玉樹有花因瑞雪。鈞天呈曲在虛空。三公
進賀禎祥事。先奏河清達帝聰。

宜秋館精鈔本

平日行地寫

吾皇享福自無涯。百辟稱觴禮數加。韶樂揭天如上
界。鑪香映日似輕霞。空中紫氣圓成蓋。海上蟠桃暖
放花。感應聖人千萬壽。神仙日月屬官家。

皇朝令節號乾明。萬國嘻嘻若大庭。多士進詩隨禹
貢。千官獻酒祝堯齡。天香曉降聞仙樂。南海秋來見
壽星。黎庶更思瞻盛禮。待封日觀禪云亭。

鳶盃進酒近天顏。拜舞風清響珮環。瑞日正高重御
宴。緘鞭纔定再催班。霓旌絳節仙家樂。金闕銀臺海
上山。綺陌曉來迴望處。建章樓閣紫雲間。

聖節祥煙藹御鑪。殿庭嚴肅響山呼。赭袍日照來天

上玉佩風清侍座隅古右字數行仙樂訣鮫綃十幅壽星圖遠方拜表來朝貢兼賀虹流電繞樞

漢家臺榭與天通甲觀蒼蒼紫氣中佳節夜來宣受賀壽盃朝進祝延洪管絃嘈噴驚花發風日晴和向雪融宴次宮鸚忽飛過隨呼萬歲語玲瓏

君王降誕繼陶唐每至嘉辰覩異祥宮樹曉來生瑞露金門夜半有天香皇親朝覲隨章奏中使頒宣散道場萬國人臣皆悅樂巍巍聖德自無疆

慶誕長生寶殿中非煙五色覆諸宮酒為天祿資君壽曲奏霓裳樂帝聰翡翠簾前雲氣紫珊瑚枝上雪

宜秋館精鈔本

知知知扶

花紅太平天子聞稱賀先喜年年過歲豐

聖節思歸會帝京得隨班列祝文明河清見底為嘉瑞海水無波表太平月夜忽聞仙樂奏宮中時有彩雲生詩成拜表同封進願繼詞臣雅韻聲

日上浮桑第一枝東方樓閣曙光時萬邦將啟乾明宴兩制應宣御製詩樂感羽毛皆率舞神和福祿自來宜諫垣班列天顏近暫乞歸朝侍玉墀

河朔雖云近帝鄉時逢慶誕祝君王身心常在三清路曉夕先裝一炷香聖壽如山隨地久恩光似日與天長微臣所貴無他物唯獻新詩十九章

相州郡樓贈高祕丞

年來歸興憶皇州，頻向花時倚郡樓。
南陌春光芳樹遠，西郊山色晚雲浮。
國家無事邊陲靜，風俗還淳禮讓修。
吟得新詩謝知己，將何才術稱分憂。

贈楊監察

坦時相州通判

昔日長安際會時，客情鄉思兩依依。
金門次第俱升連，雲路高低各奮飛。
御史班資知任重，諫官章綬愧才微。
今來共理藩宣事，自古相逢似此稀。

郡樓書懷

館殿嘗為侍從臣，出分憂寄牧黎民。
時平事簡多公暇，樓迥風清欲暮春。
樹杪壺關千嶂疊，天邊漳水綠波新。
帝鄉永日憑欄望，心羨浮雲向紫宸。

宜秋館精鈔本

池上

暇樓迥風清欲暮春，樹杪壺關千嶂疊。
天邊漳水綠波新，帝鄉永日憑欄望。
心羨浮雲向紫宸，溝堰新分野水來。
池邊日夕自徘徊，餘花飛盡空芳樹。
落絮繁多滿綠苔，輦下歸心春館殿。
天邊凝睇晚樓臺，郡齋欲立題詩石。
御史丞郎各有才。

暮雨

春天寒慘欲昏黃，數點霏霏忽繞廊。
城滿暗催相共滴，花塵輕濕乍聞香。
風生水際來將密，打轉簾文灑處光。
獨向郡齋心自喜，豐年宜賀待飛章。

翰在佳清數年
臨在存年
南野地打序年

中夜聞泉

昨日西山野外通，聲如秋雨帶松風。
誰憐鄴下重城夜，却似江南解署中。
燭燼垂花飄硯席，月華凝雪映簾櫳。
此時新得潺湲聽，吟詠狂思學謝公。

言懷

遠山蒼翠滿西樓，臺甲遺風古相州。
春晚落花經雨盡，夜來寒水繞堂流。
詔條靜理無才術，袞職思歸侍冕旒。
吟寄良交若為意，安眠不得似諸侯。

呈楊侍郎

權分憂寄理漳濱，惠化何曾及相民。
條奏事宜思復

宜秋館精鈔本

古興修風教，望還淳靜當。
細雨初封印，吟對餘花自送春。
清景好陪池上酌，故人情分寂相親。

除夜

紅燭除花酒滿卮，繞廊風細動簾帷。
已從半夜分春漏，即是平明受歲時。
右省轉官因大慶，元正立仗憶丹墀。
吟思何日承宣召，却得金門和御詩。

元日

去年元會立班時，簪綬光輝與禮儀。
今日洛川逢歲旦，延留賓客樂昌期。
雲暖潤輕陰散晚日，融明瑞景逢遙念。
皇州春色早宮花，欲發萬年枝。

朝
修
和
本

十
年
同
功

江
樹
下
亭
中
小
山
居
此
下
陸
世
之
字

漳川即事寄韓五
遺

漳濱柳色弄微黃，春日情懷詠載陽。
自念安邊無上策，如何補袞與周行。
身如迴雁來河朔，心似浮雲在帝鄉。
吟寄昌黎韓小諫，嘉謨應有好封章。

紅樹

秋來嘉樹色堪攀，紅葉沿谿復映山。
半露寺樓深崦裏，密籠漁舍夕陽間。
吟看搖落堆金井，醉賞扶疎對玉顏。
水國却疑春野秀，似花幽鳥正閑閑。

聖節有懷

南山晴霽御爐烟，迴望長安白日邊。
率眾謝恩呼萬

宜秋館精鈔本

批

歲思歸侍晏已三年，翠微鐘磬行香寺。
紅葉樓臺祝壽筵，吟想皇州晚來景。
雲間宮闕夕陽天。

秋夜有懷寄副翰宋白舍人

秋聲蕭瑟北山林，賴有琴樽遣寂寥。
書幌靜憐斜月鑿，窓燈寒帶落花桃。
久辭知己來江國，少寄音書過海潮。
因想玉堂今夜直，建章宮漏正迢迢。

釣臺懷古

閑讀銘詞掃綠苔，溪邊水日自徘徊。
白雲遺迹今親到，青史高名不可陪。
千古煙霞為己有一竿，風月避誰來。
松巖老鶴應相識，時唳和風下釣臺。

宜秋館精鈔本

邵齋書事

江天短景莫相催，三度逢花折早梅。
仙棹遠歸思，李郭廬山高會憶。
宗雷林端忽見孤雲出，池上欣聞好客來。
昨夜月明霜更苦，卷簾黃葉滿青苔。

暇日偶題

年來吟鬢已星星，烏石谿邊葉又零。
簾下孤燈剛草奏，窻間疊嶂讀茶經。
漳鄉怕襲山嵐毒，野艇嫌衝水霧腥。
天末豈忘歸去意，白雲掩映數峯青。

桐江即事

滄州深隱未言歸，三載桐江解印遲。
官職清華非不

宜秋館精鈔本

達性靈疎拙，欲何為。閑移夫子青山廟，擬立嚴陵釣渚碑。
兼喜谿雲每相狎，時來窻戶伴吟詩。

秋霖

菊花潦倒雨冥冥，秋菌參差上壁生。
臺榭可堪閑眺望，池籠不快野心情。
猿啼山館寒無夢，燈背風簾滴到明。
却為農家妨斂穫，叢祠精舍擬祈晴。

和溫仲舒殘春遣懷

丹闕年來奏賀頻，金輿侍從望東巡。
越王江上重迴首，嚴子臺邊再送春。
水國山川怡道性，花時琴酒悅吟神。
煙霞肯欲留君住，宰相方謀用故人。

遺書
卷之三

郡中意遣寄友人

谿雲澹澹浪悠悠十二州中最小州
花落喜過流水寺月明懶下看潮樓
藥欄梅潤秋重換碁局松陰夜不收
吟寄故人如借問釣魚磯在海西頭

桐江詠

桐谿湛湛見游鱗搖落楓林繞水濱
秋色數行沙上鴈殘陽一簇渡頭人
藍鮮斤竹過深澗雪吼寒潮入富春
俱是謝公吟詠地伊余何以繼芳塵

偶題因懷張王二諫議

理郡三年政未聞孤城僻在浙江濱
金門路遠書難

宜秋館精鈔本

寄水國吟餘日又曛半夜啼猿千里客
數峯殘雪一谿雲詩中贏得為官况
不讓樊川杜使君

七里灘

清泚寒流走白沙釣臺蒼翠遠嵯峨
隔谿人語穿芳樹旁魚跳落淺莎
幾處上源堪涉渡有時野艇併來過
秋聲不盡吟詩意七里潺湲奈爾何

和溫仲舒寄贈

桐江秋水錦鱗肥閑釣煙波是見機
野步共遊芳草徑吟情對啟白雲扉
醉來拾筆題紅葉睡覺憑欄望翠微
官滿替人如未到蒹葭玉樹且相依

和溫仲舒感懷

郡齋松蓋翠斜欹，欹客至鳴琴汎酒卮。汎江上正當搖落景，天涯空惜太平時。雪殘幽谷春難到，蘭茂深林眾豈知。上國三千五百里，楊梅熟日是歸期。

倚樓

西樓吟倚苦為情，情似浮雲處處生。翠疊亂山千里闊，紅翻晴葉一川明。散分塋色漁村小，斜襯秋光鴈陣橫。迴望帝鄉歸未得，蘆花如雪繞江城。

秋懷

蒹葭深處古嚴州，吟向潺湲為送秋。雲映疎鍾紅葉

宜秋館精鈔本

西原存此西經


題天竺寺

寺浪搖孤角翠微樓，土芽路遠催先貢。霜搖天晴趁早收，零落黃花正西笑。應憐印綬尚淹留。

三月楊花撲馬飛，聯鑣來款白雲扉。湖邊鍾磬含清籟，樹杪樓臺靄翠微。野景留人狂欲住，春光啼鳥勸思歸。萋萋芳草重迴首，十里松門照落暉。

菜萁堰泊

菜萁堰下泊行舟，初落帆檣暮雨收。寒水漾煙輕似殺，微雲籠月澹如秋。登封自惜天涯去，盛事空思國史修。連曙不眠燈耿耿，寺鐘遙聽在西樓。



咸平集卷第十六終

宜秋館精鈔本

咸平集卷第十六

九

咸平集卷第十七

古風歌行

京兆田錫

讀翰林集

太白謫仙人，換酒鸕鷀裘。扁舟弄雲海，聲動南諸侯。
諸侯盡郊迎，葆吹羅道周。哆目若餓虎，逸翰飛靈虬。
落日青山亭，浮雲黃鶴樓。浩浩歌謠興，滔滔江漢流。
下交魏王屋，長揖韓荆州。千載有英氣，蘭君安可傳。
寄宋白拾遺

醉中別大梁，西歸渭水陽。飄然何所似，浮雲辭帝鄉。
歸來驚歲晏，悵然增浩歎。景短條云暝，夜寒難至旦。



拂酒雪花飛，早梅思南枝。碧落周星紀，青陽換歲時。
雙魚忽得書，云已外華籍。金骨俄輕舉，玉霄仍近密。
小諫官職清，大才文翰逸。獻納有嘉謀，英豪伸壯圖。
萬乘是知己，三公駭奇士。嚴吾侍從臣，元白才名子。
揮毫爛彩霞，逸性飛湍水。不日縵絲綸，鰲宮承帝旨。
伊余重交結，白日貫精誠。黃金一諾重，鴻毛萬事輕。
微塵彈余冠，清泉滌吾纓。思佩朝天籙，相將昇太清。

塞上曲

秋氣生朔陸，塞草猶離離。大漠西風急，黃榆涼葉飛。
檐檻罷南牧，林胡畏漢威。藁街將入貢，代馬就新羈。

宜秋館精鈔本

字在句下者
以出甲海女工

浮雲護玉關，斜日在金微。蕭索邊聲靜，太平烽影稀。
素臣稱有道，守在於四夷。

塞下曲

黃河瀉白浪，到海一萬里。榆關風土惡，夜來霜入水。
河源凍徹底，冰面平如砥。邊將好邀功，夜率麇兵起。
馬度疾於風，車馳不濡軌。盡破匈奴營，別築漢家壘。
拓土過陰山，窮荒為北鄙。天威震朔漢，戎心畏廉李。
所以龍馬駒，長貢明天子。邊夫苟非才，怒亦從茲始。

結交篇

為簪莫用玉，玉脆長憂折。連環須以金，金堅永無缺。

陳餘尚個儻張耳重交結事勢俄參高干戈自屠滅
意斷如玦離情忘若絃絕始志何綢繆終讎何勇決
我顧然諾心不得輕相悅

投杼詞

孝為百行本至性由天資曾參善事母母氏賢且慈
馨膳以饋進承意唯歡怡高堂既自樂織室聞鳴機
飛語忽來告明識潛深思蓋念事吾孝安得殺人為
亟聞寧不信投杼遂生疑乃知君臣際反以交朋推
道德難結固恩情有合離毀譽苟不入讒間無以施
景慕魏文侯滿篋留謗詞樂羊在中山委過終不哀

宜秋館精鈔本

慕

擬古

棠谿出精金百鍊無餘滓鑄得芙蓉劍靈揮若秋水
陸可斷兕犀陰亦驚神鬼照物雙影寒中霄靈氣紫
有時風雨至欲作龍蛇起海酒與陵肉寶燭延奇士
酣飲取傳觀英國各相視吐氣成虹蜺將平不平事
大笑荆軻輩卒如兒女子

中山魏公子志意邈難儔朝吸沆瀣精遠與溟鴻遊
風高江浪惡雲黃梅樹秋青山對獨酌明月在孤舟
心常懸象魏迹若參公侯縱橫致君術思一伸良籌
遊子中夜心功名忽嗟暮早貂空上書甘泉方獻賦

白化
輝
紀尋亦作輝
陰化
繼

甜
作
歡

黑
年
存
改

此字與此
字

白日驚壯齒青雲有英顧收采苟不時珊瑚亦生蠹
漢鼎鴻毛輕諸侯爭弄兵吳魏已先定[玄]德思功名
據鞍髀肉消感激淚沾纓南陽有奇士三顧精誠傾
龍變得風雨指麾霸王成日月若長在永永懸英聲
碧落登真訣太霄縈簡書安得松喬子仙階一投余
載攬彩虹綵去登紫雲車飄然遠氣俗志逸如龍攄
曲逆漢功臣少年嘗窘厄巷館雖席門軒車盡嘉客
事魏言不從說楚謀無獲來歸隆準公整伸圖霸策
絳灌競生妬詭非相見迫封金欲拂衣將舉鸞皇翮
豁連英主心信過終無隔小節不掩名勲庸自輝赫

宜秋館精鈔本

祖字從
本

及原口這依
原字改
際

禰衡鸚鵡詞揮翰無停綴狂甚於接輿才不容當世
身居桴鼓下心在雲天際黃祖惟忿來殞之如虎噬
淺水游巨魚宜失縱橫勢
玉樹拭不滅柳帶柔堪結惠然貞婦心皎若天山雪
羅幕生春風珠簾鑿秋月滄波驚又歸尺書胡斷絕
萱花不須折安足忘君憂青銅莫頻攬適令驚鬢秋
謝安壯未仕定遠晚封侯功名俱磊落時來豈自由
直言如霜刃卒發傷人意痛貫丹誠中無與金瘡理
緘恨若癩痕終身難棄置伺隙果報時遂陷無情地
雖悔安可追弗反同奔駟君子慎樞機言之豈容易

曉
風
吹
雨
來

天
風
吹
雨
來

另
行
撰
寫

賈
一
年
在
此
商

楚畹種芳蘭，發生逢早春。萌芽初載載，枝葉俄華華。
幽叢秋既老，芳氣冬彌薰。馨香當還風，菴藹來襲人。
百草莫相妬，從之為爾鄰。深林莫蓋藏，芬然亦自伸。
朝采暮采來，虹綬瓊瑤人。天風吹雨來黃土為柔埴，
一經女媧手，蹶然含含性識。悲哉商子孫不能述祖德，
愚朴變澆漓，化之尤費力。

余聞靈鳳膠，可以續斷絃。又聞返魂香，招魂以其煙。
因念三季時，人為世態遷。遷之不自覺，純信成險艱。
中含妬與忌，外即怡溫顏。覆人如覆舟，先示其甘言。
中夜蹈虎尾，霧海生波瀾。投彼機會時，傾亡果忽然。

宜秋館精鈔本

願得靈鳳膠，續之於仁賢。願得返魂香，返其淳化源。
免令古樂府，高歌行路難。

廣陵秋節半，旗鼓逐靈濤。鱗沈雲海遠，風激雪山高。
壯哉水濱人，游為水中豪。弄濤若平地，輕命如鴻毛。
古稱公無渡，終渡堪悲號。憑深良足畏，知險可先逃。
甘言毒人藥，巧笑剗腸刀。狎玩終罹禍，險甚於滔滔。
昭然聖賢誡，勉旃於爾曹。

赫赫英豪士，韓侯令子孫。千金募死士，博浪報君冤。
國耻尚未雪，驥足俄驚奔。待搏搏如猛虎，未耀同朝暉。
霸略師黃石，大計當鴻門。談笑定安危，功業遂隆尊。

黃鸞寄白王

鸞皇不啄粟，騏驎不駕輅。將從赤松遊，高謝漢皇恩。
一旦君臣中，奪宗物論喧。片詞為密勿，四皓如飛翻。
進退存亡間，以智為身藩。

天竺人

印解本

崑陽生孤桐，擢幹八尺高。風雨萌枝葉，鸞皇棲羽毛。
天質自含響，眾木非其曹。斲為綠綺琴，古天貞金刀。
所製有法象，不敢差釐毫。重詳舊譜錄，試撫觀均調。
其聲清以廉，聞者不貪^淡。其音安以樂，令人消鬱陶。
彈宮聽於君，君德如軒堯。彈商聽於臣，臣道如夔臯。
不覺起蹈舞，形逸同翔翱。願以七寶粧，薦之於天朝。
玉軫朱絲絃，輝華近赤袍。一彈南薰曲，解慍成歌謠。

此下並五原齋
十七卷止此

成平集卷十七終

宜秋館精鈔本



咸平集卷第十八

古風歌行

千金答漂母行

京兆田錫 ○ ○

止水明沈沈，鑒貌未鑒心。丹鳳舞蹒跚，知聲未知音。
楚王欲圖霸，不識韓淮陰。淮陰漂母家，獨得千黃金。

雉媒

媒

東風麥壘青，白日桑陰清。一雉欲媒眾，眾雉無猜情。
五步一飲啄，十步一飛鳴。聞中觸駭機，鏃發如流星。
洞徹羽毛質，低摧錦綉翎。卻宛若召客，子常非好兵。
讒言既交搆，禍難即隨生。齊王聽遊說，韓信急功名。

雉媒

三軍雖罷戍，一命遽遭烹。古來不疑地，悔各堪相驚。
鬻水詠

赫日生矣暉，鬻水方及時。邀利有得色，水消俄若遺。
兩失俱無猜，雖悔安可追。仁惠當務遠，勿使失其宜。

辨惑篇

春樹桃與李，美果終得嘗。樹枳與棘，芒刺還相傷。
君子所樹黨，在擇賢與良。其黨苟非人，為禍亦自殃。
蓄者本鈞刀，用欲如干將。泰者本欵段，騁欲侔驍驎。
辨之胡不早，堅冰自履霜。

江南曲

宜秋館精鈔本

蘇東坡詩

蘇東坡詩

進字

金蟬飾綠雲，細靨染黃新。南浦解清珮，西谿采白蘋。
密竹映深花，湖山日欲曛。春勝知己斷，脉脉兩難親。
吳豔若芙蓉，乘舟弄湖水。照影不知休，雲鬢墜簪珥。
含笑忽迴頭，見人羞欲死。歸去入花谿，棹殘鴛鴦起。
金陵王氣消，六朝隳霸業。白雲千古恨，空江照樓堞。
虎丘羅蔓草，姑蘇委楓葉。懷賢思伍員，靈濤浩難涉。
贈朱直士
憶昔長安道，與君初相識。密雲滿天來，不見南山色。
美酒斗十千，一醉情歡然。曾中空夢澤，眼底高陽客。
狂呼月華人，撫弄雲和瑟。揮鞭過渭川，館第相留連。

朝簾杏花露。暮樓楊柳煙。流輝今六稔。交情益相審。
忽忽披君文。如截機頭錦。余本生天涯。散金常破冢。
東方上書志。高欲凌丹霞。安能常戚促。雀啄秋田粟。
海路與天遙。鸞皇好相逐。

華清宮詞

繡嶺葱籠浮瑞氣。雲樓靄闕明珠翠。禁城緣嶺連九
天。一片笙歌如鼎沸。我恐紫鱗升鳳洲。移於近甸資
宸遊。東將太華為城雉。北以渭川為御溝。又疑西王
開月圓。白雲仙都紫雲府。碧瑤新宮初搆成。借與明
皇自為主。開元之末天寶初。天下太平方晏如。萬幾

直秋館情鈔本

琴心琴瑟

多暇頻遊宴。青門道上馳鑿輿。長樂岐頭霸陵岸。新
豐市井驪山畔。百里煙波錦繡明。寶馬香車若珠貫。
宮中湯泉瑟琴文。潺湲長以蘭麝薰。白玉蓮花感飛
浪。珠堂繡殿溫如春。貴妃承恩貌傾國。三千宮女朝
霞飾。謝家有女名阿蠻。歌舞纖柔柳無力。頻喚入宮
恩寵厚。金粟臂銀頰。賜得秋來嶺上霜。月明光照組
練金。吾兵槐煙柳露咽宮漏。玉笛一轟巖壑驚春來。
嶺下春波綠。夜聽琵琶將理曲。幽咽攏慢撚聲。鸞皇
引雛啄珠玉。嘗記乘輿避暑時。御衣輕似
紅渠絲。翠輦將遊石渠寺。探得姚崇乘小駟。往來綠

似尋春增
接下不空

樹影中行清涼適稱逍遙意荔支顏色燕脂紅生於
南海煙瘴中南海地遙一萬里使臣日貢華清宮六
宮每從鸞輿到遺珠落翠長安道百司既奉玉乘歸
湯宮橫鑲黃金扉門戈陸戟皆繡衣朝鐘暮鼓含清
輝參差天上朝元閣往往紫煙飛皓鶴至今碧落星
宿繁猶似當時掛珠箔

曉鶯

春宵已闌更點急煙柳濛濛露花濕畫堂深遂樓閣
寒碧紗牕中月華入早鶯百轉催朝陽簧言綺語何
鏗鏘雲飛雨散夢初破聞時滿枕梨花香聲宛轉十

宣秋館精鈔本

乾
德
帝
題

三絃高指撥軟宮喉微舌多改變圓於珠細於線韻
玲瓏湘妃調瑟煙靄中珠纓寶玦遞相觸東風細乳
修篁叢或纖柔兮同彩縷繡得輕煙織微雨或輕麗
兮如彩毫畫成晚景描春朝間闌厯落意不盡花中
似索鸞皇饒逡巡曙色浮林際菊花毛衣金作袂一
片蘇張俊辯心長與春皇巧遊說

晚雲曲

高唐晚峯欲生雨空山啼猿風嘯虎春雲數片留南
浦自與鴛鴦共飛舞

御溝

蘇軾詩集卷之八

蘇軾詩集卷之八

春半桃花水初下一溝潤綠元如研夾道宮城數里
中靜稱潺湲明月夜千門萬戶建章宮金鑊橫門溝
閣通三月花飛若零雨水聲何處咽香紅

惜春詞

春色初從江國來湖邊楊柳嶺頭梅梅花飛雪柳垂
帶遮玄相將時節催春力欺寒過江北深谷黃鸝生
羽翼曉月輕煙禁苑啼南園桃李已成蹊就中何處
芳菲好春波飛絮魏王堤我憶去年暮春月京洛新
粧丹鳳闕天津水綠煙樹深萬井笙歌牡丹發天子
鑿輿駕幸時嵩峯瑞雲籠郊圻扈從千官與萬騎

宜秋館精鈔本

蘇軾詩集卷之八

衛羽林兼飲飛六宮隨駕羅珠翠諸王從行陪七貴
香氣成霞金犢車鳴珂中節虹龍駟朱橋細柳端門
前畫舫橫塘會節園朝花貴俠珊瑚席夜燭嬌娥玳
瑁筵西樓殘月深宮漏明河半沈垂北斗縱飲貪歡
意未闌紫陌喧喧人已繁玉鈎掛簾開雉尾曉日赭
袍朝至尊方今寓止臨清渭杜門無與天涯異殊忘
詩酒狂蕩心但悅琴書高古意可惜春芳漸欲歸五
陵煙草方離離迴憶當時洛陽道歌魂空與殘花飛

風箏歌

白蘋洲暖春風生畫樓檻上銀箏鳴鏗鏘節奏急復

蘇軾詩集卷之八

五

慢空中一部天樂聲。三十六宮深窈窕。綉榻薰井光
相照。十三絃上千般聲。朝靄微吟暮煙嘯。夜來親向
月中聞繁音錯節。何紛紛。碎如鸞鈴與珂珮。巫山隊
仗迎湘君。晚來金屋愁微雨。風細箏聲不全舉。依稀
嬾妾怕人知。啾啾切切私相語。洪纖斷續何所拘。鳳
凰著對飛鸞孤。梧桐枝邊泊未穩。琅玕鳴上鳴相呼。
有時方奏俄中絕。宮商斗頓如刀截。杏花露重鴛鴦
寒。空見如霜滿庭月。有時半日全無風。一一暮天樓
閣紅。唯聞鳥雀啾啾絃上暖。珠寒玉何玲瓏。清音朝朝
與暮暮。誤聲不管周郎顧。祇嫌雅鄭交奏時。寶鐸丁

宜秋館精鈔本

冬閨相妬

聖主平戎歌

玉關秋早霜飛速。代馬新羈逞南牧。胡人背信闕漢
邊。刻箭為書召戎族。漁陽烽火照甘泉。疆吏飛牋至
御前。睿謀英武何神速。鑿與自欲平三邊。百萬羽林
隨駕出。殺氣皇威先破敵。賊臣喪膽遽奔逃。漳水波
清因駐蹕。宮錦戰袍花鬪新。綉鞵珠絡金麒麟。天顏
威武不可犯。垂鞭按轡視羣臣。金吾隊仗如鱗萃。環
衛旌旗徑千里。漢皇曾上單于臺。壯心磊落侔風雷。
比量英武不足數。聖文神武雙全才。勢可驅山塞滄

冬閨相妬

天網同張

海紫氣透迤龍鳳蓋金山簇斂若星羅寶鈿乘輿翼
雲旆塗山禹帝戮防風涿鹿蚩尤死戰鋒鋒鉞俱染
玄黃血爭如不陣而成功示暇皇歡有餘意御筆題
詩饒綺思翰林承旨先受宣西掖詞臣及近侍詔命
交酬繼和來君臣道合何如是和氣感天天地寧日
融瑞景籠八紘風生旗旆翻龍鳳霜嚴鼓角喧雷霆
海神來受單門職太上禱兵尊帝德牢籠萬國頓天
網天網恢恢恩信廣胡兒潰散何比之大明升空逃
魍魎漳川地閭霜草平合圍會獵布天兵六師雄勇
一百萬六班侍衛交縱橫鐵衣間輝金鏤甲鼓旗雜

且秋館精鈔本


傳生

錯槍刀鳴霓旌似係單于頸獵騎如破匈奴營鷓鴣
羸擗孤兔花驄躍龍橋在御弓圓明月金鏃飛妖
狐中鏃駭天機兵師會合如波注山呼萬歲震邊陲
東海為樽盛美酒斟酌酒漿操北斗鸞刀割肉若丘
陵軍聲恟如獅子吼三公拜舞百辟隨鳴珂飛鞚星
離離雲舒二十有四纛傳宣罷獵整魚麗勝氣威聲
壓千古堪笑驪山稱講武直館微臣樂扈隨太平盛
事今親覩會看金泥封禪儀拜章別獻新歌詩歌詩
何以容易進為受文明天子知

咸平集卷第十八終

國家圖書館. NATIONAL CENTRAL LIBRARY. TAIWAN. R.O.C.

宜秋館精鈔本



咸平集卷第十九

古風歌行

京兆田錫 〇〇

西樓殘月歌

西樓置酒賓客歡
西樓酒闌夜亦殘
汪汪月華如玉
盤酒力不禁明月寒

倚柱吟

暮春慘慘黃昏雨
零落櫻桃斜掩戶
未張燈火簾幕
深樓閣巢寒聞鶯語
昔時常說長安好
而今厭走長
安道蘇秦辨說長卿才
自笑功名胡不早
人悄悄倚
柱時情脉脉無人知
憐春惜遠情不盡斜
雨兼花閣

宋詩紀事作何

濕衣

李謨吹笛歌

洛陽少年稱李謨，眾推橫笛多功夫。當時教坊第一
 部，算得比衣皆不如。天津楊柳籠橋綠，朧月澹煙何
 處宿。不怕金吾禁夜嚴，偷得新翻禁中曲。曲中次第
 能記持，盡向橋欄閣譜之。性聰心慧歸來習，分明把
 向月中吹。五音嘈噴相挽出，呼宮吸徵尤奇崛。誰羨
 曹綱善琵琶，未說陽陶能感築。築，去
 聲不斷如連環，重聲忽轉如迴山。清新不比落梅曲，
 飄飄乍象霓裳亂。碎節繁音交著，騷南箕鼓風簫籟。

宣統官情抄本

莫言

去字少佳身本
隨揚唐古不交

桓乃

况作

窄一斛明珠一索穿，撒落金盤催曲拍。鈔拋大抵聲
 雄豪，歷歷出羣官。調高豐隆，驚得蛟螭起，兩趨雲隨
 初嘯。嗥每到換頭多頓挫，一聲忽迸疑轟破。玲瓏砵
 許牙枝催清脆，不容他樂和。宮城響應聲更渾，夜靜
 月明諸處聞何人。懶憶馬南郡，知予已勝桓。將軍明
 皇上樓初聽得，聽罷沈吟都不測。宣令徧詢坊巷中，
 旋使玉人捕入宮。李謨志心以實對皇慈，由是寬其
 罪。後來落魄如散仙，扁舟以月江湖天。繡囊探出金
 線管，揚眉詠脣徒自憐。驚神動鬼吹一曲，指法尤高
 氣海圓波浪無風帖。然靜千里水面鋪，輕煙水族精

靈潛鼓舞老龍變見來相顧因將鐵笛相對吹李謨
未識無驚怖乃知藝但出眾奇不獨人知鬼亦知

峨眉山歌

高高百里一屈盤八十四盤青雲端星辰淋漓瀑
瀑布嵐樓雪寺五月寒殘陽忽黑雨雹飛霹靂火著
枯朽枝登臨慨然小天下迴時一顧東海涯細看朝
陽初出時火精轉毬百尺圍瞳瞳矓矓浮在水峨眉
朝雲已如綺

采蓮曲

南谿秋水深淪漣南村美人采采蓮蓮花灼灼葉田

宜秋館情鈔本

采蓮曲

田芳桂輕橈蘭作船采采紅蓮幾成采蓮枝交袞相
撐綠蓮葉滿衣金粉撲蓮子為盃葉為足唱歌相並
畫舸艇願得采賢如采蓮樊姬昔時進燕趙九人精
彩朝霞鮮中有二人賢於己未明婉順君王前堪嗤
羊侃錦繡妾豔歌留怨朱絲絃

紫雲曲

沈沈鸞殿垂珠箔祥煙瑞氣含樓閣三十六宮明月
中夜靜無風花自落寶屏珠帳一夢時靈仙初降趨
丹墀煙衣霞綬赤瑛珮鈞天樂部前參差合奏鏗鏘
向金屋云是仙鄉紫雲曲朱絃遠召舜湘靈鳳管應

情韻
本
增

呼秦弄玉，天漢星流，夜既闌，露零珠樹，彤庭寒，芙蓉
枕上夢初覺，猶聞庭際聲珊珊。上曉五音十二律，仙
曲記持心歷歷，金線龍頭紅玉笛，新聲吹得情韻逸。
應是雙鬟樂府，魂翻得雅音聞至尊，俾與霓裳羽衣
曲，遞相奏向梨花園。

春洲謠

衣鮫綃兮美人采白蘋兮，水濱。裊翠翹兮為飾，步羅
襪兮生塵。絲絲兮遠道，萋萋兮芳草。遠山眉兮澹掃，
夜宴詞
天如瑟瑟盤，振廓億萬里。古稱天傾西北半，在地夜

宜秋館精鈔本

轉繁星磨海水，逡巡轉上星彩高。北斗未定光飄飄，
楚王夜入章華宴，紅綃燭籠滿宮殿。美人歌舞雲雨
迷，不知寒漏催銀箭。

送春

花霏霏，柳依依，留春不住送春歸。春歸何處堪圖畫，
春盡江南日暮時。黃鸝啼多芳草遠，青梅子重楊花
飛。人生三萬六千日，與君復有明年期。

暮雪

北風慘慘生微雪，微雪片片皆橫飛。梅花柳絮隨人
歸，黃雲千里凝無輝。唯念蓬蒿何處客，緇袍不暖飢

且羸

短歌行

曉月蒼蒼向煙滅，朝陽熒熒明丹闕。
杜鵑催促躑躅，開題鴉已鳴芳草。歇芳春苦不為君留，古人勸君秉
燭遊，願與松喬弄雲月。紫泥仙海鸞皇洲。

贈宋小著

紫皇御天方視事，將擇靈官補仙吏。金波古殿寒星
簾虹節，蛻旌觀就試。白哲仙人皆雪衣，衣冠森列蟾
蜃墀。寶盤初賜紅霞饌，斗魁挹酒空淋漓。水精地上
宮花折，枝柯渥丹花豔白。高於建木老於椿，其名仙

宜伏館情鈔本

桂長含春，又有驪龍長萬尺，波濤為屋淵為室。逆鱗
滿頰如鋒鋸，觸之則怒。無人當旁，有明珠夜月光。宛
轉炫耀生靈芒，能探驪珠折得桂。方許驂鸞駕鳳皇，
方令碧落為星郎。所以房星之精，姓東方。字曼倩，受
天命佐矣。漢昴星之靈，其姓蕭。其名何貴，為相封於
鄴。復有中台稱茂先，讀書三十車。乃為晉朝輔相之
大臣。又有長庚字太白，下筆一萬字。是為唐朝之俊
人。予知下則誕而為俊傑，上則列之為星辰。君曾再
對珠旒試，君才堪作仙宮吏。驪珠粲粲蟾枝香，紫煙
華綬黃霓裳。風裝雲馭慣升陟，太霄滄海嘗翱翔。願

犬仙水庫

以橫天之鵬為逸駕，垂天之虹作飛梁。馳雷走電以
驚策，叱風揮雨前啟行。結犬精珮雲錦章，隨君一至
於仙鄉。

琢玉歌

藍谿中，荆山峯。結靈凝粹生羣玉，飛英蕩彩如長虹。
野人初向深崖得，踞著雲根風雨黑。滿把晶瑩雪霜
色，特達天姿幾人識。治玉之工初琢成，熒熒輝彩鏘
鏘聲。方瑚圓璣薦宗廟，蒼珮玄圭頌帝庭。堯兵曾用
丹浦戰，漢斗已碎鴻門營。我願琢為北斗柄，指麾五
星齊七政。庶使陰陽造化機，四時六氣隨吾令。

咸平集卷第十九終

宜秋館精鈔本



咸平集卷第二十

古風歌行

京兆○思錫○

酬陳處士詠雪歌

潁川處士情高古，閑卧煙霞向南浦。忘却單飄陋巷
貧，耽嗜琴書醉歌舞。昨日西風生凜冽，江天慘慘陰
雲結。雲色蒼黃千里同，晚來旋旋飛輕雪。寒條黏綴
生梨花，梅飄絮蕩相交加。危樓粉飾軒窗冷，橫橋玉
碾欄干斜。高人嘯傲吟情動，醉拾江毫呵曉凍。狂才
意度若元白，滿牋靈怪如麟鳳。因遣橘僮封寄余，門
者稱有陳君書。展開詠雪六十字，水晶盤中明月珠。

高
子
侍

字字纍纍可編貫，句句絲絲意不斷。恨無瑛瓊奉報
酬，勝得美人錦繡段。君不聞吾皇在上致太平，地不
藏珍天降靈。時聞刺史奏河清，又報諸侯賀景星。君
心幸有經綸術，休向江湖隱聲迹。雲眠雪嘯意雖高，
爭似金鸞侍。綈袍不必虹綸，十二摺明月為鈞釣。巨
龜

桐谿行

東郊驛樹連理枝，西廟叢篁十丈圍。堪將輕素命人
畫，貴為方物歸京師。公署石楠圓似蓋，畫樓北面當
廳檜。桐谿怪石勝太湖，賤如泥土無人愛。天生爾材

宜秋館精鈔本

地且卑，空山老朽人不知。人不知，睦州右史作歌詞。

苦寒行

昨日北風高，霏霏滿天雪。千里六出花，六日飛不歇。
深山深一丈，樹木凍欲折。平地盈數尺，布肆不成列。
覆物生輝光，照人清皎潔。紫塞羣玉峯，滄溟白銀闕。
篁竹為琅玕，松風節玉屑。官吏來參賀，物情亦感悅。
瘴癘已消除，豐穰及時節。長吏因疾恙，請假來一月。
病眼為寒昏，風頭因冷發。湯藥厭服餌，酒肉恣罷輟。
夾幕映重簾，爐苜與衾褐。祿粟不憂飢，帑俸無乏絕。
江海主恩深，素飡心激切。兒童溫且飽，當風泝凜冽。

朝索暖寒酒暮須湯餅設不知有飢寒燈火夜暖熱
越人輕活計春稅供膏血及至風雪時日給多空竭
樵蘇與網捕負薪水路滑口噤無言語股慄衣踈葛
藜藿不充飢凍餓多不活慙惶襦袴思傍徨空頭越
因作苦寒行聊與兒童說

酬桐廬知縣刀衍歌

詔守江西新定郡二年撫俗誰相問白浪青山繞郡
城臥理壘霞稱嘉遜帝鄉迢迢天一涯子牟戀闕人
不知慷慨情懷何企慕宋璟政事杜牧詩六縣萬家
人輯睦魚鹽利人茶貨足公家事簡案牘稀芳草踈

宜秋館精鈔本

刀

惟存
增存

皇御
系
黃

籬映空獄揚柳湖邊觀釣魚芙蓉池上靜看書優游
天爵浩然性貴如三入承明廬靖節先生來訪我欣
然延入皇堂坐斂襟欲坐先發言捧出尺書雙袖間
七軸好詞同跪授儒雅禮豐情意厚主人識鑒非延
陵金石何煩榮固陋且真瓊瑤未暇看高談如綺有
餘歡黃鸝百轉天欲暮客去斜陽已半軒焚香道院
無人到風花拂几收真誥却取文編一一看南朝體
制多淵奧兩軸七字五字詩珠貫纍纍樂府詞古於
禪月畫羅漢麗於范蠡進西施議論精微窮理虛賦
詠升高能體物一篇序送周子通飄飄思若翻冥鴻

牧以收存存

自有滄浪高尚志，因人命筆生詞鋒。嘗聞水國清輝殿，曾事吳王侍文宴。田園未遂歸去來，嚴子臺邊知一縣。古人窮則善一身，達則惠澤如陽春。一色生靈如受賜，何須兼濟方為貴。金門吏隱能安身，何必棄官為逸人。桐廬山水幸堪賞，歌詩酬唱且相親。

贈別琅邪評事兼寄兩制舊交

醴泉少府王評事，秀氣神清好奇異。讀書擊劍善彈琴，仲容信是青雲器。我從蜀國來咸秦，長安久客多風塵。因此移居清渭北，與君在彼初相識。相識經今二十年，支離契闊長相憶。去年罷直西掖垣，君亦醴

宜秋館精鈔本

接下石空

泉方解官，關中路遙，苑丘道不遠千里來相看。我忝淮陽知郡事，郡齋喜聞嘉客至。槐花黃時初到，未菊花開時言欲迴。主人苦留留不住，為君采菊登高臺。

高臺臨古道北走音秦漢書曰北走邯鄲道

還京秋已老，白日遠長安。西歸出關天已寒，神仙作尉道雖在，骨肉為累心且寬。與君俱年五十一，老去時光轉堪惜。况今秋暮冬欲殘，七十唯餘十八年。未知十八年之間，悲歡得與與險艱。到得七十即為幸，此外浮生何足言。明日正逢重九日，未忍與君張祖席。樽前新菊含露滋，茱萸丹實星離離。茱萸擷芳菊

延壽壽酒滿滿莫固辭。淮陽郡吏若早替。帝鄉即有
相見期。兩制交朋若相問。為我勤勤多謝之。

酬宋提買黃中二學士菊花之什兼呈諸廳
學士

靖節先生曾賞菊。東籬有霜花正開。翰林主人亦賞
菊。北門吟詠有餘才。一唱再和才力健。兼金酬以瑛
瑰。瑰善歌使人繼其志。遠寄淮陽知郡吏。淮陽郡中
方燕居。跪讀重緘尺素書。中有五章章八句。復有三
章同一處。五章千葉菊花詞。一章副翰學士詩。一章
酬和季左司人前再讀與三復人從日邊初到時。歛

宜秋館精鈔本

手先問諸學士。駭目乍闕文字奇。兩制別來今已久。
朝寄宛丘權太守。眼底唯嫌簿領繁。耳冷不聞騷雅
言。重陽錫宴不得與。湛露空思奉至尊。忽捧新詩若
為意。聞詩勝得千金賜。受知益感恩願深。吟賞請言
清麗致。清如玉樹生天風。麗若露花開錦宮。水精盤
中置明月。絳火珊瑚枝葉紅。珍則難酬青玉案。文律
詞鋒併化工。因事喻懷堪自惜。神化丹青與刀尺。丹
青暈淡刀尺裁。先春雪中生早梅。春饒桃李及時發。
牡丹占斷芳菲來。芍藥羞人嬌且妬。玫瑰倚欄笑欲
語。帝里春從何處歸。巫山雨散朝雲飛。遺紅墜翠歸

石
作
本
共

天下不失年年三月期天生石奔各有時彼何太盛
此何遲蒹葭蒼蒼凝白露西風蕭蕭向秋暮月華
落有霜華映籬叢薄生黃花花寒葉冷無蜂蝶因無
寶馬與香車每因九月當重九暫時采擷浮樽酒金
鈿浮動萬歲盃為君慶祝南山壽爵不能言為作歌
金壺酒傾生綠波重臺千葉若堪賞栽培好近金鑿
岐

進瑞雪歌

聖德昭彰動天地歲歲豐穰為上瑞明年有閏節氣
遲冬深有雪方及時三農但喜及時雪天心帝力豈

宜秋館精鈔本

得知臣忝頌條居近輔勸課農桑理輿賦宛丘之下為
封部宣布皇恩愧濡袴玉澤流而有頌聲因而拜手
歌行歌云歲云暮今日云暮白雲初向斜陽度斜陽韜

掩雲舒布慘慘陰風生北戶風來帶得霏霏花花輕片
片如瓊葩凍粘寒綴紛交加陌上逡巡鋪玉沙琪樹瑤
臺相間出落梅墮絮初堆積映箔橫沾翡翠紋拂窓斜
度瑤璃隙飄飄千里度龍山衣衣蕭闕與玉闕海上銀
臺對金闕水精簾櫳鑿明月萬年枝上夜輝光上林先
似梨花發黎元有望既滿望手足舞之而蹈之因思去
歲在京師國家將議改元時時雪未呈盈尺瑞百神奔

走應禱祈海風吹起澄江練織女金刀辟翦作天花
撒翠微茫茫六合生光輝明月宮中玉白杵霜兔搗藥
雲母飛風節乍似琅玕寶翔鸞飛下咏瑤墀金門廊
廡龍尾道賀雪千官趨朝早吾皇為喜表豐年六出飛
花不令掃樞相侍臣初奉宣宣赴中書賜御筵光祿移
厨供玉饌上樽賜酒中官勸宣令不醉不得歸席上仍
令各賦詩詩成封進同奏謝御製歌行競傳寫拜舞歡呼
感聖明千年遭遇作門生微臣忝幸在兩制得以歌詩
樂太平而今出典淮陽郡組綬輝華佩金印才微任
重副憂勤履薄臨深守廉慎聖人德澤如陽春陽春

宜秋館精鈔本

及物無不均微臣懷抱如葵藿葵藿向陽堪喻身今
因瑞雪獻歌詠西垣再願續絲綸

留別句中正學士

玉人欲歸留不住南山出雲作朝雨雨中却祝使車
輪主人重得延嘉賓嘉賓有詩留別我句句高奇字
字新新若新花凝宿露高似秋天曉星布奇於雲起
成峯巒鮫人淚珠盈玉盤浪大月照如金線金線交
加珠可貫玦離環合間珠圓風生玉步聲珊珊珍奇
若此為重賜齋沐焚香然後看三復吟看既忘倦命
筆和來才思緩桃李難酬瓊玖珍野老美芹聊贊獻

和
便

與君俱是錦江人，今幸星輶來過陳。鄉情交分忍輕別，少留可待早秋辰。秋光月華伴行色，步步隨君歸紫宸。

代書呈蘇易簡學士布寵加見寄以矣題之于郡齋也

金殿嘗聞金口言，詞臣官職是神仙。三年偶忝西垣職，致身似得文章力。感激思酬聖主恩，危言所以難緘然。出入金門與玉堂，屢因狂直拜封章。禦戎救旱無上策，言詞不足動君王。改官出職歸即署，粉闥正秩慙叨據。仍命淮陽頒詔條，元正不得與趨朝。中書

宜秋館精鈔本

坡
他
事
有
詩
子
足

舍人捧寶策，加美徽稱尊帝堯。大明殿裏上壽酒，翰林學士先羣寮。獨有淮陽知郡吏，為典郡符蒙借紫。閤門引謝正衙辭，撰日念念辦行李。都門柳色早春天，繁臺寺中排祖筵。離盃滿勸不惜醉，醉別上馬魂黯黯。客心易感須如是，迴意故國三千里。子雲相如俱蜀人，我今五十君青春。春秋鼎盛正清貴，我年漸似下坡輪。下車猶未踰暮月，官舍初經禁煙節。殘陽乍聽吹角聲，臺榭梨花簇香雪。獨酌不歡何所為，孤懷無緒懷已知。十八學士相念否，應笑骨凡格且卑。地仙敢言謫仙宦，海槎却有上天時。陳州去京地不

晴年存情

南浦送君

加也

云

李

高

遠莫惜音書來慰勉若得工夫可作歌歌中言語不
厭多畢三晴情旨頗似我向二宋四及李大請與副閣
王舍人呈似此歌希唱和

送韓援赴闕

逢君南浦落花時送君南浦草離離離魂自與白雲
斷兩漿去時乘夕暉昔時漢家稱八使登車便有澄
清意吾皇宵旰念黎民歌詠皇華遣使臣昭文館殿
選學士巡撫使名名號新二人分得淮揚道南人自日
邇來既早敷宣朝旨達君恩淮陽父老私有言言逢
太平歌且舞利病連聰皆悉聞我昔南宮與西掖後

宜秋館精鈔本

來謫宦為遷客慶澤量移往單州長淮塗次泊孤舟
昌黎工部未相識一見怡然如舊遊詩酒論交各相
許何如李白杜工部海上往來將月餘煙波寄詩兼
寄書書裏情深若江漢詩中意重若瓊瑤今說歸京
忍輕別別夜波光蕩明月若到朝廷話鄙夫為說子
牟心戀闕闕下交游憶者誰翰林蘇畢韓損之韓五字損之
憑君與達相思意夢向金鑿款北扉

思歸引

河朔受詔書移官向湖外初問禁法茶次問丁身稅
稅口徵四百茶利高十倍老死及充軍絲籍方消退

采摘不入官。公家定科罪。何以升平時。遺民猶未泰。
何以在位者。興利不除害。我願罷秩歸。天顏請轉對。
一言如沃心。恩波必霽霽。

歸去來

歸去來詩不云乎。王事一埤遺我兮。終日孜孜。心力
疲勞。齒髮衰。爾今已年五十二。前去七十幾。多時爾
性雖拙。頗好學。爾才雖短。頗好詩。文學歌詩之外。非
樂為金門玉堂。若無分。隨分官職。胡不歸。苟能遣得
婚嫁累。又何苦憂伏臘。資爾不聞仲尼曰。飯疏食飲
水。曲肱而枕之。樂亦在其中。浮雲富貴非爾宜。表聖

宜秋館精鈔本

表聖爾當念茲而在茲。勿使無其實。而有其詞。爾若
捨靈龜而觀原頤。無乃見爾癡爾癡。

咸平集卷第二十終

宜秋館精鈔本



咸平集卷第二十一

頌一

河清頌并序

京兆田錫

臣嘗覽圖諫曰河千年一清聖人之大端也考酈元
 之水經稽夏書於禹貢洪河千里一曲上應雲漢涇
 崑山而疏砥柱貫中域而注滄溟駭浪朝宗通濁涇
 而一色靈長薦祉帶清渭之澄瀾所以彰睿聖之乘
 時表升平之應運自陛下臨御十有三載以堯舜之
 道行風教以文武之德化要荒禮讓興而刑罰清兵
 革偃而邊防靜五星不差於軌道百穀屢報於豐年

朝臣千水

咸平集卷第二十一

一

江
物
涼

信及豚魚應大易中孚之象仁敷草木協國風行葦
之詩諒壽域之可躋宜華封之來祝是以功成則韶
護之音必作理定則俎豆之事畢修方潔祀於先農
式告虔於后稷青壇翠幄列於國門之東蔥璫繚衛
實彼公田之次五輅南轅之在馭三推御耦以將親
粵若澶淵之濱雷澤之澍獻歲發春之五日東風解
凍於增冰初連漪以成文旋浩渺以交漾澄清見底
榮光襲人沈潛可鑒於游鱗浮動遠涵於瑞日守土
之吏乘輶之臣會父老以載觀馳牋章而上達聖恩
宣示瑤圖讓德於圓靈臣下歡呼金門拜表以稱賀

宜秋館精鈔本

百執事蹈舞以就列億兆衆歌詠於逢時豈不以玄
德升聞而象緯呈休玉澤旁流而山川薦瑞矧太史
鉤盤之經瀆桃花竹箭之迅湍人壽之言古賢惜其
難俟靈源之異聖出慶於榮觀與夫芝房寶鼎之歌
瑤臺醴泉之詠豈同日而言哉臣忝竊代言慙非稱
職歌時樂聖合陳葑菲之詞載筆侍耕得紀河源之
瑞頌曰

聖主千年運洪河九曲清地靈儲慶異天意屬升平
冰泮鱗魴躍波搖瑞氣生遠通靈沼液高徹絳河明
漢國慙為帶滄浪愧濯纓鑿人曾爽澈潤物達句萌

六行
李增

比
政

明月兼淮映榮光向海傾王正春尚淺帝向雪初晴
萬國觀農祀千官侍御耕奏章馳象魏拜表會公卿
薦祉臻川瀆言祥白水衡出圖同表異習坎象持盈
珠濺龍門溜雷奔砥柱聲瑩宜清渭合湛可玉壺盛
更顯皇猷洽彌彰理化行百王堪讓美三代豈稱英
深廣源流遠涵濡品彙貞土膏承積潤水澤効殊禎
厚后思東觀吾皇待告成微臣獻詩頌葵藿北忠誠

藉田頌并序

國家嗣位之十三載王道清夷邊防靜謐時和歲稔
遠至邇安藉田可復於躬耕后稷宜修於祀事足以

宜秋館精鈔本

勸三農之本備九年之儲貴戚知稼穡之艱難宗廟
享粢盛之豐潔於是坐朝堂以端拱召公卿以就列
謂三事大夫曰邦國之本惟民也黎元之命惟食也
使男有餘粟女有餘布老者得裒贏之養少者知耕
稼之勤衣食既豐禮節自曉然後風俗易化刑罰不
用無乃為王者之所務乎羣心允諧百辟聽命由是
金門曉闢御札初下布告自邇以及遠號令雲行以
兩施翌日命宰臣昉曰藉田大禮爾為之使俾禮典
詳而樂章備百職舉而千畝修又命翰林學士宋白
賈黃中曰爾等司訟革於禮儀典導從於鹵簿然後

游
池
賦

百執事駿奔走各奉其職無曠厥官泊獻歲發春乙亥御辰農祥晨正農事將起六宮獻種陸之種千官從耕藉之儀金輿玉乘和鸞萬騎以翼衛東郊南啟華夷億兆以駢闐觀我冕而朱紘躬秉黛耜游塲梁屨御于三推公卿大夫自五至九庶人終啟禮容皇皇若煙非煙和氣芬鬱拂青壇而映翠幕藹春野而麗朝陽既而奉常變六樂之懸太僕進六駢之轡金輅鞶纓之次列黃麾羽林以馳驅迴御鳳樓揭雞竿而赦天下所謂聖人作而萬物觀觀王澤流而頌聲起臣職居禁掖才愧司言顧續詰以非工寧裨潤色因

宜秋館精鈔本

侍耕而獻頌用慶升平美盛德之形容紀皇猷之萬一也頌曰

聖主文明 時方太平 四鄙無事 萬邦咸寧
貫索星稀 所以措刑 泰階文符 可以偃兵
物俗丕變 禮讓興行 條風塊雨 年惟順成
屋粟里布 歲有常征 濟濟之眾 蚩蚩之氓
若登華胥 若造大庭 藉田之禮 歷代久廢
乃下御札 宣示中外 乃命有司 詢謀經制
祖述三皇 憲章五帝 蠲潔之享 割牲奠幣
清明之誠 三酒五齊 后稷豆籩 先農壇陞

染

鍾磬羅列	冠劍繁會	千官侍耕	諸侯助祭
居靡都鄙	人無華裔	豐迹駕肩	荷裳連袂
觀我耕藉	勸民樹藝	布德覃恩	行慶施惠
惠澤霽流	天光下濟	禮儀彬彬	文物皆新
聖德動天	至誠感神	嘉雪應候	和氣先春
梅飄灑道	絮落清塵	馳道若坻	列幄如鱗
函簿雲羅	車飾星陳	焯焯煌煌	闐闐麟麟
三推禮畢	五輅迴輪	普天之下	率土之濱
和我勸農	悅我為民	彫幾返朴	風化還淳
廟祧之享	烝禴之辰	蕭茅卮酒	藉田而有

宜秋館精鈔本

黍稷粢盛	藉田而取	潔其簋簋	豐其俎豆
致享藝祖	展禮先后	祝史正辭	神降之祐
繁祉來宜	戩穀允受	時歲豐穰	生物暢茂
帝王之孝	永言在茲	黎元之本	莫重於斯
惟倉惟箱	如京如坻	有體有酪	為盛為粢
神既歆之	民實賴之	臣參詞臣	官為右史
因獻斯頌	得以言事	鄉飲之禮	行之甚易
庠序之學	復之可以	古典鬱埋	由人振起
千載一時	允謂昌期	時不再來	臣實惜之
登封降禪	願陛下行之		

太平頌 并序

聖朝垂統十有八載皇帝以仁賢之德由晉却而即
大位嗣王業而承廟桃天地氣和日月貞明協千齡
之會昌應萬民之推戴昔舜有大功二十而堯以鴻
圖付之漢文以五讓天下而公卿大臣立之推魯史
之遺文得漢嘉之故事傳功比德吾皇兼之稽叢文
出震之格言徵戴禮向明之大位黃麾列仗洪寶傳
國百辟山呼而稱賀萬方波朝而會同一之日暉連
山作解之恩布率土音膏災之令與民更始趣物於新
號令一發罪繫咸釋雷霆振幽滯江海蕩痕瑕自華

宜秋館精鈔本

嘉德宗年

或作
印在

及夷逢時樂聖聲悅成歌頌形動為鼓舞易不云乎
天地華而四時成聖人作而萬物覩也書不云乎民
非后不乂后非民不立律曆有五勝之策圖讖應一
人之運夏后得內禪之禮周家稱太弟之賢公劉積
仁然後武王成王享大位高皇撥亂然後文帝景帝
致太平晉以金德王而孝武稱賢唐以武德取而太
宗好理或淵或躍所以見王者之興大明方融於是
喻聖人之道自天厭唐德昭宗失國四海九州瓜剖
豆分朱氏稱梁石家號晉居於岐者有僭王之車服
據於鄴者擁圖霸之甲兵金陵繼闔廬之雄南海有

主氣王

尉他之盛湘潭咫尺與中國稱鄰庸蜀險固以一方
自大天子之守不過三千里諸侯之兵何啻八百乘
中原鹿走高材得犄角之名海水鯨飛黔首困懷襄
之害或暴秦之祚纔二世而亡有夏諸子或再稔而
謝夫差劔盾修武備以方勤叔孫豆邊飾禮容而未
暇不有天命國何以興未遇真主亂無以弭玄穹所
以曠命皇宋於焉勃興獄訟謳歌捨井朱而歸舜禮
樂征伐黜諸侯而尊主強本弱枝兼亡取亂自茲始
也初則滅李筠於澤潞次則覆重進於維揚南平荆
門西舉劔閣命伏波之將以清嶺表詔樓船之師以

宜秋館精鈔本

南征

克江南係三偽主生致關下求諸前代罕有威名若
斯之盛也故匈奴畏服而請吏南蠻奉琛而納款雖
先朝之英武底寧寰區由吾君之密謀贊成大業昔
魯衛為兄弟晉鄭稱昭穆咸能夾輔王室保扞宗周
而春秋紀其勲也昔唐祖革隋由太宗之功明皇滅
燕賴肅宗之力寰區果大定宗社乃再安故實錄紀
其事也仲丘稱其武繼周者雖百代可知披皇圖而
稽帝文揚英聲而騰茂實堯有天下以文思允恭之
聖得邦國社稷之臣始以羲和為日官次以重華錄
大政曰垂曰契克諧俞往之言曰夔曰龍盡協疇咨

聖德

之命所謂精求理亂明辨凶賢眾賢既登庸四凶遂
流竄然後土階三尺茅茨不翦垂衣而天下理不亦
陶唐善政太平乎洎舜格藝祖纂堯之績輯五瑞以
來羣后巡四嶽而省輿民協時月之無差同律度而
必審聰明咸達樞機不壅猶謂其臣曰予欲左右有
民汝翼予欲宣力四方汝為華蟲藻火之文以汝明
之六律五聲之音以汝聽之猶以上之過失或未聞
下之謀猷有未達法謗木之求理建善旌以表誠語
曰舜無為而理又曰韶盡美矣又盡善也斯乃有虞
之克肖唐也至於禹勤力於溝洫致美於絃冕設簎

宜秋館精鈔本

求讜言之善泣辜見卹物之仁拜伯益之昌言誅防
風之後至傳曰微禹吾其魚乎語曰吾無間焉大哉
湯革夏政應乎天順乎人用王者之干戈救生靈之
塗炭肇征葛伯四國悅之後戰鳴條天下尊之設總
街之大度訐謨畢至解野人之密網曆數攸歸書曰
東征西夷怨南征北狄怨斯所以見禹湯之致雍熙
也雖典籍所備載今古所熟聞然則遠取前王近方
聖代則堯舜為帝道也禹湯為王道也舉是四君子
而比萬乘主且何愧焉曠數千載之間踰七十君之
盛中有漢氏稱刑措而不用迨至唐室有囚釋而自

拔

還亦足方駕皇風並驅大道臣今謂繼唐者非大宋
乎自陛下臨御以來天下之目顯然觀朝庭之所行
天下之耳專然聽國家之所務陛下果以天為貌以
道為心以萬民為體以六合為家謂三王之禮不相
洽五帝之樂非相襲或因仍舊制或釐革故事發先
唐之教令施渙汗之恩私始以寧邊為遠圖次以納
諫為切務振幽拔滯旌賢進能蠲闕市之征勉農桑
之業哀悼鰥寡惻隱困窮禮高年尊有德封樹降漏
泉之寵室家卑疏邑之榮王言如絲其出如綸不終
朝而詔下朝堂未及夕而令敷國內繞決旬而恩均

宜秋館精鈔本

天下宜乎至和之氣感於天地不測之神發為禎祥
六辯弗迷四溟無蕩五緯燦編珠之彩三階若懸衡
之平雨流潤以如膏雪盈尺而呈瑞閭闔風來而應
候貫索星稀而省刑太史銅渾不失陰陽之節容成
玉曆遂更正朔之文驗休徵考洪範善謀則時寒自
應睿聖則甘澤不愆斯皆德動天以昭彰物有感而
通泰語封疆則東際桑林之國西走葱河之道日南
萬里設都護以懷綵漠北五原化單于之獷鷲有以
見王者無外書軌大同豈止代馬新羈願備六閑之
御名輩八貢來稱九譯之朝論都邑則陳留古封商

禮記卷之九

丘雄地仰渾儀則房心之分按地圖則豫州之域左
控齊魏右引淮湖闔里開以綺紛湊舟車以鱗萃皇
居壯麗信威戎而憚夷都人雜還實駕肩而擊轡閱
文物則司徒以七教理兆民樂正以四術教胄子賢
良待公車之詔俊造升天府之名煥然若重離之明
炳焉得奎星之象諒千古之下與三代同風班馬文
章列芸閣麟臺之次嚴吾侍從居石渠金馬之中觀
武備則精兵三百萬功臣二十四世祖兼昆陽之眾
曹公得劉琮之兵是以軍容益嚴國威大整雖四鄙
無事靈臺有偃伯之期而三農之隙司馬有教戰之

宜秋館精鈔本

禮記卷之九

法比夫驪山講武陋唐紹世之草儀澤國觀兵鄙楚君
之憑軾言盛禮則君尊於上臣肅於下法厚坤之有
別本太一以為容民得之則父子親而兄弟和國用
之則祭獲祥而戰必勝然後以車服而別之以爵勳
而辨之以珩珮和鸞以聲之以黼黻締繡以文之故
百官象物而動九貢不戒而至聽雅樂則五音正六
律和用於方澤而地祇升奏於圓丘而天神降振作
于廟知祖考之來思鏘洋于庭感鳳皇之戾止朱干
玉戚兩階見象武之容樹羽棠牙六佾辨用文之德
詳制度則明堂為布政之宮太社為禮神之本金城

禮記卷之九

福
德
錫

儼百雉之峻天門踰兩觀之崇禮虛臺以視常文闢
太學以優儒教連營棊布若羽林之四十二星列署
鱗差比太微之三百六位驗豐富則全齊曰魚鹽之
國右蜀為金碧之府南越出珠貝北燕多健馬國家
既網羅六合庭衢八荒異物內流而國用饒萬貨均
輸而公帑富陋隋文之儉德稱有羨財輕漢武之事
邊肇興徭筭較版籍則既庶矣又富矣所謂積於不
涸之倉務稼穡也藏於不竭之府勉桑麻也皆陛下
躋之仁壽之域導其生殖之源故比屋可封外戶不
閉仲尼觀蜡退而稱三代之英伊尹持衡慨然慮一

宜秋館精鈔本

夫不獲語臣察則廟堂之上得賢相也三軍之帥皆
良將也可以侔周之十亂虞之五臣儒雅雍容登瀛
洲而論道英雄慷慨畫雲臺而紀勲功成理定既如
彼禮備樂修又如此陛下猶以本枝百世封建親戚
恩之先而禮之大者也乃謂侍臣曰昔周王泣昨以
輅車各旌旃夏后之璜玉封父之繁弱迨闕鞏之甲密
須之鼓姑洗之鍾商民之族以為分物用彰國家之
庸而賜諸弟封伯禽於魯封康叔於衛封唐叔於晉
左史書之至今至為美事朕於是命有司陳玉策冠
劍鹵簿鼓吹以營丘四履之國封皇弟為齊王又命

卷之二

太常以金輅舊旆拒鬯圭瓚疏鷄首千里之封遷侍
中為京兆尹又命禮官以虎符獸節赤帑金鳥分南
梁十四郡之地升太保為興元連帥信堯親九族周
重宗盟楚國析珪稱莊王之九德漢家刑典非劉氏
而不王宜乎皇基若磐石之安宗室比維城之固庸
知卜代之吉何止於三十卜年之永將踰於萬齡君
有威儀而可尊臣有禮法而可仰天下無事海內有
截皇風蕩蕩尊盧赫胥之朝民物熙熙柏皇陸衆之
世脫寶劍以賜騎士却駿馬以駕鼓車惜中人之產
而罷露臺愧吳芮之心而賜几杖集書囊以帷殿列

宜秋館精鈔本

諫疏於御屏觀明堂以去咎刑畫衣冠而別有罪野
老或不知帝力公卿亦耻言人非行萬里不持寸金
消五兵可為農器海牛南卧遠夷占以來朝楛矢東
歸旅宰司其所貢魚在藻以遂性鷄食椹而懷音瑞
露凝甘降竹柏之上景星垂象助晦朔之明器車知
厚載之仁丹甑表將豐之兆冀生近砌因更月而呈
芳建在中包亦無風而自動書曰魚鼈咸若詩稱行
葦不傷由庚夢蕭悅道人之見采芝房寶鼎流樂府
以登歌信宗廟之垂靈當天地之交泰攸宜垂甍續
凝冕旒棲神於穆清守道乎玄默遊大庭以怡睿覽

字
由庚改由庚
乎

玄
三

圖

林
休

嘉
休

下

并始射以適皇情於是三事大夫率百職卿士秉
 圭以就列委蒼珮以颺言曰陛下德掩前代功格
 穹古稱因天事天因地事地封禪之禮歷數十世而
 無覩焉天其命陛下修闕典秩無文哉不然安得
 和神悅兮若是乾符坤珍之畢錄臣等遐詳舊儀得
 之新禮欲願陛下親率后於東國展嚴禋於岱宗命
 虞官相高卑之儀詔掌固施表著之次秦壇三襲祠
 昊穹之神圓陸四周列眾星之位雲門大護施於重
 壇之中句陳執金周於四門之外玉輅金根翼於道
 珠珍眾寶旅於庭庶邦家君四夷酋長環天壇而序

宜秋館精鈔本

立秋飛之將羽林之兵衛禁署以增威於是宵漏未
 盡中嚴外辨服冕表而上征鳴玉鸞於太清祈昭嘏
 於萬靈布福壽於羣萌探金策以受神林封玉檢以
 成大禮然後勤丹碑於雲際霈玄澤於天下以彰盛
 烈也不使七十二君獨美於古先也皇帝嘉忠誠之
 懇禱而猶懷謙德而未報既而聲聞於外下臣得之
 於道塗不覺拚蹈以為美盛德之形容無先於頌雖
 菲才之無取幸昌運之重熙願以詩聲揚于王
 庭曰
 德厚稱帝 仁勝為王 仁德兼備 謂之三皇

顯顯

天命靡常	邦或其昌	吾皇嗣位	南面垂裳
左唐右虞	超周掩商	大業於錄	鴻名焜煌
二儀幽贊	羣靈協祥	河圖啟瑞	洛書含章
運逢交泰	時來允臧	君明臣賢	禮備樂詳
書軌大同	貢輸相望	風雨弗迷	黎元咸康
至和之氣	感天之陽	日流嘉彩	星垂瑞芒
三春之芽	茁然呈芳	九苞之鳳	飄然來翔
堪備締禮	升告穹蒼	泥金載密	燎煙高颺
鸞車珮衣	交鳴鏘鏘	天靈地祇	降福穰穰
用我皇	太平昭彰	億萬斯年	永永無疆

宜秋館精鈔本

武有七德頌

聖人守法度以信禁過差以義義勸禍亂以兵示人之誠惟信為速感人之志惟義為速濟信與義惟兵為速兵不可弭堯舜猶用之以禁暴武不可躡湯武猶載之以愛人故周禮則曰兵有九伐魯史則曰武有七德兵者利用也生殺賞罰出於已旌旗金鼓榮於目摧堅破剛快於意苟不以道德仁義主張牢籠以彰明武德則淫戾之過返諸已而驅除之柄在於人也夫物之不附由曲直相戾人之不親由間隙所生間隙既生曲直不入則情離意遯心越意去聖人以

刑
德
刑

兵附而麗之合而會之兵猶器也斂拂戾違慢之國以納諸器而提挈以致霸王之業其在周易象曰頤中有物噬嗑比天地為頤也萬民為頤中之物也聖人以甲兵為齒牙噬而合之乃能通也小則以五刑而大則以五兵威而懷之使心不離糾而合之使意不散所以大國畏其威而安靖也小國懷其德而慈和也昔周德下哀經武之柄為齊桓晉文所用是以徵包茅示禮遷刑器示仁伐原示信蒐軍示義故魯衛宋鄭曹邾杞郕以土地封矜之大小貢賦藝極之輕重奉齊晉以司盟瞻齊晉而為命蓋服有禮而畏

宜秋館精鈔本

有法也在二霸猶然况聖人暢之如天載之如地燭之如日月涵之若江海所加之兵所臨之國非土地是貪惟封疆是正非玉帛是取惟職貢是徵非威武是耀惟凶惡是服非震怒是逞惟教告是明觀其以兵除害所以見禁暴之德也以順為武所以見戢兵之德也有功而不伐所以見保大之德也克亂以築京觀所以見定功之德也所務不違民欲所以見安民之德也興廢繼絕所以見和眾之德也動不耗國所以見豐財之德也暴既禁則兵可戢兵既戢則大國可保保其大則功可定定其功則民斯安民既安則

刑律存刑

眾自和眾既和則財乃豐強兵之本在農務農之本
在民安民之本在德兵與農交相養德與刑交相用
利與害交相生聖人觀象而動非七德不妄動也聖
人見可而進非七德不妄進也故詩人美禁暴之德
則有於鑠之詩在也美戡兵之德則有載臺之詠在
也美保大之德則有允王之篇在也美定功之德則
有耆定之章在也美安民之德則有繹思之什在也
美和眾之德則有綏萬之歌在也美豐財之德則有
屢豐之頌在也今國家德兼於堯舜功高於湯武苟
不刑刑容盛德臨舞頌聲則亦司言之罪也敢拜手獻

宜秋館精鈔本

谷部知鈔

頌云
於鑠王師 煌煌其武 如龍如螭 如熊如虎
以道以德 為鉞為斧 以仁以義 為干為櫓
惟亂是伐 惟凶是取 能禁其暴 削其土宇
能戢其兵 肅其部伍 善保其大 仁信周普
克定其功 禮樂歌舞 聿安其民 惠若時雨
撫和其眾 眾實安堵 既豐其財 實乎帑庾
言有訓誓 伐有鍾鼓 以威以懷 以招以撫
柔亦不茹 剛亦不吐 孰為厲階 孰為怨府
如工理木 如農事畝 正其徽墨 以合規矩

去其稂莠 以養稷黍 為黎庶君 作諸侯主
萬方黎元 莫予敢侮 小臣獻頌 願播樂府

祝網頌

昔夏王縱暴庶民罹毒痛之災成湯修仁四國有旋
歸之意雖空桑之子來翼霸圖而九戎之兵尚為桀
用非至仁無以克敵非全德無以勝妖至仁伊何澤
及草木全德伊何信孚禽魚故盤有銘而敢憚于勤
兵以律而得以專討葛伯有弗祀之過農夫值奪餉
之仇湯於是始行問罪之征用懋來蘇之望諸侯聆
之而胥悅生靈悅之以知歸所謂三分天下而湯有

宜秋館精鈔本

其二猶以為桀雖溢惡而君不可伐靈茅鉅戟未興
時雨之師神蛟應龍已有躍淵之吉一旦飾高蓋以
言邁適郊原以肆懷親山澤之虞人形殺心而祝網
曰自天之降從地以出四方來者皆入吾網湯聞之
曰嘻盡之矣非桀之徒歟孰能與於此乃命解其三
面更教之祝曰欲左者左欲右者右高下如之吾取
其犯命者於是漢南諸侯咸聞帝乙之言益知聖人
之德由是鼓舞以慕化歌謠而歸亳一時而至者凡
四十有六國書曰惟天輔德其命靡常宜乎順天人
合發之機膺曆數在躬之運進破安邑遇戰鳴條陳

知
臣
臣
臣

原
臣
臣
臣

臣
臣
臣

臣
臣
臣

臣
臣
臣

逆順以誓師眾皆聽命以寬仁而伐虐誰不歸懷遂
俘玉於三陵乃握圖於萬乘考緯書之撫實稽瑞牒
於前言有白狼銜鉤黃魚化玉視拱穀而妖亡福
禱桑林而雲蒸雨流斯皆動天之德昭彰革命之符
赫奕而尚懷慙德惕然罪已豈非聖人以至公而大
權自獲因勞謙而徽號難辭雖云解密網於一時其
實示深仁於萬國法天道恢疎之象見君恩青肆之
懷蓋禮有三驅釋前禽而不取法踰再赦當撤懸而
弗儆足以知有商懷惻隱之仁後代仰高明之德事
在世紀安敢忽諸因作頌以美之

宜秋館精鈔本

曰
網罟之設兮蓋取諸離以畋以漁兮必戒乎時桀惡
日侈兮民心益離湯仁天授兮曆數攸歸解中野之
網兮更其祝詞諒好生惡殺兮示君父之慈宜其享
天祿兮垂千古而是思

五聲聽政頌

昔文命事堯之明受舜之禪大功赫奕炳於日月至
仁涵濡霈若雨露然以堯之聖猶以謗木聽於人以
舜之才猶設善旌求其過况我臣於唐乘四載而平
水土嗣於虞觀七政而御曆數敢忘踵其懋德師其

五音通

明規於是設五聲以示誠俾羣賢而納誨故題於簾
曰教我以道則鳴鼓教我以宜則撞鍾示我以事則
振鐸語我以憂則擊磬告我以獄則揮鞞五音在器
五器在懸設於朝列於庭外以示國人內以示庭臣
食土之毛居士之濱在予之化為予之民苟有道有
宜有事有憂有獄必從予而伸必率意以陳堂雖深
於千里善意嘉謨不得不聞天雖高於九重芻言蕘
詞不得不達享予之祿立予之朝唯予職是守唯予
過則規苟有道有宜有事有憂有獄必從而言必面
而諭雖憚犯顏而良規嘉畫不得不聞雖畏直諫而

宜秋館精鈔本

五音通

忠誠赤心不得見筍簾之設有所取象天有五緯
國有五教君有五官臣有五諫欲召五諫遂設五聲
聲如五達之衢廓之而無壅諫如五土之民懷之而
則來鼓之音博而達故使教我以道者鳴鼓而言焉
鍾之音屬而整故命教我以宜者擊鍾而達焉鐸之
音流而不蕩故令教我以事者振鐸而述焉磬之音
哀而思故勅喻我以憂者擊磬而伸焉鞞之音慘而
急故詔示我以獄者揮鞞而至焉處至尊之位持思
理之心聞其振擊之聲知有謬譎之人且則矍然心
則惕然或投袂以起或推几以出或反席以待或怡

願以接所以下之情無不通也上之過無不聞也是
知聖人位愈高而心愈慎當懷襄之際墊隘是懼慮
萬物汨為萍藻憂萬民化為鱗介堯咨于朝鯀殛於
羽水土之職我專其任溝洫之勤我致其力聞昌言
而必拜聆呱泣而弗視夫天鑒其勤神贊其功圖出于
河書出于洛蒼水使授以秘籙淮渦神鑠於深淵一
旦百谷皆導而順流九洲大同而交泰偃瀦之地化
為沃衍隱阜之土鞠為芻牧土有柔桑田有嘉穀所
謂聖人有巨功天地也有大養於生民也堯既錫以
玄圭舜乃授之大寶定公有微君之歎宣父伸無間

宜秋館精鈔本

之言然猶日加慎也夕加惕也慮政有闕恐過未聞
繇是建五聲采眾善眾善既至萬機聿理名愈崇德
愈隆道愈彰惠愈洽禹迹萬里禹謨斯在鼓鐘之器
筍簾之用與夫考擊於樂府振作於公宮特異也退
頌聖德以彰鴻勳頌曰

立大功兮享大位慎其終兮德不墮菲其膳兮厚際
祀惡其服兮美馘宸猶詢賢兮以自樹欲問道兮常
自裕羅五聲兮啟諫路用羣材兮為國輔幹於道兮
邦彌阜基於德兮名轉固不然安得聲為律而身為
度

咸平集卷第二十一終

宜秋館精鈔本



咸平集卷第二十二

策對一

京兆田錫

制策

皇帝若曰國家承五代亂離之後稽三王質文之變
太祖以神武定天下宗以聖文化域中萬里封疆復
禹舊迹二聖功業與天比崇德化所被靡不祇若日
月所照罔不率俾自開創致斥平遙四十年矣朕以
寡昧嗣纂大位遵守先訓慮弗克負荷夙夕未遑寧
居惟萬務之幾微鑿燭未明中心浩然罔知攸濟兢
兢業業五載于茲矣鎮撫夷夏康濟黎元雖下承成

策對一
行寫



人

存作化務

以進作他

言又順言

規事仍舊貫庶政用^以寓^焉賒久安屢降詔書旁求謙
議五日轉對亦復往制尚慮君子難進嘉言攸伏故
詳延賢良方正之士咸^造于庭欲聞經國之謀轉時
之策明予于天道致予于至理今予大夫其發揮理
本揚道要言又曰從朕敢忘洪範之訓憶大道之行
三代之美仲尼其猶喟然又書不云乎克念作聖孟
軻曰堯舜亦人朕永惟皇王之理思後三代之迹堯
民比屋可封舜韶鳥歌率舞夏后魚鼈咸若文王虞
芮讓畔何千古難繼其或繼之者厥道何從厥理安
在其次通時之務安可忽諸今三邊無虞重譯入貢

宜秋館精鈔本

儉

存作同

太

監

制儉孰自古無上策崇姦究不得已而用兵方求聞
所未聞得所未慮^得黠虜乘間屢來搔邊邊賊負恩罔
畏^于紀致勞征戍每煩供饋供饋出於民力征戍資
於國用專利山海殖貨關市或譏王道之未融豐財
於農桑節用於制度其如邊備之未足斯二途取捨
其術安在又古者十一之稅秦氏太半之賦其按田
收租始自何代計口定算肇於何時春秋曰近^監公
室乃貧管子曰謹正鹽筴其義相反何所適從又勤
卹人隱奉若天道而間歲以來陰陽不和水旱作沴
寒暑罹於疾疫歉儉致其流亡夫安上理民禮樂為

天契天

魏伯所序

玉海

急禮以本天地樂以和神人豈陰陽之或差致水旱
以作沴札瘥天昏流庸浮沉無乃禮樂之用其未至
乎嗚呼上失其道民散久矣講議禮樂予將疇咨觀
禮以知興亡審樂以明理亂非賢臣弗達予夫夫懷
才抱器學古待問知己慰薦副朕東求各罄爾之所
長交修予之不逮敷之條對靡有所隱

試同人策

問君子之儒貴乎傳物者所務洗乎辨疑吾子各蓄
奇能榮來觀國願以咨詢之志略闡辨博之詞三皇
之名互信靡定五霸之號所載亦殊先知鯨山何以

宜秋館精鈔本

用之治水辨事文孝何以不告而娶范宣之讓能易
樂賢之心文王之仁不變崇侯之惡皇舞用於何際
甲眉起於何時良平之功與謀何人最善韓柳之文
與行孰者為優漢高稱善御英雄何以致韓黥之叛
周公有信睿之聖何以生管蔡之疑幸略為於指明
異用祛於情昧

二

問皇家創業垂三十二年平楚取蜀係吳破越復三代
之王略消羣山之厲階正朔遠頒恩信大布外域爭
輸於貢奉云亭方俟於登封然念三晉遺黎未霑皇

澤一方鉅盜猶保孤城世宗興問罪之師大勲弗集
先帝有平山之志聖策未伸觀往古之用兵實研幾
於料敵山川形便始務諳詳攻守利害必精計畫昔
晉宣決勝以周暮而可取壽春充國圖邊請益兵而
方濟戎捷揣摩之術毫釐靡差國家以德懷來用衆
敵寡佇獻俘於宗廟方擇善於臧謀子大夫久練時
機雅稱國士願畫蕩平之策勿陳游誕之詞

私試策

第一道

問國家奄有中區誕敷文德考河圖而括地象率土

宜秋館精鈔本

皆賔蒐兵實而閱武功遠夷咸伏蕞爾并土猶怙堅
城興周宣六月之征尚聞逆命用虞舜兩階之舞無
以懷柔子大夫榮與國華久諳方略願聽蕩平之策
觀以經緯之才

對

對兵貴伐乎深謀妖不勝乎威德仁修而獲奮自化
備設而攻取無疑我國家丕建洪圖垂二才載先朝
以神武之略蕩定天下吾皇以聖文之德撫育中區
萬方咸賔九貢來底蠢茲并土久隔皇風雖懷之以
德而弗來震之以武而未服亦猶鶯營巢而在幕魚

初知初知
代

儀禮精義

失水以居陸雖暫苟活其能久存管子云料衆以攻
衆孟子云王者之兵惠若時雨今料衆之義請試陳
之以國家之土疆遠且萬里以聖朝之士卒精而久
練府庫豐實雖漢武事邊之財未階於今矣黎元富
庶雖玄宗開元之間未侔於今矣以此衆戰何敵弗
克以此衆攻何城不降國家但欲示之以仁而使自
知歸化之以道而俾其自服也又何疑苗民沾險度
七旬而弗歸崇侯弄兵必因壘而方至必欲誅元惡
以示法弔遺黎而表恩則兵家之謀有五間之術司
馬之法有九攻之儀舉必成功動無遺筭然兵者詭

宜秋館精鈔本

道戰以譎勝當太平之世實愧言之以威服之以德
化之在此二道也謹對

第二道

問以禮化民推誠致道必因講習方致淳和驗前代
卿飲之儀見躋俗禮容之盛有唐之後歷代弗修今
國家方屬於斥平沮豆詠宜於修襲所真白華播曲
誘孝悌於深心清管登歌發融和於庶彙嘉言復古
虛意待賢願指明其是非仍發揮於損益

對

對先王制作禮樂化尊黎元亦猶置水于盤方圓斯

厚在無對字

儀禮精義

國家圖書館 NATIONAL CENTRAL LIBRARY TAIWAN R.O.C.

日月宣明乎天道風雨咸
宜乎海內大定寰中大理

就銘金成器模範靡遺觀鄉飲之儀喻國人之禮俾
日而習之月而化之聞管磬之音則和樂生乎中矣
觀樽彝之設則恭肅加乎外矣閱賓主所降之客則
知尊卑有序矣熟雅頌誘喻之意則知孝悌有自矣
斯禮久廢淳風未還詳天命之有歸俾吾皇之復古
宜乎海內大定寰中大理日月宣明乎天道風雨咸
若乎歲功民心悅隨物性交泰鄉飲之禮白華之歌
願復行之天下之幸謹對

第三道

問懷才待舉隨計觀先苟非該博之儒寧稱詢謀之

宜秋館精鈔本

肯三王禮樂胡不相公百代職官何因繁省孟子稱
至仁無敵安得苗民弗恭仲尼云積善餘慶曷以丹
朱不肖瑤琨篠蕩貢自何州淮濟江河發於何郡春
秋以藏冰得禮則風雨弗迷洪範以修德動天則陰
陽自順惑乎確論無所適從高談勿吝於辨疑異學
用觀乎歷試

對

對王者功成作樂理定制禮故唐虞之功成乎揖讓
則大章蕭韶之樂作焉湯武之理定乎平蕩故司儀
奉常之禮異焉玉帛之容取乎化民心不取乎觀閱

王欽王

也金石之奏取乎和物性不貴乎鏘洋也蓋隨時之
理亂因時以損益故三王禮樂不相沿也職官之數
亦然書曰唐虞建官惟百夏商官倍亦克用又周漢
以降迨及有唐沿革不同繁者靡定酌理言之苟得
賢才雖簡略而亦理苟曰常吏雖官長以何為苗民
終服于舞干有以見至仁無敵也丹朱得備于虞賓
有以見積善餘慶也瑤琨稱珍篠簜充貢貢自維揚
之域詳乎有夏之書河發源乎崑丘江濫觴于嶧冢
淮濟之出載籍備存藏冰而風雨弗迷申豐之言未
臻至理也修德而陰陽自順箕子之辨乃可垂訓也

宜秋館精鈔本

庫本缺在此止

左傳卷之

錫淺陋之學不足以待問王庭葑菲之詞不足以發
揮右義傍徨震恐不知所裁謹對

開封府試策三道

第一道

我國家誕膺景命爰創洪圖立萬世不拔之基成四
海混同之化主上大明繼照聖德日躋山夜觀書盱
食聽政訓兵練將以養銳務耆勸農以豐本孜孜不
倦豈無意乎豈不以前北戎人尚侵禹畫河東餘孽
猶保梟巢然則二寇歡盟數世連結畏中原之強盛
曲陳款附之誠憂同患之危亡潛懷救解之計若擊

二刻從原在

之則有阻夷狄來王之意若置之則恐違生靈後望
之心取捨之間後先安在秀才傳達今古洞照機宜
來覘國光豈無良策試為條對將副虛求

對

兵貴伐乎深謀妖不勝乎盛德仁修而獷鷙自化備
設而攻取無疑我國家光啟寶圖垂二十載先朝以
武功定天下吾皇以文德化域中故四夷咸賓九貢
來底雍熙之化升平之運今其時矣蠢茲并土尚隔
皇風懷之以德而弗來震之以威而未服怙戎人之
強授幸同惡以相濟孟子曰至仁無敵於天下管子

宜秋館精鈔本

云料備以攻備備存而弗攻今國家民俗寧和提封
遐遠府庫豐富兵革精練以此勝敵何敵弗克以此
攻城何城弗降至上但欲修德服匪人之心養威惜黎
元之力何憂有苗員固不歸舞干之化裔戎懷詐外
示欺塞之心而已哉必欲念一方之遺黎釋二寇之
逆節則兵家之法曰去其所恃又曰用間有三若以
聖人用間之術絕叛人所恃之心則自然盟好攜疑
而黨援孤子也若是則舉一并止若吹鴻毛則戎人
救解之謀無所施焉外域款附之誠化為信矣書軌
混同之策英威蕩之定機在斯術也音羊祐取吳猶

去從年存
塔

去任二三年年

城位減日上

威精作武

以仁義吳中感惠不稱祐名矧最爾賊臣安足為聖
朝言議也謹對

第二道

問有國者設爵求賢懸科待士雖古今之通制在公
革以殊途周開俊造之科漢重孝秀之目皆因鄉曲
之譽遂登公卿之府末俗澆薄浮競成風或託勢援
以干有司或假梯媒而取上第有唐季世此弊尤繁
今國家以文教大興古道盡復若采聲華於鄉曲恐
漸成朋比之風但令程試於有司又慮開請託之路
取士之道何術為先秀才若策試於天庭將何辭以

宜秋館精鈔本

待問

對

求賢擇才周禮精其術也升廉舉孝漢制得其要焉
何哉士之賢愚審乎鄉黨故舉里選之目王制備焉
才之優劣審乎策略故直言極諫之科漢書備焉觀
歷代之取人詳賢才之中選唯周與漢最得其宜迨
至有唐首開貢籍于時中太常之第者尤為寵榮雖
公卿之才自茲而得而仕進之典亦由是興今國家
采三代之典謨熙百王之禮樂精擇賢能之士待以
爵祿之榮尚慮妄干進於有司竊虛名於由徑莫若

寧甫

三三

以上三子從序
左字增刻

損益先王之術審詳取士之機先試之以經濟之謀
後訪以英翹之譽責其實稱乎名若名實之相符必
是非之立辨又何慮啓倖心於請託鼓虛譽於比周
也謹對

第三道

問周均井賦漢重力田皆敦本之良規為後代之成
式稅閭市者始防游惰論鹽鐵者亦救弊俗何_淳右
之漸醜遂末作而忘返不耕而食者塞路不織而衣
者實繁浮汎之戶漸多兼并之家日富特豪強者或
勢侵於州縣逼飢寒者亦難守於丘園以至賦籍不

特於情

右字增刻

宜秋館精鈔本

濟任高序

增版圖亦耗近世談論之士亦有沿革之書皆非永
遠之謀唯取一時之利我國家政同三代道邁百王
博訪羣謀思臻至理秀才道窮秘奧識洞古今來副
虛求必懷良策且井田之利可以復於古否力耆之
料可以行於今否游惰者何_濟以使之均_齊禁豪強者何法拯飢凍者何術試為縷
陳無甚高論

對

昔黃帝設井田之法周文用土著之令故生民之衆
寡由是而詳焉王者之征賦由茲而均也洎秦君圖

霸高執適變廢哲王經久之術濟強國縱橫之用井田遽廢阡陌驟興兼并之弊遂生賦輿之法不一洵泊漢家垂統武帝事邊以鹽鐵六管之財佐疆場連年之用未作益甚而黎元愈困後代救時之弊者或以土斷禁流亡之俗或以常平均豐歉之民牢籠萬邦平準百貨信史備載斯言可徵夫井田之賦千古絕迹不可復也力田之科前王所行未足尚也使游墮者返本莫若利其衣食之源使飢凍者相濟莫若抑兼并之人也兼并既抑則貧富自均貧富自均則豪強自禁其術安在在乎王者提利權而均國用也重

宜秋館精鈔本

輕萬貨歛散百穀乃其術焉錫愧無待問之才幸與觀光之試智策無取方略靡詳憂畏傍徨不知所措謹對

試進士策

第一道

問富國備邊實資農戰化民導俗本貴儒玄尚玄以清淨為宗尊儒以禮樂為本書稱偃武春秋謂不可弭兵禮重中庸刑法欲畏如觀火聖人垂訓取捨何從國士懷才是非必當願聞至理上副旁求

第二道

問聖人之性與天地合故不待多學一以貫之又云
終日終夜不食不寢以思無益不如學也垂訓各異
其理何從夫臣之事君將順其美而魏徵之諫請停
封禪父有諍子不陷令名而瞽史不賢未聞諫諍請
發揮於古道莫釋去於所疑

第三道

問易道精微王弼之注行之久矣羣儒共傳而云進
物之速義不及利成物之終利不及義嘗思至理其
不然乎湯武之兵興於二季豈非義也丘軻之言垂
於萬古豈非利乎況裁事得宜而謂之義進成於物

宜秋館精鈔本

丘軻
知和為
孔孟
是善

豈有異焉幸聞嘉言以祛未悟

第四道

問書云師古易曰隨時執守則昧於時機適變則違
於古道比德於玉仲尼何獨佩象環知幾其神周公
豈或罹讒口繫于金柅未詳金柅之定名席上之珍
莫辯席珍之奧旨子該通為學茂秀懷才觀先斯來
待問程試幸悉至理以副旌求

第五道

問摘山煮海以資軍儲闕譏市征亦禪國用自蒐狩
教習之禮廢而黜閑召募之事興乃徵齊民永充士

卒又因廣福碩度緇黃故祠部籍名其眾動盈萬數
戎麾隸役終老不復歸農故一夫之耕支贍靡足一
婦之織供億無餘致田疇少闕於荒閑租賦急用於
徵督子有何術為矣斯言

第六道

問井田難復策論已相承備言屯田可興士卒又難
為兩役邇來雖聞建議未見成功所以備邊有饋運
之勞積粟無通濟之術其理安在幸為敷陳

開封府發解策

第一道

宜秋館精鈔本

強學待闕孺行所先博物辨疑識者當務成湯七號
幸略紀其微稱文王九德亦可舉其戒數漢雜霸道
孝元之志不同鄭鑄刑書叔向之心特異是非安在
取捨何從荀孟言性之有殊孰者為當管樂立功之
俱善何人最優守道不如守官官非道何以能守教
民不如化民民非教何以能化文行忠信忠信非行
歟禮義廉耻原非禮歟復井田則其議屢聞行鄉飲則
其禮尚在方當明代可舉而行子大夫以為何如幸詳
斯言悉意以對

第二道

海任進年

古者蒐狩之禮以教民戰征伐之際稽諸版圖里閭
有士卒之名井田賦馬牛之數聚之則蓄為我武散
之則復為齊民洵王道其亡霸圖相維以兵逞欲以
民養兵兵農由是遂分財用以茲不足莞據以為國
計賦租先於軍儲因茲游惰之人罕務耕桑之業加
以不耕而食不蠶而衣其徒實繁豈可悉數議復古
則見非於知變論適時則思有所聞今浚塞屯田防
秋戍卒疆場無事可力穡以服勤戎狄之虞則被堅
以禦侮可以救三時妨奪之害免千里輓饋之勞佇
聞嘉言以觀方略

宜秋館精鈔本

第三道

儒者之行貴難進而易退君子之德先人而後已所
以鄉舉里選既升後造之名循名責實乃得公卿之
器貴其身所以錙銖視國尊其道故有師傳之稱洎
叔世以還其風不振漢以詔策取賢良方正之才唐
設科場較詩賦文論之藝雖英髦間出豪傑並驅然
有進不奔藻其行能退不砥礪其名節豈俗之澆薄
使之然化之敦勸未至也今議賢良之薦必自於鄉
里文行之選不由於科場冀士林茂三代之英賢路
導四科之士佇聆商較以副薦揚

設邊吏對

昔漢^金孝武勤兵十八萬北過天山旌旗林植徑周
千里鼓^金川沸聲聞于天匈奴震恐不敢抗威棄衙帳
而遊帝^升斥單于臺有黷武驕傲之色乃有邊吏老矣
然精強矍鑠狀貌魁傑若賈餘勇遂屬橐鞬請見于
軍門上召與語曰若居邊鄙多歷年矣諒諳練戎政
而詳悉事機今天山之北大漠空曠經川通谷平原
險蹊車戰之地騎闖之場客主使利者凡有幾何其
次濫車之水伏兵之道堡衝壘要峙糧輓芻之所復
何從而善若當悉意以陳朕欲周知其名數期以殄

宜秋館精鈔本

滅匈奴而後已邊吏曰臣遠祖唐堯時為華封人嘗
因祝延洪之壽于堯堯乃嘉其忠孝命世為疆場之
吏俾食閔塞之征厥後歷夏商周以迄于聖代子孫
嗣襲不絕臣雖不佞今辱守祖先之職疆場之事敢
有越思於是山川形便之地堡壘控扼之勢洎戰
聞利害興烽燧遠迹悉陳于上前帝益悅而善其稱
職命增之寵數邊吏辭之曰臣受國深恩今數十稔
未有塵露裨益敢以口給之對遠欲邀陛下寵光臣
嘗讀家藏之書見唐堯帝天下以清靜為理先勞精
於求賢果得舜於側陋舜由是舉十六相而去四凶

北勤
川沸
絕

海內大理以至於無為當時遠夷慕德咸相率而朝
貢其言具列于唐虞之書及禹貢載要荒之義是也
舜禹繼堯而理不更其道故有明珠大貝奇器良馬
迭充王庭有以見皇風王化覃及殊俗梯航險深而
至者然于時不以窮邊極裔為意而以修德化下為
先洎太康喪國四夷來侵賴后相纂嗣且征且討或
叛或服然德信衰薄未足來遠迨成湯文王勉道勤
仁故羗髡鬼方復修朝貢大約道德服人之心而兵
革制人之力與其制人之力曷若服人之心故春秋
謂武有七德所以王師一出若時雨之降旱歲也然

宜秋館精鈔本

猶聖人不得已而用之今陛下承文景理平之運海
內豐富時和民安胡不端居穆清垂拱而理上法堯
舜禹湯之德使渙汗之令一發天下若風行草靡而
自躬勞聖駕親董戎行頓兵於瀛鹵之地豈不聞先
帝却千里馬罷露臺而遠人自歸仁乎况兵不苟聚
戰不幸勝苟聚則財耗而民困幸勝則害多而利寡
設使陛下得戎虜之地譬如石田何所用也臣雖愚
駑竊為陛下不敢取武帝不悅事邊益急由是伐朝鮮
驅林胡取莎車滅菟婁連年不息海內空匱乃未令
驚爵得以補吏入粟得以免徭用度未足遂取管權

駑
取

之利筭及舟車而民益困搜粟都尉諛上而言利不
已請田輪臺帝方大悟追往年邊吏之詞下哀痛之
詔命封富人將以息天下然用耗已甚矣

咸平集卷第二十二終

宜秋館精鈔本

咸平集卷第二十三

京兆田錫

表一

謝御製和祝聖壽詩表

臣錫言今月十七日宰臣瓊赴中書伏蒙聖慈宣賜
 御和臣所進乾明節祝聖壽詩二十韻者俯拜皇恩
 仰闕睿藻駭凡目而怔忡失次閱聖文而^赫交并中
 謝伏以華封慶祝之辰里社呈祥之節頌聲合貢忠
 懇冀伸宣謂皇帝陛下降御製而頒宣命台階以錫
 賜始歡呼而跪受終惕厲以退思且書曰賡歌詩稱

中謝
作
小字

揚

立

永

中謝

由

葉

大雅但美升平之際會或揚德業之形容未聞臣下
獻封非之詞君上答英華之什斯實皇朝新事玄既
殊恩用紀瑤編六義常彰於睿思永光寶運千齡永
固於昌期臣無任感恩荷聖榮耀兢惶激切屏營之
至

進籍田頌表

臣錫言伏以東郊之儀藉田之禮歷代久廢明詔復
行闕典既修無文咸秩三農知勸詎忘稼穡之勤萬
乘親耕將備粢盛之薦凡居率土孰不歡呼臣中謝
伏惟皇帝陛下體天覆育並日照臨以百姓而為心

宜秋館精鈔本

慮一夫之失所講求典禮咨訪闕遺導其衣食之源
務以農桑之本祥符交薦上瑞必由於豐年王道已
融聽政尚勤於日旰以為籍于千畝禮有三推耒耜
真之於輅車種桂啟之於宮禁表身先於貨殖果德
動於昭回嘉雪應期盈尺已豐於渥澤大田將稔載
歌方美於京坻易曰先天既便蕃於景貺書稱固本
乃勉勵於羣情將以致孝享於宗祧貽慶賴於黎庶
聖朝師古有以見勸農務穡之心來葉美談可以播
下管登歌之曲臣幸逢昌運忝列侍臣清禁縟綸殊
乏論思之用黃門進牘難借體物之詞不祇率鄙懷

此求音於扣寂謳謠聖德因獻頌以達誠固慙葑菲
之文上躋冕旒之鑒然國家盛事已聞野老之歌臣
子為心合效華封之祝謹詣東上閣門進藉田頌一
首干冒宸嚴臣無任惶恐激切屏營之至

進文集表

臣錫言臣聞美盛德之形容謂之頌抒深情於諷刺
莫若詩賦則敷布於皇風歌亦揄揚於王化下情上
達周禮所以建采詩之官君唱臣酬舜典於是載賡
歌之事既逢清世何讓古人木鐸求諷之詞彌光聖
德金門獻芻蕘之說式表忠懷中謝伏惟皇帝陛下

宣統館精鈔本

規風道序本
增改

以唐虞莫大之德修湯武無敵之仁富壽于生民慈
儉曰至寶塗山高會執玉帛者華戎瑞牒載書萃郊
數者麟鳳讓圖靈以玄德推臣下以赤心皇勲帝功
可以封泰山而禪梁甫至德大業可以作韶樂而建
辟雍永隆千載之基高冠百王之業伏念臣藝文素
淺學識非精逢時悞受於聖知中第早歷於睿鑒代
耕以祿歷試諸難難初命授將作監丞再命歷左右遺
補遇郊丘之恩澤轉記事之班資尸素為虞康勤益
勵仍念策名之歲親聞金口之常令各守謀和莫忘
筆硯迨後或漳濱近郡或江外遠官莅事之餘修詞

進神道序本
增改

敢急況帶史臣之職慮孤英王之知嘗因疊嶂危樓
既登高而必賦釣臺淺瀨亦倚棹以成詩豈唯杼子
牟戀闕之心其實歌文王南國之化著英雖寡編綴
靡遺三度拜章聊舉箴規之職八年外任復歸侍從
之班因輒上言却乞在館蒙聖恩之俞允仍舊貫以
編修清閣濡毫愧乏素臣之作丹墀珥筆慙非右史
之才陛下既以文學知臣臣敢不以文字報荅陛下
今錄得在睦州編集中歌詩賦頌共十軸謹詣東上
閤門進獻描樂章於金石文彩非工祈睿鑒於冕旒
罪尤可待干冒宸扆臣無任惶恐激切屏營之至

宜秋館精鈔本

進河清頌表

臣錫言伏觀中書門下奉宣示澶濮二州奏今月五
日黃河清者伏以千年之運聖祚方興四瀆之中洪
河為長波瀾清泚表嘉瑞以無疆圖牒昭宣協皇家
之有感中謝伏惟皇帝陛下唐虞至德湯武聖功夕
惕勞懷掩文王之勤儉夙興求理侔大禹之諮詢是
以王道融明猶日中之臨照鴻猷浹洽比天覆以恢
崇夷狄綏懷邊防久靜黎元富庶風俗還淳裡宗類
帝以嚴恭續祖承祧以祗慄公田載籍將以奉清廟
之榮盛闕典咸修將以報先農之功烈萬邦玉帛方

會於觀耕九曲河源遽聞於飛奏勾芒應律東風已
泮於輕水川后呈祥習坎不生於濁浪虛明洞子鑒
物清潔可以濯纓潤下朝宗示褻區之靜謐儲靈効
祉知社稷之感通何讓重華臨觀授出圖之異堪嗤
孝武中流告沈玉之誠且播登歌永光信史豈青雲
千呂能昭文物之朝滄海無波更表聲明之化佇候
白茅藉用薦三脊於泰壇明水潔清首五齊於玄酒
告成功於東岱示底貢於西鯨升中秘玉檢之封永
久嗣瑤圖之盛臣才非典誥職忝續綸文翰是司豈
稱代言之用頌聲合貢用彰盛德之容謹詣東上閭

宜秋館精鈔本

門進河清頌一首于冒宸嚴無任惶恐抃蹈激切屏
營之至

賀德音表

臣錫言今月二十一日刑部連到德音已晝時施行
訖伏以絲綸作解之恩非時霽霈華夷至和之感向
日歡呼中謝伏惟皇帝陛下神道知幾文明以理金
玉必貞於王度機衡以奉於天時宜乎二儀萬靈祥
瑞交薦五風十雨稼穡屢豐所以答上帝之高明思
下民之勞苦念其闕乏或貸以餘糧卹其罪辜或省
乎庶獄尚疎法網用滌恩波取連山宥罪之文行出

知
位
如

待青災之令重刑減降殘賦蠲除仍寬聚哺之徒俾
啓自新之路人心感悅春雲護肅赦之威帝德昭宣
秋日麗清光之彩臣忝分憂寄方遠丹墀臣無任抃
蹈激切屏營之至

二

臣錫言今月九日夜逃中刑部牒連到德音減降釋
放罪戾者伏以歲時更始制旨惟新協陽春以布和
與品彙以覃慶凡在臨照孰不歡呼中謝伏惟崇文
廣武聖明仁孝皇帝陛下為政以德守位曰仁明義
以禁於明非推恩式敷於刑措是以號令浹發當王

宜秋館精鈔本

明
廷
民

正視朔之辰動植咸亨應天道施生之候詔命朝出
寰區夕周重刑遞降於徒流輕罪悉從於釋放山林
聚集之盜容以歸還城池失守之臣許令引見物情
舒泰聖德融明躋人於仁壽之區致理成升平之化
臣忝分符竹屢換星霜近奉詔書即歸丹闕拜聽德
音之宣諭躬先士庶以歡呼仰聖人之道如日中慶
王者之恩及天下臣無任抃蹈激切屏營之至

賀正表

臣錫言伏以千載良辰三陽令朔東風入律雲韶諧
太簇之音北闕稱觴簪紱慶華封之祝伏惟尊號皇

音
仙
奇

素歲春回

帝陛下明融瑞日德動玄穹皇極中庸納生靈於壽域青陽左个布政令於明堂璿樞頌正始之文寶曆永無窮之祚臣素膺重寄方遠明庭無任瞻天祝聖抃蹈激切屏營之至

賀冬表

臣錫言伏以氣序方周陽和來復祥雲五色映瑞日以堪書丹鳳九苞黃鍾而率舞伏惟法天崇道皇帝陛下膺乾納祐與天同休臣叨奉詔條出分重寄土圭測影空傾葵藿之心玉殿歡呼莫與鷓鴣之列臣無任瞻天祝聖抃蹈屏營之至

宜秋館精鈔本

知錄本

二

臣錫言伏以一陽革故萬彙鼎新雲物呈祥珥筆可書於魯觀日華表瑞測圭增麗於堯階伏惟尊號皇帝陛下德合穹蒼功宣造化聰明文思之道光被華夷陰陽寒暑之機昭待言動玉琯慶履長之節瑤圖膺惟永之期臣叨奉朝章出分郡寄黃鍾應律空馳率舞之心景殿稱觴莫與歡呼之列臣無任瞻天祝聖抃蹈激切屏營之至

進乾明節祝聖壽詩表

臣錫言伏以節逢降誕運屬升平禹貢萬邦賀紫禁

歲時集卷之三

三

延齡之慶漢官百辟有黃金為壽之儀若以詩綺靡
於緣情頌形容於盛德上采賡歌之肯旁宗大雅之
詞律以新聲文之近體為理世變風之什慶良辰統
電之祥用表精虔實符忠願中謝伏惟皇帝陛下睿
聖凝圖文明致理三雍禮樂敷風教於昌期萬國黎
元悅仁和於太古封人受賜歡呼祝壽之時丹鳳有
靈鼓舞聞韶之際伏念臣素無文藝叨受皇恩備位
諫垣未舉箴規之職出官河朔慙非經略之才子牟
雙闕之心欣逢令節克帝千齡之福願與稱觴情動
于中詩聲于外因成乾明節祝聖壽七言詩十九首

宜秋館精鈔本

謹繕寫進呈十冒宸聰臣無任瞻天戀聖慶抃激切
屏營之至

謝勅書獎喻上章表

臣錫言臣今月十九日伏奉勅書以臣所貢封章特
加獎喻仰荷皇明之鑒寧勝光寵之詞榮抃徬徨啓
處無地中謝臣聞敢諫非易納諫尤難蓋以臣下抗
言多致觸鱗之怒帝王至貴駭聞逆耳之言苟非天
鑒昭彰臣誠果敢何以見聖主優容之德何以伸直
臣謏諤之心所以陶唐盛時猶設登聞之鼓有虞至
理許書告善之旌蓋思誘敢言之臣亦欲聞未知之

事伏念臣遭逢陛下塵忝諫官雖精誠之中思有所
報而激切之志未有所伸近者伏蒙聖恩榮有差遣
當金殿入辭之際涓天階宣上之時遂以實封直進
御座小臣愚昧所見尋常妄言軍國要機朝廷大體
退而恐懼伏待誅夷然於忠亮之心少贖貪饕之罪
豈期聖造特軫皇慈優降詔書褒稱賤品仍頒御札
宣示羣臣見皇王鑒燭之明示天地包容之量朝廷
雖理而陛下未以為理黎庶雖安而陛下未以為安
自此言路洞開朝綱益整所謂堯惜一夫之不獲舜
於一善而悅聞成湯之德益新大禹之謨自遠太平

宜秋館精鈔本

已致比屋可封豈獨微臣之榮諒實天下之幸臣無
任感恩荷聖激切屏營之至

謝除右補闕

臣錫言臣今月二十日於天雄軍得瓠北南路轉運
副使李瑄差軍將賁送進奏院遞到官告一通勅牒
一道伏蒙聖慈授臣右補闕餘如故者綸言進秩諫
省增榮祇荷寵章傍徨交積中謝伏念臣叨居侍從
有玷清華薄才悞受於聖知非次驟分於憂寄積累
備邊之策豈是所能豐財利國之謀又非素習伏遇
禮行清廟功告圓丘慶澤惟新雖下周於庶品優恩

積德集

特異俄叙轉於華資臣每讀唐書載觀名士裴度蘊
三公之業歷此清途吳兢有良史之才當茲衰職臣
識非淹遠辭愧菁英直館踰年未舉編修之職乘軺
將命俄兼飛輓之司微効弗伸榮遷驟至太平無事
忠言[寧]補於皇猷封禪有期覲禮但思於丹闕臣伏
限所守不獲奔詣宸階無任瞻天戀聖感恩激切歡
呼屏營之至

捷

賀曹彬奏勝捷表

臣錫言今月七日進奏院狀報三月十七日并州鴈
門兩路前軍都部署侍中曹彬等奏三月八日并十

宜秋館精鈔本

傷中序李德
中傷白轉

日殺下蕃賊二千餘人餘三千餘人傷[中其餘並皆
逃逃并涿州寰州等偽命官吏率百姓僧道歸降已
安撫訖者伏以皇威大振戎捷遐聞才興貔虎之師
遽破犬羊之衆照臨所被歡抃皆同中[謝伏惟尊號
皇帝陛下撫[寧]萬國底定三邊武經方詠於止戈文
德誕敷於振鐸尚以薊門遺俗久不隔於虜延燕朔
舊疆宜復歸於王略安邊上策或伐叛以懷來命帥
嘉謀亦乘機而破敵溥水朝宗之浪方鼓威聲藁街
獻捷之音載光睿筭臣伏限所守不獲奔詣闕庭無
任瞻天戀聖歡呼激切屏營之至

捷

捷

大捷

賀潘美奏勝捷表

臣錫言今月十三日進奏院狀報三月十九日至二十日雲應幽朔等州行營都部署太師潘美等奏偽命節度副使趙希贊等率軍民一萬五千餘人歸降并飛狐北殺下賊軍三萬餘人活捉到偽命莫州防禦使太鵬翼康州刺史馬贊已下及收到衣甲器械羊馬牛畜牌印等不少者伏以睿筭無遺玉師繼捷塞外之飛章疊至寰中之吉語交聞中謝伏惟尊號皇帝陛下聖德昭彰天機果斷垂衣裳而致理治即用文利孤矢以宣威動惟經武狼星未滅且鉄鉞以

宜秋館精鈔本

專征虎旅爭先鼓雷霆之奮怒俘係單于之頸郊廟獻俘即單英王之恩策勲飲至車書混一曆數登三表瑤圖保大之功行玉檢告成之禮臣限拘外任恭聽捷音無任歡呼慶快激切屏營之至

賀容懷意奏勝捷表

臣錫言今月十七日進奏報三月二十五日至二十六日內品容懷意等走馬到闕奏大軍於涿州南殺下蕃賊一千餘人并應州及飛狐軍偽命官吏率所屬二萬餘人歸降收到衣甲鞍馬錢帛糧草不少者伏以廟朝決勝將帥成功四夷八蠻益震威加之令

錄

一月三捷捷未如神速之謀凡被照臨同深慶快中謝
臣聞周稱獫狁漢曰匈奴負恩則違背驩盟肆暴則
侵撓邊鄙苟非皇威景鑠王道融明授金錢以專征
出玉關而拓境則何以致腥羶族類來朝禮義之鄉
烏鹵山川復正要荒之服伏惟尊號皇帝陛下至仁
無敵我武惟揚以帝堯丹浦之師破醜虜黑山之衆
未踰浹日連下數城豈煩築壘以受降但慶獻俘而
執馘飲馬長城之窟金石登歌鳴鸞日觀之峯人神
共悅臣任當求瘼職忝記言屢聞奏捷之音限遠對
敬之列臣無任惶戀歡呼激切屏營之至

且秋館精鈔本

賀潘吉奏勝捷表

臣錫言今月二十六日進奏院狀報外殿直潘吉今
月三日走馬到闕奏三月二十八日大軍到靈丘城
下偽命官屬七千餘人歸降收到衣甲器械錢帛糧
草不少者伏以王者之師有征無戰廟謀之勝一舉
萬全捷音屢下於邊城喜氣彌高於率土中謝伏惟
尊號皇帝陛下日新聖德天贊皇勲舜舞干方舞於兩
階禹會悉朝於萬國蠢茲戎醜敢遣靈誅勞將帥以
專征出車徒而薄伐天山牧馬瀚海洗兵我師無道鏃
之勤彼寇有絕絃之敗燕然銘勒信千載之一時梁

甫直侯八驚之岸親臣亟聞飛奏但切歡呼白日
傾葵藿之心滄溟繫匏瓜之迹不復隨例蹈舞闕庭
臣無任慶快惶戀激切屏營之至

賀李規奏勝捷表

臣錫言今月三日進奏院狀報四月九日外殿直李
規走馬到闕奏大軍收下雲州殺戮賊軍並盡所有
百姓並依聖旨存留安撫訖并收到衣甲器械鞍馬
錢帛糧草極多者伏以王師乘勝戎壘克平盡白日
之照臨慶皇家之勝捷捷中謝伏惟尊號皇帝陛下恩
流萬國威馭四夷執玉塗山獫狁曠賔王之禮洗兵

宜秋館精鈔本

瀚海嫖姚成破虜之勳嬰城固守者必誅後后昭蘇
者即赦累需涵濡之澤俾新汙染之民七德彰明三
邊靜謐佇魁渠之係頸生致闕庭用億兆以為心躋
于壽域臣忝分朝寄遠在海涯恨無羽翼以奮飛徒
仰天顏於咫尺臣無任惶戀歡呼激切屏營之至

賀張明奏勝捷表

臣錫言今月七日進奏院狀報四月九日至十一日
外殿直張明等相次走馬到闕奏大軍於新城東北
并蔚州南飛狐口殺下蕃賊二千餘人活捉到四百
餘人收到鞍馬衣甲器械不少内外文武臣寮取十

三日稱賀者伏以細柳出兵伏皇威而必勝甘泉舉燧與飛走以俱來凡聞克捷之音共慶蕩平之策中謝伏以王者用刑之理叛則先誅戎人伏莽之心因猶思闕伏惟尊號皇帝陛下兆民子育六合家為乎大信於豚魚薰至和於草木所以嘉禾生而靈芝出白雉貢而丹鳳來蠢茲種落之人不及飛鳴之類敢背恩信尚肆陸梁勞沙塞以驅除汙霜鋒之殺戮雲驅雷掃螻散狼嗥委戈甲以谷量收馬牛於風逸猛將與謀臣之捷青史書勲三公率百辟以朝黃金上壽臣忝分憂寄屢聽邊功美盛德之形容空思作頌

宜秋館精鈔本

慶吉音而鼓舞莫覩獻俘臣無任歡呼惶戀激切屏營之至

賀簡昌壽奏勝捷表

臣錫言今月十一日進奏院狀報四月十八日內品簡昌壽走馬到闕奏大軍於飛狐北口下寨有著賊救援蔚州尋趕起二十餘里殺下首領二人并殺契丹三千餘人捉到馬三百餘匹收到衣甲器械不少者伏以驅除戎狄恢復邊陲四方聞勝捷之音千載慶升平之運中謝伏惟尊號皇帝陛下功超遠古道掩前王念汙俗之來蘇軾軾漁陽之未下風雷威令體

軾
軾

施字本旋

出字本起

和氣如他

精法三言本
任上格卷字

揚柳扶杜柳
又
四荷字本存
任正鶴

天道之惡盈輦鼓戒嚴謀帥臣之薄伐追奔逐北斬
馘獻俘以敗不相救之戎立舉必成功之策佇清氣
稷即詠凱旋漢家無烽火之虞禹畫正要荒之服臣
限違朝闕叨守詔條陪壽觴稱慶以無由望魏闕歡
呼而但切臣無任抃踊惶戀激切屏營之至

賀張冲奏勝捷表

臣錫言今月十六日進奏院狀報四月二十五日張
冲走馬起闕奏大軍在蔚州城下有城內壯丁許彥
欽等結連本城兵士五千餘人殺逐出契丹首領蕭
毀理及捉到偽命同州節度使充蔚州鹽城使耿紹

宜秋館精鈔本

并男孫共四人把定城池歸明尋入城安撫者伏以
廟社乘靈邊疆克復三軍勇勝之勢迅如疾雷萬方
慶快之心融為和氣中謝伏惟尊號皇帝陛下體法
玄穹建用皇極勝妖以聖明之德禦侮行仁義之師
禹別九州夷狄遠居於荒外唐分十道雲嵐近在於
河東戎性不常狼心既野中原多事叛違則輒肆侵
漁聖主臨朝攻取則自然敗衄城中士庶或逐出於
元凶塞外亂糝或生擒於渠帥斯乃天贊平戎之策
神資無敵之謀致彼人心自相矛盾成我國討不動
干戈金微玉闕復置羈縻之郡揚柳扶杜佇旋邏迹

或平集卷之三

之兵昭彰聖功歌詠睿德臣伏限所守恭聽捷音阻
觀露布以獻俘但仰雲天而拜慶臣無任歡呼惶戀
激切屏營之至

賀盧漢賀奏勝捷表

臣錫言今月二十三日進奏院報十二月二十五日
代州駐泊油副部署盧漢賚等差高班內品李延遇入
奏契丹賊軍入界打劫尋於土鐙寨殺下蕃賊斫到
首級二千餘个活捉到契丹五百餘人馬一千餘匹
及殺下北大王男一人監軍舍利一人首級奪到牛
羊車帳衣甲器械不少者伏以方隅勝捷之音天聰

宣統館精鈔本


臣到
御
哩

臣到
御
哩

遠達華夏歡呼之列日域遐周中謝臣聞邊鄙之虞
有備無患蕃戎之性驅去復來是資遲速之兵時聞
克捷可賞嫖姚之將屢獻功勳伏惟尊號皇帝陛下
道德為藩慈儉曰寶王度貞明於金玉皇風混下於
車書戎狄來朝必飾薰街之館犬羊入寇即興榆塞
之師周憲章五帝之謀得駕御四夷之術俘囚標袂
郊廟登歌彰軍禮之允修見睿謀之不測臣方膺詔
旨將赴闕庭臣無任瞻天望聖歡抃激切之至

咸平集卷第二十三終

宜秋館精鈔本



國家圖書館, NATIONAL CENTRAL LIBRARY, TAIWAN, R.O.C.

咸平集卷第二十四

京兆田錫

表二 笏記附

賀田重進奏捷表

臣錫言今月五日進奏院狀報十一月三日定州駐
 洵都部署田重進奏殺下蕃賊并奪到鞍馬衣甲器
 械不少者伏以師出以律動必成功天道惡盈叛必
 先討多壘已平於千里捷書何止於百函中謝伏惟
 皇帝陛下義軒道德湯武功勲寰區已致於升平黎
 庶方躋於富壽彤闈日盱猶聽政於萬機清禁漏殘

捷
作
勝

已求衣於五夜動圓穹而感方載祥瑞畢呈左滄海
而右流沙車書混一豈謂垂衣之化未賓左衽之人
舞干羽以不來出車徒而薄伐一之日則壺漿蒲道
來迓王師始則汙染之人背胡沙而歸漢土二之日
或力屈來降或因猶思聞此乃腥羶之衆依水草而
擾邊疆康頤諳練於邊機魏尚弛張於方略風毛雨
血比驅獵於戎夷神筭天機已蕩平於區域

二

臣錫言今月五日遞中報十二月五日定州駐洵都
部署田重進等奏易州十一月二十二日契丹賊軍

宜秋館精鈔本

入界打劫遂差三指揮却往北界二十八日打破歧
溝關殺下賊軍一千餘人收虜到鞍馬牛驢不少所
有歧溝關城內錢帛糧草衣甲及人戶舍屋並摠燒
蕪訖今月八日内外文武百寮稱賀者伏以邊上捷
音遠聞於旒宸衷中喜氣高薄於雲天中臣竊以戎
人犯境蕭關必務於驅除猛士守方沙塞果聞於克
勝伏惟皇帝陛下躋民壽域偃伯靈臺列庭衢於八
荒執玉帛者萬國契丹獨建諸族尚未來王稽塗山
後至之誅送代馬新羈之惠廟堂成筭既增貔虎之
威將帥立功式表雷霆之怒

臣錫言今月三日進奏院狀報十二月十八日定州
 駐洺都部署田重進等奏十二月二日殺下契丹五
 千餘人收衣甲器械不少者伏以兵機貴速矧如時
 雨以行師戎壘盡平屢慶使星之告捷中謝伏惟皇
 帝陛下王道方融玄功不宰消厲階於邊鄙躋壽域
 於生靈周宣伐獫狁之詩已流金石漢史滅匈奴之
 策既委廟堂千里天山已為內地三秋沙漠永息驚
 烽農夫野伊以耕桑將吏勞旋於封爵玉闕虛候混書
 軌於本區金策告成讓功庸於上帝臣忝權符竹限

宜秋館精鈔本

中農夫去下字
與一字狎字增

遠闕庭

賀南郊表

臣錫言於洛州伏觀今月十七日赦文南郊禮畢者
 禮威嚴裡恩覃在宥凡樂文明之化寧勝舞蹈之歡
 中謝伏惟應運統天睿文英武大聖至明廣孝皇帝
 陛下聖德日新睿謀天縱晉越既歸於土宇華夷遂
 混於車書貞觀太平未侔今日間元無事豈及此時
 公卿既上於鴻名玉帛爰新於祀典一陽來復隨德
 澤以融和肆赦從寬霈恩波而滌蕩幽囚盡釋逋欠
 咸竭軍功示悅賞之誠戎莽布懷來之信贈加風樹

與庭下字
云二小字

歡

厚有年者云
二子

封及閭闈遷客官資復以出綸之命遠人家屬遂其
懷土之心念功先厚於策勲卹物下周於掩骼連山
觀象既符作解之思率土觀心大慶禮宗之禮臣限
拘所職不獲奔詣闕庭

二

臣錫言今月五日伏觀制書南郊禮畢改元大赦者
臣已畫時宣諭訖伏以郊廟薦享神人以和至誠既
達於圓穹慶賞遂周於率土覆載之內抃躍皆同中
謝伏惟皇帝陛下端拱無為太平已致兆庶既躋於
富壽萬靈方效於禎祥所以祀天報光大之功為民

宜秋館精鈔本

原
續
本

禱豐穰之福升煙纔畢惠澤旁流國園久空仍布肯
災之令荏蒲無警亦覃肆赦之恩征賦已輕更令蠲
復徵償至寡咸許復除天波蕩滌以無遺王道坦夷
而有截勲庸先賞勞効均酬俾人敦修睦之風命之
封蔭延世舉卹孤之典榮以存亡加以矜寬居作之
人牽復左遷之吏和氣周物祥光麗天所以膺授人
時遂改雍熙之號禮成樂備佇封禪之儀臣限權六
條方遙雙闕不獲奔詣玉階無任~~歡~~樂聖抃蹈激切
屏營之至

謝轉起居舍人表

仁下以臨一字
修序在增
歌字衍序

臣錫言今月七日遞中伏蒙聖恩賜臣官誥勅祿特授臣起居舍人依前直史館者祇膺寵命遷陟華資不離近侍之班俄忝記言之職徬徨拜受榮懼交并伏念臣遭遇明時踐揚清貫才識固慙於兼茂勩勞常愧於未伸遺補美官繼塵閭籍封章鄙見嘗受聖知加以兼館殿之清華歷藩宣之委寄榮踰始望忝已居多豈謂纔畢嚴裡遽需慶澤珥筆丹墀之下總闕深頌條滄海之瀕分憂豈稱敢忘恭恪以贖貪叨

陳州謝恩表

宜秋館精鈔本

上
任

臣錫言臣去年十二月二十七日蒙恩改授官資兼受勅權知郡事已於今月八日上訖祇膺朝命頒守詔條內省非臨蒞之才外任當重繫之寄感戴恩寵雖實知榮夙夕憂惶何以致理中謝臣每念文學之性固無所長諒直之心庶幾有補始自祕省擢升諫官初上封章遽蒙聽納尋下御札徧求直言仍賜臣勅書以示嘉獎以臣所言者罷交趾之役以臣所諫者去髡鉗之刑其餘所陳不敢備述勅書喻臣曰今後凡有見聞更在無辭獻替或行或寢斷自於朕心盡節盡忠勿渝於爾志臣所以嘗思啓沃上答聖明每

此行原不設一官
左券例二行三行

高

有見聞必陳章疏非敢沽直臣之譽但欲酬英主之
知臣蓋遠人幸逢昌運冒涉遐阻入關知蜀道之難
孤苦零丁挈家比秋蓬之轉遇陛下初登寶位親主
文衡於七十四中忝第二人及第不數年列在遺補
帶館殿之職先前年擢知制誥為侍從之臣忝幸若
斯報答無所去歲稍因愆亢方軫念勞臣奉勅於太
一宮禱告靈仙祈求雨雪臣所以輸忠罄節因事上
言言多狂愚事頗切直天聰采聽亦有施行聖慈優
容幸無罪戾洎陛下受寶策以新徽號御正殿以朝
千官臣以歲節假中先受恩命為差出則無例告謝未

宣統館精鈔本

朝謝則無因立班行事捧策之儀空思珮委祝壽稱
觴之禮不與山呼戀闕之心但傾葵藿頌條之寄若
履水淵朝廷重委之榮懼不克荷交親相勉之意亦
有所聞以臣屢因上書致茲落職雖文翰之職豈臣
所能而物論之間以臣為誠臣心匪石雖獲罪以寧
辭衆口若鉗豈達聰之有補況臣迹踈性拙言直道
孤慮公事之闕遺去天顏之咫尺敢不躬親郡政上
副憂勸佩服官箴免孤任使然錫盡心無愧期百生
酬君父之恩揣分自知重兩制比神仙之職

海州謝恩表

海州謝恩表

臣錫言伏蒙聖慈以臣莅事踈遺錄問淹滯尚寬恩宥責授檢校右散騎常侍海州團練副使已於今月十一日到州託祇膺朝命感懼難任中謝臣聞懲勸欲行賞刑必正示無私於天下表至理於區中實聖明所守之先綱紀有常之始臣素無才識本乏聲塵每念生於劔南鄙在草野父母訓勵早令讀書鄉里薦稱遂謀干祿相繼數舉未成一名洎朝廷書軌混同文物光被臣始攜持老幼涉歷險艱往來咸秦羈旅京闕值陛下嗣登寶位振起儒風微才不遺羣英咸至臣年三十九及第便授官資達不因人驟升華

宜秋館精鈔本

贊閣下三載每愧忝塵淮陽二年遂致遺曠據其罪戾合竄遐荒尚蒙宥過之恩俾列副戎之秩東海之郡去京不遙南風之薰順流而下程途自便骨肉隨行罪重責輕恩深感極洩涕知幸驚魂省躬循過咎之所因荷生成之罔極披陳愚懇雖在表章叙罄感懷合貢歌詠謹奉表稱謝并進五言感聖恩詩二十三韵千冒宸嚴以聞

謝量移單州表

臣錫言今月四日進奏院遞到官告一通勅牒一道貢授單州團練副使散官勳如故者五色絲綸頒於

海上貳車官扶移近京師既拜命以欣榮彌省躬而
感懼中謝伏以裡宗云畢慶賜遂行捨爵策勲方需
惟新之澤赦過宥罪遐均作解之恩臣每念遭逢駮
塵清切入居綸閣莫伸潤色之勞出典郡符有悞憂
勤之旨伴從左宦尚未周星爰遇嚴裡例該殊渥滄
溟之上隨槎汎以將歸白日之輝覺葵傾而愈近敢
忘補報仰答休明

謝特授工部員外郎表

臣錫言臣今月二十六日蒙恩特授工部員外郎為
無例於崇政殿告謝尋於二十七日謝恩訖臣伏觀

月某日之功

宜秋館精鈔本

特
作
印

臺司引見左降官凡百餘人唯臣獨授官資復齒班
列循省榮懼不知所裁中謝臣伏以受恩特深叙感
亦切苟不披露肝鬲數陳始終則何以表聖人特達
之恩何以見微臣遭逢之幸伏念臣稟受之性愚直
自知遐遠之人孤危自奮過陛下肇登寶位親主文
衡臣詞藝非長器能無取軒墀之下賜以策名科第
之中復在殊級揚歷官序便居侍從之班臨蒞公途
常守廉勤之節此外不忘筆硯載成詠歌始因進升
平詞擢為諫官後因上封禪書令知制誥遷授非次
報答無由是以有所見聞輒形章疏靡詳事理屢貢

向欽向

芻蕘臣子之心唯思思謙切君親之意不罪狂愚陛下所以賜臣獎喻勅書欲廣上言之路陛下因臣特降御劄旁求敢諫之人德至明而無不照臨道至大而無不包納臣又嘗因聖節輒貢蕪詞蒙陛下怡天矜而優容降宸章以宣和臣又嘗因時雪輒進歌行珠旒亦賜於披觀金口曾垂於嗟賞至愚至陋無藝無能有如此微榮有如此遭遇雖殺身無補於萬一而過分寧免免於顛濟洎閣下改官淮陽典郡素無政術但守詔條然京輔之間豪猾難理州郡之職智慮不周員陛下拔擢之恩孤陛下憂勤之旨致有公過上

宜秋館精鈔本

煩聖聰每思受恩既異於常倫受責亦宜於加等陛下尚寬朝典俾副戎車不踰年逢赦量移未周歲抽歸引見臣得生還帝里獲面天顏慶幸已多私願已適豈期聖造復真周行有衆多罪人之中授清華外即之秩拜官之後受命以來夙夜首循俯仰慙懼感君恩之特異倍激私誠慮公道之或虧實憂官謗將何名節用贖踈遺敢不遵臨深履薄之言守補過盡忠之訓莫伸微效上答鴻私

代李給事惟清讓密地表

臣某言今日日伏蒙聖慈賜臣官告勅牒以本官同

簽署樞密院公事者緣綸之命思出非常樞務之榮
任當不次循涯增揚聞寵若驚中謝臣天高聽早陳
力就列古既存諸方策今得敷為讓章切以臣本諸
生素非竒士偶讀書史遂玷科名遭逢盛時驟居清
列才能無取器業無聞歷官以來微効蔑有常憂頌
越每誠滿盈而陛下擢於流品之中真諸華顯之職
陞為大諫讜言無補於清朝遷拜冬即駁奏豈伸於
厥職才微任重既而罷錢穀之司責淺思寬尚命以
藩宣之寄番禹重地交廣要衝上奉詔條外撫荒服
敷宣朝旨遵守官箴飲水潔於誠心食藥苦其精節

宜秋館精鈔本

頌
頌
頌
頌

洎改轉輸之命慙非幹濟之才三年海濱偶免道曠
千里闕下仰戀聖明詔書爰來冕旒入觀未踰月復
其官秩不浹旬援此恩榮兢惶失圖寵用過分蓋深
嚴之地近密之謀非臣顙蒙所能負荷况今提封萬
里守在四夷帷幄之謀軍國之務英王裁斷近臣僉
同臣也何人敢言是選伏乞陛下特迴成命俯亮愚
衷別擇才能以裨任使則微臣有妨賢之責敢不罄
陳陛下垂則哲之明必俞所讓

賀傳潛等勝捷表

臣錫言今月八日進奏院狀報鎮定高陽關馬步軍

授任授改
授任授改

空於原破二字
空於原破二字

下
下
下
下

先

上十言六九
稿脫

存本有云云
三子

都部署傳潛等奏九月十七日光鋒都監石普等殺
 下蕃賊二千餘人斫到賊頭五百个奪到馬五百匹
 夜甲器械不少奉聖旨取二十五日稱賀者伏以明
 君御守聖謨方協於天機猛士守方武略咸遵於廟
 筭果致平戎之績以成禦寇之功凡在照臨孰不歡
 慶臣嘗讀漢書每籌邊事當文帝承祧之始有匈奴
 犯塞之虞騎入雲中兵屯細柳但設備胡之策未聞
 克狄之功伏惟崇文廣武聖明至孝皇帝陛下道冠
 成康德高文景承太祖太宗之大業應無為無事之
 昌期三邊平寧萬邦謐靜裡祀宿齋清廟方表孝思

宜秋館精鈔本

効慶靈者百神執玉帛者萬國豈犬羊之衆敢肆猖
 狂勞貔虎之師遂行剪滅以前茅之斥候成破竹之
 功勲捷奏星馳朝聞旒冕歡聲雷動夕徧寰區千官
 慶武定之基四海仰威加之德臣伏限所守不獲稱
 慶闕廷

賀冊尊號表

臣錫言臣伏觀報狀宰臣百官上冊尊號者伏以聖
 主承祧方新鳳曆羣臣推美爰上鴻名巍巍既與天
 比崇赫赫同大明之照凡在履載無不歡呼中謝臣
 早逢昌運常事先朝見盛德大業之光輝成績善餘

儀禮卷之四

慶之昭報仁莫先於守位孝莫大於揚名伏惟崇文
廣武聖明仁孝皇帝陛下寶祚傳昌璿圖毓粹三載
諒陰之禮候紀爰周千官拱極之儀推崇敢後以為
至道廣大上云崇高經天緯地謂之文禁暴戢兵謂
之武惟睿曰聖燭理為明孝惟百行之先仁冠五常
之首封章屢達聽覽方迴冲讓合於道樞虛受符於
易象尚以薦享清廟裡祀郊丘方從徽美之稱以示
後先之式恭以春秋鼎盛皇王節高雖成康仁賢豈
迨盛烈文景儉靜孰侔嘉猷慶賜決於華夷大禮光
於典策南山在詠永隆萬壽之期北極居尊益表千

宜秋館精鈔本

齡之運臣限拘符竹方遠闕庭不獲從玉輅之清塵
侍祠俎豆捧寶函之編簡就列軒墀

二序在右云云

咸平集卷第二十四終

宜秋館精鈔本



咸平集卷第二十五

京兆田錫

表三 笏記附

賀大赦表

臣錫言臣今月十四日伏覩制書大赦天下者伏以
聖德廣大鴻名昭彰報功于天推恩逮下發渙汗之
大號示軋健之垂文慶賞兼行罪戾並釋覆載之內
歡呼畢同中謝臣聞郊祀天地配享祖宗孝莫大於
斯禮莫盛於此伏惟崇文廣武聖明仁孝皇帝陛下
紹登寶位繼守丕圖英睿稟於自然仁和發於至性

今
增
補

慶

三載恭默萬方平寧示慈惠則剛約條科念忠賢則
委用耆舊文德在肖禮樂居先武功其神暴亂自拜
以一陽來復有事于南郊肆赦遂行宣令于北闕夕
徧天下先陽春而布和風行域中與品物而更始釋
放刑禁矜寬過尤蠲復租征招懷違叛勲勞先賞遺
滯旁求惠孚惇嫜恩加存沒合天波之蕩滌同壽域
之躋升鳳儀九成方樂升平之化山呼萬壽佇觀封
禪之儀臣恭守詔條遠在淮表執邊豆而侍祠祭就
列無由傾葵藿而仰照臨馳誠但切

謝加勲表

宜秋館精鈔本

臣錫言臣今月九日伏蒙聖慈賜臣官告一通勅牒
一道加上柱國者祇荷寵光不任感懼進受勲級祗
覺忝塵伏念臣幸逢昌運早踐回行東觀西垣楊塵
斯久內庭外郡委任非輕慙無茂異之才上答照臨
之德今以郊祀云畢慶賞方行是先春布令之辰與
物惟新之際懋功業者酌其爵^土旌績効者轉以勲
階臣素無微勞亦受殊賜柱國加於上字既荷峻遷
勵節發於中誠敢忘盡瘁

行在起居表

臣錫言今月十五日遞中伏觀^禮以逆胡犯順大駕

字和如然字
出也

親征法天道之運行舉王師以薄伐百神受職二儀
儲祥風霜助肅於皇威金玉真必於聖裕臣錫伏限
所守不獲扈隨

賀聖駕還京表

臣錫言今月七日伏觀制置茶鹽司報狀聖駕正月
二十二日還京者伏以萬方係望鸞輿景從以天旋
六師凱還鳳闕策勲而敏至照臨之下歡慶畢同臣
聞聖明御宇既任賢撫理以安民夷狄犯邊則命將
驅除而出境布在方策形於詩聲伏惟崇文廣武聖
明仁孝皇帝陛下嗣啓玉圖恭犬寶聖文神武稟自

宜秋館精鈔本

計
應
修
計
存
本
目

天資睿筭英謀諒符幽贊八表混同於書軌百蠻奔
走於梯航詔邊吏以戢兵來遠人以修德而契丹久
隔朝化未悛禍心侵軼邊陲劫略生聚疆場飛奏將
帥請行聖慈軫卹於黎元大駕躬親於征討計天道助
順王師立功不暮月而塞垣謐寧未踰時而車輅旋
復星辰環拱既瞻址極之尊士庶山呼佇慶東封之
禮臣忝分朝寄遠限淮濱當鳴鸞順動之時無由扈
從及翠鳳迴還之日莫遂班迎首堯天向日但傾於
葵藿馳心魏闕朝宗空羨於波瀾

賀德音表

臣錫言今月九日遞中刑部牒連到德音釋放罪戾
及蠲免逋欠招懷違叛旌舉勞能者已畫時施行申
奏訖伏以漢殿凝旒百辟慶朝元之礼舜絃應律萬
方覃在宥之恩凡仰照臨孰不慶抃中謝臣聞順時
布令必欽若於典章視胡臨軒宜普行於恩澤伏惟
崇文廣武聖明仁孝皇帝陛下動天以德守位以仁
建中于民推恩待下金玉必真於王度地天交泰於
昌期以月紀誕賓曰當初吉充冕升太微之座星辰
羅拱極之班君臣會朝盛礼斯畢雷雨作解恩制遂
行歡聲遐徧於八紘喜氣盡浮於雙闕德音所至庶

宜秋館精鈔本

月下臨行字

獄咸空惠渥旁流通租盡釋卹滯淹則吏負減選亦
綏懷則寇盜攸捐軀為國者存歿霑恩抱器懷才者
薦揚有自風地上既符發號之文雲起封中佇慶告
成之礼臣謬膺朝寄遠奉詔條星霜再周未展涓埃
之効軒墀久別但傾葵藿之心

賀老人星表

臣錫言今月十六日進奏院錄到宰臣與百寮詣東
上閤門拜表賀老人星見并批答者伏以聖君御曆
自膺萬壽之期上帝垂祥方協千齡之運中謝臣聞
動天以德由誠信發于中與日齊明謂照臨迨于下

迨迨

唐李德甫
黃文他光

僅餘存觀

伏惟崇文廣武聖明仁孝皇帝陛下纂承二聖勤勞
萬幾以大舜仁孝之心嗣守洪業以軒皇清靜之理
撫安生靈時當太平物遇至化和氣所感殊祥遂臻
南極見乎壽星東璧燦其垂象應秋分之日當夜即
之時兆民式瞻仰黃明潤大之色太史伏奏還社祐
昭彰之符洪範休徵一曰富二曰壽陛下富有萬國
壽比南山宰臣百寮既獻華封之祝微臣外任但懷
子牟之心魏闕來歸將僅于三載堯樽上壽阻與於
千官

賀尅復益州表

宣統館精鈔本

唐李德甫

力
存
存
存

臣錫言十月三十日進奏院報十月八日闕門往樞
密院劄子雷有終等奏九月二十日已取下益州城
池入城殺下賊軍三千餘人所有在城百姓並無殺
害已招安訖九日文武臣寮稱賀者伏以聖君御極
當書軌之混同叛卒逆謀怙山川之險阻梟巢既破
龜城已寧凡在照臨孰不慶抃中謝伏惟崇文廣武
聖明仁孝皇帝陛下謨猷天縱道德日新至信及於
豚魚深恩被于草木非以坤維分野民或罹災井絡
妖氛兵因致討成筭授之於中禁捷音自至於外區
劄闕先平力力州後破王師出如時雨儒臣應於將星

果成克捷之功共樂升平之慶臣忝分朝寄遠在海
陵闕帥吏之飛申已除小寇聞鼎司之入賀盡率具
寮限守土於淮濱阻綴班於闕下誠如葵藿但傾向
日之心迹在江湖空羨朝宗之浪

賀殺下王均表

臣錫言今月五日進奏院報雷有終差寄班供奉官
安守忠到闕奏石普楊懷忠馬貴同共部領軍馬往
榮州路趕赴潰散軍賊王均等十月三日到高順監
楊懷忠馬貴前陣先與賊人相見一合殺下軍賊所
到王均首級掩殺招降到賊人并草補人負等共六

宜秋館精鈔本

淨

千餘人奪到衣甲器械物色不少其賊並已剪除淨
盡奏聞奉聖旨劄與中書閣門御史臺取今月二十
二日稱賀者伏以王師所至無不成功睿略遐宣屢
聞獻捷凡在區宇孰不歡呼中謝臣每讀邸報方樂
時平巴蜀久安邊隅無事防秋戍卒忽自叛違禦侮
出師已聞翦滅由天道之助順見聖策之無遺伏惟
崇文廣武聖明仁孝皇帝陛下嗣守丕圖恭臨大寶
躋民於仁壽之域待下以誠信之心猛士守方以恩
威而撫馭遠人受賜同覆載之生成豈謂將校員心
輒懷逆節據城池而借竊勞師旅以蕩除尚望生全

更敢逃遯天施踈網豈漏凶徒陣有前鋒先誅元惡
斷其首領奪到甲兵掩殺至多招降不少捷奏星馳
於闕下歡聲雷動於域中益部山川永息寇虞之患
蜀城父老式歌弔伐之恩仰慶昌期彌隆景運臣忝
分朝寄介在淮瀆趨玉階以無由望金門而伸悃

遺表

臣錫言臣聞修短之期固有定數臣子之志空戀明
時忍死遺言瞑目長往臣誠悲誠咽頓首頓首伏望
陛下以慈儉守位以清淨化人居安思危居理思亂
與宗廟社稷為福與天下億兆為主臣無任感咽悲

宜秋館精鈔本

哀之至謹上遺表永辭聖明臣誠哀誠咽頓首頓首
謹言

謝知制誥笏記

臣錫言臣伏蒙聖慈賜臣官誥一通勅牒一道特授
臣知制誥者祇荷寵榮不任感懼伏念臣聲光素淺
文藝非高東觀濡毫不足與史官之列西垣掌誥安
能司王者之言豈謂聖慈擢升清近繡綸鳳閣慙非
潤色之才委珮龍墀忽在論思之地敢不冰泉勵節
緇素研幾上酬英主之恩聊舉詞臣之職

謝工部員外郎笏記

誥

臣錫言伏念聖慈賜臣官告一通勅牒一道特授臣工部員外郎者祇荷寵光不任感懼伏念臣素乏時才謬分憂寄爰因公過出佐方州未逾年逢赦量移未周歲蒙恩引見自循過咎敢望恩勞豈謂聖造矜容宸慈光被俾歸郎署復齒班行敢不進思盡忠退思補過上答乾坤之施用明砥礪之心

謝真直集賢院笏記

臣錫言伏蒙聖慈賜臣勅牒一道令直集賢院者祇膺榮命感懼交并伏念臣學識才能不偕時彥華資顯職屢忝恩光未伸微勞復霑殊渥金殿集仙之職

宣歙館精鈔本

玉陛近侍之榮內省庸虛益慙尸素敢不服勤儒行砥礪臣誠上酬履載之恩永報照臨之德

謝復戶部郎中笏記

臣錫言伏蒙聖慈賜臣官告勅牒授前件官依前充職者祇膺寵命感懼交并伏以慶賜方行殊私驟及郎曹念舊既承牽復之恩帝澤惟新實繫遭逢之幸伏念臣器能無取文學非優早揚歷於清華每兢慙於所素豈期聖造擢真榮班復五品之華資益知忝冒樂千年之景運彌覓先榮唯勤忠恪之誠上報照臨之德

擢
增
本

謝皇太子笏記

臣蒙恩授戶部郎中仍舊直集賢院充職者祇荷寵光不任感懼伏念錫素無才識早玷官常爰當慶賜之辰復荷優隆之寵此皆伏蒙皇太子鴻私廣被睿德無私致粉署之殊榮爰陞賤品荷儲闈之大造徒激微誠永勵恪勤上酬覆燾

謝改吏部郎中依前直館笏記

臣錫等言伏蒙聖^慈各賜官告勅牒蒙恩除授吏部郎郎中仍舊充職者祇荷寵光不任感懼竊念臣等器能無取文學非優遭逢既自於先朝揚歷驟升於清

宜秋館精鈔本

議有快識

貫或綸聞效職或史閣策名但貽尸素之識未展涓埃之報今伏遇陛下嗣登寶位光啟鴻圖普覃雨露之恩仰荷雲天之澤

謝改賜章服笏記

臣錫言臣蒙恩改賜章服祇荷寵光不任感懼伏念臣素無文藝本之時才遭逢既自於先朝揚歷驟升於顯秩忝塵斯久報效未伸每愧貪叨但慙尸素豈謂聖慈曲被寵命惟新象簡朱衣念其久賜金章紫綬錫以增榮唯願丹誠上酬^云造

謝充彭城郡王生辰使笏記

立作他

下生之術

臣錫言伏蒙聖慈差押賜彭城郡王生辰例物者祇膺睿旨感俱交并伏念臣早受聖知累塵近職內庭差使未踰浹旬王邸誕辰復令將命荷稠重之渥澤循省難勝承睽注之光榮兢慙愈切

謝兼侍御史知雜笏記

臣錫言伏蒙聖慈賜臣官告勅牒授兼侍御史知雜事祇荷寵光不任感懼切念臣才能無取齒髮已臻尚列軒墀每慙尸素忽沐泚濡之澤遽塵端副之榮矧以申明典章必資諳練故實俯循閭閻寧振起於朝綱仰玷選掄但務惶於官次敢忘勤瘁上荅休明

宜秋館精鈔本

弱作良幹

謝改諫議大夫笏記

臣錫言臣伏蒙聖慈賜臣官告勅牒授臣右諫議大夫散官勲封賜如故者祇荷寵光不任感懼伏念臣遭逢景運揚歷官途慙無絲髮之微勞上答君親之大造豈謂天恩曲被宸睠猥臨真諸侍從之班授以歲規之職彌憂官謗上候聖知敢忘獻替之誠上荅照臨之德

謝覃恩笏記

臣錫等伏蒙聖慈各賜官告勅牒改授官資祇荷寵光不任感懼伏以千年景運慶賜方行五品華資非

微作良幹

候作良幹

才豈稱唯勵忠勤之節上酬覆燾之恩

二

臣錫等伏蒙聖慈各賜官告勅牒改授官資祇荷寵
先不任感懼臣等遭逢英聖塵玷清華當策勲行賞
之辰荷稱物無私之澤或超陞陞顯秩或牽復舊官肯
循咸愧於非才報効敢忘於盡瘁唯勤忠恪上答文
明

咸平集卷第二十五終

咸平集卷第二十六

京兆田錫

奏狀一

謝卹刑

右臣今月二日遞中伏奉勅書以蒸暑之時條理刑
禁并賜臣優詔勉喻者纔臨畏景遽軫皇慈仰瞻貫
索之文刑章已措俯閱出綸之命王道彌光伏念臣
職忝分憂任當求瘼上體哀矜之旨敢忘勤瘁之心
罔圖潔除飲膳供給湯藥必竭於疾苦水漿用滌其
煩蒸每務躬親不至淹滯仁主好生之德既已昭彰

今

徵臣述職之誠唯增恭恪臣已盡時錄勅施行訖

二

右臣今月二十五日遞中伏蒙聖慈賜臣勅書一道以時及鬱蒸恩隆軫惻丁寧諭卹刑之旨慮有滯淹撫問承出綽之文彌增惕勵臣竊念早塵睿鑒擢在振垣每畏景之纒臨觀舊章之必舉哀矜之意既得代言欽卹之詞亦曾起草况今自為長吏恭布詔條導俗宣風固當已任親民聽訟但守公方仰分宵旰之憂未展消埃之効敢不屬因炎暑更切專勤疾病者湯藥必供繯紲者飲食無缺掃除禁室置給水漿

宜秋館精鈔本

圓氣圖

重囚則無至淹延輕繫則逐旋疎理決日常親於慮問圓扉迫及於空虛上酬委任之恩共慶長羸之令仍尋錄勅散下管內施行

三

右臣今月十七日遞中伏蒙聖慈賜臣勅書一道以炎蒸之時下欽卹之詔凡守官次祇奉朝章始聞命於哀矜次符恩於撫問愧抃交切循念尤深臣本非強明屬當委任自分竹使再歷梅時慙無安撫之才仰副憂勤之旨當赫日可畏南風正薰敢不上體皇恩俯遵時令小大之獄豈但躬親夙夜在公不令淹

滯至于飲食充給囹圄絮除或水漿滌其煩蒸或湯藥療其病^疾已有先勅徧下有司謹當宣布詔條勤卹人隱協天地長贏之令應帝王軫惻之仁

四

右臣今月二十六日遞中伏奉勅書為卹刑獄兼蒙恩獎諭者伏以天道運行既當炎暑皇慈軫卹諒協長贏慮庶獄之滯淹憫縲囚之困若出綸之命務在矜寬解網之仁孰不感戴臣忝分憂寄恭守詔條敢怠躬親免辜委任訟庭聽斷雖愧通明^圓扉禁留常勤決遣况刑清事簡運屬升平令肅恩寬人無枉濫

宜秋館精鈔本

皆聖主慈仁之所及豈微臣政理之可求丹詔過臨持諭哀矜之旨黃沙既啓盡承欽卹之恩臣尋依勅命散行管內訖

五

右臣今月十三日遞中伏奉勅書以候及長贏時當炎暑獄訟之理既上軫於聖慈撫問之恩亦下及於凡品俯俸披閱虔恭奉行况宣導化風臣之職分躬親刑政敢忘專勤重輕禁繫之人無至淹滯供給潔除之事不住指揮仰副詔條勉遵朝旨順時布令合大道之昭明矜罪卹刑暢物情而舒釋人歸帝德舞

詠南風之薰身係使符思歸北闕之下

六

右臣今月二十四日遞中伏蒙聖慈賜臣勅書一道
令踈理刑獄兼加撫諭者伏以南風之薰舜絃方奏
北闕之下漢詔爰行既自通而陟遐協順時而布令
當天道長羸之際推帝心欽卹之仁方國咸周共體
哀矜之旨圖罪所繫盡承踈理之息玄象夜闕貫索
驟稀於星彩丹書曉讀出綸俄自於日邊臣謬以頌
守六條躬親庶獄但仰泣辜之德慙無聽訟之才唯
勵恪勤庶無淹滯夙興夜寐度遵明慎之文事簡刑

宜秋館精鈔本

圖南

清唯樂升平之運

謝賜冬衣

右臣今月十三日祇候內品任延保到州伏蒙聖慈
賜臣紫歌正縣旋欄壹領并勅書撫問兼賜屯駐本
城諸軍負蔡等衣襖已准宣俵散訖伏以江國初寒
之際金門慶賜之初瑞雪纔飛早梅方拆俯閱出綸
之詔拜手知榮跪承挾纜之恩撫躬增感切以臣忝
分憂寄豈著微勞揮涕淚以霑襟寧酬玄造對衣裘
之在筭益勵丹衷

二

志堂

圖

右臣今月二十三日教閱內品林延壽至伏奉勅書
賜臣紫歌正繇旋襪一領兼賜屯駐本城負寮衣襖
已准宣俵訖歡呼拜恩俯僂跪受詔以^出綸之命宸
獎難勝頌之在筭之衣戎容共悅伏念臣久違近侍
繼忝分憂美服為榮敢忘益恭之訓撫躬知感^寧酬
慶賜之恩

三

右臣今月四日翰林侍詔王祐至伏蒙聖慈賜臣勅
書一道勉諭并賜紫歌正繇旋襪一領兼賜就糧諸
軍負寮等衣襖尋准宣俵散訖伏以祁寒之節初戒

宜秋館精鈔本

於霜嚴慶賜之恩普覃於天下守方猛士衛社勲臣
宜挾纊以頌宣表出綸之渥澤臣忝分朝寄叨布藩
條慙無襦袴之謚亦荷衣裘之賜俯伏拜慶歡呼戴
恩喜動連營春色先歸於細柳職拘守土夢魂徒繞
於禁林

四

右臣正月二十八日翰林藝學光祿寺丞郝承惠到
伏蒙聖慈賜臣紫歌正繇旋襪一領并賜勅書撫問
兼賜負寮衣襖已准宣俵散訖臣忝分憂寄未展微
勞爰及祁寒例霑慶賜俯僂聽出綸之命歡呼承在

笥之衣禮厚頒裘省躬靡稱恩深挾纊撫已難勝唯
堅忠恪之心上報照臨之德

五

右臣今月八日使臣後苑打毬祇候三班奉職張珏
押衣襖到伏蒙聖慈賜臣幼書一道并紫歌正縣旋
襖一領及軍負冬衣等已依宣命依散訖伏以祁寒
初戒慶賜咸均星使降于禁闈時服頒於郡國切以
臣素無才術叨奉詔條歲月再周勞効未藉承出綸
之問諭荷挾纊之恩榮捧闕而既竟難勝束帶而益
知靡稱歡呼就列拜聖君臨照之私感激于懷愧微

宜秋館精鈔本

張世英題

著
有
年
古
同
向
師
本
主

臣尸素之幸敢不恪居官次慎守公方莫伸絲髮之
微勞上答君親之厚施

六

右臣今月日秋官正趙昭益到州伏蒙聖慈賜臣幼
書一道撫問并紫歌正縣旋襖一領者伏以祁寒初
屆慶賜遂行天人降自於禁闈時服頒宣於外郡臣
忝分憂寄恭守詔條愧無勞能亦荷寵錫俯俚閱出
綸之詔歡呼承挾纊之恩輕暖在躬禦風霜之凜冽
兢慙省已霑雨露之涵濡唯勵丹誠上酬玄造

賀德音

閱

右臣今月三日夜密院馬遞到勅書一道以炎蒸時序推恩既表於哀矜輕重刑名布令普行於減降已盡時散下管內施行訖照臨之內歡慶畢同伏惟皇帝陛下道洽泣辜仁深解網四時合序蕤賡方戒於長羸萬物勞懷庶獄先憂於枉撓至于言形罪已念切向隅微無納者悉與蠲除杖已下罪特令免放動天以德仰瞻而貫索星稀感物以誠解愠而南薰風至臣忝頌條詔已踰歲時愧無微勞上答玄造每遵朝旨罔園靜而屢空方樂時康刑法措而不用

二

宜秋館精鈔本

右臣今月十三日遞中伏奉德音應見禁罪人減降決遣者陰陽之數亢早有時聖哲之心宵旰為念慮科條之尚密致刑罰之未平爰以深春稍愆甘澤遂降哀矜之詔用彰軫惻之仁遞減重刑俾從輕典人心感悅和氣舒以雲行天意昭彰玄既流而雨施宣勅之日尋有霽泥播種之時悉得霑足仁主好生之德變沴為祥蒸民受賜之心式歌且舞臣謬膺朝寄恭守詔條夙夜在公敢忘惕厲躬親庶獄常慮滯淹絲綸爰降於矜寬縲絏盡除其禁繫幽鑰夜動圓扉曉空睿德所覃大賚斯普仰稟憂勤之旨俯增尸素

賚詔

圓

之懷臣尋依勅施行訖

謝賜曆日

右臣十二月二十九日遞中伏蒙聖慈賜臣宣頭一道雍熙四年曆日一軸者伏以克帝授時之典周官頒曆之儀君命先春感嶺梅而盡拆王正告朔催江柳以俱新伏念臣叨守六條已更三載俯閱履端之始豈勝慶賜之息

二

右臣今月十二日伏蒙聖慈賜臣雍熙二年曆日一軸仍降勅書撫喻者臣久違近侍方忝分憂律曆頒

宜秋館精鈔本

行俯俚拜授時之賜絲綸問念歡呼馳就日之誠榮并交并不知所措

三

右臣今月一日進奏院遞到宣頭一道賜臣淳化二年曆日一卷者伏以皇明示信常德先春頒寶曆以授時平分四序表瑤圖之撫運永慶千齡拜受捧闈省躬知感臣忝膺朝寄方布藩條讀記氏之農書合周公之時訓勉人耕作欣節候以無差與眾頒行見陰陽之不忒豈煩闕牖天道已知徒限剖符宸階尚遠

奉 卷 卷

四

右臣今月十九日伏蒙聖慈賜臣咸平三年曆日一卷者伏以日宮供職既遵守於舊章王者授時遂頒行於新曆履端於始舉正於中三百六旬七十二候開卷有得俾人不迷慶賜所均先春而至臣忝分憂寄恭守詔條黎元是親勸課為本紀候昭著與農書而共披陰陽運行同聖德之廣被仰玄應造豈勝丹誠

聖

右臣今月四日進奏院遞到宣頭一道伏蒙聖慈賜

宜秋館精鈔本

關

臣咸平四年曆日一卷者伏以星迴于紀月周于天克仁既剛於上玄禹服遂頒於新曆臣才非典郡任重親民披分至啟閉之文知勸課撫綏之節所念一違天關三換王正寒暑往來鴻鴈遂隨陽之性草木萌動葵藿有向日之心萬國授時拜閱但欣於慶賜明堂讀令禮儀空羨於榮觀

進賀聖節

右臣伏以千齡應運萬國同歡彩虹流渚以呈祥率土充庭而執贄前件絹出從公帑入貢宸階用馳址關之心仰祝南山之壽謹差某一押領上進干冒疏

關

前下序存存件
字

宸

二

右臣伏以虹流華渚電繞辰樞凡居率土之濱咸祝
後天之壽前綰出於公帑貢入明庭過千年慶誕之
辰同四海歡呼之志謹差某山押領上進千冒宸嚴

三

右臣伏以上帝垂祥聖人誕慶當紫氣充庭之日是
黃金為壽之辰况祝堯齡皆循禹貢前件絹賦租所
入京國上供願同率土之濱用慶後天之筭謹差某
山押領上進千冒宸嚴

宣統館精鈔本

四

右臣伏以承天嘉節誕聖良凡居禹貢之封疆盡祝
堯仁之萬壽前件絹賦租賦國帑貯留用充貢奉
之儀以表虔恭之節謹差某山押領上進千冒宸嚴

代宰相謝社日宣賜

伏蒙聖慈宣賜酒食餠餅等仲陽嘉月王社良辰錫
御府之酒漿頒太官之餅餌餅祇受愧惕感戴交深捧
觴雖對於堯樽借箸未伸於漢殿徒積素食之費豈
勝推食之恩臣等無任惶懼激切之至

謝除姪男昌裔連水主簿

連作連
王序本主
王序本主
王序本主
王序本主

連同

右臣今月二十一日伏蒙聖慈賜臣姪男昌裔官告
一通勅牒一道授將仕郎連水軍連水縣主簿者雲
天之澤俄及於私庭綸綍之恩遽加於猶子顧微勞
之未展慙內舉以非宜况茲叙蔭出身本因覃慶起
家入仕固無他能但以臣解纜誥之職司荷頒條之
寄任遂拜章以陳乞方積憂虞蒙宸旨以曲從特與
除授里閭之內一家增榮骨肉之情聚族知感矧於
近地効此初官軍邑之間公事不少敢不丁寧訓勵
重疊諭言俾將冰蘖之心上報君親之施

謝加朝散大夫階

宜秋館精鈔本

軍年知德
曹年

內
德
省

右臣今月八日進奏院遞到勅牒一道蒙恩加朝散
大夫者國家以同時覃慶與物惟新勲階叙進之恩
本酬殊効雨露無私之澤亦及微臣祇荷寵光豈任
感懼臣竊念素無文學驟奉掖垣遭逢致身實知玷
幸出入受命徒整忠勸方解職於綸闈俾頌條於藩
門階銜轉改名品遷升益為按部之榮彌勵履水之
節

謝賜御製雪詩

右臣伏蒙聖慈宣示御製雪詩者伏以聖德動天累
副憂勤之念嘉祥降雪已彰豐稔之期睿藻俄新杼

戊午集二十六卷

哀
同
庫
存

妍詞於歌詠宸慈曲被俾凡目以闕觀拜捧增榮歡
呼失次伏惟皇帝陛下道超三古功冠百王日覽萬
機躬親庶政朝庭之事無不允釐天下之民已臻至
化然五行常數稍致元陽九年之儲素有豐備而陛
下勵精益切求理彌深以至引咎責以在躬走禱祠
於羣望聖心如是天鑒聿彰雲觸石以朝濟千里同
色雪續紛而夕降盈尺呈祥宿慶咸滋大田斯溥三
農相慶於閭里百穀將詠於京城是以感允悅於宸
衷炳乾文於御唱白雲之句固莫繼於菁英黃竹之
歌豈可侔於藻麗攸宜秘之瑤檢播以鈞天永新二

宜秋館精鈔本

雅之音式茂載歌之作臣素無才識忝備掖垣紫微
紅藥之司已慙非據白雪陽春之曲受賜難勝

進瑞雪歌

右臣忝分憂寄祇守詔條勸課農桑宣導風教臣之
本職敢不專勤臣實非才豈忘惕勵上賴聖德下奉
朝章所以獄訟稍稀公事亦簡禾稼大稔封部無虞
唯自入冬尚未降雪蓋明年有閏節氣校遲宿麥未
妨農候不失竊聞深軫聖慮偏令禱祈果動天心聿
彰報應當州今月十一日已得時雪將表年豐遠近
之間必獲霑足豐稔之瑞所宜詠歌臣早以非才擢

在清貫因思去歲亦是深冬六出呈祥方觀盈尺兩
制同列俄受急宣俾於中書錫以良會上樽賜酒光
祿移厨聖制歌行初蒙陛下宣示御筵賦詠亦令臣
等進呈白雲黃竹之謠豈憂稼穡君唱臣和之美堪
載策書臣亦親聞德音願歌茂實令以大蜡之月佳
雪及時撰成葑菲之詞上躡冕旒之鑒干冒宸辰

進瑞麥

右臣伏以聖德所感和氣發祥既表異於來筵實殊
常於合穎豐年為瑞靈貺有歸伏惟皇帝陛下德合
二儀仁深萬彙薰絃在御應朱明長養之時秀麥乃

宜秋館精鈔本

登彰玄造豐穰之理瑞圖所載信史可書既獻自於
西疇合貢之於北闕臣職叨長吏任重親民躬親慶
靈豈任抃蹈謹差押衙云云

進賀南郊

右臣伏以聖君纂嗣諒陰之制爰除景運升平郊祀
之儀遂展凡居率土咸貢明庭前件那拜民樂輸公
帑所積用慶禋宗之禮莫伸贊幣之誠謹差某山奉
狀上進干冒宸嚴

咸平集第二十六卷終

宜秋館精鈔本




咸平集卷第二十七

京兆田錫

奏狀二

進應制詩

右臣昨日閤門奉傳聖旨宣召赴賞花曲宴者伏以
良辰美景錫宴追歡仰承明聖之恩方屬升平之運
詩稱在鎬豈足擬於皇猷歌有橫汾安得侔於盛事
竊念臣器能無取文學非優早塵侍從之班屢赴深
嚴之召每惟微忝常積兢慙美盛德之形容達微誠
之慶抃欲陳歌詠上躋冕旒限以閤門曾受指揮不



鈞鑑如鈞

許進獻文字今屬上林春曉內苑花新汎蘭酒於光
樽詠相梁於漢殿雖芳叢應制鈞渚裁詩慙非敏妙
之才但抱怔忡之思數日前輒嘗賦牡丹詩賞花詩
賞花釣魚詩釣魚詩因得盈編皆金門應奉之詞悉
丹禁芳菲之景不敢藏秘是用進呈與今日奉宸肯
所賦詩同進歌時樂聖爰因侍宴之辰比興緣情盖
受言詩之賜于冒嚴宸

謝賜九經書

右臣當州為無經書乞自辦紙就國子監印取九經
歸州今月若干日伏奉勅牒蒙恩却給還紙特宣賜

宜秋館精鈔本

九經書并釋文者伏以聖人之道著在典墳英王之
恩頒于郡縣是使桐廬陋壤化為禮義之鄉瀨釣遺
民永習詩書之訓伏念臣忝分憂寄權守詔條文翁
勸學之風慙無祖述宣父化民之道敢怠師資是以
輒貢封章乞印經籍上千流冕方憂典憲之誅俯降
絲綸特允芻蕘之請賜書湖外文明益播於頌聲函
丈席間問學驟新於玉澤佇俟緘之湘帙真被類宮
鄉校請觀咸遂專經之志郡人傳寫免勞閱市之勤
仰荷殊恩永為盛事

乞住連水軍寄居

或平集二十七卷

連德連年
下同

細表細

居
居
居

右臣近蒙恩澤量移單州榮慶之懷尋具表章稱謝
行邁之次輒有哀懇披陳臣昨離海州今至連水訪
聞網運稍併河道未通孤舟深憚於沂流盡室復當
於畏景乞從私便須至上言進退憂虞不知所措夙
夕循省豈合微求但以居親之恩所祈或逐日月之
照洞鑒無遺臣素以寡貧又無兼力所到之處既闕
人船出陸之時仍乏鞍乘欲乞且寄連水以俟後時
郊裡庶令親屬之間稍遂便安之望干冒旒宸

謝許連水寄居

右臣今月十四日伏觀勅下連水軍伏蒙聖慈依臣

宜秋館精鈔本

所奏為乞於連水軍暫住以俟後時郊裡兼蒙恩便
於連水軍請給料錢者臣伏念請求之懇雖上達於
天聰憂惕之心慮有賴於聖聽方虞罪戾難逃鈇鉞
之誅豈謂允俞俯降絲綸之命加以天慈曲被月俸
仍霑卹其羈旅之人遂以便安之志省躬懷感聚族
知恩白日近於帝鄉舉頭雖見滄波遠於魏闕回首
猶賒恭俟鳳曆三周雞竿肆赦已遂量移之有例該
章復之恩當補過以輸忠莫酬恩而展效

謝姪男昌裔加階

右臣今月十六日遞中勅牒到臣姪男前連水主簿

者
志

昌裔蒙恩加文林郎階者伏以禮畢頃丘慶覃方國
自天之澤既霽霈於寰區猶子之榮遽轉加於階級
先生里巷寵浹私庭載惟枝葉之親得與簪纓之列
舉家知感聚族為榮難酬覆燾之恩徒訓庶勤之節
臣昨因謫宦已遂量移尋蒙聖慈許寄連水忽覩絲
綸之命榮慶既同但傾葵霍之心歡呼所共

乞直館

右臣輒披丹懇上躋宸嚴進退憂虞難逃罪戾宴貧
困迫須至敷陳伏念臣遭逢盛時際會英主謬因文
學悞受聖知塵忝既深驟列縉綸之職勞能莫展豈

宜秋館精鈔本

廊陽
任

伸報國之誠迨至授以正郎委之近郡時才聞儒有
孤委任之恩公過謫遷旋遇庾鴻之澤洎歸丹闕復
賞通班尸祿曠官彌深惕懼陳力就列將贖貧叨伏
乞聖慈俯垂照亮念臣曾備負於東觀嘗寓直於西
垣願伸撰述之微勞上紀文明之盛事干冒旒宸

奏魏廷式封駁

臣今月二十六日受實封勅一道為魏廷式封駁陳
恕等不赴晡臨還司勅其奏狀云臣與田錫同共取
旨其田錫妄奏聖君遂相矛盾臣奉聖旨令獨署名
銜駁奏奉勅宜令田錫詳所奏分析聞奏右臣昨二

十二日於長春殿與魏廷式進呈劄子臣未讀劄子
先奏稱魏廷式將斷劄取聖旨魏廷式遂將三司鹽
鐵使陳恕等不赴晡臨斷了還司劄對御披讀又將
刑統第一策於御前讀曰禮者恭之本恭者禮之興
故禮運云禮者君之柄所以別嫌明微考制度別仁
義責其所犯既大皆無肅恭之心故曰大不恭於是
臣遂奏云御史丞李惟靖所奏元無大字祇稱有此
不恭陛下遂取刑統看并看元劄臣又奏大不恭有
八條臣又奏曰臣按故事凡制劄有未允當即駁正
其事封還詔書謂之封駁今此劄已斷遣了臣又奏

宜秋館精鈔本

臣昨日與魏廷式商量此劄緣是斷了劄然不敢堅
執緣張鑿是臣親情慮魏廷式有所疑今日須至於
陛下當面敷奏臣又奏曰臣於法律不熟魏廷式本
是法科成事臣乞抵令魏廷式自駁奏尋蒙陛下謂
魏廷式曰抵御獨自駁奏又再謂魏廷式曰御自駁
奏臣又奏曰魏廷式欲法寺定斷元條若陛下寬減
其罪所貴恩歸陛下臣之所奏陛下必一一記得今
魏廷式稱臣妄奏聖君所奏安敢輒妄魏廷式又稱
臣遂相矛盾臣緣所見與魏廷式所見不同所以不
敢與之同駁奏以此魏廷式奏臣遂相矛盾臣與魏

廷式同司當審官院通進銀臺封駁司豈敢與之矛
楯若魏廷式所見與臣所見同即臣方敢與之同封
駁若魏廷式所見與臣所見不同即臣豈敢與之同
封駁臣諤因文學偶忝科名幸以遭逢驟塵華顯効
官吏閣但閱圖書供職校垣曾知制誥典謨之事則
嘗聞之刑律之書未嘗學也昨八月八日閣門受勅
差臣與魏廷式同職句當敢不盡忠於陛下敢不共
力於同官實非妄有奏陳輒相矛盾仰祈聖鑒俯察
愚誠

秦州謝上

宜秋館精鈔本

右臣昨奉詔旨差知秦州已於今月五日到任上事
訖伏念臣素無才術驟歷官常先帝候知實之外制
陛下擢用列于內庭臣每憂致踈遺慙無裨益難進
易退輒效古人量材授官因告明主遂有狀奏乞歸
館中兼以太祖史書久未了畢集賢職分願効勤勞
豈謂聖意丁寧優寄差使出令典郡委以親民告謝
之時既叨敦喻入辭之後仍有所陳遽荷殊恩累降
中使再蒙召對復得頒宣仰戴恩光實踰始望恪守
官次敢不盡忠自至臨行合有所奏爰當發日曾上
實封竊計愚誠尋達睿聽臣識見素淺年齒已衰惟

存本增補
十二字

陛下以特達知臣唯臣以愚直奉陛下兼因宣召面奉指揮候到本州若有公事或入遞申發或赴闕奏來臣實何人驟承宸睠况外郡以常行之事自素有定規若舊勅有未便之條必奏取進止臣乍違嚴展每念冕旒最竭愚誠敬塵聖鑒

秦州乞替

右臣輒披丹懇上黷皇明仰祈臨照之恩俯鑒憂虞之抱臣至道三年蒙恩差與魏廷式同旬當審官院通進銀臺封駁司事因魏廷式奏三司使陳恕已下犯大不恭罪為所奏與御史中丞李淮清所奏不同臣所以不敢同其所奏自是魏廷式與臣不知一以

宜秋館精鈔本

音
辭
亭

多顧向
進
上字亭
本字亭

此上音乞歸館殿適值三館中差安德裕席希叟韓援宋錫王綸李建中張復曾會樂史路振等出典州郡時聞聖意謂臣亦求差遣遂有勅差臣知秦州臣以本無意求出祇為魏廷式性識麤疎難與之久處臣所以先自求退乞歸館殿因詣崇政殿告乞免此差遣聖旨未允臣更不敢辭免遂等候春水進發未進發間伏覩二月五日御札以彗星見令臣下各陳所見臣遂於三月七日上章是日至未時宣召顧問蒙恩以臨行特有頒賜八日朝辭九日復進封劄子十一日中使至再宣召於崇政殿西閣顧問仍蒙

力送字道序
年补

金口問喻甚日進發抵半年與替兼奉聖旨或有事
要面奏但乘遞馬赴闕臣到任上事後尋發奏謝狀
中亦略言訖蓋州郡常事可行即行不足更煩聖聽
但憂離違陛下左右之後或有諛謗所以臣不遂半
年與替之詔臣今在任已二年八箇月三逢聖節以
官秩未滿朝覲無由不獲隨班上壽所謂身在江湖
之上心歸魏闕之下揮涕感戀情不能忘雖夙夜在
公敢不惕勵而旦夕望替蓋憂踈遺兼去年曾具奏
聞為臣男長城與即今知興元府國子博士許述家
結親於今年四月成迎訖緣許述始因官在秦州居

宜秋館精鈔本

仕臣久在任慮非穩便願歸京師且在館殿供職伏
望聖慈允臣所奏

謝得替

右臣今月一日伏蒙聖慈賜臣勅一道差膳部郎中
崔維翰知秦州軍州事替臣今臣候替人到交割訖
發來赴闕者臣伏念近發奏章求解所任追思僭易
方抱憂虞蓋以臣素無才能叨膺任使考秩將滿勞
效蔑聞雖常佩官箴敢忘惕勵而願歸仙殿庶免曠
遺豈謂皇明俯鑒於忠誠睿德特容於上請今已祇
受制旨恭俟替人當獻歲之令辰捧出綸之優詔俯

氏
作
武

僂拜命歡呼戴恩路雖遠於清淮心已歸於丹闕朝
覲在即榮慶交深

謝賜御製社日詩

右臣伏蒙聖慈以社節御製詩賜直館已下令依韻
和來者伏以文昭天德實炳三辰詩與道鄰武合萬
象豈臣固陋所能討論所念臣遭逢盛時伏事先帝
歷清華之職次塵侍從之榮班或上苑花時或中秋
月夜得與言詩之賜屢陳應制之詞雖采葑每愧於
緣情而傾藿但承於委照今遇陛下嗣膺寶曆恭守
丕圖以秋社之令辰慶豐年之嘉節堯樽湯鼎賜嘉

宜秋館精鈔本

會於館中聖藻宸篇示同歡於天下物情欣戴睿澤
汪洋臣既就列歡呼親皇家之餘慶省躬感泣觀雅
道之重光敢不仰紀王猷上膺宸肯在心曰志樂三
農豐稔之時扣寂求音頌千載會昌之運謹繕寫應
制七言四韻詩詣通進司隨狀進呈

謝賜御製重陽詩

右臣伏蒙聖慈以重陽五七言詩二首賜直館已下
依韻和者伏以千年嘉運九月良辰宸歡發於詠歌
睿意屬於豐稔雲天六義下館閣以傳觀風雅二章
與星辰而並麗臣忝竊近職法瑄屢遷遭逢聖時塵

知
外
作
存

露無益憂慙交集節序惟新良期當采菊之辰故事
有登高之會君唱臣和雖理道可發於詩聲金馬石
渠而就列亦承於宣示受命兢惕構思怔忡俯慙菲
菲之詞豈稱絲綸之詔

進撰述文字草本

右臣昨五月八日蒙宣詔顧問之次臣因奏乞以經
史中要切之言書於屏風竝於御座之側所貴旦夕
披覽如座右銘之類臣又奏令陛下以何道理天下
願以皇王之道為理奏舊又有御覽但記分門事類
共三百六十卷取日覽一卷可周歲讀徧然不如節

宜秋館精鈔本

著錄本著

初學記卷之三
卷之三子

略經史子集作三百六十卷或萬機之暇日覽一卷
所貴理亂興亡之事常在目前也臣欲撰進至明日
又再承召對宣諭所言皇王為理之道可歎曲著撰
進來臣遂略言尚書堯舜典是帝道其注亦甚分明
陛下稱朕亦常看尚書其注頗甚易曉臣又奉聖旨
令寫先帝時所進封章臣自請假往鄭州迴尋寫先
朝時所進封章已於五月二十六日詣東上閣門實
封進呈訖所有撰進文字兩本隱其名今且各寫兩
卷進呈取進止欲依此撰進如聖旨允所奏即乞內
降劄子指揮所是餘一卷軸稍多候撰及三五十卷

旋具奏草進納今詣通進司進上件草本四卷隨實封狀聞奏

謝內降劄子獎諭

右臣昨日通進司差人送到實封內降劄子一道伏蒙聖慈特加獎諭并以臣所進文字令餘上卷舛旋撰集得相次進來者臣本無器業素乏才能遭逢先朝驟歷華貫祇事陛下未展微勞非因召赴深嚴再承顧問遂有所奏欲以皇王之道編撰進呈遽承英睿之知特垂聽允洎撰集之次館中將文曆令臣署名隨例勘書所撰集既密受揮不敢洩漏其板讎又

宜秋館精鈔本

止
以
正

難為訴免不敢奏聞相次奉勅考試舉人昨已了畢遂進所撰草本取候進呈豈謂聖恩曲被睿獎過臨退思庸淺之才曷稱照臨之德俯伏愧荷兢惶失圖今因事復有愚誠合取聖旨為所撰進文字卷軸稍多所有館中勘書欲乞蠲免一志得專於檢閱數年方就於功夫兼得逐旋進呈以備接續披覽仰祈玄造俯鑒丹懷

奏乞不差出

右臣所撰進文字旋進五卷訖未審陛下書於屏風已實座隅否所進文字隱名是臣致君於堯舜之心

德名
加
考
和
年
位

別隱名
大別字
計數修數計

也嘗因宣召陛下問臣所進文字幾日撰得一卷臣
奏五日撰得一卷臣因以日計撰成之數一年計七
十二卷五年方得成就雖五月撰得一卷然須子細
披詳慮有差錯或悞則檢會比覆以至寫淨可七日
至八日方了一卷今以八日之數大槩摠計一月可
得三卷一年得三十六卷十年方得三百六十卷別
隱名一十卷不在計數外其餘已進十七卷訖餘三
百四十三卷計九年餘六箇月方始成就臣慮十年
之間陛下差臣出官若臨時求免差出是違王命也
又慮十年之間陛下差臣蒞事若至時欲免差遣是

宣秋館精鈔本

上五字
增

違聖旨也以臣愚見若差出一郡不過若若留臣在館殿常
以皇王之道致陛下於堯舜也若差在事不過供一
職孰若留臣在左右得以帝霸之道致陛下於堯舜
也臣始乞免勅書欲專以撰述蒙聖恩尋有內降劄
子下館中矣臣又乞借書欲廣於聞見亦得睿旨尋
有內降劄子下館中矣臣既有書檢閱又無事章束
以副陛下降綸言獎喻之恩足以成微臣奉聖旨
撰之志今陛下春秋鼎盛英睿天資聽政之餘好古
不倦若師皇王之道日新厥德必十年之內能致太
平若遵帝霸之道夕惕若厲則千載之運永固鴻業

撰修事述

臣雖衰邁得見太平之時臣之私幸足矣臣雖愚蒙
得成所撰之書臣之夙願亦足矣如聖慈允臣所奏
乞御批劄子直付微臣貴無洩漏緣所撰書未成須
至慎密庶免譏謗也干冒宸嚴

奏蔭長男慶遠

伏以皇家積慶聖主誕生當斗樞繞電之辰咸思祝
頌仰日馭葵傾之際輒方披陳願垂臨照之恩實荷
生成之德伏念臣迹惟羈旅年已衰邁忝冠侍陸曹叨
兼憲署風霜舉職愧未展於臣誠雨露均恩同仰祈
於子蔭臣有長男慶遠切嘗訓勵今已長成過華封

承勅

宜秋館精鈔本

祝壽之時起宗嗣奉先之念乞該恩例願在宦途莫
微臣告老之年得嗣子及親之祿伏望陛下俯垂睿
鑒恕以物情牛畜有絜犢之心烏鳥懷反哺之性以
臣子借望式君父推恩進退憂虞不遑寧處干冒宸
宸

右臣伏以忠於國莫先於至公孝於家莫重於繼世
臣去年因逢聖節輒露私誠以六典素有明文五品
得用資蔭遂上言長男慶遠幼能寫字長好讀書隨
臣出入為官見臣日夕莅事頗知畏慎稍識公方雖
文學之間未能應舉而恭謹之性足以幹家臣以年

去身存貴

齒已衰生涯未有除俸祿充之外無田園終老可歸
慮一旦云亡卜葬無地一家私屬失所可憂遂拜封
章與長男希求入仕及經旬月聞正郎無例該恩然
臣男慶遠自來與臣寫所奉封章與臣寫所進文字
年已成立性亦恭勤欲及臣未死之時聊慰臣有後
之意望不候聖節不俟郊禋乞陛下垂特達之恩遂
微臣懇求之請况臣年六十有三餘七年當已致仕
以人生百歲七十者稀未知七年之間得事陛下否
若一旦溘如朝露永謝明時則遺表進男亦無及矣
臣不避罪貴因悉敷陳伏望聖慈俯垂憫念于冒宸

宜秋館精鈔本

辰

謝傳宣

右臣昨日中使至伏蒙聖慈傳宣昨日所上表朕已
知令安心著述文字必不別有差委者伏以王命猥
降睿旨密宣既聞命以兢榮益省躬而愧惕切以臣
遭逢景運忝竊居多欲報殊私涓埃未效念尸祿素
食之責靡所違寧因聖恩召對之時輒有稟覆欲以
管闡之見采摭羣言庶期日覽之時發揮古道資帝
堯欽明之德副虞舜好問之心退思學識非精見聞
未博以檢闕須備非三館固難得書以卷帙稍多非

十年豈易絕筆是以輒陳私懇上黷宸嚴方懷憂懼之心未寧丹素忽有宣傳之旨曲賜允俞感君親獎激之恩成臣子撰修之志供集賢之職雖愧古人繼承明之庭豈憂外任天顏咫尺五日一與朝參聖運升平十稔得終事業守官次莫榮於此受聖知莫幸於斯

知雜後謝傳宣

右臣十六日中使至傳宣旨近者覽御章奏恐有住滯為趙誠信差出句當不欲別差人來御自來章疏所司不敢住滯並摠收得今日所為除改事此名位朝廷其難其人亦不妨撰述慮少暇可慢慢撰述候

宜秋館精鈔本

其在甚

子序在字

及卷數進來但安心勿過慮或有所見逐旋聞奏不欲召御兼今後不更差人并降劄子去與御便穩及今後奏狀不要可漏子上更著白帖子言裏面有貼黃御自來奏狀朕一一親覽但紙狀內著黃貼子者俯伏聞命釋愚臣危懼之心兢榮失圖感英主照臨之德臣盖念於通進司每下奏狀執政間或有探人右謂禁闈有九重之嚴中堂喻千里之遠盖虞左右輒蔽聰明所以下之情誠少得上達聞聽今陛下宣示以臣自來章疏所司不敢滯留臣之至愚固無可采但以有所聞見敢不敷陳既一一盡達宸聰則區

東坡先生集

區得罄臣節仍喻臣以近所除兼職朝廷甚難其人
臣實何人當茲重選將何稱職但奉至公上酬聖知
以贖官謫仍勉臣以不妨撰述候及卷數進呈令臣
但安心命臣勿過慮或有所見逐旋奏聞臣學識非
優器能無取但以遭逢景運消埃無報國之勞採撫
羣書網素形致君之志撰集未畢除改忽新慮構罪
尤合先敷奏豈謂封章朝達宣旨夕傳優容同覆載
之仁敦喻表慈怜之旨柏臺莅公之暇竹簡著書之
餘得以早蒙上陳丹陛雖虛佇諫直無間於芻蕘而
仰鑒融明願傾於葵藿干冒疏辰

宜秋館精鈔本

謝宣賜弟亡孝贈

右臣昨日伏蒙聖慈以臣弟喪亡特有宣賜受命纔
畢中使言迴雖尋拜於奏章尚未罄於愚懇伏念臣
自離鄉井頗歷星霜以岐路之阻修念兄弟之契闊
豈謂私門積豐爰及連枝遠地聞喪遂陳假牒有司
所奏已煩贖於宸聰就寺舉哀忽頒宣於孝贈繪錢
出於內帑酒醴降於上樽臣實何人遽霑優渥光生
里巷礼異品倫生成仰莫大之恩存歿荷殊賞之賜
省循憂惕不知所裁

謝聖旨許諫事

陽名
韓伯又特

右臣前月二十八日長春殿伏蒙聖慈宣喻臣昨所
奏之事朕一一披覽又以其人介然別無朋黨可耳
仍舊令臣知之即不得洩漏者兼再奉聖旨有可奏
之事但上實封以廣朕之聞見臣受命已來今已決
旬內省惶懼何以堪勝所念臣實何人一無識見但以
直道早幸逢時先帝以臣遇事敢言特降勅書獎喻
陛下以臣所進文字隱名內降劄子褒稱荷兩朝優
假之恩實千載遭逢之幸敢不益堅夙志彌勵愚誠
天至高雖管闖詎識於運行日至明而圭測亦知其
長短今陛下嗣守大位臨御兆民博訪賢良躬親機

宜秋館精鈔本

王
韓伯文

務日新厥德夕惕若厲以大舜好問之意文王猶勤
之心昭九廟垂休之靈保萬世無疆之祚臣謂蕭牆
之外有可聞之事非因奏覆固不可得而知况於遠
者乎清禁之中有欲見之事不固求訪固不可得而
見况不求訪乎然為臣事君孰敢不盡忠節明主待
下常欲聞其直言春秋曰子好直言必思自免於難
詩曰既明且哲以保其身故象繫示吉凶之微莫君
臣保始終之分所以君不密則失臣失臣者為大臣
所憎嫌為近臣所排斥憎嫌之深者則讒構其罪戾
而冥之於刑戮排斥之遠者則誣枉其過咎而逐之

於遐荒此由不密在於君而所失在於臣也伏念臣
識既凡庸性惟愚直供職兼於臺憲莅事在於獄刑
固無微勞但憂獲罪若非陛下與臣為主則大臣必
因事見誣故逐度所上實封皆乞留中不出蓋慮事
不密而身已危矣况臣無才略安足廣陛下見聞臣
之愚蒙敢不守陛下宣諭憂畏惶恐倍萬常情

轉諫官後謝傳宣

右臣今日中使趙誠信至傳宣昨日所進實封已收
得朕亦子細披覽但安心著撰文字必不差出如要
上殿先奏來者伏以臣誠上達必憑奏牘之詞天聽

宣秋館精鈔本

下臨忽降出綸之旨俯伏聞命兢惶失圖切以臣改
授官資塵忝清近志有所蓄理合備陳仰黷宸嚴方
憂罪戾豈謂皇明燭察比太陽之照臨聖造優容同
昊穹之覆燾憂疑遽釋歡抃交并柏臺既免於重難
竹簡得專於撰述况聖朝無事阜囊虛獻替之詞諫
省餘閑細帙遂討論之志比在家修史雖遠愧於古
人以戀闕著書實仰依於明主餘取上殿進止必先
有狀奏聞

謝兼史職

右臣叨列諫垣又兼史職聖恩曲被私願允諧榮莫

臣子存
補

恭
德
其

終
德
存
編

如之幸實多矣榮幸交集感揚彌深告謝之時雖依
常例中謝之禮莫遂對敷蓋閭門以既該勅差內殿
即舊無謝例臣雖已赴職豈敢寧心切念臣近纔改
官又乞兼職實憂冒躓自掇悔尤豈謂人欲天從遽
降出綸之命才微識淺慙非載筆之臣——蓋陛下恕
以迂踈卹其衰老實在優賢之地不離近侍之班獻
替箴規敢忘匪懈述修編撰唯守靖恭時政記得見
鴻猷起居注式資潤色纂成日曆廣續季終莫鉛槧
之微勞展消埃之薄効諷從五諫仰遵將聖之言運
偶千齡幸紀太平之事

宜秋館精鈔本

告假謝傳宣撫問

右臣昨日伏蒙聖慈以臣有狀暫請患假特差中使
傳宣撫問兼依允所奏不差醫官者伏念臣拙於脉
理昧於攝生致久病未安服餌少効豈謂聖恩之軫
惻俯憐疾苦之纏餘雖自來內殿起居不敢許免因
昨日隨班舞蹈頓覺衰羸以此瀕至上言仰干睿聽
犬馬之疾既回醫治君親之恩曲加勉喻情有所感
不覺涕零

奏蔭次男慶餘

右臣伏以千年慶誕之辰萬壽延長之日臣輒披丹

纏

旦
德
存
已

素上告慈仁臣男慶餘訓以詩書教之忠孝幸因聖
節願在宦途仰祈日照之明俯鑒葵傾之懇干冒宸
展

咸平集卷第二十七終

宜秋館精鈔本

咸平集卷第二十八

京兆田錫

制誥

永清軍節度使駙馬都尉王承衍妹王氏封

琅邪縣君

勅具官王承衍妹王氏賢明為德婉淑其儀環珮中
於禮容蘭蕙藹其令範嬪于良族既詠栢舟茂我皇
姻宜封石窌載協雲雷之澤俾躋湯沐之封

衛州衛縣簿王光圖可衛州司理

贊

勅具官王光圖能以公才往為邑佐恭勤足以鞏宰

拜身之序古詩贊

字廉慎可以典獄刑不離汲郡之寮俾掌理官之職當思盡瘁無陷非辜

三司大將加恩

勅躬耕之禮用示於勸農慶賜之恩必均於効職以爾等各伸勞績常風凡夜以在公例授恩榮表雲雷之霈澤

皇城司勅契官仇延即可銀青階兼官將東郊先

除授○原注

勅具官仇延即有司上言先事列職俾靖恭於禁籍宜時於朝章假以官賞兼之憲職董以借資之寵邑尹之嘉稱宜示朝恩俾陞京秩用酬勞績更勵恪

宜秋館精鈔本

參乎儀衛之司恪奉斯恩無怠所守

端州防禦使李克文落起復依舊端州刺史

充本州防禦使

勅具官李克文明於韜畧真以幹能弓箕克嗣於家聲符竹早隆於邦寄頃因禮制俾奪哀情洎喪紀以外除茂朝章以斯在任當禦侮寵列頒條春惟高要之民實佇撫臨之政勉膺嘉命無替忠規

道州軍事推官知長沙縣趙沂可將作監丞

勅具官趙沂經術策名賔榮從事試延評之美職萬邑尹之嘉稱宜示朝恩俾陞京秩用酬勞績更勵恪

勤

朔州觀察使左驍衛大將軍趙希贊可泰州刺史

勅分朕憂寄頒于詔條親吾黎民行其風教惟良之命既難其人作牧之榮實重其選以爾具官趙希贊忠貞抗節毅勇存誠弓冶襲其慶靈韜鈴著于績效以拱衛腹心之任委察廉風俗之能邊鄙用寧惇饗受賜宜膺茂賞別降璽書淮甸之邦漢符劇郡命以俾乂疇其允釐佇騰襦袴之謠達予聞聽豈吝絲綸之詔獎爾賢能佩茲訓詞孚予明命

宜秋館精鈔本

太常丞張適父好問前守黃州麻城令可授太子左贊善大夫致仕并妻封邑號

勅具官張適父好問早彰幹局之才頗著親民之譽克生令子為朕良臣涵濡郊祀之恩珥贊官僚之職宜膺慶賞仍遂優榮

勅具官張適妻王氏中饋傳芳冢稟德女範訓從於和惠夫賢贊自於柔明宜膺疏邑之榮用洽禮宗之澤

大理司直前青州錄事參軍麻希慶可守工部員外郎致仕

勅具官麻布夢朕嗣位十有三載天下無事思勸農
務本躬耕藉田改元乃與物維新發號則均人之慶
可以行古道禮高年由是赦書有賜爵一級之命而
布夢年過九十以伏生之經術壽考踐歷官途而為
廷尉屬察兼憲府之職督郵罷秩頤養于家守臣上
言軒墀引見嘉其華皓是用旌陞榮之列宿之班優
以懸車之秩所以表朕養老尚齒之意也

著作佐郎梁宜可舊官

勅具官梁宜儒行克脩宦途早踐嘗列祕文之府頗
彰稽古之名禮制既終朝章可復小著清選士流所

宜秋館精鈔本

榮勉膺綸綍之恩無忝圖書之職

知廬江縣劉寅可蒲城令

勅具官劉寅雅有才名早彰官業既茂絃歌之化宜
更銅壘之資閔輔之間蒲城劇邑往膺朝命撫我黎
元廉明則吏屬知方惠愛則鰥寡受賜勉高課第當
議甄升

右司諫直館王仲華監察御史潘太初等母封
太君

勅具官王仲華母信都戴氏聖善之賢慈仁之訓克
生令子為吾諫官朱綬彩衣足榮具慶粉田石節未

該邑封嘉其孝養之心特乞優隆之澤宜從子貴式顯母儀俾新湯沐之封以適庭聞之意

前廉州刺史陳文顯可起復雲麾將軍

勅金革從權禮典既稱於無避且麻易制國恩宜茂於必行具官陳文顯器識淹深才謨明允著公侯之名節彰竹素之勲勞寄重圭符嘗布詔條之化禮居苦塊俾新綸綍之恩莫移孝以資忠表奪情於優寵光祿寺丞前知縣州彰明縣李簡能可著作佐郎

勅具官李簡能早以公才俾權邑政而廉幹之譽聞

宜秋館精鈔本

於使車舉奏之章達于朕聽小著清簡是命甄升更克勉於律身勿有孤於知己

前蓬州伏虞令盧情可華州鄭縣令

勅具官盧情亟為宰字備著廉勤昔國家平定於并汾當岐邑饋供於芻粟幹於事任尤見勞能三峯之間百里之政親民命爾下車推仁勸課為先惠卹是務俾我赤子知吾任人儻聞政聲當有升獎

著作佐郎滕玄錫可舊官

勅東觀為郎於著作士之清選也具官滕玄錫歷茲美職爰屬家艱祥禪既除恩榮可復勉祇服於官次

政
作
岐

禮

伴允稱於朝章

前漢陽軍漢陽尉李日休可本軍司理

勅具官李日休軍壘之間刑獄尤重苟非勤幹寧應
選差閱長史之奏章伴正於理椽線無令於港帶
絲綸豈吝於甄陞

前濱州軍事判官李準可光祿寺丞

勅具官李準恪勤官業裨贊郡條在公既著於廉能
滿秩來參於選調有司引見伴陟京察列寺甄升勿
孤朝獎

前守霸州大城令張守中可許州別駕

宣統館精鈔本

勅具官張守中朕昨藉田行慶渙汗推恩民之高年
尚云賜爵吏之暮齒恩棄其人爾早居銅墨之資嘗
蒞邊防之邑曠言衰邁爰此對敕特示朝恩伴升郡
佐

密州別駕蘇德祥可殿中丞分司西京

勅具官蘇德祥早彰文價實粵通儒題別來於百城
既聞清慎俾亞司於六尚允稱甄升勉膺出綍之恩
無忝分曹之命

光州刺史王明可禮部侍郎

勅中臺六卿之職斯為重任而設以卿亞苟非智識

通敏機務淹詳公望素高清議惟允則何以為時瞻
重稱吾簡求以爾具官王明真方特操沉毅有謀臨
事彰適變之才奉上見盡忠之節剖竹每聞於課第
兼襦必藹於政聲朕嘗便殿與言觀其敷奏方畧才
用良足嘉稱宜副疇咨以旌茂賞春官峻秩可以貳
之禮聞崇資諒無忝也爾識量既如彼而縣歷又如
此豈煩訓告勉荷寵光

翰林圖畫待詔夏侯延祐可廬州巢縣令

勅具官夏侯延祐早以藝能列於禁署每聞恭恪克
守官箴可以命之親民觀其莅事遂爾上章之意勿

宣秋館精鈔本

辜非次之恩清廉可以保躬畏慎所以無過繪事後
素是為禮歟能達斯言必善為政

高麗使副判官等授官

勅朕以推恩示信覃聲教於殊鄰進秩書勲賞勤勞
於將命式表綏懷之德用旌恭恪之誠具官某遠自
辰韓來朝象魏涉滄波之萬里輸職貢於九重方物
充庭達帥臣之忠節華簪就列有專介之禮容言念
使乎宜加朝獎或紆紆散從大夫之後或握蘭參郎吏
之班勲級增榮器名非假勉荷殊常之寵無忘來遠
之恩

高麗職員軍將等授官

勅具官某等列外區之右職達主帥之明誠遠涉滄
溟底其方物載念恭勤之節宜隆旌賞之恩憲府華
資儲闡美秩加以參六勲而示賞表重險以懷來無
忘訓激之詞益勵忠貞之操勉膺鳳綍歸耀鷄林

禁軍將校授官

勅具官某軍旅之事朕所悉知殿廷之間今自訓閱
至於將校例有甄酬習兵鈴韞武藝是爾之事業捍
邊鄙為國家是爾之冒襟此立功與吾展効言念於
爾無後他人俾升遙郡之榮仍列親軍之職

宜秋館精鈔本

延獻正

遠

魏倅存未

勅具官某職効和門班升禁旅早習訓齊之令素彰
勇敢之名言念勤勞特加旌賞部分魏遣於驕籍朝
恩無忝於龍綸勵乃忠誠膺吾嘉命

勅刺舉之任恩寄非輕廉察之權寵章則峻具官某
氣惟驍勇志則忠良禁庭居列校之班武畧負無人
之藝聞蕩寇則詞意慷慨能處眾則禮貌恭和為吾
武臣深協時論自升守土仍著風謠雖竹符以遙領
之榮而襦袴有來蘇之詠今則方當蒐乘屬在講兵
擇其將領之才副我旌求之旨必增賞秩用壯宣威
名器昭其材能車服榮於廉問服我休命爾其念之

勅朝廷武備雖在擇人爵服恩加實期報國况以廉
車之秩列于禁旅之班苟非簡在朕心何以副於公
議具官某忠能有勇智則多謀韞金石之明誠稟風
霜之勁氣而能以和處眾以禮事君自錫寵於圭符
聞載歌於襦袴今國家爰因蒐乘將務平邊念既屬
於貞師命宜隆於出綽委以察廉之寄寘于親侍之
行盡爾忠謀膺吾異獎

勅車服之榮固不虛授軍旅之賞亦不徒施或先其
勞所以悅使或後其報所以酬勲具官某列在親軍
職為諸校有謀有勇盡節忠夙夜見其公勤委使諸

宣秋館精鈔本

其敏幹或帶專城之貴或居練武之權章綬在躬圭
符領郡雖為榮達更議甄升宜加魏闕之恩可布漢
條之詔俾遷要劇仍委察廉

勅親軍之職廉郡之榮籍貞純果毅之臣副委用勲
勤之寄具官某名因勇立節以忠聞明誠恪事於君
親銳氣誓平於戎陣而况早經任使著勞能識兵謀
之卷舒習陣法於奇正若委之集事必能守力今命
爾之察廉居吾之三將佇伸報効用答恩榮

勅君賞臣以爵秩下報上以勲庸存諸典章謂之名
器具官某志懷忠恪節槩矜修嚴乎師律之貞深得

陣
風
力
以
方

武經之要自居親衛彌見公勤苟隆渥之未加於念
勞以何有特命察廉之寵用旌優異之恩

前資州內江令鍾文拯可黃州黃陂令

勅具官鍾文拯爾以內江罷秩華陽改官屬有衝除

邊聞陳乞俾換闕負之命式補選調之資牛里黃陂

佇聞善政單車之任廉幹有聲咸俾吾民實受爾賜

則將遷善遷職一無所吝焉

前濟州金鄉令孫運可左贊善大夫致仕

勅具官孫運朕以躬耕之禮既則古先慶賜之恩必

加者宿爾早紆命服今享遐齡當殿披陳臨軒

華_補衝_補銜_補銜_補

單車_咸咸_俾咸_俾咸_俾

則軒_晉秩_均均_均均_均

宜秋館精鈔本

召見宜需雲天之澤俾光蒲柳之年晉秩一宮坊諒
為嘉寵懸車里第足遂優閑勉思渙汗之文以協貞
頤之吉

吏_流流_外銓_勒留_官涿_州固_安簿_鄭德_明可_陳

卅項城簿

勅具官鄭德明察佐之才勾稽之職膺茲除授勉在
恪勤儻有勞能豈無外獎

耀_州州_司法_王繼_榮可_邠州_宜祿_簿前_耀州_同官

尉_陶化_成可_耀州_司法

勅具官王繼榮具官陶化成一邑勾稽之任六職掌

埋命

遠乃字存

法之能苟非廉明寧副獎用令以繼榮佐邑埋命化
成列椽曹無忝予恩勉恭爾職

前舒州太湖尉方寧和州歷陽令

勅具官呂文仲舉具官方寧今歷陽令闕員方求廉
平之吏俾之撫綏而文仲稱爾理行是用命爾往莅
厥邑苟三載考績課第頗高是文仲不謬舉人而爾
亦不悞知己也

前大理評事呂覃可舊官

勅具官呂覃孝為百行之本禮有三年之喪爾居親
憂既去厥職今除禫制宜復舊官獄讞是思朝章勉

宜秋館精鈔本

稱無忘聿修之訓更揚匪懈之名

前夏州節度推官王九言可宋州觀察支使

勅具官王九言早彰佐幕之才能舉鞠刑之職秩滿
受代課第可酌睢陽詔條方藉參贊勉荷甄升之異
渥用伸廉恪之政聲

馬守榮諸司副使

勅具官馬守榮早列班資頗聞恭謹屢膺朝委亦著
勞能向公周急於夙宵莅事足彰於才識苟無勸賞
寧表旌酬是用進階秩於明庭列職司於近務更觀
勤恪式副甄升

如京副使劉承德可濠州團練副使崇儀副
使劉永恭可潁州團練副使供奉官劉永和
可武騎尉唐州長史

刺具官劉承德等各榮使職或列庭臣事吾軒陛之
間雖經任用更爾內外之命式示遷除貳車之榮上
佐之職恪謹日守循省勿忘

大理寺法直官傳王可廬州錄事參軍

勅具官傳王精彼刑書直于法寺三載既周於考績
六聯宜示於陟明用旌丹筆之勞特茂紫泥之寵爾
其表儀諸祿糾正群司來効儻伸叙遷亭各

宜秋館精鈔本

衛尉寺丞張自明可右贊善大夫賜緋

勅具官張自明早以時才列于通籍嘗因左宦寘彼
京寮間兢慎之聿修在獎升之可復青宮命扶萬綬
采章無忘若厲之誠勉荅惟新之寵

右贊善大夫知大理少卿李壽可秘書丞依

前充職

刺朝廷以法律委廉平之士以爵秩賞勞動之人茂
績既彰明恩豈吝以爾具官李壽參亞寺卿之職詳
明邦憲之微課最宜旌封章自達俾陟圖書之府以獎
前勞勉膺綸綍之恩且仍舊貫更體哀矜之旨勿渝

明慎之心

追官人韓勵已可青州臨淄簿勅停人王崇

吉可建州建陽簿

勅具官韓勵已等早歷官途嘗因公過既聞修省宜復遷升各膺佐邑之榮勉字人之政無忝茲授俾飾自新

除名人宗文武可東岳廟主簿

勅除名人宗文武雖勅官常有虧家檢抵律既從於除免滌瑕宜示於甄升祇命嚴祠無忝句稽之職榮名官路更度如在之誠

宜秋館精鈔本

故淄州刺史景贈太子太師李處勅可贈侍

中

勅

勅

勅
宜用勅字
李處勅

勅國家褒贈之恩臣子哀榮之典式昭故實可舉而行故具官李處勅忠亮事君韜鈴立節既荷葭莩之寵宜增漏壤之恩矧堂構之上言莫瑛詞之飾寵俾列珥貂之貴追酬露冕之榮貞魂有知可膺賁贈

勅停人郭文集可邢州平鄉令

勅具官郭文集頃為宰字既失兢廉滌瑕宜示於恩榮出綍俾新於邑理勉膺嘉命以補前非

追官人吳衡可密州安丘令停官人陳吉甫

循
同

鄧
左集
任鄧

可陳州商水尉劉鼎可晉州汾西簿
勅具官吳衡等各因遺曠追削官資既推舍垢之恩
宜復惟新之命或升宰字或掌句稽當補過以省
副盡公於錄用

相州永定令李昭嘏可濮州鄆城令

勅具官李昭嘏臨蒞邑政頗著廉能部送軍儲嘗聞
了辦洎繁難之試可亦勤幹以足稱既召對於軒墀
宜踐更於銅墨撫綏勸課稱茲寵榮

太子中允御史臺推直宋鎬可監察御史

勅具官宋鎬憲府為察公才稱朕既茂強明之績仍

宜秋館精鈔本

聞慰薦之言霜簡遽升勉服輝光之命臺網整肅更
觀糾察之能

左贊善大夫程文度可監察御史充荆湖轉
運使

勅國家轉輸之任荆湖衝要之邦必擇周才付茲重
委厥職既稱於繁劇改官宜陟於清華以爾具官程
文度以文學策名以貞固幹事嘗蒞京口鬱有政聲
俾升執憲之班往莅汎舟之役伸爾嘉畫稱予懋思
儻奏課之有聞固陟明之無吝

賜中丞知貴州朱允元可國子博士

時

勅具官朱允元南海列郡貴為衝要之邦爾昔頒詔
條分憂寄而廉幹之外方畧用心嘗與轉掩捕寇
賊谿洞既聞於靜謐袴襦諒藹於聲光苟無旌酬
示獎勵是用升爾為學官之秩亦表吾通籍之間有
能副予委任可以為邊吏也勉膺寵命無替始終

司門郎中知福州源護可兵部郎中依前知

州

勅朝廷命南宮郎分吾憂寄而荐歷繁劇以課第上
聞者得不時隆異獎超授名曹以勸賞焉具官源護
早踐周行素彰公幹所至為理雅有政聲方茲念勞

宜秋館精鈔本

懋其成績會以章奏達于聽聞予於寵榮固無所吝
是用命爾為司戎大夫在郎署間實為華顯東冶名
郡勉布詔條無怠初終佇聆殊効

起復如京使順州團練使石保興可落起復

加金紫光祿大夫依舊官

勅內列近司外分憂寄委任之恩斯茂旌酌之命宜
隆具官石保興忠諫存誠恭謙得禮克嗣弓箕之業
頗知鈐畧之書寵之以剖符榮之以練武而能敏於
莅事勤以奉公於貴介諸子之間無簡傲驕人之性
嘗因在疚爰舉奪情既終制以加恩必進階以懋寵

勉荷惟新之澤無忘盡瘁之心

界歸明人張崇敏康廷弼可將軍

勅具官張崇敏朕以環列之尹翼衛之班苟非忠貞
寧稱甄煥以爾名彰毅勇識蘊變通嘗受職於虜廷
願輸忠於魏闕馳驅入塞既傾葵藿之心優異推恩

宜濡雲天之澤拱宸峻秩爪牙之之寄攸親事主良
規金石誠益同勉膺嘉命彌勵匪躬

勅康廷弼志稟忠良心明逆順恥列首渠之職來歸
禮義之鄉臣節可喜子思豈吝是用真于拱環之秩
摠諸交戟之班賞爾勤勞襲朝廷之冠蓋表吾寵異

宣統館精鈔本

存本曰

此位是
目位是

水字庫本增

真字庫本增

參宸極之爪牙勉思盡瘁於夙宵無忝殊常之渥澤

前果州西充尉陳文廣可陳州南頓令前秦

州清水尉林思問可耀州華原令

刺具官某等民乃朕之赤子爾為朕之命官念黎庶
之是親實慘舒之之憂繫以爾尉司罷秩俱聞捕獲之
勞宰邑闕負命布清廉之政勉思恭慎以答恩榮

習進士李涉可宛丘簿

刺李涉文藝飾身進修為業雖月桂未題於金榜而
縣花宜佐於銅章仍以爾父居樞近之司有義方之
訓試爾公幹列于官途勉贊親民勿忝殊渥

咸平集卷之二

大名府參軍党待問可鄆州盧縣簿

勅具官党待問早居官序頗歷公途俾伸莅事之才
往佐親民之任恪勤自勵甄錄斯酬

戶部員外郎充史館修撰胡旦可知制誥

勅朕以王道致時雍人文化天下而訓誥之職侍從
之臣必敷求其才簡拔精選俾朕約束言語與三代
同風以爾具官胡旦學識該通筆力道健傑出多士
綽有大名自中臺為郎史閣供職得春秋之微旨見
褒貶之餘才然未司吾言寧滿爾志是用升于清切
之禁觀其潤色之詞無令元白常揚專美前代勉修

宜秋館精鈔本

大
名
初
傳
文

儒行以荅殊恩

陳州參軍劉澤可光州司理判官

刺具官劉澤稷易更負佐理刑獄既資廉幹俾無滯
留爾方自乞於効官予即命之以莅事勿孤獎擢更
勵恪勤

勅賜同學究出身趙日用可徐州彭城主簿

勅具官趙日用以爾兄作掾饒陽歿於王事存亡之
念良所嗟稱昆仲之間宜加甄錄佐邑為理莅事効
官慎守廉勤以酬獎擢

許州司法宋可觀可許州司理

勅具官宋可觀爾事郡為司法祿而長吏選擢可典
獄刑無以丹筆之重輕而侮黃沙之鞠効往踐厥職
勿累知人

故容州觀察使劉文裕可贈寧遠軍節度使
勅朝廷褒贈之恩臣子哀榮之典載稽彝訓式表始
終具官劉文裕韜畧英才公侯令德稟直方之器識
茂勲績於旂常自廉問宣風化條綏遠賓海著兼禰
之詠佐時圖鏤鼎之名奄忽遽聞悼傷寧弭宜舉飾
終之禮用彰念往之懷旌節之榮藩宣之秩俾增輝
於寃宥亦追寵於明靈真魂有知欽茲責飾

宜秋館精鈔本

理學李在禮

將作監丞朱澤可右贊善大夫

勅具官朱澤素曉習於科條備覆詳於按牘俾差推
鞠益見精勤敷奏之言明敏其事可茂勞能之賞用
彰旌陟之恩勉祇命於儲闈莫增榮於閭籍

廬州慎縣尉盧顯忠可廬州合肥令

勅具官盧顯忠格令近條全火復獲賊殊其考課旌以
勞能爾効官既著於廉勤舉職頗聞於屏肅宜更黃
綬俾佩銅章爾其惠卹惇嫠敦勵風俗使農桑知勸
而興賦及期當議獎升勿忘終始

供奉官殿直前承旨加恩

復李在禮

初印下

勅具官某朝廷耕籍之儀綸綍階升之命用均慶賜以勸勞能以耳忠於事君勤於莅事列班行而素久經委任以居爰既因作解之辰宜洽惟新之寵勉成茂績以稱殊私

樞密院押衙知客李繼敏可東明令

勅具官李繼敏朕隸樞機之地服勤典謁之儀言念勞能方行慶賜睦惟畿邑委以親民勉守官箴勿辜朝獎

襄州鄧城尉權知穀城縣事褚德臻可穀城令

宜秋館精鈔本

洎

勅具官褚德臻効公勤於尉職權宰字於鄰封二邑之民稱爾廉幹十連之帥舉爾強明俾之布政於象雷必能綏我之赤子勉致惠和之化以酬旌陟之恩著作佐郎郭堯卿可殿中丞

勅具官郭堯卿素有公才明於法律即達詳刑之旨尤彰鞠獄之能洎覩敷陳宜加獎擢俾自麟臺之秩升為御府之寮勉荷寵章無忘恭恪

御史臺孔目官門下省雜事南曹諸司勒留歸司等官可中書省主書門下省主事千牛衛長史及簿尉司馬勒留并出外縣簿尉

勅國家以耕籍之儀儀內外洽涵濡之命具官某等官
曹委質公幹小心星霜備歷於勞能雨露宜均於思
渥省庭禁衛郡佐邑僚各勵恭勤以奉爾職

夏州錄事參軍宋若拙可著作佐郎

勅具官宋若拙爾為糾掇綽有公才載披敷奏之詞
且懋勤勞之績蘭臺美秩小著華資勉膺獎擢之恩
更勵恪恭之節

咸平集卷第二十八終

宜秋館精鈔本

咸平集卷第二十九

京兆田錫

制誥

諸衛上將軍宋渥等加恩

勅朕以躬耕之禮初畢於東郊慶賜之恩方行於北
闕矧在拱環之列早彰^勳衛之勲宜茂寵章以新賞
典具官宋渥等為吾心腹列在爪牙忠貞之大節無
渝英果之威名自得功崇社稷勲鏤鼎彝擁旄疇昔
之殊庸出綽惟新之寵數恩光並及渥澤斯均俾增
并賦之榮用洽籍田之慶勉膺嘉命益勵輸忠

朔
初
之
初
初
初

永清彰德等軍節度使駙馬都尉王承衍男
世隆魏咸信男亮並加階勲如京副使

勅具官某男某生于咸里為吾外孫稟明訓於義方
昭令名於士範才能可試慶賜宜均是用加珥貂騎
省之資帖執簡烏臺之秩茂之勲賞進以階資益于
使局之名命以副車之職勉圖成効無怠寵光

河中府推官張文琇可大理寺丞

勅具官張文琇自膺朝獎往贊藩條睠惟按鞠之能
允協察廉之政長吏言荐廷臣舉揚閱稱善於衆多
俾陟明以旌賞承于法寺典彼刑章勉膺用爾之恩

宜秋館精鈔本

勿悞知人之鑒

前趙州軍州事判官李慕清可光祿寺丞

勅具官李慕清倖彼藩條幹於王事洎銓衡之引對
俾綸綍以旌升是用擢自賓筵列于卿寺甄爾才而
適用體予意以勤公往踐厥官勿忝嘉命

前利州司戶鄭子捷可揚州參軍

勅具官鄭子捷維揚名郡命爾為參卿掾月有幣俸
償爾前勞日無公事以爾備位儻能砥礪別議恩榮
追官人高紳等授官

勅追官人高紳等各因譴累追削官資既當覃慶之

奉奉同停

揚

時宜需惟新之澤廷評理掾禮寺京寮勉勵在公思
補前過

洪州觀察推官馮源可永清軍書記

勅具官劉掾舉具官馮源爾以公才列于賓席按章
旌審莅事強明廷臣舉稱是用甄獎俾掌羽書之職
仍兼霜憲之資廷評且貫於舊銜幕畫佇聞於方畧
儻副知己寧吝加恩

汝州團練推官前知絳州太平縣事路表正
可河南府推官

勅具官路表正爾以賓幕之名徃莅絳臺之邑洎聞

宜秋館精鈔本

考課益見廉能洛師按章朝命推擇勉副甄升之寵
更觀幹敏之才

勅賜同學究出身宋純可密州安丘簿

勅具官宋純爾父適饒陽歿於王事載念公忠之節
特隆慶卹之恩命為邑僚勉學親民之政榮其堂構
俾伸幹蠱之才

內班都知押班已下加恩

勅具官某朕以既舉藉田之禮方覃率土之恩矧列
軒墀常親左右宜均嘉慶俾洽鴻私以爾等奉上之
心無渝忠恪適時之智各韞周通夙宵匪懈以在公

事務服勤以成績爰新渥澤用示甄升或進以階資
或榮其爵邑勉荷雲雷之寵更增班秩之榮

前著作佐郎楊巽可舊官

勅具官楊巽爾以文學之稱列在圖書之府既終喪
紀宜復朝章與秘省之清資實士流之嘉選服勤儒
行砥礪時才別俟恩榮以伸器業

儒州縉山簿李文益可太府寺主簿

勅具官李文益更能廉謹佐宰邑以効官經術該通
在王門而侍教爰因朝慶是陔府察詩書訓導之能
方資師授簿籍句稽之更試公才

宜秋館精鈔本

起居舍人李若拙可鹽鐵判官

勅朕以管權之利軍國是資必求經濟之謀委以重
繁之務以爾具官李若拙素有聞學藹然聲光加以
通明善於操剝珥華軒墀之下直史是咨運籌征賦
之能幹時攸屬勉侔銅鹽之職更觀盤錯之才

幕職加官

勅王者展藉田之禮慶賜遂行賔從列幕府之榮寵
章斯洽具官某等咸懷器業素蘊籌謀或樽壘疊疊
之談能申婉畫或牋奏翩翩之俊俱藹聲光渥澤且
均華資式叙粉闈兼秩勲籍增榮勉揚裨贊之才用

畫畫誤

武庫集上卷

答優隆之命

秘書省正字劉巨川可太常寺太祝

勅具官劉巨川朕以爾父歿於王事念往卹孤命爾
効官列於秘閣當慶賜遂行之際申賞延于世之恩
勿墜家聲勉揚官業

勅停追官人林嶠等加官

勅勅停前某官某嘗因譴累除削官資既逢慶賜之
辰方舉棄瑕之典任寮軍倅尉掾奉常勉膺霧縠之
恩以補曠遺之過

堂後官一十五人轉官

宜秋館精鈔本

唐厚本在唐
右目三三三

若年任共

勅國家行藉田之禮舉慶賜之時以爾具官某等素
以才能早彰勞績丞相之府既列職以為榮王者之
恩方出綸以均寵蘭臺美秩棘寺華資勉祇荷於寵
光更靖恭於官次

守當官等二十人受官

勅具官某等各以勞能勤於職次既偶舉恩之際可
膺進秩之榮宜錫階資或升佐職題輿初命勉荷殊
遷無忘夙夜之勤以答雲雷之澤

故諫議大夫劉保勳可贈工部侍郎

勅生享顯秩歿有追表君親終始之恩彰臣子忠貞

封侯年本

成平集二十一卷

三

身歸忠貞

賸

之節况歿於王事殲我邦良宜因車慶之辰特茂飾
終之典故具官劉保勳早登華貫素藹嘉稱玉瑄融
和粹之誠冰壺潔清之操踐更臺閣茂著風猷正
直表於播紳簡庶允於公議洎邊朔平戎之後見馳
驅盡瘁之勞哲人其萎悼百身以何贈徽章有贈加
三襚以寧忘是用旌爾身貞鬼因于大慶冬官亞卿之
秩可責漏泉勤王隕命之靈諒歆玄澤申思念往式
表子懷

前大名府朝城令劉昇可京兆府鄠縣令
勅具官劉昇字邑里部送軍儲聞勳幹以奉公因

宜秋館精鈔本

疾病以離任痊損引見除授攸宜鄠杜之間賦輿為
劇臨莅之際庶恪居先親吾之民勉爾善政

宋州寧陵尉趙全可本州左司理

勅具官趙全朕以郡理獄之掾必委庶勤聞爾作尉
寧陵頗彰公幹宜膺新命往莅厥官儻罔罔以屢空
加綸綍而豈吝

開封府祗候都孔目官左右軍巡使及諸王
府內知客等加恩

勅國家因慶覃恩自邇及遠矧京府左右之職王門
親近之人必均寵榮罔甄勞績具官某選於班秩擇以

身歸忠貞

公才禪祇事於磐維觀恪勤於夙夜果能盡瘁匪懈
畏法保躬式當作解之辰宜洽惟新之澤勉膺嘉命
益勵忠誠

西頭供奉官白守琪可崇儀副使

勅具官白守琪朕以儀衛之司使副之職必求公幹
用稱甄升以爾自列班榮亟膺任委恭恪盡忠之節
周通莅事之能備作彰聞可以遷陟式予職局展乃
時才儻著勤勞更茂光寵

耀州節度李繼捧母漢陽郡夫人吳氏可進
封南陽郡太夫人祖母河西周氏可特封西

宣獻館精鈔本

河郡太夫人

勅耕籍之儀則后妃獻種莖之種閭闈之慶則命婦
進湯沐之封具官李繼捧母賢和並茂貞淑允修捧
粟得婦贄之容蘋藻協母儀之訓生育令子為吾師
臣剖符伏鉞之榮既彰家範石窠魚軒之貴宜懋國
封勉遵內則之規佇奉公桑之禮

東頭供奉官折御冲可崇儀副使加階勳

勅具官折御冲早列通班素彰勤績祇命屢膺於任
使莅官備悉於器能是用旌酬以勸勞効帖以省秩
兼之憲御仍觀適用之才俾列副車之職勉於忠恪

以答恩榮

故左僕射致仕贈侍中沈倫可追封魯國公
勅追榮念舊悼往申思方當覃慶之辰宜舉飾終之
禮故具官沈倫巖廊耆德社稷純臣輔邦國以貞方
遺子孫以清白儒行昭明於信史忠規模範於搢紳
既諧止足之誠遽起殲良之歎德音豈昧慶澤宜優
龜蒙進大國之封洙泗協漏泉之澤式揚嘉命以慰
英魂

六宅副使張茂宗可西京作坊使

勅具官張茂宗嘗以文學早策科名爰自清班俾從

宣統館精鈔本

使職謙恭周慎所莅可觀勤幹通明何用不適雖未
周歲律而益見時才宜自副車之名序遷繕工之局
表文武之兼濟彰委任於踐更勉答寵光別伸殊勅
宰臣三代追封

勅國家覃慶賜之時幽顯追崇之典實因賞以示
勸旌貽厥以延恩某官某曾祖母淑善慈仁既作嬪
於祖德賢明軌範果垂慶於孫謀宜其光大庭闈昭
宣輔弼湯沐遺榮於封國雲雷飾寵於漏泉

皇姪孫惟叙等三人加官

勅朕以勸勉三農既舉藉田之禮敦叙九族宜均出

榮
年
有
任
美

綽之恩所以榮茂本枝繁昌奕世也皇姪孫某等岐
嶷早彰於令器溫恭自毓於賢才閱詩禮以飾躬諷
幸璋之比德或慶隆朱邸或粹稟青宮協雅頌於振
振錫貽謀之翼翼是用榮之階爵列在拱環燕中臺
端撥之資加憲府準繩之秩增其勲賞進以戶封爾
其礪行以砥名勿怠推忠而盡節佩此明訓為吾令
孫

致仕分司等官加恩

勅國家行藉田之禮內外覃慶澤之恩比雨露以咸
均協地天之交泰以爾其官某等各以才行萃列班

宣統館精鈔本

資或洛邑分曹荷朝章於結綬或燕居優秩得禮典
於懸車增其井賦之榮茂以勲階之賞俾膺嘉慶以
洽鴻私

押東郊進奉衙內指揮使并衙前職員等加
恩

勅籍田之禮所以獻種稷奉粢盛躬耕既畢於三推
覃慶是均於萬國某等各以將命來貢明庭宜嘉勤
恪之誠俾浹涵濡之勉膺寵異更公忠

翰林書畫琴阮醫藥等待詔加恩

勅籍田之禮久廢今朕行之慶澤之恩既普與衆同

風聲在位

官制

之某等技藝精通履行純謹各奉禁林之職風彰藝
圃之名覃恩既洽於涵濡祇寵勿忘於惕勵

中書守當官李恭等五人可簿尉

勅具官李恭等各以公勤供於職次既布惟新之慶
宜膺懋賞之恩邑佐親民尉司主盜廉慎勉脩於官
業甄升寧各於朝章

追官人張仁操等除官

勅張仁操等有過則既正典章遇赦則必該慶賞宜
霽龐洪之澤用昭蕩滌之恩改行自新以酬寵渥

攝太祝郭貴可正太祝

宜秋館精鈔本

勅具官郭貴朕昨率古禮耕籍田祀先農遵故典而
太常六祝或有攝官以爾貴恭命祇肅奉職勤勞必
也正名以示優渥爾其砥礪用答恩榮

知制誥制

勅朕嘗讀漢書閱其制詔譽不過實詞不近誣有周
官之遺風得王言之大體深詳其旨嘉歎久之令命
詞臣典于文誥豈惟周漢之制抑慕唐虞之又苟非
兼才寧副茲選以爾具官某名卿之子修身踐言士
流之間好古博雅策名以文章之價莅事有廉幹之
稱宣室召之而與言相府命之以再試甚有詞彩可

以甄升是以真之掖垣觀其用爾其秉筆立意代予措詞必有宗師勿近浮鄙俾一時訓誥為千載典謨也

二

勅朕每讀易至言出乎身加乎民行發乎迺加乎遠未嘗不惕然增念所以言必顧行行必顧言書之為典謨用之成風教以爾具官某素有文學可掌絲綸爾知朕之言乎懲惡不近誣獎善不過譽爾知朕之行乎舜聞一善以服膺湯務日新以為德爾秉筆之際斯言莫忘

宜秋館精鈔本

拾遺直史館制

勅諫垣之職史閣之才必文學可稱聲實相副加之識量方協簡求具官某文必宗經學實為已清慎簡直溫恭粹和自中第於時髦既效能於官業聞其聲彩是用詔徵列獻替之清曹觀紀述於直筆斯為嘉寵爾其勉之

二

勅書館之職不限資地亦無常負惟文學兼著名識文茂者得與茲選以爾某策名時俊流譽科場修詞益勤為學自懋洎試之莅事亦藹然有聲是以召詣

公車待問宣室茂秀文行果稱詢求筆削箴規可以
超獎佇諫垣之風彩揚史閣之聲光副子憐才無忝
厥職

三

勅朕以六經之術化於人以三代之文訓於下俗用
丕變才亦挺生時之得人斯亦為盛以爾某精用意
於為文無倦勤於積學日擢科第迨歷官常籍籍之
名流在衆口翹翹之選簡于朕心是用升之諫寮真
為良史佇爾匪躬之節仲爾執簡之能無伴得人專
美前代

宜秋館精鈔本

著作直館制

勅蘭臺著作史閣清華苟非其人何以輕授以爾某
策名俊造馳譽草流試之臨民善於為政專於好學
敏於屬詞吾觀有書可以資爾之游泳直館之職足
以榮爾之聲光

二

勅麟臺有著作之局晉則專掌注記唐則兼撰碑辭
稱是職名必擇英茂以爾某敏於為學長於屬詞性
稟貞方識亦通悟真之秘閣足茂爾之光輝閱我群書
更廣爾之聞見無忝甄擢以孤恩榮

賸餘如蹟

諫議大夫制

勅朝廷設諫諍之臣舉歲規之職雖云慎選實在無遺何以忠謹在乎人而用捨由乎上或直言未當或敢諫不從徒為備員適謂虛器也以爾某素有文學頗歷官常効用以來聲塵有得觀其風度之淹雅曠其理行之貞方是用升于諫垣列為近侍六典謂事之大者庭諍事之小者上封爾無越思靖恭斯職爾無養望或忝厥官行聞謇諤之名稱我清華之選

幕職州縣官料錢勅

勅王者設官分職求才任能俾庶績以允釐即黎元


宜秋館精鈔本

之受賜然責其廉則豐其祿督其理則足其家朕自臨御以來十有四載或親民之吏或佐幕之寮觀其考課之間悉乃庶平之績苟不均其資俸何以絕其覲覲自來應幕職州縣官料錢皆一分見錢二分折色今有司建議事貴酌中宜令今後中停支與見錢一半支與折色俾令稍足更勵向公凡爾庶寮勉荷優渥

咸平集第二十九卷終

宜秋館精鈔本

國家圖書館, NATIONAL CENTRAL LIBRARY, TAIWAN, R.O.C.



咸平集卷第三十

京兆田錫

考詞

○錄事參軍朱適

具銜朱某糾轄勤廉監臨辦濟檢身守法精意奉公
詢於衆人甚有清譽據考課令明於勘覆稽失無隱
為旬檢之最一最以上有一善或無最而有二善為
中上朱適明於勘覆稽失無隱之外有清慎明著之
善考課宜為中上

涇縣簿王中古

具御王中古考課之令品第有常功即明言過亦具舉示否臧之必信莫黜陟而可憑王中古既職簿書兼司寇盜閱其所理良亦能官獲賊之功以勞可賞輸銅之罰非已受賕依長定格豈肯有殿罰者其考亦降一等今考宜書中下

太平令賈昭偉

具御賈昭偉宰理太平縣歷二考版圖開戶數及三年地賦所征摠有二萬國家恩信逮下凋弊漸蘇而能莅事施勞在公無過考課品第格令分明善不妄加詞尚撫實今考依書中上

宜教館精鈔本

太平簿張誦

具御張誦披詳考帳品教政能市肆無賒苛見其廉也宣省無責罰知其寡過也擒獲正賊表其有功也佐理一邑彰問三善飾詞難下恐亂否臧實錄可稱信若符璽依令與格考書中中

南陵令孫甚夷

具御孫甚夷國家克復江南選擇良吏_委宰字俾無凋殘殊甚夷邑在南陵政稱寬簡版圖計戶流者旋歸與賦常程久者有納准長定格第二考且書常考宜曰中上

南陵簿楊光益

具銜楊光益佐理南陵譜詳吏道郡中諸掾稱舉其名無何司寇闕負俾之承乏觀其所理勤恪廉平召而與言謹恭恭遜洎來書考再審厥官在任無曠遺莅事能幹辦初考獲賊准格不許更書今考獲賊依令得以稱善據考課令四善二十七最中恪勤匪懈為一善職事修理供承強濟為監掌之最一最以上有一善為中上品較諸邑課績可稱雖進考有文而定格難越俟至終考旌陟良才今依書為中中

寧國簿康震

宜秋館精鈔本

具銜康震邑有萬戶闕令與尉能兼甚其職善守厥官有司稱刑獄無冤考帳見宣省無罰頗獲賊盜賊良辦徵輸考司憑品較之詞真筆絕否臧之幸依按格令書曰中中

宣城令母克溫

具銜母克溫宣州六邑宣城居首閱其板籍僅二萬戶較其租賦盈十萬數兵戈之後災歉相仍凋瘵之餘葺理非易母克溫植性寬簡莅事廉平既闕佐寮又兼捕盜考較在任自無踈遺品第其功依書中上

司法參軍張玄珪

具銜張玄珪精詳法書諳熟吏道勤廉通悟而秉節
無渝遜順恭和而臨事有斷聖朝平復疆土擒滅姦
雄吳之奧區宣為劇郡習俗未深於教化比年仍值
於凶荒民貧盜生自擬刑網訟多事冗空躋政條張
玄珪三載莅官庶事能理有司勤帳稱獄無寃考狀
較能直詞無愧據考課令推鞠得情處斷平允為法
官之最公平可稱為一善有善有最書為中中

涇縣簿王中古

具銜王中古莅官以來今滿二考邑吏供帳府掾按
詞課績有無臨莅臧否煥然斯在可得而書徵督租

宜秋館精鈔本

征多及分數取責市肆稱無賒苛仍獲賊徒足為功
課今依令格書為中中

旌德簿劉德元

具銜劉德元詳覆版圖考閱帳狀旌德名邑令尉闕
負能兼厥官無曠所理擒捕盜賊徵督賦輿詢會有
司比較終考無宣省責罰無市肆賒苛臨莅疲民無
幾奉職按格考第書曰中中

錄事參軍朱適

具銜朱適宣城之郡古號名藩皇風近被於全吳遺
俗尚疑於大信民鮮畏法獄不暇空矧以歲徵之征

踰五十萬月供之籍僅百餘帳管庫出納儲廩支收
旬稽簿書主掌刑禁適在厥職衆稱其廉年任再周
課考有令善最如一品第無私詞何敢誣書為中上

南陵令孫甚夷

具銜孫甚夷自宰南陵已周三考常式佛書於後績
有司上請於直詞湖鄉地早水潦繼作吳中俗薄恩
信未知加以農鮮服勤逃者太半賦有常限勅有倚
微課第臧否帳狀可覆詢於掾吏援行格文事有可
憑許書常考曰中上

南陵簿楊光益

宜秋館精鈔本

具銜楊光益司寇改為司理聖朝新典也楊光益召
自南陵權理院事將僅周歲乃得替人有司具舉其
勞能常式請書其考第因閱所斷之獄杖刑三百七
十九徒罪三十五大辟五十六輕繫遞罰摠而計之
凡七百餘人吏稱廉平人無怨讟直筆旌顯書曰中
中

寧國簿康震

具銜康震寧國萬戶之邑征賦管權僅十餘萬朝廷
選吏難可其人震莅厥官令尉俱闕上兼宰字之政
下摠擒捕之司邑無流民人鮮為盜徵斂云足征利

弗虧衆人悅寬裕之心諸邑推辦集之地按考帳而下直筆固無矯焉考書中中合終考之格令也

司法參軍張玄珪

具銜張玄珪國家長定格考課條件凡一十有六應州縣吏員考滿未替在任復經於周歲有例許書於四考張玄珪掌用筆定刑之外兼權戶掾仍主旬司錢穀簿書常勤較覆賦與條限靡任舉行戶雖有逃稅幸登數詳條內災沴之處許得常考六邑乃江湖之地頻年罹水潦之災考書中中亦合常式

宣城令母克温

宜秋館精鈔本

用厚存政
主厚存治
與後代政典

反厚存
反厚存
反厚存

具銜母克温在蜀乃公卿之後聖朝受擢用之恩渡江而南莅宣首邑性寬裕政簡易在任滿四載今書第四考憂徵之賦反九分已上災傷水潦戶逃二千四百按格令之常式詳考課之舊條直筆無私書為中上

太平簿張誦

具銜張誦與賈昭偉共理太平之邑俱滿三考司分雙伸於考帳品量各見其官才戶口存亡賦與納欠課績次第臧否無殊書為中中循舊式也

太平令賈昭偉

具銜賈昭偉國家設考課之法官吏在任功過必書
將以憑否臧而定黜陟也江南歲多不稔農鮮服勤
信卜筮而佞鬼神棄耕桑而從網罟是以民無土著
家無積儲太平在公邑之間土田瘠而物貨薄災傷
之地常考可書今依仍第二考書為中上

涇縣簿王中古

具銜王中古涇州獨理考限三周常程賦租徵斂有
足全火盜賊擒捕無遺品第功勞直詞無愧中中之
考依格而書

咸平集卷第三十終

宜秋館精鈔本

宜秋館

存本
作詳
錄
錫
任
存
易
直

先君贈工部郎中墓碣

先君諱懿字伯達嘗誨諭曰余忝本京兆人因唐末
亂離僖宗幸蜀爾祖徙家至于此錫披譜諒錫高祖
開曾祖錫祖誠皆高尚不仕先君好術數聚書數千
卷博施濟衆交親有婚嫁之累而屢貧者悉為嫁娶
焉捐館之年無疾而終嘗先會鄉里別親族大署于
廳事之南廡壁曰亡六月二十三日果於是日終焉
蜀後主時陵州刺史趙庭讓聞先君好古博施之名
署攝本郡司馬享年四十有八以丁巳年六月二十
三日終乃周顯德五年蜀廣政二十年也冬十二月八日葬

宜秋館精鈔本

姊

于縣西北歸仁鄉崇教里大塋也先君嘗作壽墳既而筮之曰斯墳也吾不得而居之洎沒後果別卜宅兆而葬焉先夫人楊氏世以孝行稱事舅姑以孝聞婦道母儀合於詩禮甲寅年十一月五日終享年四十三乙卯年春二月葬在先君墳西南五十步以龜筮叶從不宜行合祔之禮由是先君之葬同大塋而別封樹錫兄弟三人兄繼雲錫名繼冲後改曰錫弟繼英姊一人適宋知讓妹二人仲適鮮延壽季適楊懷貴俱以令淑聞雲後更曰筠錫入閩拔解開封府寄應首薦御前就試太宗嗣位之三載歲在戊寅九

宜秋館精鈔本

卿

月二日一舉登第釋褐將作監丞歷著作郎左拾遺右補闕起居舍人知制誥兵部員外郎戶部吏部郎中弟英在故卿守先人之舊廬錫弟兄相次云亡兄亡於鄭弟終於蜀錫幼好讀書慕楊雄相如為文先君曰觀爾之性必先大吾門也當立身揚名勉副吾望吾望乎爾也歷諫省拜章言事太宗以勅書獎諭曰勅田錫省所上書具悉汝賢路奮身諫垣就列罔効循循之輩竊祿居官思齊諤諤之臣拜章言事適符虛位諒慰深哀朕頃以交趾封郵非時怙亂廣南轉運有狀奏聞言其王師之衆枉被賊臣所害念其

序本少學博
二子

依序本
字伯象

七言曾二月十九日

曾未効貢豈可不為救焚爰命偏師往安彼俗固不
貪其土地况尋罷其干戈且如京西閑田素來窪下
就開池沼良有其由一則以安泊戰舡一則以澄滷
水潦既益皇都之壯麗亦資士庶之遨遊况其批後
之流皆是下軍之士固不曾差驅編戶妨奪農功又
如髡鉗之刑前王所用若比之於剗削諒有其等差
且令斷頭之徒得遂全身之路誠非酷法却大好生
自覽爾封章固亦軫余懷抱見令檢尋制度別較重
輕今後凡有見聞更在無解獻替或行或寢斷自朕
心盡節盡忠勿渝爾志其於嘉歎無廢寐興故滋獎

宣秋館精鈔本

諭想宜知悉洎 太宗晏駕 皇上嗣位 太宗所
賜勅書已編於實錄矣先君諭之言俾立身揚名以
光門族幸兩朝遭遇 聖主身既立而名已揚矣先
君累贈工部郎中先夫人追封京兆縣太君慮年祀
寔遠乃撰表墓之碣立于先君夫人二墳之間嗚呼
霜露之感載懷怵惕風樹之悲無所迨及思畫錦還
鄉而未遂涕泣西望 嘉州通判大理評事萬簡赴
任託召妹夫楊懷貴與姪嗣宗同訪求真石以刻斯
文時咸平五年歲在壬寅冬十月十日嗣子朝請大
夫尚書吏部郎中兼侍御史知雜事上柱國京兆縣

書

國字英金
依原字補

開國男食邑三百戶賜紫金魚袋錫撰述

己未九月中旬就北京 天津閱本詳較 振唐

宜秋館精鈔本

